

АБДУРАҲИМ ЭРКАЕВ

МИЛЛИЙ ФОЯ
ВА МАҶНАВИЯТ

ТОШКЕНТ «МАҶНАВИЯТ» 2002

Китоб маънавият масалаларини ўрганувчиларга илмий ва услубий ёрдам, кўлланма сифатида ёзилган. Унда муаллиф «Маънавият асосла-ри»ни ўкув фани сифатида асослашга, унинг предмети, тадқиқот ва ўрганиш обьектини, бошқа гуманитар фанлар билан алоқасини очиб беришга ҳаракат этган.

Китоб ўкувчилар, талабалар, маънавият ва маърифат иши билан бевосита шуғулланувчи мутахассисларга мўлжалланган.

**Масъул муҳаррир — С. Шермуҳамедов,
Ўзбекистон ФА академиги,
Ўзбекистонда хизмат кўрсатган фан арбоби**

I қисм

ЎЗЛИКНИ АНГЛАШ: МИЛЛИЙ ФОЯ ВА МАЬНАВИЯТ (Сўз боши ўрнида)

Мустақиллик йиллари жамиятимизда юз берган ўзгаришлар миллий ўзлигимизни англашни, миллий фуруримизнинг ўсишини янги босқичга кўтарди. Энг аввало халқимиз миллий манфаатларини чукурроқ ва кенгроқ тушуна бошлади. Биз ким эдик, нималарга эришдик ва қайси олий мэрраларга, мақсадларга интилмоқдамиз, деган саволлар жамият аъзолари аксариятининг ўй-хаёлидан мустаҳкам ўрин олди. Миллат тақдири, мамлакат келажаги масалалири ҳеч кимни бефарқ қолдирмаётир, ҳамма уларга ўзича жавоб излаётир, десак муболага бўлмайди.

Айниқса, халқнинг олий мақсадларини, орзу-истакларини, ижтимоий мўлжалларини мужассам акс эттирадиган, уларга эришиш йўлларини асослаб жамиятни бирлаштирадиган, унинг қуч-ғайратларини сафарбар этадиган миллий истиқлол фояси ва мафкурасининг ягона умумий концепциясини яратиш юзасидан қилинаётган ишлар, чоп этилаётган рисолалар, мақолалар миллий ўзлигимизни англашни янада кучайтиromoқда.

Миллий ўзликни англашнинг ўсиши маънавият масалаларини ўрганишнинг ҳам, тарбия борасидаги амалий ишларимизнинг ҳам сифатига янги юксак талаблар қўймоқда. Бу талаблар 2000 йил 6 апрел куни миллий истиқлол фояси ва мафкураси масалаларига бағишлиланган йиғилишда ва 8 июн «Fidokor» газетаси мухбири саволига берган жавобларида Президент И. Каримов олға сурган фикрлар ва белгилаган вазифалардан келиб чиқади.

Энг аввало Президентимизнинг миллий мафкура ҳеч қандай шаклда давлат мафкураси мақомига кўтарилимаги, айланмаслиги керак, деган хулосалари диққатга сазовор.

Демократик, хукуқий давлатда бирорта синфнинг, сиёсий партияниң ёхуд диний конфессияниң мафкураси

расмий давлат мафкураси сифатида ўрнатилиши мумкин эмас. Чунки расмий мафкура юридик мақомга эга бўлади ва бошқа мафкураларни сиқиб чиқаришга ҳаракат қиласиди. Натижада тафаккур эркинлигига, ғоялар рақобатига, баҳсига путур етади, догматизм ва мутаассибликка йўл очилади, маънавий турғунык бошланади.

Фақат тоталитар ва теократик (диний бошқарувга асосланган) давлатларда расмий мафкура бўлади.

Халқимиз тарихий тараққиётининг, маънавий юксалишининг энг ёрқин саҳифалари мафкуравий ранг-баранглик ҳукм сурган ёки илк ислом даврида мафкуравий мутаассиблик қарор топмаган замонларга (IX—XV асрлар) тўғри келади.

Миллий истиқлол гояси ва мафкурасининг давлат мафкураси эмаслигини таъкидлаш жоиз. **Биринчидан**, уларнинг юридик мақоми, ҳуқуқий кафолатлари йўқ, ҳаммага бирдай мажбурий эмас. Улар жамият аъзолари томонидан, ахлоқ меъёрлари каби, ихтиёрий қабул қилинади. Иккинчидан, улар жамият аъзоларининг бир қисми, бирор синфи, табақаси, ижтимоий қатлами, ҳатто бирор-бир миллатининг тор манфаатларини акс эттирмайди. Балки умумхалқ, умуммиллат (Ўзбекистонда яшовчи барча миллатлар ва элатларнинг) манфаатларини, мамлакатимизда янги қурилаётган эркин, демократик, фуқаровий жамият манфаатларини ифодалайди. У тор синфий, партиявий ёки этник мазмун қасб этмайди ва мамлакатимиз Конституциясининг 12-моддасига зид келмайди. Шу боис миллий мафкурани шаклланадиган фуқаровий жамият мафкураси дейиш ўринлидир.

Мамлакатимизнинг миллий истиқдолини мустаҳкамлаш йўлида нафақат мураккаб иқтисодий ва сиёсий масалаларни ҳал қилишига тўғри келмоқда. Шунингдек, тараққиёт йўналишини танлаш, қурилажак жамиятнинг мазмун-мөҳияти, ташкилий ва бошқарув тамойиллари, жамият ва инсон муносабатлари қандай бўлиши лозимлиги масаласини халққа тушунтириш, турли ёт, соxта, баъзан эса очиқ-часига қолоқ, реакцион қарашлардан уни ҳимоя қилишга зарурат туғилмоқда.

Президентимиз таъкидлаганидек, мухолифларимизнинг «энг ёвуз қуроли — миллий қадриятларимизга тўғри келмайдиган, энг ёмони, эртага ўрнимизни эгаллаши лозим

бўлган ёш авлоднинг қалби ва тафаккурини заҳарлайдиган бузғунчи мафкурадир»¹.

Фояга қарши foя, жаҳолатга қарши маърифат билан курашиш, ёш авлодни миллий foядга акс этадиган миллатнинг ҳақиқий орзусига — озод ва обод Ватанда эркин ва фаровон яшаш орзусига — садоқат руҳида тарбиялаш учун «фарзандларимиз юрагида она Ватанга, бой тарихимизга, ота-боболаримизнинг муқаддас динига соғлом муносабатни қарор топтиришимиз, таъбир жоиз бўлса, уларнинг мафкуравий иммунитетини кучайтиришимиз зарур»². Шу боис жамиятимизда миллий истиқол мафкураси концепциясини яратиш ва ҳаётий мазмун билан тўлдириб бориш зарурати туғилди.

Муаллиф давлатимиз бошлигининг Ўзбекистон истиқлоли, унинг тарихи ва келажаги, жамиятимизнинг олий мақсади, иқтисодий, сиёсий ва маънавий-маданий ривожланиши, маънавият, миллий истиқол foяси ва мафкураси тўғрисидаги фикр, мулоҳазаларидан келиб чиқиб, «Маънавият асослари» предмети, мазмунига оид баъзи ўй-фикрларини ҳавола қилишни лозим топди.

Миллий истиқол foяси ва мафкурасининг мураккаб тизимидан иборат ранг-баранг маънавий негизлари ажralиб туради. Уларни ҳар томонлама аниқ ва теран тасаввур этиш, миллий истиқол foяси ва мафкурасини жонли мазмун билан бойитиш, тарбиявий ишларни, хусусан, ахлоқий ва эстетик тарбияни миллий негизлар билан янада маҳкамроқ боғлаш учун «Маънавият асослари» бўйича алоҳида ихтисослашган билимлар тизимини ва ўкув предметини шакллантириш мақсадга мувофиқ.

Бу ҳақда гапиришдан аввал, маънавиятни қисқача таърифлаш лозим.

Маънавият энг аввало алоҳида шахснинг, бутун жамиятнинг эътиқод ва қадриятларига айланган foялари, меъёрлари, омолларидир, уларнинг маданий меросда ва урф-одатларда акс этишидир ҳамда эзгу ниятларини, орзу-ҳавасларни амалга оширишга қаратилган ижодкор онгнинг, безовта қалбнинг камолотга интилувчан фаолиятидир.

Маънавият шахснинг ва жамиятнинг инсонийлашиш даражаси, яъни ҳар бир нарса ва ҳодисаларга баҳо бериш-

¹ Ислом Каримов. Миллий истиқол мафкураси — ҳалқ эътиқоди ва буюк келажакка интилишдир. Т., «Ўзбекистон», 2000 йил, 8-б.

² Ўша жойда, 12-б.

да, таъсир кўрсатишда инсонийлик меъёрларидан келиб чиқиб ёндашишидир.

Маънавият кенг маънода шахснинг жамиятнинг ақлий ва ҳиссий дунёси, ҳаёти, уларнинг ташкил қилиниши, такрор яратилиши ва такомиллаштирилишидир. Бугунги кундаги ўзбек халқининг маънавияти миллий истиқлол гояси ва мафкурасини таркибий қисм сифатида ўз ичига олади, уларни озиқлантирувчи, ҳаракатлантирувчи ақлий ва ҳиссий асос вазифасини ўтайди. Миллий истиқлол гояси ва мафкураси ўз-ўзидан ёки кимнингдир субъектив ихтиёри, хоҳишига кўра пайдо бўлиб қолмайди. Улар биринчи галда миллатнинг онги, дунёқараши, ўзлигини ва ўз туб манфаатларини англаши, келажак тараққиёт ҳақидаги тасаввурлари, интилишлари, ўз турмуш тарзи мазмунини такомиллаштириш истаклари ва режалари, маданий меросга ва замонавий қадриятларга муносабати билан боғлиқ. Бошқача қилиб айтганда, улар миллий маънавият негизида, унинг кучли ва заиф жиҳатларини акс эттирган ҳолда шаклланади. Айни пайтда маънавият тизимида миллий истиқлол гояси ва мафкураси нисбатан мустақил характерга эга.

Миллий истиқлол гояси ва мафкураси жамиятнинг маънавий ҳаётига ўзига хос ички муштарақлик, бус-бутунлик ва умуний мақсад бағишлайди. Агар миллий истиқлол гояси ва мафкураси халқнинг ҳақиқий туб манфаатларини ифодалай олса, жамият миқёсида аксарият фуқаролар, ижтимоий қатламлар ва синфлар томонидан тан олинса, маънавиятнинг барча соҳаларига кучли таъсир кўрсатади, тарбиянинг қудратли омилларидан бирига айланади. Агар миллий гоя соҳта бўлса, у умуминсонийликка қарши турса, миллатчиликка оғиб кетса, унда миллат маънавиятида жуда кучли зиддиятлар юзага келади. Аҳолининг бир қисми онгига, баъзи ижодкорлар асарларида, оммавий ахборот воситалари материалларида миллатчилик кайфиятлари ва бошқа салбий мазмундаги ҳодисалар пайдо бўлиши мумкин.

Шу сабабдан ҳақиқий миллий гояни соҳта миллий гоядан фарқлай билиш жуда муҳим.

Соҳта гоя кўпинча муросага кўнмайди. У аксарият ҳолларда мутаассибликка, маънавий зўравонликка мойиллик кўрсатади ва шу руҳдаги мафкуруни шакллантиради. Бунга мисол қилиб фашизм ва большевизм мафкурасини,

буғун диний-экстремизм ва халқаро террорчиликни қурол қилиб олган баъзи гояларни кўрсатиш мумкин.

Агар сохта фоя асосида шаклланган мафкура расмий давлат мақомини олса, унда бутун маънавий ҳаётни, адабиёт ва санъатни, ижоднинг барча турларини қаттиқ назорат қилишга, уларни белгилаб қўйилган андозаларга тикишга ҳаракат қиласди. Натижада маънавият, маданият умуман ижтимоий ҳаёт бир томонлама ривожланади. Тафаккур ва эътиқод эркинлигига птур етади.

Сохта гоянинг хусусиятларидан бири шуки, у ижтимоий демагогиядан кенг фойдаланади, ўзига кенг оммани жалб қилиш учун юксак идеалларни, умумдавлат ва миллий манфаатларни ифодалашга даъво қиласди. У жамиятда, гўёки, қаттиқ интизом ва тартиб, адолат ўрнатилиши тарафдори. Аммо оддий инсон, шахс манфаатларини, тилда тан олса-да, аслида инкор қиласди. Бюрократик давлат эҳтиёжларини умумхалқ манфаатлари деб эълон қиласди ва уларни шахс манфаатларидан устун ҳисоблайди. Жамиятда инсон ҳуқуқларига, шахс эркинлигига беписанд қарашлар вужудга келади. Инсон на ижтимоий мавқе жиҳатидан, на ички маънавий-рухий жиҳатдан ўзини эркин сезади. Сохта фоя ва унинг теварагида шаклланган мафкура инсон ва жамият муносабатларини уйғунлаштира олмайди. Бундай маънавий муҳитда ўсган ва яшайдиган киши руҳий номукаммаллик туйгусини бошдан кечиради, маънавий кемтиклигидан қийналиб яшайди, фаолияти ва ҳаётидан қониқиши туймайди, ижтимоий лоқайдликка мубтало бўлади.

Ҳақиқий миллий истиқдол гояси турли синфлар, табакалар, ижтимоий групчлар, қатламлар манфаатларидаги умумийликни, яъни умуммиллий манфаатларни, халқнинг орзусини акс эттирувчи фоядир. Ушбу сифатда у миллатнинг жипслигини, консолидациясини таъминловчи, ўзлигини англатувчи маънавий омилдир.

Ўзликни англаш шахсий, жамоавий, маҳаллий, минтақавий масалаларни умуммиллий манфаатлардан ажратмай, уларни уйғунлаштириш нуқтаи назаридан фикр-мулоҳаза юритиш, ҳар бир хусусий ҳодисаси умуммиллий зарурат доирасида идрок эта олишдир. Ана шундай идрок замирида умуммиллий орзу ёки миллий фоя туғилади ва ижтимоий онгнинг, миллий тафаккурнинг ҳодисасига айланади. Миллий мафкуранинг ҳаётий мазмунини ҳам ана шундай фояни, орзуни кенг миқёсда талқин қилган, ой-

динлаштирган, ҳар бир соҳа билан боғлаган фикр-мулоҳа-залар, илмий тадқиқотлар, назарий хуносалар, қарашлар ташкил этади.

Мафкура ҳалқ орзуси билан боғланмас, уни ёйишга, унга эришишга хизмат қилмас экан, у тор синфий, ҳатто гурухий, табақавий даражада қолиб кетаверади. Шу боис у, албатта, ҳалқ, миллат орзуси теварагида шаклланиши керак. Мафкура миллий мақом касб этиши учун бу орзу жамиятнинг барча аъзолари, барча ижтимоий гуруҳлари, қатламлари, табақалари онгига етказилиши, уларни бу орзуга интилиб ва монанд яшашга ўргатиши, тарбиялаши лозим. Шундай экан, унинг «халқимизга хос бўлган энг муқаддас туйғу ва тушунчаларнинг мужассам ифодаси бўлиши керак»¹ лиги ўз-ўзидан ойдинлашади.

Миллий истиқдол мафкураси биринчидан, барча ҳалқларнинг тилидан, динидан, этник келиб чиқишидан, жинсидан қатъи назар, барча ўзбекистонликларнинг туб мақсадларини, манфаатларини ифодалай билиши керак. У бевосита ёки билвосита, очиқчасига ёки яширинча намоён бўладиган ҳар қандай миллий, сиёсий, маданий, иқтисодий инсоний камситилишларга қарши ғоявий-мафкуравий тўсиқ вазифасини ўташи зарур. **Иккинчидан**, миллий истиқдол мафкураси ғоялар, фикрлар, қарашлар ранг-ранглигини инкор этмасдан, ҳар қандай мафкуравий мутаассиблика қарши тура олиши, айни пайтда тор синфий, табақавий манфаатларни ифодалашдан устун бўлмоғи керак. Шу боис у расмий давлат мафкураси, яъни мажбурий, юридик жиҳатдан жамиятдаги мавқеи мустаҳкамланган, кафолатланган мафкура бўлишга даъво қилмаслиги шарт:

Учинчидан, у ижтимоий ҳаёт, тарихий зарурат туғдираётган янги муаммоларни ҳисобга олиб, муттасил ривожланиб, такомиллашиб бориши, янгиликларга очиқ бўлиши, фикрий турғунлик ва назарий доктатизмга қарши ўзида ижодий салоҳият, куч яратиши лозим.

Тўртингидан, миллий истиқдол мафкураси нафақат бутун жамиятнинг умуммиллий манфаатларига, шунингдек, алоҳида шахс манфаатларига, интилишларига, ўзлигини эркин намоён этишига, шахс камолотига маънавий шартшароит бўлиб хизмат қилиши лозим. Шахсни ўйламайди-

¹ Ислом Каримов. Ўша асар, 22-бет.

ган, унинг манфаатларини жамоа ва жамият манфаатларига қурбон қиласидан мафкуранинг оқибат натижада истиқболи йўқдир. Буни совет коммунистик мафкураси тақдири исботлаб турибди.

Ўзбекистоннинг мустақил тараққиёти миллий истиқол мафкураси олдига қўядиган юқоридаги каби талабларни давом эттириш мумкин. Санаб ўтилган талабларни қондириш учун миллий истиқтол мафкураси қандай тамойилларга суюниши мақсадга мувоғиқ, олға сураётган фоялари, меъёрлари, хуносалари, хусусий концепциялари қайси мезонлар билан ўлчаниши мумкин, деган саволга жавоб бериш жуда муҳим. Чўнки жавобнинг қандайлигига бевосита миллий истиқтол мафкурасини тўғри талқин қилиш боғлиқ.

Юқоридаги талаблар миллий истиқдол мафкурасининг олий омол ва аксиологик мезон сифатида умуминсоний тамойилларни кўзлашини, миллий қадриятларни улар билан бойиб боришини тақозо этади.

Миллий истиқтол мафкураси биринчи галда турли ижтимоий гуруҳлар, табақалар, синфлар ўртасида ҳамкорлик, миллатлараро тотувлик ва умумтараққиёт йўлида жипслashiш, шахсий, жамоавий, гуруҳий ва миллий манфаатлардаги хусусий жиҳатларга ҳам бирдай катта эътибор қаратиб, уларни уйғулаштиришга ҳаракат қиласиди. Бунинг дастлабки шарти ижтимоий ҳаётнинг ҳеч бир субъектига, унинг на иқтисодий, на сиёсий, на маннавий-маданий манфаатларига, соғлом эҳтиёжлари ўсишига зиён етказмаслиkdir. Зиён етказмаслик тараққиётни қандай таъминлаш, табиат бойликларидан оқилона фойдаланиш ва экология масалаларига ҳам таалуқли. У энг асосий ахлоқий ва ҳуқуқий тамойиллардан биридир. Масалан, ҳеч бир мамлакатнинг бошқа бир давлат билан ташқи иқтисодий, сиёсий ва маданий алоқалари, ҳамкорлиги учинчи бир мамлакатга қарши қаратилмаслиги керак. Буни ташқи хавф ва таҳдиддан ўзини ҳимоя қилиш, жамоавий хавфсизликни таъминлаш, халқаро терроризм ва бошқа аксилинсоний ҳодисаларга қарши биргаликда курашиш зарурати билан, табиийки, чалкаштириш ярамайди.

Зиён етказмаслик шарти қонунчилик борасида инсон ҳуқуқларининг давлат ҳуқуқидан, халқаро ҳуқуқнинг миллий ҳуқуқдан устуворлигини тан олиш ва юзага чиқариш орқали бажарилади. Ушбу тамойил, бир томондан, инсон

эркинликлари ва ҳуқуқларини таъминлашга, инсонни ижтимоий муносабатларнинг фаол, таъсирчан субъектига, жамият тараққиётининг мақсадига айланишига кўмаклашади. Давлат бошқарувининг эса авторитар бўлишининг олдини олиб, унга инсонпарварлик бағишлайди. Шундагина жамият томонидан шахс ҳаётининг ва хос ҳуқуқларининг дахлсизлиги ва мухторий характери амалда тан олинган бўлади.

Иккинчи томондан, миллий маҳдудликнинг, давлат бошқаруви ва назорати тоталитар бўлишининг, фуқароларга, турли жамоаларга, этник гуруҳларга, нисбатан ўзбошимчалик билан сиёsat юритишнинг олдини олади. Ва, аксинча, илфор, умумбашарий меъёрларга, фуқаровий жамият унсурлари ривожланишига, фуқаролар ва давлатнинг, инсон ва жамиятнинг бир-бирига нисбатан ўзаро масъулиятли бўлишига асосланган муносабатларни шакллантиради.

Миллий истиқлол мафкураси, шунингдек, дунёвийликка, диний бағрикенгликка (толерантлик), рационализмга асосланади. Ўзбекистонда 15 та диний конфессиялар мавжуд. Бундай шароитда нафақат диний ақидапарастликка, мутаассибликка мойил ғоялардан истиқлол мафкураси озод бўлиши, шунингдек, бирорта динга устуворлик бермаслиги мақсадга мувофиқ. Аксинча, у динлар ўртасида мулокотни, умумий мақсад йўлида барча конфессиялар ватанпарварлик жабҳасида туришини, турли дин вакилларининг ўзаро маҳдудлашишини эмас, балки ҳамкорлик қилишини, ўзаро дўстона муносабатлар ўрнатишини рафбатлантирмоғи зарур. Диний эътиқод ҳар кимнинг шахсий иши, мустақилликни мустаҳкамлаш, Ватан равнақи ва тинчосойишталиги эса барча ўзбекистонликларнинг умумий иши, деган тамойил ижтимоий онгнинг ажралмас унсурига айланмоғи лозим.

Бу ижтимоий ҳаётни диний ақидалар, асотирлар, мистик қаравшлар негизида эмас, балки замонавий позитив илм (табиатшунослик ва ижтимоий-гуманитар фанлар) негизида, тараққиётнинг объектив қонунларини ҳисобга олган ҳолда, оқилона (рационал) ташкил этишни билдиради. Турли диний мўъжизаларга, азиз авлиёларга ишониш кишига руҳий тасалли бериб, маънавий мадад бўлсада, иқтисодиётни уларга таяниб бошқариш амри маҳол. Лекин дунёвийлик ижтимоий ҳаётда диннинг ўрни ва ролини инкор қилишни билдирамайди. Гап бу ерда амалий

фаолиятда қайси тамойилларга таяниш лозимлиги устида кетяпти.

Давлат сиёсатининг, ижтимоий ҳаракатлар, сиёсий партиялар, меҳнат жамоалари фаолиятларининг иррационал бўлиши, яъни оқилоналийка зид келиши, ижтимоий ҳётни издан чиқарди, инқирозга маҳкум этади. Тўғри, иррационализмдан тўлиқ қутулиш қийин. Чунки турли хил хатоларнинг, адашишларнинг, номаъқул қарорлар қабул қилишнинг нафақат субъектив, шунингдек, объектив сабаблари ҳам бор. Объектив сабабларни бизнинг билимларимиз ва тажрибаларимизнинг муайян давр ва шарт-шароит билан чегараланганигидан излаш керак. Инсоннинг маънавий-руҳий ҳаётида иррационализм маълум роль ўйнайди. Аммо, амалий фаолиятда, онгли танлаш жараёнида, ижтимоий фикрда, дунёқараашда иррационализм рационализмдан устунлик қиласа, жамият таназзулга юз тутади. Шу боис миллий истиқбол мафкурасининг ўзи ҳам рационализмга таяниши ва жамият аъзоларида ҳам рационалистик дунёқараашни шаклантиришга хизмат қилиши лозим.

Миллий истиқбол мафкурасининг асосий вазифаларидан бири баркамол авлодни, комил инсонни тарбиялашдир. Комил инсоннинг дунёқараши соғлом, самарали рационализмга таянади, зинҳор жонсиз андозалар йифиндиси бўлган формал рационализмга, қотиб қолган, мутлақ ҳақиқатга даъво қиласиган доктриномизмга эмас. Формал рационализм аслида доктриномизмнинг муайян кўринишларидан биридир. Самарали рационалистик дунёқарааш учун тафаккур эркинлиги, шахснинг ўз фаолиятига ва умуман мавжуд ҳолатга танқидий, ижодий, айни пайтда ижтимоий масъуллик нуқтаи назаридан ёндашиш хос.

Миллий истиқбол мафкураси мана шундай дунёқарааш шаклланишига кўмаклашади. Мазкур вазифани адо этишда унинг инсонпарварлик моҳияти намоён бўлади. Шахс камолотига, жамият тараққиётига хизмат қилишдан, буни ўзининг олий мақсади деб билишдан бир зумга-да чеклан-маслик миллий истиқбол мафкурасининг муттасил ривожланиб, ижодий бойиб боришини тақозо этади.

Инсонпарварлик, тараққийпарварлик, шундай қилиб, миллий истиқбол мафкурасининг ҳам мазмуни, арконий устунлари, таянчлари бўлса ҳам ижтимоий омоли, мўлжалидир. У алоҳида шахсларни ва бутун жамиятни эзгуликка, эркинликка, ижодга ва тараққиётга рағбатлантиради.

Миллий истиқдол ғоясини тўғри белгилаш, яъни олий омоллар ва истиқболли мақсадларни тўғри танлаш ниҳоятда катта аҳамиятга эга. Бу омоллар ва мақсадлар халқнинг туб манфаатларига ва айни пайтда умуминсоний қадриятларга, тарихий тараққиёт заруратига қанчалик мос келса, миллий маҳдудликдан, миллатчиликдан ёки миллий номукаммалликдан, нигилизмдан холи бўлса, миллий ирода ҳам шунчалик тўғри йўналиш ва самарадорлик касб этади.

Ҳавойи, сароб, нореал омоллар, мақсадлар танланса, халқ боши берк кўчага кириб қолади. Унинг орзу-умидлари пучга чиқади, сарфлаган куч-файрати бекор кетади. Натижада унда ижтимоий бефарқлик кучаяди, маънавий-тарбиявий тадбирлар кутилган натижани бермайди. Унинг эътиқодига ва иродасига путур етади.

Миллий истиқдол мафкураси қурилаётган жамият, сиёсий ва иқтисодий тузум, маънавий ҳаёт, вояга етаётган янги авлод, янги шахс қандай бўлиши лозимлигини асослайди. Яъни истиқдол ғояси мужассам ифодалаган олий мақсаднинг шакл ва мазмунини батафсил ёритади, таҳлил ва талқин қиласи, тушунтиради. Уни ҳаётнинг ҳар бир йўналиши бўйича жорий ва истиқболдаги вазифалар билан — жамиятни тубдан янгилаш, ислоҳ қилиш, маънавий юксалтириш вазифалари билан боғлайди. Фояни мафкуранинг қалби, рӯхи, ўзаги десак, мафкурани бу руҳнинг, қалбнинг мураккаб тузилмадан иборат, ўсувлан, ўзгарувчан ва айни пайтда барқарор вужуди дейиш мумкин.

Миллий истиқдол мафкураси, моҳиятига кўра, тушунчалар, баҳолар, меъёрлар, қарашлар, концепциялар, таълимотлар, ижтимоий мўлжаллар, идеаллар тизимиdir. У воқеликка, ҳаётга муносабатига кўра дунёвий мазмундаги мафкурадир. Давлатимиз бошлиғи таъкидлаганидек, «дунёвийлик, айрим ақидапарастлар даъволаридан фарқли ўлароқ, асло даҳрийлик эмас»¹.

Миллий истиқдол мафкураси тизимида икки даража ажralиб туради — назарий концепция ва маънавий-тарбиявий, тарғибий-ташвиқий амалиёт. Мафкуранинг амалий томони — бу белгиланган мақсадга эришишга қаратилган маънавий-маърифий, тарғибий-тарбиявий ишларнинг услубиёти, ғоявий-мафкуравий воситалари — кундالик шиорлари, даъватлари, чақириқлари, аниқ дастурла-

¹ Ислом Каримов. Ўша асар, 26-6.

ри, тадбирлар мажмуаси, маънавий-мафкуравий муноса-батларни бошқариш, ижтимоий-ахлоқий ва сиёсий мұхит-ни тартибга солиш, унга таъсир күрсатиш ва ҳ. к. Мафкура-вий амалиёт жуда ранг-баранг ҳодиса. Унга кўча-кўйларни безашдан, шиорлар илишдан тортиб, то оммавий ахборот воситаларидаги қундалик ташвиқот ахборотигача киради. Биз мафкуравий амалиёт ҳақида тўхталиб ўтирамаймиз.

Миллий истиқбол мафкурасининг яхлит концепциясини яратишга умумназарий ва методологик масалаларни ҳал қилиш билан бир қаторда ижтимоий ҳаётнинг ҳар бир соҳаси — давлат қурилиши ва демократия, иқтисодиёт, турмуш тарзи, маданий мерос ва миллий маънавият, жамият ижтимоий-табақавий тузилмасини такомиллаштириш ва кадрлар тайёрлаш, ҳалқаро ҳамжамиятда тенг ҳуқуқли субъект бўлиш ва бошқа соҳалар бўйича истиқболли вазифалар аниқланиб, уларни омма онгига етказиш, бу вазифаларни бажаришга аҳолини сафарбар этиш заруратидан келиб чиқиб ёндашиш керак. Шундай қилиб, миллий истиқбол мафкурасининг яхлит концепцияси таркибиға нисбатан алоҳидалашган хусусий концепциялар ҳам киради.

Яхлит концепциянинг ўзи икки қисмдан иборат бўла-ди. Биринчи қисми — соф назария. У қурилажак жамиятнинг ва тарбияланажак шахснинг мазмун-моҳиятини баён қиласди, назарий жиҳатдан уларга эришиш йўлларини асос-лайди, кишилик жамиятигининг, инсон онгининг умумтараққиёт қонунларини, ҳозирги даврнинг курравий (гло-бал) ва минтақавий муаммолари, мазкур мамлакатнинг геосиёсий аҳволи ва ички салоҳияти ва хусусиятлари (локал муаммолар) билан боғладайди.

Концепциянинг иккинчи қисмida ижтимоий ҳаётнинг ҳар бир тармоғи, йўналиши бўйича хусусий назариялар, истиқболли ва жорий вазифалар, уларга эришишнинг маънавий-маърифий, тарбиявий воситалари ва методика масалалари акс этади. Яъни концептуал, умумназарий масалалар ҳар бир соҳа хусусиятларини ҳисобга олиб конкретлаштирилади, аниқ, ойдин илмий-услубий кўринишга, вазифалар ва ечимлар тизимиға айланади. Хусусий назария ва концепцияларда акс этган методика маънавий-маърифий, тарбиявий ишларни аҳолининг турли қатламлари ўртасида қандай ташкил этиш, дидактика материални танлашдан то қайси воситалардан фойдаланишгача муаммоларни қамраб олади.

Иккинчи қисм миллий истиқдол мафкураси концепциясининг асосий биносини, жонли мазмунини ташкил этади. Усиз илмийлик касб этган мафкура тизими вужудга келмайди. Чунки илмий тизим шаклланиши учун халқ до-нишмандлиги камлик қилади, назарий тадқиқод, умумлаштириш, системалаштириш зарур. Масалан, халқнинг энг теран, фалсафий ва ахлоқий қарапашлари, хулосалари, баҳолари, меъёрлари, омоллари, ижтимоий мўлжаллари мақолларда акс этган. Аммо бир неча жилдлик мақоллар тўпламини нашр этган билан, миллий фалсафа, этика ва маънавият асослари фанлари пайдо бўлиб қолмайди.

Буни таъкидлаётганимизнинг асосий сабаби — айрим зиёлилар ва олимлар орасида алоҳида миллий истиқдол мафкураси тизимини яратиш шартмикан, ахир юксак ри-вожланган давлатларда бундай амалиёт йўқ-ку, таълимтарбия, маънавий баркамол авлодни шакллантиришда отабоболаримизнинг илғор ахлоқий, хуқуқий, ижтимоий, иқтисодий меъёрларидан, жаҳондаги тараққийпарвар фоялардан фойдалансак бўлмайдими, деган фикрлар йўқ эмас.

Миллий истиқдол мафкурасининг илмий, илмий-услубий асосларини, илмий-дидактик мазмунини фалсафа, тарих, маданият назарияси ва бошқа ижтимоий ва гуманитар фанлар ташкил этади. Фан далилларига яхши суюнмаган мафкура моҳияттан ноилмий, эклектика, мазмунан қашшоқ ва кемтик, мутаассиблик (фанатизм) унсурларига, ички зиддиятларга бой бўлади. Табиийки, бундай мафкуранинг имкониятлари, ижобий, яратувчилик салоҳияти ўта пастdir. У бутун миллатни, байроқ каби бирлаштира олмайди.

Ўзбекистоннинг миллий истиқдол мафкураси илм-фан асосида яратилиши зарур. Шундагина у олдига қўйилган тарихий вазифаларни самарали бажаради. Ушбу муносабат билан маданият тарихи ва назарияси, диншунослик, «Маънавият асослари» каби предметларни илмий жиҳатдан ҳар томонлама чуқурлаштириш, янги тадқиқотлар, хулосалар, илмий таҳлиллар билан бойитиш, халқимиз, миллий маданиятимиз, маънавиятимиз босиб ўтган йўлни, жаҳон халқлари тажрибасини имкон даражасида яна бир назарий таҳлил этиш долзарблик касб этмоқда. Чунки биз барпо этаётган янги жамиятнинг маънавиятини, шахслар-аро муносабатларни, янги инсони қандай бўлиши, қан-

дай шаклланиши мумкинлигини щундагина аниқроқ та-
саввур этамиз.

Миллий истиқдол мафкурасининг асосий, арконий
назарий тамойиллари ва мақсадларини Президентимиз из-
чиллик билан ривожлантириб, чукурлаштириб, аниқлаш-
тириб келмоқдалар.

Уларга таяниб биз демократик, ҳуқуқий давлат, фуқа-
ровий жамият қуришни, кўпмулкчиликка асосланган бо-
зор муносабатларини, меҳнатга янгича муносабатни, ян-
гича иқтисодий тафаккурни шакллантиришни, маънавий
баркамол авлодни тарбиялашни мақсад қилиб қўйдик. Энди
бу мақсадга эришиш йўллари, усувлари, воситаларини
батафсил илмий асослайдиган, мавжуд ва ҳали, учраши
эҳтимолдан холи бўлмаган муаммоларни ечишга ёрдам бе-
радиган илмий тавсиялар, назарий концепциялар ишлаб
чиқилиши, чукурлаштирилиши, кенгайтирилиши лозим-
лигини Ислом Каримов жамиятшунос олимлар, ижти-
моий фанлар вакиллари олдига қўйди. Булар орасида фал-
сафа, Ўзбекистон тарихи ва бошқа ижтимоий-гуманитар
фанлар бўйича янги дарсликлар, ўкув қўлланмалари, мо-
нографиялар ва рисолалар яратиш вазифаси ҳам бор.

Миллий истиқдолғояси ва мафкурасининг тарихий,
маданий-маънавий илдизлари мавжуд. Энг қадим замон-
ларда ёқ, уруғ-жамоалар қабилаларга уюшиб, кишиларнинг
нисбатан йирик тарихий бирликлари вужудга кела бош-
лагач, улар ўзларининг умумий манфаатларини ҳам аста-
секин англай бошлаганлар. Яйловлар ва деҳқончиликка
кулай ерлар учун кураш, ташқи душмандан биргаликда
сақланиш, ички ва ташқи алоқаларни ривожлантириш
ва ш. к. манфаатлар асотирлар, ривоятлар, қаҳрамонлик
достонларида, халқ оғзаки ижодининг бошқа жанрлари-
да акс этган. Айниқса, қабилалардан элатлар даражасига
кўтарилиш жараёнида халқ оғзаки ва ёзма ижодида, ёзув
кашф этилгач, турли битикларда миллий эрк, эл ва Юрт
химояси учун ташқи хавф олдида бирлашиш, Ватанга
жонини ҳам аямай хизмат қилиш фоялари яққол кўзга
ташланади.

Гўрўғли туркумига қиравчи достонларда биз аждодла-
римизнинг араб истилосига қарши курашга бирлашишга
даъвати, ватанпарварлик фояси акс этганини кўрамиз. Ун-
дан ҳам аввал Широқ ва Тўмарис ҳақидаги афсоналарда
босқинчиларга қарши курашда ота-боболаримиз ватанпар-

варлик фоясини куйлаганини кўрамиз. Худди шундай Ал-помиш достонини олсак, олий омол — ватанпарварлик фояси — тарихан авлоддан-авлодга ўтиб, маънавиятдаги во-рисийликни таъминлаб келганининг гувоҳи бўламиз. Тўғри, у пайтда бугунги тушунчадаги кишиларнинг тарихий бир-лиги шаклланмаган эди. Аммо мазкур фояни бугунги мил-лий истиқлол фояси ва мафкурасининг тарихий илдизлари деб ҳисоблаш мумкин ва жоиз.

Бу қадимги турк битикларида, хусусан, ўрхун ёзувла-рида, «турк-будун»ни бирлашишга чақирган тош ёзувлар-га ҳам тааллуқли.

Форобий, Беруний, Аҳмад Юғнакий, Юсуф Хос Ҳожиб, Маҳмуд Кошфарий ижодида миллий жипслик, бирлик, аждодлар меросини, маънавиятини асраш, ри-вожлантириш, фозилликка, саодатли турмушга эришиш масалалари ўзига хос тарзда қўйилган ва ҳал этилган. Умум-тараққиёт улар ижодида юксак имон-эътиқод, ахлоқий-лик, ҳалоллик, илмга қаттиқ таяниш ва меҳнатсеварлик, ўзаро ёрдам билан узвий боғлиқ ҳолда қаралган. Тарақ-қиётни, саодатли турмушни, улар назарида, ислом доира-сида тушунилган умуминсонийликка содиклик, ижтимо-ий ҳаётни илгор умуминсоний тамойилларга монанд таш-кил этиш таъминлайди.

Ўрта асрлар мутафаккирларининг фалсафий, ахлоқий, бадиий асарларида олға сурилган «маърифатли подшоҳ» фоясига ҳам миллий мафкура унсурлари ривожланишининг муайян тарихий босқичи деб қараш лозим. Амир Темурнинг «Куч — адолатда» шиорига эса ўз даврининг миллий фояси сифатида қарасак, хато бўлмайди. Мазкур фоя тева-рагида Амир Темур давлатининг мафкураси ва ҳуқуқ-тар-тибот тизими шаклланган. Мавжуд фоя бугунги кунда ҳам ўз аҳамиятини йўқотган эмас. У умуминсоний ҳуқуқий ва ахлоқий меъёр даражасига кўтарилган.

Алишер Навоийнинг ижодида, хусусан, «Муҳокаматул лугатайн» асарида миллий ўзликни англашнинг, миллий фуурнинг янги босқичга кўтарилганининг гувоҳи бўламиз. Аммо, афсуски, Марказий Осиёда анъанавий жамият қарор топиши жараёнида миллий фоя, миллий мафкура охири-гача шаклланмай қолди ва оқибатда эса жамият таназзул-га, инқирозга учради. Айниқса ички сепаратизм кучайиб, Туркистоннинг уч давлатга бўлинниб кетиши, миллий тар-қоқлик ва маҳаллийчиликнинг илдиз отиши бу инқироз-

ни бир неча асрга чўзилиб кетишига, мустамлакачилик асоратига тушишга, миллий мустақилликнинг қўлдан бой берилишига олиб келди. Бу миллий манфаатларни, ўзлини англаш етишмаслигининг, ягона мақсад ва унга эришишга қаратилган миллий ирода заифлигининг натижасидир.

Лекин халқимизда миллий жипслик, ўз умуммиллий манфаатларини охиригача англаш етишмаса-да, эркесварлик, миллий маданиятига, динига, тилига муҳаббат кучли эди. У мустамлакачилик билан чиқиша олмади. Ўз озодлиги учун курашди. Курбонлар берди. Кўзи очила бошлади. Шу боис мустамлакачилик шароитида миллий истиқдол мафкураси унсурларининг пайдо бўлишини кузатамиз. Дастлаб миллатнинг илфор намояндалари моддий ва маънавий бойликларни, осори атиқаларни, ёдгорликларни талон-торож қилишдан сақлаш, тил, маданият ва динни ҳимоя қилиш заруратини англадилар. Буни аста-секин кенг омма ўртасида тарғиб этдилар. Улар орасида жадид маърифатчилиги ривожланди.

Миллий озодлик кураши ва жадид маърифатчилари фаолиятини миллий истиқдол фояси ва мафкураси туғилишининг ижтимоий-сиёсий ва маънавий-маърифий негизи деб баҳоламоқ керак. Жадидлар фаолияти, таъқибларга қарамасдан, октябр тўнтаришидан кейин ҳам 30-йилларгача давом этди.

Ўзбекистон мустақилликка эришгач, миллий истиқдол фояси, мафкураси келажак тараққиёт заруратини ҳисобга олган ҳолда қайта тикланди. Бу жараёнда Президент Ислом Каримовнинг асаллари ва фаолияти ниҳоятда катта роль ўйнади, десак адолатли бўлади. Юртбошимиз Ўзбекистон халқларининг миллий истиқдол фояси ва мафкурасида тарихийлик ва замонавийлик, миллийлик ва байналмилаллик, умуминсонийлик узвий боғланиб кетганлигини, уларнинг моҳиятини, мазмунини ҳар томонлама очиб берди.

Давлатимиз раҳбари асалларидан келиб чиқиб, маънавиятнинг, ҳусусан, унинг таркибий қисмларидан бири — миллий истиқдол мафкурасининг ижтимоий вазифалари куйидагилардан иборат, деб ҳулоса қилиш мумкин:

— билим бериш, дунёқарацни бойитиш; эркин тафаккурни (тафаккур эркинлигини) шакллантириш;

— миллатнинг олий мақсадларига, туб манфаатларига элтувчи миллий тараққиёт моделини асослаш, ижтимоий ҳаётнинг ҳар бир соҳаси бўйича фоялар, баҳолар, омоллар (идеаллар) тизимини шакллантириш, бўлажак жамиятни, унинг иқтисодий, сиёсий ва ижтимоий тузумини, ўша жамиятда шахс, инсон қандай бўлишини мантиқий, назарий жиҳатдан асослаш;

— ижтимоий ҳодисаларга, муносабатларга баҳо бериш, ижтимоий фикрни жалб қилиш орқали, уларни рафбатлантириш ёки чеклаш, яъни регулятив вазифа;

— тарбиявий вазифа: миллий ўзликни англатиш ва инсон шахсини шакллантириш; ахлоқий, ҳуқуқий ва эстетик меъёрларни (инсонпарварлик, ватанпарварлик, эзгулик, ҳалоллик, адолатпарварлик, қонунга итоатгўйлик, гўзалликка интилиш, ёвузлик ва пасткашликка муросасизлик ва ҳ. к.), бошқа миллий ва умуминсоний қадриятларни тарғиб этиш, кенг омма онгига етказиш; аҳолида миллий фурурни Ватан тарихи ва маданий мерос ёрдамида тарбиялаш, миллий номукаммаллик туйғусидан халос этиш;

— инкор қилиш психологиясидан яратувчилик психологиясига ўтишда жамият аъзоларига кўмаклашиш;

— ташкилотчилик вазифаси: аҳолини маълум мақсадлар, йирик ижтимоий вазифаларни бажаришга сафарбар этиш, ўюштириш;

— миллий консолидация (жипслик)ни таъминлаш, миллатнинг иқтисодий, сиёсий, маданий манфаатларини ифодалаш ва ҳимоя қилиш.

Таъкидлаш жоизки, қайд этилган вазифаларни миллий истиқбол мағкураси фалсафа, этика, эстетика, иқтисодиёт, сиёсатшунослик, социология, ҳуқуқшунослик, тарих, маданият назарияси, психология, педагогика ва бошқа фанлар ёрдамида, уларга таянган ҳолда амалга оширади. Зеро, у фақат тарғибий-ташвиқий чақириқлардан, қайдлар ва сўзлардангина иборат бўлмай ўзининг илмий-дидактик асосларига, хусусий илмий концепцияларига эга. Бу борада республикамиз мактаблари, ўртамахсус ва олий ўқув юртларида ўқитила бошлаган «Маънавият асослари» предмети ҳам катта аҳамият касб этиши шубҳасиз.

Мазкур предмет ёшларга янги билим бериш билан бирга уларнинг дунёқарashi илмий бўлиб шаклланишига ҳам бошқа фанлар қаторида ўз ҳиссасини қўшади.

Ёшлар қарашларида (нафақат ёшлар, балки катталарда ҳам) айнан маънавият билан боғлиқ масалаларда чалкашликлар, зиддиятлар кўп.

Дунёқарашибаси ўтмишга муносабат ўзгариши, қизиқиши ўсиши туфайли ниҳоятда долзарб бўлмоқда. Чунки диний мистикага нотанқидий ёндашиш кучаймоқда. Ахлоқий қадриятларни тиклашга уриниш жараёнида нафс, ҳирсни тийиш, сабр-қаноатли бўлиш ва бошқа масалалар баъзи ҳолларда бир томонлама талқин қилинмоқда. Айримларда ўтмиш ахлоқини идеаллаштиришга уриниш ҳам йўқ эмас. Бундай ҳолда биз яна тарихдан сабоқ чиқара олмаймиз, яна ҳалқимизнинг салмоқли қисми, саводли, билимли бўлса-да, турли мистик хуроффотнинг, замонавий диний бидъатнинг туткуни бўлиб қолади. Маънавий мафкуравий хатарларни кўзга илмаслик катта хавфдир.

Оlamга оқилона (рационал) муносабатда бўлиш, умуман рационал фикр юритиш, ишлаб чиқаришни, иқтисодиётни, турмуш тарзини ҳавоий орзулар, файритабиий ва парapsихологик мўъжизага ишониш асосида эмас, балки ақлга мувофиқ, ҳаётий тажриба асосида ташкил этишга ижтимоий тараққиётда, илм-фан, техника ва технологияда эртанги кунда эришадиган ютуқларимизга бевосита боғлиқ.

Рационализм энг аввало тафаккур тарзидир. У ақл асосида, ақлга мувофиқ фикр юритишга, турли ақл бовар қилмайдиган мўъжизаларга, сир-асрорларга, ақл доирасидан ташқари ёки унга сифмайдиган файришуурий, файримантикий ҳодисаларга, даъволарга танқидий қарашга, уларга кўр-кўронга ишонмасликка таянади. Илмий-рационалистик дунёқарашибаси шаклланиши учун фақат табиий фанларни ўқитиш етарли эмас. Инсоннинг ижодий ва руҳий дунёси билан боғлиқ масалаларда турли иррационалистик, мистик, теософик ва ҳ. к. бирёзлама қарашларга чалғиб кетмаслик учун илмий жиҳатдан пухта ишланган гуманитар фанлардан ҳам хабардор бўлиш лозим.

Миллий истиқбол мафкурасига дахлдор фанларнинг, айниқса, «Маънавият асослари» каби янги предметларнинг дидактик мазмуни рационализмга асосланиши ва танқидий руҳга эга бўлиши лозим. Акс ҳолда улар илмий дунёқарашибаси шаклланишига етарлича таъсир кўрсата олмайди. Ҳалқимизнинг саводхонлиги, билим даражаси ва маданий савияси, ижодкорлик, бунёдкорлик салоҳияти жаҳоннинг мутараққиий мамлакатлари ҳалқариники билан кўп жи-

ҳатдан таққосланиши мумкин. Лекин биз қўлга киритилган ютуқларни, салоҳиятни пасайтириб юбормаслигимиз, аксинча, янада ривожлантиришимиз шарт.

Табиийки, мустақиллик шарофати билан аввалги қадриятлар қайта баҳоланмоқда. Мана шу жараёнда жуда эҳтиёткор иш тутиш лозим. Чунки дунёқарааш, эътиқод масаласи — жуда нозик масала. Биз авлодларнинг табиий алмашуви жараёнида ёшлар онгига мафкуравий мутаассиблик унсурлари, иррационалистик қарашлар, хурофот иллатлари, консерватив, қолоқ анъанавийлик меъёрлари, тамойиллари илашиб, кириб қолиши хавфининг олдини олишимиз зарур. Президент Ислом Каримов тўғри уқтирганидек, мутаассибликдаги «ўзининг шак-шубҳасиз ҳақлигига, ҳақиқатни фақат ўзи билишига ишонч ҳисси сўнгги чораларга — зўравонлик ҳаракатларига мойиллиги билан ажралиб турадиган диний экстремизмнинг пайдо бўлишига замин яратади»¹. Баъзи бир диний экстремистик ғояларнинг айрим ёшларга таъсири эътиқод масаласига беписанд қараш мумкин эмаслигини кўрсатади. Шунинг учун ёш авлодда рационалистик дунёқараашни шакллантириш миллий истиқдол мафкураси концепциясида ва ижтимоий-гуманитар фанларда устувор йўналишлардан бирини эгаллаши мақсадга мувофиқдир. Бу эса, бир томондан, анъанавий ўқитилиб келинаётган предметлар — фалсафа, этика, эстетика ва ш. к.нинг дидактик қазмунини такомиллаштиришни, иккинчи томондан эса, «Маънавият асослари» каби янги курсларни ҳақиқий барқарор, тугаллаган ўкув предмети даражасига кўтаришни талаб қиласди.

«МАЪНАВИЯТ АСОСЛАРИ» ФАНИ, УНИНГ ПРЕДМЕТИ, ИЖТИМОИЙ-ГУМАНИТАР ФАНЛАР ТИЗИМИДАГИ ЎРНИ

Ўзбекистон миллий мустақилликка эришгач, ҳалқимиз олдида жуда муҳим ҳаётий муаммолар ва вазифалар пайдо бўлди. Уларни шартли равишда икки гуруҳга ва ҳар гуруҳни ўз навбатида бир неча йўналишларга бўлиш мумкин. Бу икки гуруҳ вазифалари ўзаро чамбарчас боғлиқ. Жамият уйғун ривожланиши учун уларнинг ҳар иккисига бирдай катта эътибор бериш лозим.

¹ Ислом Каримов. Ўзбекистон буюк келажак сари. Т., «Ўзбекистон», 1998 й., 443-б.

Биринчи гуруҳга — моддий-иқтисодий яратувчилик муаммолари ва вазифалари, иқтисодий ислоҳотлар киради. Булар қуидагилардан ташкил топади: мулкчиликнинг нодавлат ва хусусий шаклларини, кўп укладли иқтисодиётни ва бозор муносабатларини қарор топтириш, ривожлантириш; ҳалқ ҳўжалигига таркибий ўзгаришлар қилиш; бунинг учун нафақат янги корхоналар, шунингдек, ишлаб чиқаришнинг илгари бўлмаган тармоқларини барпо этиш; мустақил миллий пул-кредит тизимини вужудга келтириш, оқибатда унинг тўлиқ ички ва ташқи конвертациясини (жаҳон пулларига эркин алмашинувини) таъминлаш; бозор инфратузилмасини — валюта, фонд, сайдо биржалари, консалтинг, лизинг, траст, сугурта компаниялари ва фирмалари, маркетинг ва реклама-ахборот хизматларини, турли брокерлик, дилерлик идораларини вужудга келтириш.

Юқорида, саналган вазифалар ташкилий ишлардир. Улар жуда муҳим аҳамиятга эга, зеро асосий мақсадга эришиш учун хизмат қиласидан ташкилий ва моддий воситалардир. Асосий мақсад эса — бу ўз-ўзини тартибга соладиган, ижтимоий йўналтирилган бозор иқтисодиётидир.

Мазкур биринчи гуруҳга оид муаммоларни ва вазифаларни ечиш учун жуда кўп ишлар қилинди. Энг аввало мулкни давлат тасаррӯфидан чиқариш, уни жамият аъзолари ўртасида қайта тақсимлаш, яъни хусусийлаштиришни амалгá оширишнинг ilk қадамидаёқ жамият ахлоқ ва ҳуқуқ муаммосига дуч келади: қандай қилиб мулкни адолатли ва тўғри, қонуний тақсимлаш мумкин? Жамоа мулкини ёхуд ҳиссадорлик жамиятига айлантирилган корхонада ички мулкий муносабатлар, мулкий улуши камроқ кишиларнинг мулкий улуши кўпроқ кишилар билан корхонани бошқариш, олинган даромад ва фойдани тақсимлашда ўзаро муносабатларини қандай уйғунаштириш лозим?

Корхона эгаси ва унда ёлланиб ишләётган ходимлар ўртасидаги муносабатлар ижтимоий ҳамкорлик, бир-бирини қўллаб-кувватлаш асосида курилганми ёки ўзаро адоват, эксплуатация асосидами? Бозор иқтисодиётига инсонпарварлик, эзгулик хайриҳоҳлик қай даражада хос? Инсон қай даражада фойда олиш, бойлик яратиш воситасигина эмас, балки бутун жамиятнинг, жумладан, иқтисодиётнинг ҳам мақсади. Инсон иқтисодий ислоҳотлар ва

бозор учунми ёки иқтисодий ислоҳотлар, бозор инсон учунми?

Маълумки, бозор иқтисодиёти мулкнинг турли шакллари ва ҳатто турдош корхоналар ўртасида рақобатга, ҳар бир хўжалик юритувчининг фойда олишга интилишига таянади. Рақобат ва фойда олишга интилиш бозорнинг ҳаракатлантирувчи кучидир.

Бундай интилишлар жамиятдаги ахлоқий ва ҳуқуқий меъёрлар — адолат, инсоф, савоб, увол, ҳалол, ҳаром, қонуний, ноқонуний каби тушунчалардан келиб чиқиб одамлар томонидан баҳоланади. Ҳар бир тадбиркорга, сармоядорга, мутахассисга, фермерга, тижоратчига бериладиган баҳо одамларнинг уларга нисбатан муносабатини ифодалайди.

Фойда кетидан қубиб, тадбиркор табиатга зарар етказмаяптими, экологик талабларни бузмаяптими? Ҳудди шундай, озиқ-овқат маҳсулотлари ва истеъмол буюмларининг сифати, рекламалар билдираётган ахборот қанчалик ҳақиқатга тўғри, яъни таклиф қилинаётган буюм, технология (асбоб-ускуна) ҳақиқатан сифатлими, деган саволлар туғилади.

Кўриниб турибдики, мустақил мамлакатимизда ўтказилаётган иқтисодий ислоҳотларнинг, моддий-яратувчиклик фаолиятининг қайси йўналишини, қайси тадбирини олмайлик, улар бир томони билан бевосита ёки билвосита, албатта, маънавиятга бориб тақалади.

Иккинчи гуруҳга — ижтимоий-маънавий, шу жумладан, сиёсий тикланиш ва ривожланиш муаммолари, вазифалари киради:

— ҳалқнинг онгини, дунёқарашини миллий ғояга содиқлик, ватанпарварлик, миллий фурур руҳида ўзгартириш, бойитиш, уни миллий номукаммалик ва миллий маҳдудликдан халос этиш; унда миллий қадриятларни умуминсоний қадриятлар билан бойитишга ички интилишини тарбиялаш;

— миллий давлатчиликни мустаҳкамлаш, миллий манфаатларни тўғри англайдиган ва уларга хизмат қиласидиган ватанпарвар катта-кичик мансабдорларни, амалдорларни тарбиялаш;

— миллий маданий-маънавий мероснинг унут бўлган, ҳалқдан турли сабабларга қўра яширилган қисмини, жумладан, диний мерос дурдоналарини тиклаш; улардан ҳалқ-

ни баҳраманд этиш; она тили мавқеини янада баланд кўтариш; эътиқод эркинлигини таъминлаш;

— мустақиллик талаблари асосида ҳалқ таълими, маданият, соғлиқни сақлаш, илм-фан, оммавий ахборот воситалари, спорт ва бошқа ижтимоий соҳаларда ислоҳ ўтказиш ва ҳ. к.

— энг асосийси — янги инсонни, эркин фикрловчи, дунёқараши кенг, зиёга, илм-фанга, гўзаликка, ижтимоий тараққиётта ва шахсий камолотга интилувчан, айни пайтда ўзини жамият олдида ҳам, ўз шахси олдида ҳам масъул деб ҳисоблайдиган кишини тарбиялаш.

Мазкур масалалар ниҳоятда мураккаб масалалардир. Масалан, миллий қадриятларни тиклаш иштиёқида миллий маҳдудликка юз тутишимиз, мафкуравий мутаассибликнинг ҳеч бир шакли домига, зифирча бўлсин, илиниб қолишимиз мутлақо мумкин эмас.

Иккинчи гурӯхга оид йўналишлар, вазифалар бевосита маънавиятнинг ё назарий, ё амалий (тарбиявий ва ташкилотчилик) жиҳатлари билан боғлиқ.

Шу боис маънавиятни ривожлантириш иқтисодиёт билан бир қаторда Ўзбекистонда янги жамият қуришнинг устувор йўналишидир. Ислом Каримовнинг деярли барча асарларида маънавият, миллий ғоя, миллий мафкура масалалари жамиятни иқтисодий, сиёсий, ижтимоий, маданий ҳаётни ислоҳ этишнинг муҳим шарти, ҳаракатлантирувчи омили сифатида кун тартибиға кўйилган. Давлатимиз бошлигининг асарларида шундай арконий тамойиллар, ғоялар ва ҳulosалар олға сурилганки, улар маънавият масалаларини, кенроқ олсак, умуман Ўзбекистонда янги жамият қурилишини ўрганувчилар ва тадқиқ этувчилар учун илмий-методологик асос, амалий кўрсатма ва мўлжал бўлиб хизмат қиласи.

Иқтисодий масалаларни муваффақиятли ҳал қилиш учун жамият аъзоларида янгича иқтисодий тафаккурни тарбиялаш лозим. Бозор муносабатлари ва жамият аъзоларининг ижтимоий табақаланиши улар ўртасида ўзаро бегоналашиш ва синфий адоватни эмас, балки ижтимоий шерикчиликни вужудга келтириши учун инсонпарварлик, ҳалоллик, ҳамкорлик, инсоф, адолат меъёрлари, қонун устуворлиги тамойили ҳаётимизнинг омолига (идеалига) ва ҳулқ-авторимизнинг, фаолиятимизнинг амалий йўналтирувчи мўлжалига айланмоғи зарур.

Замонавий технологияга асосланган ишлаб чиқариш, илмий-техника тараққиётининг ютуқларини турмушга жорий қилиш, турмуш тарзимизни ҳозирги замон тамаддунига мослаштириш халқимизни миллий қиёфадан, маданиятининг ўзига хослигидан жудо қилмаслиги керак. Юқорида эътироф этилган ва бошқа кўпчилик муаммолар биздан миллий маънавиятга эътиборни кучайтиришни талаб қиласди.

Маънавиятнинг миллий мустақилликни мустаҳкамлашдаги, янги эркин, ҳукуқий ва фуқаровий жамият қуришдаги аҳамияти шунчалик буюк ва бебаҳоки, маънавият масалаларини алоҳида илм сифатида ўрганиш, уни ёш авлодга ўқитиш ҳаётий зарурат касб этмоқда. Шу боис, табиийки, мустақил Ўзбекистон мактабларида, ўрта маҳсус ва олий ўқув юртларида «Маънавият асослари» предмети ўрганилмоқда.

Маънавият тушунчаси жуда кенг қамровли ва мураккабdir. Маънавиятга ижтимоий онг, дунёқараш, эътиқод, дин, диний амалиёт, миллий ғоя, миллий мағкура ҳам, инсоннинг хушфеъли, одоби, фазилатлари ҳам, ижодий изланишлари ва бу борада эришган ютуқлари ҳам, жамиятнинг асрлар оша келаётган осори атиқалари ва маданий мероси, урф-одатлари ҳам, замондошларимизнинг келажак ҳақидаги тасаввурлари-ю, ижодий маънодаги орзу-ҳаваслари ва режалари ҳам киради.

Маънавият инсоннинг, умуман кишилик жамиятининг мазмун-моҳиятини ташкил этувчи узвий белгиси, хосса-сидир.

Таъкидлаш жоизки, маънавий ҳодисотларнинг ҳар бири муайян қадриятларнинг мураккаб тизимидан ташкил топган. Табиийки, маънавиятта мансуб ҳар бир ҳодисотнинг салмоғи, истиқдолга хизмат қила олиш имкониятлари, ижтимоий тараққиёт борасидаги аҳамияти турличадир.

Миллийликнинг ўзи турғун бир нарса бўлмагани каби, миллий қадриятлар ҳам қотиб қолган ҳодиса эмас. Бино-барин, улар ҳам тарихан ривожланиб, янгиланиб боради. Шу боисдан истиқдол маънавиятни ривожлантириш масаласига, айниқса маданий меросга, бир томондан, ниҳоятда эҳтиёткорлик билан ёндошиб, авайлаб-асрашни тақозо этса, иккинчи томондан, уларга танқидий ёндошишини ҳам талаб қиласди. Зоро, истиқдолимиз ўтмишга эмас, келажакка қаратилгандир. Бизнинг ихтиёрий ёки

ғайриихтиёрий тарзда ўтмишга қўмилиб қолишимиз, маънавият борасида ўзимизга хос миллий тараққиёт йўлини топаман деб, миллий маҳдудлик сари ёхуд ўзаро бехуда тортишувлар, тарафкашлиқ, миллий беқарорлик томон оғиб кетишимиз, бугунги умумбашарий тараққиётнинг оқимидан четга сурилиб қолишимиз, шубҳасизки, кечирilmас ҳол бўлур эди.

Хуллас, маънавиятга, маданий-маънавий меросга, жумладан, динга ва диний меросга тўғри муносабатда бўлиш истиқдол, бугунги тараққиёт олдимизга қўяётган долзарб муаммолардан биридир.

Собиқ тузум аста-секин «умумсовет маданияти» деб ном олган, лекин аслида пролетарлашган рус маданиятига ассилияция бўла бошлаган эди. Фақат истиқдол ўзбек маданиятини ассилияция бўлиш хавфидан халос этди. Энди, мустақиллик даврида маданиятимизнинг миллийлик хусусиятлари, белгилари кучаймоқда. Айни пайтда у умуминсоний қадриятларни ўзлаштириш ҳисобига бойитмоқда.

Асрый қадриятлар тикланмоқда. Маданиятимиз ўзининг табиий-тариҳий, миллий, диний ва фалсафий негизларига, булоқларига қайтмоқда. Айниқса, маънавий меросни ўрганиш, буюк алломалар ва улуғ аждодларимизнинг муборак номлари ва ижодининг халқقا қайтиб берилиши, она тили ва динимиз ривожланиши учун шароит яратилгани ўзбек маънавияти учун буюк халоскорлик ва миллатнинг келажак тараққиёти учун қудратли куч, омил бўлди.

Албатта, биз маданиятимизни илфор миллий маданий мерос, тариҳий анъаналаримизга суюниб ҳамда Шарқ ва Farb маданиятининг энг мутараққий ютуқларини, умуминсоний қадриятларни муттасил ўзлаштирган ҳолда ривожлантиришни истаймиз. Лекин савол туғилади: бунга қандай эришмоқ мумкин? Маънавий камолотни, маданиятимизни юксалтиришни истаганимиз билан масала ўз-ўзидан ҳал бўлиб қолмайди.

Равшанки, бизга замонавий Шарқ мамлакатлари — Эрон, Афғонистон, Ироқ, Покистон маданияти нафақат намуна, балки тахминий ижтимоий мўлжал ҳам бўла олмагани каби, биз соғарбона тараққиёт моделларини ҳам тўлиқ қабул қила олмаймиз. Демак, бу борада ҳам, Ислом Каримов таъкидлаганидек, Ўзбекистоннинг ўзига хос ва ўзига мос йўли бўлиши муқаррар.

Маънавиятни тўғри ривожлантириш учун унинг мөхиятини, мазмунини, намоён бўлиш шаклларини, улар ўртасидаги алоқаларни, умуман маънавий ривожланиш қонуниятларини яхши билиш лозим. Бу эса ушбу масалаларни маҳсус ўрганишни талаб қиласи ва «Маънавият асослари» фанига, курсига эҳтиёж туғдиради.

Инсон фаолиятининг шундай йўналишлари борки, улар нафақат маънавиятни ўрганади, шунингдек, уларнинг ўзлари ҳам маънавий амалиётни, маънавий яратувчиликни ташкил этади. Улар қаторида биринчи навбатда дин, ахлоқ, санъат (адабиёт, мусаввирлик, ҳайкалтарошлиқ, мэйморлик, қўшиқ, рақс, театр ва ш. к.), философия ва илм-фан алоҳида ажратиб кўрсатилиши керак. Жамиятдаги барча муносабатлар — сиёсий, ҳуқуқий, майший, ҳатто иқтисодий ва бошқа муносабатлар ахлоқийлик, инсонийлик, демак, маънавийлик нуқтаи назаридан баҳоланиши мумкин ва лозим. Бинобарин, инсоннинг ҳар қандай фаолияти ўзининг маънавий томонига эга.

Шу сабабдан маънавиятга оид ҳодисаларни жуда кўплаб фанлар ўрганади.

«Маънавият асослари» фани улар билан яқиндан боғланган. Уларнинг хulosаларини, тадқиқотларини умумлаштириш, ўзлаштириш асосида ўз предметини, дидактик мазмунини, тушунчалар тизимини, илмий хulosаларини шакллантиради ва мудом бойитиб боради. Айни пайдада, муаллиф фикрича, «Маънавият асослари» фани улардан ясалган куроқ эмас. Мазкур фан фалсафий фанлар жумласига кирса-да, ўзининг алоҳида предметига, тадқиқот объектига эга. У фалсафанинг илмий усуllibаридан, онтологик (онтология — борлиқ мөхияти ҳақидаги таълим), эпестимеологик (билиш назарияси, бошқача атамаси — гносеология), аксиологик (аксиология — қадриятлар ҳақида таълимот, қадриятшунослик) хulosаларидан, ижтимоий философия материалларидан, тушунчаларидан ўз предметини ўрганиш заруриятидан келиб чиқиб фойдаланади. Бошқа фанлар материалларидан фойдаланиш хусусида ҳам шундай дейиш мумкин.

«Маънавият асослари» фанининг предмети эса ижодкор, бунёдкор, изланувчан, ўзини ва ўз ижтимоий борлигини эзгулик, адолат, гўзаллик асосида қайта қуришга, такомиллаштиришга интилувчан инсон, унинг табиатга, жамиятга, ўз-ўзига нисбатан руҳоний ва амалий муносабатидир.

Унинг объекти эса инсоннинг ички ақлий ва ҳиссий дунёсига, ташқи яратувчилик фаолиятига: инсон руҳининг туғёнларига, ҳақиқат ва эзгулик, гўзаллик ва амалий яратувчиликка, меҳнатга ва ижодга интилишига оид, бу интилишларнинг натижаларига оид барча ҳодисалар, мавзулар бўлиши мумкин.

Масалан, «Маънавият асослари» фанининг тадқиқот обьекти оиласи муносабатлар ёки экологик муаммолар, ҳайвонот ёки ўсимлик дунёсининг йўқолиш хавфи туғилган муайян турига муносабат бўлиши мумкин. Лекин бу муаммоларни «Маънавият асослари» ўз предмети нуқтаи назаридан ўрганади. Ҳукуқшунослик фани оила муносабатларини Оила кодекси моддаларидан, талаб ва меъёrlаридан, табиат муаммоларини ҳам тегишли қонунлар меъёrlаридан келиб чиқиб ўрганса, «Маънавият асослари» фани эса уларни инсоний муносабатларнинг, инсон фаолиятининг қанчалик эзгуликка ва гўзалликка мослиги, қанчалик ёвузликка қарши турла олиши, яъни инсон фазилатларининг емирилишига, унинг бошқалардан бегоналашишига, ҳаётга нисбатан нотўғри муносабатда бўлишига йўл кўймасдан, аксинча, инсонда эзгу ва гўзал, чин инсоний — маънавий фазилатларни мустаҳкамлашга хизмат қилиши талабларидан келиб чиқиб ўрганади. Ташқи мұхит ва ички эътиқодни бир-бирига ижобий таъсир кўрсатиши нуқтаи назаридан тадқиқ қиласди.

Бошқа бирорта гуманитар фан қайд этилган предмет нуқтаи назаридан маънавият масалаларини умумий тарзда тўлиқ қамраб олмайди ёки уларнинг муайян томонларинигина ўрганади. Фақат фалсафа умумлашма илmlар тизими сифатида, яъни «Маънавият асослари»ни ҳам ўз таркибига киритган фанлар тизими сифатида ушбу масалаларни умумий тарзда ўрганади, дейиш мумкин. Лекин фалсафанинг алоҳида, нисбатан мустақил бошқа қисмлари маънавият масалаларини тўла қамраб олмайди. Бир қарашда гўёки юқоридаги масалаларни ўрганишда этикага (ахлоқ ҳақидаги фан) ҳам айнан қайд этилган ёндашувлар хосдек туюлади. Бундан этика фани предметидан «Маънавият асослари» предмети нима билан фарқ қиласди, улар бир хил эмасми, деган савол туғилади?

Этика фани предмети, «Маънавият асослари» предметига нисбатан сезиларли даражада тор. У ўрганадиган мав-

зуларини, объектини, инсон онгини, маданиятини, хулқатвор ва фаолиятини фақат ахлоқий баҳолар, меъёрлар, ахлоқий омоллар нуқтаи назаридан таҳлил қиласди. Маданий ижтимоий тараққиёт масалаларининг кўпчилиги билан мутлақо қизиқмаслиги ёки улардан байзи бирларининг фақат ахлоқий жиҳатлари билангина қизиқиши мумкин.

«Маънавият асослари» адоҳида фан сифатида шу пайтгача ажратилмас эди. Аммо у ўрганадиган масалалар, мавзулар илм-фан эътиборидан ҳеч қачон четда бўлмаган. Улар турли фанлар доирасида, жумладан, ижтимоий философия, этика, эстетика, маданият назарияси, психология ва бошқа фанлар доирасида ўрганилган. Шунинг учун байзи кишиларда «яна бир ортиқча фан керакмикан, ахир бу масалалар ўрганиб келинган, ҳозир ҳам ўрганилмоқда» деган фикр пайдо бўлиши мумкин.

Бунга жавобан шундай демоқчимиз. Маънавият масалалари мужассам ҳолда ҳеч бир фан томонидан ўрганилмайди. Улар ҳақиқатан турли фанлар ичida сочилиб кетган. Бу ҳам майлику-я, аммо ҳар бир фан мазкур масалаларни ўз предмети нуқтаи назаридан — ё жуда торайтириб (хусусий фанлар), ё жуда кенгайтириб (философия) ўрганади.

«Маънавият асослари» ўз предметига тааллуқли бошқа фанлар тадқиқотларини, ахборотларини умумлаштирувчи ва уйғунлаштирувчи вазифани бажаради. Шу боис унинг предмети юқорида зикр этилган фанлар предметига нисбатан аниқлиги, уларнинг аксариятига нисбатан кенглиги ва кўп қирралиги билан ажralиб туради.

Қадимги юнон илмий-фалсафий қарашлардаёқ инсон маънавий ҳаёти уч гуруҳга бўлинган — ақл (тафаккур), ирода ва туйғу. Ақлни (тафаккурни) мантиқ фани, ирода ни эса этика фани тадқиқ этган. XVII асрга келиб алоҳида эстетика фани шаклланган. У инсон туйғулари ва кечинмаларини гўзалликка муносабат нуқтаи назаридан ўргана бошлаган.

Психология ушбу масалаларни бошданоқ муштарак тарзда, аммо мавзу доирасини ўта торайтириб ва хусусийлаштириб, уни инсон онгининг (руҳининг) ташқи таъсирга жавоби тарзида ўрганган.

Маълумки, Оврупо фалсафаси «ахлоқ», «руҳ», «ирода», «гўзаллик» каби тушунчаларни тадқиқ этишда бекиёс натижаларга эришган, теран тадқиқотларни амалга ошири-

ган бўлса-да, у маънавий ҳаётни яхлит ҳолда эмас, бўлиб ўрганиш анъанаисига содик қолган. Чунончи, Гегель таълимотида «руҳ», Шопенгауэр таълимотида «ирода» субстанционал (борлиқнинг ўзаги) ўлароқ, аҳамият касб этади ва боз устига у бутун тарихий жараённинг фаол субъекти сифатида намоён бўлади.

Бундай ҳол эса уларнинг таълимотига яққол (Шопенгауэр) ёки нояққол (Гегель) мистик сифат баҳш этади. Гегель барча моддий ва идеал ҳодисаларни — табиат, инсон, жамият, давлат, ахлоқ, хуқуқ, санъат, онг, тафаккур, тушунча каби ҳодисаларни руҳнинг ўзгача муқобил шакли деб ҳисоблайди. Ва Гегель уларнинг барчасини руҳнинг ўз-ўзидан тараққий этиши, ўзининг қарама-қарши, инкор шаклига айланиши каби қонуниятларга асосланган ҳолда ўрганади.

Шарқ илмида эса маънавий ҳаёт кўпроқ муштарак ҳодиса тарзида ўрганилган. Бизда, Фарбагидан фарқли ўлароқ, «руҳ», «ирода», «ахлоқ» (одоб) ва бошқа кўплаб тушунчаларни маънавиятдан айри ҳолда тадқиқ этиш уччалик урф бўлмаган. Исломий Шарқ фалсафасида ҳам, ийилар ўтиши билан маънавиятни ўрганишда мистик унсурлар кучая борган. Аммо бизда маънавиятга доимо муштарак ҳодиса сифатида қаралган, унинг таркибий қисмлари бир-биридан ва умумий яхлитликдан ажратиб олинган ҳолда ўрганилмаган. Тўғри, бу тушунчалар, атамалар тизимини ривожлантиришга, ҳар бир атамани илмий-рационал таҳлил қилишга маълум даражада халақит ҳам берган.

Маънавиятнинг миллий тикланиш, мустақилликни мустаҳкамлаш ва халқ тафаккурини бойитиш борасидаги аҳамияти уни бус-бутун ҳолда ўрганиб, ижтимоий вазифаларини, имкониятлари ва ғалоҳиятини очиб беришни тақозо этади.

Маънавият тўғрисида аниқ ва нисбатан мукаммал тасаввурларгина Ватанимиз мустақиллигини мустаҳкамлашда маънавий омиллардан самарали фойдаланиш имконини беради.

Бугунги кунда маънавият масалаларини нафақат бир жойга тўплаш, шунингдек, ягона предмет нуқтаи назаридан ўрганиш зарурати туғилди. Қолаверса, бизнинг давр турли фанлар туташувида янги фанларнинг дунёга келиш давридир.

«Маънавият асослари» ижтимоий-гуманитар фанларнинг деярли ҳаммаси билан алоқа қиласи. У фалсафий

фанлардан яна диншунослик фани билан яқиндан боғланган. Диншунослик фани динларнинг, диний таълимотларнинг пайдо бўлиши, тадрижий ривожланишининг ўзаро алоқаларини ўрганади. Дин узоқ тарихий даврда одамлар эътиқодини, қарашларини белгилаган. Улар орқали жамият мафкурасига, ахлоқига, санъатига, иқтисодий, хуқуқий, майший онгига, муносабатларига, урф-одатларига янги давргача ҳал қилувчи таъсир кўрсатган. Янги даврда ҳам жуда кучли таъсир кўрсатмоқда. Шу боис маънавиятнинг келиб чиқиши, ривожланиш босқичлари ва қонуниятларини ўрганишда диншунослик материалларига мурожаат этмаслик, уларни ҳисобга олмаслик мумкин эмас.

Лекин таъкидлаш жоизки, маънавият ҳатто қадимги ибтидоий шаклларида ҳам фақат дин доирасидагина ривожланмаган. У, шунингдек, ибтидоий рақслар, асотирлар (мифология), эртаклар, ривоятлар, қоя суръатлари, оиласий муносабатлар, урф-одатлар шаклида, яъни инсоннинг илк дунёвий маданий ижодкорлик фаолиятида ҳам камол топган. Кейинги даврларда ҳам шундай бўлиб қолган, ҳозир ҳам шундай. Дунёвий фаолиятнинг маънавиятга таъсири диншунослик қизиқишларидан, тадқиқот доирасидан кўпинча четда қолади. Бундан келиб чиқадиган холоса шундан иборатки, «Маънавият асослари» фольклор ва адабиётшунослик, тилшунослик, кенг маънодаги маданиятшунослик, тарих, ижтимоий психология фанларидан ўрганади, улар ҳисобидан бойийди, ўз предмети йўналишида уларни тўлдиради ва бойитади.

Маънавият қотиб қолган ҳодиса эмас. У жамият ва инсон билан, ижтимоий амалиёт билан бирга такомиллашади, бойийди, ўзгаради. Унга давлат сиёсати, ижтимоий табақалар, миллатлар, халқлар, мамлакатлар, маданиятлар ўртасидаги муносабатлар, алоқалар муайян тарзда таъсир кўрсатади. Маънавий бойликлар турли ижтимоий табақалар, қатламлар, гуруҳлар томонидан бир хил ўзлаштирилмайди, бир хил баҳоланиб, бир хил тушунилмайди. Ушбу масалаларни ўрганиш учун социологик тадқиқотлар ўтказиш зарур бўлади. Демак, «Маънавият асослари» социология фани билан ҳам боғланган, унинг усуулларидан, холосаларидан фойдаланади. Давлат сиёсатининг, давлатлар ўртасидаги мафкуравий кураш ёки ҳамкорликнинг, халқаро маданий алоқаларнинг маънавий жараёнга таъсирини сиёсатшунослик фани ёрдамисиз теран тушуниш қийин.

Ва ниҳоят, «Маънавият асослари» фани бизнинг катта бир гуруҳ ижтимоий ҳодисаларни шунчаки англаб олиши-мизгагина, тор маънодаги маърифий вазифаларгагина хизмат қилиб қолмай, шунингдек, мустақил Ўзбекистоннинг баркамол авлодини тарбиялашга ҳам ўз ҳиссасини кўшиш мақсадини олдига қўяди. Бу мазкур фаннинг педагогика ва педагогик психология фанлари билан алоқа қилишини тақозо этади.

«Маънавият асослари» фанини ўрганиш бизнинг дунё-қарашимизни бойитиш, кенгайтириш билан бир қаторда, ижтимоий жараёнларда онгли равишда фаол қатнашиш, ёшларни юксак маънавий омоллар руҳида тарбиялаш имконларимизни янада оширади. Бу нафақат бўлажак педагоглар, ўқитувчилар учун, шунингдек, барча мутахассислар — журналистлар, адиллар, санъаткорлар, олимлар, менежерлар, инженерлар, ташкилотчи раҳбарлар ва бошқалар учун керак.

Юқоридаги мулоҳазалардан «Маънавият асослари» фанининг гуманитар фанлар тизимидағи ўрни ва аҳамиятини қисман англаб олиш мумкин. Энг аввало «Маънавият асослари»га ўз предметига эга мустақил фан сифатида қарааш лозимлиги намоён бўлади.

* * *

Тараққиётнинг «ўзбек модели» деган тушунча фанга кириб келди. Унинг таркибий қисмлари ва йўналишларини назарий тадқиқ этиш мамлакатимиизда ижтимоий ва гуманитар фанларни ғивожлантиришга жуда кучли зарурат туғдиради. Бу зарурат янги илмий назариялар, ҳатто янги фанлар яратишни тақозо этмоқда. Энг аввало Ислом Каримов бошчилигига, илмий раҳбарлигига Ўзбекистонда режали иқтисодиётдан бозор иқтисодиётига ўтиш йўлларини, тамойилларини, қонуниятларини асослайдиган янги макроиқтисодиёт назарияси яратилмоқда.

Кадрлар тайёрлаш Миллий дастури, мазкур дастурни амалга оширишга қаратилган давлат сиёсатининг ташкилий ва илмий масалаларининг ишлаб чиқилиши ва ривожланиши чет элларда, хусусан Россияда, Ислом Каримов яратган ноу-хау, деб баҳоланаётгани бежиз эмас. Бу йўналишда ҳар бир фан бўйича қанчалар илмий-услубий, педагогик, психологик тадқиқотлар олиб борилаётир, тълим стандартлари белгиланиб, дарсликлар ёзилаётир.

Худди шундай «Маънавият асослари» деган мустақил фаннинг пайдо бўлиши ҳам Ислом Каримов асос солган тараққиётни теранроқ ва ҳар томонлама тушуниш учун бу фан ҳозирги замонда жуда кераклидир. «Маънавият асослари», бошқа фанлар каби умуминсоний характерга эга. Унинг алоҳида фан сифатида зарурати илк бор Ўзбекистонда англаниши ва ўқув дастурларига киритилиши мамлакатимизнинг ҳозирги замон илм-фани ривожланишига қўшган ҳиссаси, деб баҳоланмоғи адолатли бўлур эди. Бугунги кунда ушбу фан бўйича давлат стандарти, ўқув дастурлари ишлаб чиқилиб, дарсликлар яратилмоқда.

Мазкур курсни ўқитиш бошлангандан буён ўтган даврда маънавият масалаларини ўрганиш, хусусан назарий изланишлар, маънавий ва маданий меросни тадқиқ этиш, буюк аждодларимиз яратган асарларни чоп этиш жуда илгарилаб кетди. Янги илмий хulosалар, нуқтаи-назарлар олға сурилди. «Маънавият асослари» фани бўйича дарслик ва ўқув қўлланмаси яратишда уларни ҳисобга олиш зарурати туғилди.

Албатта, янги ўқув предмети дастури бирданига мукаммал шаклда вужудга келмайди. Ижтимоий жараён, янги жамият қуриш амалиёти, шак-шубҳасиз, бу дастурга тегишли ўзгартиришлар киритишни, уни мудом бойитишини, янги тадқиқотлар далиллари ва хulosаларини ҳисобга олишни тақозо қиласди. Бугунги кунда ана шундай янги дарсликлар ва ўқув дастурлари пайдо бўлаётir.

Муаллиф фикрича, умумтаълим ва касб-хунар мактабларида ўқитиладиган «Маънавият асослари» курсидан олий мактабда ўқитиладиган курс илмий-назарий, дидактик савиясига кўра фарқ қилиши, мазмунан анча теран, кенг ва назарий жиҳатдан мураккаброқ бўлиши лозим.

Олий мактабда маънавиятнинг ривожланиши қонуниятларини тарихийлик ва мантиқийлик тамойили асосида ўрганишга, ижтимоий тараққиётдаги аҳамиятини теранроқ англашга кўпроқ эътибор қаратилиши керак, деб ҳисоблаймиз.

Жамият тараққиётининг бутун жараёни ва ҳозирги дарражага етиб келишини эркинликнинг, инсонпарварликнинг муттасил ўсиб бориши тарихи, деб қараш мумкин ва жоиз, ёки маънавий шахс шаклланиши ва камол топиши тарихи ҳам дейиш ўринли бўлади.

Маънавият шакллана бошлиши жараёнида инсонда асл инсоний табиат вужудга кела бошлади, у аста-секин маънавий шахсга айланা борди.

Ёввойи одам маънавий шахс эмас, демак у эркин ҳам эмас. У табиатга, унинг тасодифларига, инжиқликларига тўлиқ қарам. Омади чопиб қолса, табиат унга ўлжа ато этса, тўйиб овқат ейди, йўқса бир неча муддат оч қолади. Омади чопмаса, ўзи бирор йиртқичга ем бўлиши эҳтимолдан холи эмас.

Ёввойи одам «эркинлиги» инстинкт (майллар)га асосланган. Маънавий шахс эркинлиги эса ахлоқ, ҳуқуқ ва иқтисодиёт меъёрларига, ихтиёрий танлашга асосланган. Ёввойи одамдан фарқли, ибтидоий одамда маънавий шахс унсурлари мавжуд. Лекин у ҳам маънавий шахс эмас, чунки унга индивидуаллик ва масъуллик етишмайди. Ибтидоий одамдаги маънавият унсурлари жамоа онгининг, иродасининг бир бўлаги бўлиб мустақил индивидуал онгнинг ва ироданинг кўринишлари эмас.

Маънавият ривожланишининг асосий мақсади — маънавий шахсни тарбиялаш. Маънавий шахс эркин тафаккурга, унинг асосида эркин танлай олиш имконига эга шахс. Онгли танлаш, ижтимоий заруратни англаш, инсон-парварликка ва тараққиётга хизмат қилувчи ҳуқуқий, ахлоқий ва иқтисодий меъёрларни яратиб, уларга онгли равишда, ихтиёрий итоат этишгина инсонга эркинлик ва маънавийлик бағишилайди.

Эркин инсон, яъни маънавий шахс, жамият олдида ҳам, ўзи олдида ҳам масъуллигини чукур идрок этади. Бинобарин, шахснинг маънавийлик даражаси бевосита унинг ўз масъуллигини қанчалик тўғри тушунишига ва унга амал қилишига боғлиқ.

Олий мактабда ўқитиладиган «Маънавият асослари» эркин, маънавий шахсни тарбиялашнинг илмий-назарий ва услубий масалаларини ҳам қамраб олиши мақсаддага мувофиқ.

«МАЪНАВИЯТ» ТУШУНЧАСИ, МОҲИЯТИ, ТУЗИЛМАСИ ВА ИЖТИМОИЙ ВАЗИФАЛАРИ

Маънавият Ўзбекистонда янги жамият қуришнинг иқтисод билан бирга устун йўналишларидан ҳисобланади. «Халқ-нинг маънавий руҳини мустаҳкамлаш ва ривожлантириш — Ўзбекистонда давлат ва жамиятнинг энг муҳим вазифаси-

дир», — деб таъкидлайди И. Каримов. Ўз фикрини яна давом эттириб у: «Маънавият — инсоннинг, халқнинг, жамиятнинг, давлатнинг куч-кудратидир», деб баҳо беради¹.

«Маънавият» расмий ҳужжатларда, илмий адабиётларда, матбуотда тобора кенг қўлланишига қарамасдан, у илмий тушунча сифатида алоҳида маҳсус ва атрофлича ўрганила бошланди.

Хаттоки совет даврида ўзбек тилида чоп этилган «Философия луғати»да бу тушунчага ўрин ҳам берилмаган. Ваҳоланки, «маънавият» ва унинг ўзагидан ясалган «маънавий» тушунчаларининг қўлланилиш доираси кескин кенгайиб, уларнинг луғавий ва терминологик мазмунлари шунчалик бойиб бормоқдаки, бу маънавиятни алоҳида илмий тушунча сифатида ўрганишни, унинг маданият, онг, тафаккур, дунёқарашиб, руҳият, ҳамда бадиий, сиёсий, ахлоқий қадриятлар ва ҳ. к. тушунчалар тизимидағи ўрнини аниқлашни, улар билан ўзаро муносабатларини таҳлил қилишни тақозо этмоқда.

Маънавият тушунчаси

Маънавият тушунчаси жуда кенг мазмунга эга. Чунки бу тушунча узоқ тарихий даврдан ривожланиб келган. Унинг атама сифатида шаклланишига ислом фалсафаси, илоҳиёт фани — калом, кейинчалик, айниқса, тасаввуф катта таъсир кўрсатган.

Кундалик ҳаётда «маънавият» кўпинча инсоннинг ва жамиятнинг моддий ишлаб чиқаришга бевосита оид бўлмаган ақлий фаолияти маҳсулотларига (маънавий маданиятига) ҳамда ахлоқий, диний қарашларга ва иймон-эътиқод амалиётига нисбатан ишлатилади. Рус тилида бизнинг «маънавият»га «духовность» тушунчаси мос келади. Лекин «духовность» ўзбек тилига айнан ағдарилса, «маънавият» эмас, «руҳият» ёки «руҳоният» бўлади. Фарб тилларида ҳам бу тушунчани ифодалайдиган атама «руҳ» ўзагидан ясалган.

Бизнинг тилимизда бу тушунчанинг дастлабки шаклланиши ёқ рус ва Европа тилларидагига нисбатан бошқача кечган.

¹ Ислом Каримов. Ўзбекистон: миллий истиқбол, иқтисод, сиёсат, мағкура. 1-китоб. Т., 1996 йил, 80—81-б.

«Духовность» асосида «дух» тушунчаси ётибди. «Дух» яхудий ва христиан анъаналарига кўра икки мазмунда қўлланилади: 1) руҳ ва 2) нафас. Ҳар икки мазмун ҳам худога бориб тақалади. Худо одамни яратгандан кейин, унга пуфлаб руҳ, яъни жон ато этган. Демак, руҳ — бу худонинг нафаси — инсоннинг жони, ички дунёси, қалби. Тавротнинг 2 боби 7 оятида шундай дейилган: «...Худованди Карим ернинг тупроғидан одам ясаб, унинг димогига ҳаёт нафасини пуфлади. Шу йўсинда одам тирик жон бўлди»¹.

Худонинг ўзи ҳам руҳ сифатида воқеъ бўлиши мумкин (христианларда Худонинг уч шамойилидан бирй руҳдир): Тавротнинг 1 боби 2 оятида ўқиймиз: «Ер ҳали шаклсиз ва бўй-бўш бўлиб, тубсизлик узра қоронгулик ҳукм сурар эди. Худонинг руҳи эса сув юзида парвоз этар эди»². Шу боисдан христианларда инсон ҳайвондан фарқли ўлароқ нафакат юракка, балки қалб (душа)га ҳам эга, дейилади.

«Духовность» инсонда «худонинг учкуни», ҳайвонот оламида учрамайдиган, унга худо ато этган фазилатлар — онг, тафаккур, иймон-эътиқод, ахлоқ ва муҳаббат (ишқ)дир. Инсон тафаккурига ҳос бўлган ижодкорликка, умуман инсоннинг иқтидорига, истеъододига, инсоний интилишлари-ю эҳтиёжларига «духовность» деб қаралган. Балки, шунинг учун бўлса керак, материалистик фалсафа «духовность» ўрнига кўпроқ «духовная культура» (маънавий маданият) ва «сознание» (онг) тушунчаларини ишлатади.

Бизнинг тилда «духовность» атамаси «руҳият» эмас, «маънавият» деб шаклланган. Нега шундай бўлган? Ваҳоланки, исломда ҳам яхудий ва христиан динларидагидек мазмунга яқин қўлланиладиган руҳ тушунчаси мавжуд. Куръоннинг ал-Исро сураси 85 оятида шундай дейилади:

«Сиздан руҳ ҳақида сўрайдилар. Айтинг: «Руҳ ёлғиз парвардиғор биладиган ишлардандир. Сизларга жуда оз илм берилгандир»³.

Яъни руҳнинг моҳияти илоҳий бўлганлиги учун, уни ҳатто пайғамбар ҳам тушунмайди. Одамий зотлар фақат руҳ мавжудлигини, бу руҳни Аллоҳ ато этганини биладилар,

¹ Куръони Карим. Т., 1992 йил. «Чўлпон» нашриёти.

² Уша жойда.

³ Инжил. Тавротдан Ибтидо. Забур. Библияни таржима қилиш институти. Стокгольм, 1992 й.

холос. Айни пайтда тор диний йўналишда мулоҳаза юритилганда, ислом, хусусан тасаввуф атамалари орасида «руҳоният» тушунчаси юқоридаги мазмунда қўлланилган. Алишер Навоийнинг «Лисон ут-тайр»ида ўқиймиз:

Чун риёзат рафъ этиб руҳоният,
Салб бўлгоч кимсадин нафсоният.
Колмағай руҳониятдин ўзга ҳеч,
Сен тахаллуфдин бу маъни ичра кеч¹.

Навоий бу ерда «руҳоният» тушунчасини инсонга хос асл фазилатларнинг намоён бўлиши, у ўзини ҳайвон билан яқинлаштирувчи нафсониятидан воз кечганида, уни худо билан бирлаштирувчи фаол, имкониятлари воқеъ бўлган руҳи, инсоннинг ҳаққа восил бўлган ички руҳий олами мазмунида ишлатмоқда.

Демак, ислом оламида маънавият тушунчасининг шаклланиши яхудий-христианларда мазкур атама шаклланишига таъсир кўрсатган омиллардан бошқача омиллар таъсирида кечган ва анъанавий асосининг тор тафаккур доирасидан четта чиққан.

Еарбда «духовность» (маънавият) ҳанузгача кўпроқ диний мазмунда ишлатилади. «Тафаккур» журналининг 1996 йил 1-сонида АҚШнинг Ўзбекистондаги Фавқулодда ва муҳтор элчиси Стенли Эскудеро муҳбир билан сұхбатда шундай дейди: «Аммо бизда маънавий жиҳатдан қашшоқланиб қолишдан кўрқув ҳисси ҳам йўқ эмас. Маънавий қашшоқлик баъзан диннинг жамият ҳаётидаги ўрнини тушуниб етмаслиқдан пайдо бўлади»².

Кўриниб турибдики, «маънавият» АҚШда (бутун Еарбда) биздагидек кенг мазмунда қўлланилмайди.

Русларда «духовенство» (руҳонийлар, дин пешволари) ва «духовность» тушунчаларининг бир ўзакдан ясалгани ҳам бежиз эмас. Еарб тилларидан фарқли ўлароқ совет даврида рус тилида (бошқа собиқ совет халқлари тилларида ҳам) «духовность» (унинг эквивалентлари) дастлабки мазмунини ниҳоятда кенгайтирди ва асосан дунёвий тушунчага айланди. Диний мазмун энди бу тушунчанинг кўплаб мазмунларидан биридир, холос.

¹ Алишер Навоий. Лисон ут-тайр. Асарлар. XV томлик. XI том Т., 1966 й., 217-б.

² «Тафаккур журнали». 1996 йил, 1-сон, 39-6.

Ижтимоий тараққиёт жараёнида атама мазмуни кенгайиб ва чуқурлашиб боради: моддийликка кирмайдиган барча ижтимоий ҳодисалар мажмуи «маънавий маданият» деб аталди. Булар — илм-фан, фалсафа, ахлоқ, ҳукуқ, дин, таълим-тарбия, оммавий ахборот ва тарғибот, мағкура, урф-одатларнинг мағкура ва эътиқод билан боғлиқ жиҳатлари ва шу кабилар. Бундай кенг талқиндан «маънавий маданият», табиийки, «маънавият» тушунчасини бойитди.

Бизнинг тилимизда, умуман ислом оламида «маънавият» атама сифатида (сўз сифатида эмас) қандай шаклланди, деган савол туғилади. Ушбу масала юзасидан ўз фаразларимизни айтиб ўтмоқчимиз.

«Маънавият» тушунчаси келиб чиқишига кўра икки ўзакка бориб тақалиши мумкин. Биринчи фараз — бу тушунча арабча «маъна» (маъно, маъни) негизидан ҳосил бўлган.

Илк ислом ислоҳотчиларидан ва файласуфларидан бўлмиш мұтазилийлар — Ҳасан ал-Басрийнинг шогирдлари Восил ибн Ато ва Амр ибн Убайд — Куръонни шарҳлаш илмига, яъни «илм ат-тафсир»га асос солдилар. Уларнинг таълимоти — қалом — бир неча қисмларга бўлинади: борлиқдан аввал ҳақидаги таълимот — қумун, атомлар ҳақида — жавҳар ал-фард, сабабий боғланиш ҳақида — таваллуд, моҳият ҳақида — маъно ва ҳ. к. Шундай қилиб, нарса ва ҳодисаларнинг, жараёнларнинг, табиат ва жамият, ҳаттоқи, худонинг моҳияти ҳақидаги таълимотни улар «маъна» деб атаганлар¹. Мұтазилийлар Аллоҳ ўз бандасига ўхшаб кўриш, эшитиш, гапириш хусусиятларига, жисмий тузилишига эга бўлиши мумкин эмас, бу худонинг муштараклиги ва яккалигига — тавҳидия талабига зиддир деб чиқдилар.

Масаланинг бу тартибда қўйилиши мулоҳазаларни Аллоҳнинг жисман ёки турлича моддий воқе бўлиши мумкинлиги устида олиб бормасдан, балки унинг кароматлари, марҳаматлари, иноятлари, ҳидоятларини қандай тушуниш кераклиги ҳақида олиб боришга, умуман илоҳий ҳодисотларнинг маънавияти соҳасига кўчириш имконини яратди.

Мұтазилийлар илк бор исломда қадимги юонон фалсафаси ва мантиқнинг услубларини қўлладилар ҳамда ислом

¹ Қаранг: «Философский энциклопедический словарь» М., 1983, с. 391.

фалсафасининг кўплаб атамаларига, шу жумладан, маънавият тушунчасининг ўзаги «маъна»га атама сифатида асос солдилар.

Иккинчи фараз — маънавият, унинг ўзаги «маъна» ҳам, қадимги ҳинд фалсафасининг асосий тушунчаларидан бири бўлмиш «маънас» тушунчасига бориб тақалиши мумкин, яни араб тилидаги «маъна» унинг таъсирида мазмунини кенгайтирган бўлиши мумкин.

Бугунги кунда фан жуда узоқ ўтмишда қадимги Ҳиндистон маданияти Миср, Бобил, хет, хуррий, сомий халқлари (яхудий, оссурий, аккад, оромий ва араб), юон маданиятлари билан алоқада бўлғанлигидан шубҳаланмайди. Геракл тўғрисидаги асотирларга яхудийларнинг Самсон тўғрисидаги асотирлари таъсир этганлигини, у эса ўз навбатида шумерларнинг (Билгамес) Гелгамиш ва Энкиду тўғрисидаги эпосидан айрим элементларни олганлиги ҳақида илмий адабиётларда гапирилади¹. Шумерларнинг асотирлари ва Гелгамиш тўғрисидаги эпоси Яқин Шарқ халқлари маданиятига чуқур таъсир этган. Эпос аккад, хет ва хуррий тилларига таржима қилинган². Рим шоирлари Гелгамиш тўғрисида шумерлардан кейин ҳатто икки минг йил ўтгач ҳам асарлар битганлар³. Дунёни сув босганлиги — тўфон тўғрисидаги маълумот ҳам Яқин Шарқда илк бор шумер асотирларида ҳамда Гелгамишга бағишланган эпосларда учрайди⁴.

Кейинги йиллар тадқиқотлари Яқин Шарқ асотирларининг айримлари энг қадимги ҳинд асотирлари билан (ведаларгача давр) умумий илдизга эга эканлигини кўрсатмоқда. Ҳар ҳолда уларда ўзаро муштарак элементлар мавжуд. Масалан, тўфон тўғрисидаги асотир ҳинкларда ҳам мавжуд. Гелгамиш ва Энкиду образларига ўхшаш образлар бор⁵. Қадимги юон философиясида оламнинг моддий асосини ташкил этувчи тўрт унсур — тупроқ, сув, ўт, ҳаво ҳақидаги таълимот ҳам илк бор ҳинд фалсафасида вужудга келган. Масалан, «Брихандаранка» (1У—4,5) ва «Чхадо-

¹ Крамер С. Н. Мифология Шумера и Аккада — «Мифология древнего мира». М., 1977, с. 129—130.

² Мифы народов мира. Энциклопедия, т. 1, М., 1961, с. 302—303.

³ Ўша ерда.

⁴ Крамер С. Н. Ўша асар ва манба, 145-б. ва «Мифы народов мира»... т. I, с. 303.

⁵ Мифы народов мира... т. I, с. 393. Ўша асар, т. 2, 343-б.

тъя-упанишада» (УП, 7,1)да икки жуфт унсурлар: осмон, ҳаво, ер, сув-олов (ўт) ҳақида гапирилади¹.

Умуман, дастлабки ҳинд фалсафий қарашлари акс этган Ведалар юон ва араб фалсафасига нисбатан 1—2 минг йил қадимроқ (гап уларнинг ёзib олиниши устида эмас, вужудга келиши устида кетаяпти). Шу боисдан уларнинг айрим тушунчалари, табиийки, Яқин Шарқ халқлари томонидан ўзлаштирилган бўлиши эҳтимолдан узоқ эмас. Ва, аксинча, Яқин Шарқда вужудга келган айрим ғоялар Эрон, Ўрта Осиё ва Ҳиндистонда ҳам тарқалган. Айрим олимлар шумер асотирларидаги баъзи элементлар Яқин Шарқдан Ҳиндистонга борганлигини фараз қиласидар².

Узоқ даврлардан Ҳиндистон, Миср, Эрон, Ўрта Осиё, Яқин Шарқ, қадимги Юнонистон ўртасида алоқалар мавжуд бўлган. Айниқса, Искандар Зулқарнайн Ҳиндистонни босиб олгач, бу минтақалар ўртасидаги алоқалар янада кучайди. Қадимги шумерларнинг I—Ур сулоласи даврига оид Пуаби қазилмаларидан (эрамизгача 2,5 минг йил) археологлар Ҳиндистон ва Бадахшондан келтирилган тилла буюмлар ва қимматбаҳо тошларни топганлар.

Шумерларнинг ва Ҳиндистоннинг Мелахи (Мелухха) портлари орасида кема қатнаган³. Ривоятларга кўра, Пифагор Ҳиндистонда (б. э.гача 6 аср), Платон Мисрда бўлган, Сехнуфис исмли коҳин билан курган суҳбатлари асосида айрим асарларини битган⁴.

Қадимги Ҳиндистон, Бобил ва Миср ўртасида эса маданий ўхшашиклар шу даражада кўпки, улар тасодиф бўлиши мумкин эмас. Ҳинд маданиятининг Ўрта Осиё ва Эрон маданиятлари билан яқинлиги ҳақида гапирмаса ҳам бўлади.

Уларнинг ўзаро алоқаларини энг қадим даврдан бошлаб исботлаш мумкин. Ҳиндистон ва Яқин Шарқ ўртасида ёзма манбаларда акс эттирилгандан ҳам аввал маданий алоқалар ўрнатилган деб ҳисоблашга тўла асос бор. XIX асрнинг 80-йиллари охирида рус олими Л. Ю. Шредер пифагоримизнинг манбалари ҳинд брахман-коҳинларнинг

¹ Қаранг: Упанишада. М., 1966 й.

² Гринкер П. А. Две эпохи литературных связей. Типология и взаимосвязь литературы древнего мира. М., 1971 с. 21.

³ История Древнего Мира. Ранняя древность. М., 1982, с. 59.

⁴ Қаранг: Шейнман-Топштейн С. Я. Платон и ведийская философия. М., 1978, с. 8.

мистик-математик таълимотига бориб тақалишини жуда ҳам ишонарли исботлаган¹. Аммо гарбда ҳукм суриб келган европоцентристик қарашлар шарқ ва гарб маданий алоқаларини холисона ва чукур ўрганишга бизнинг кунларгача имкон бермади.

Ҳинд ва араб маданиятларининг, тилларининг ўзаро алоқалари ва таъсири ҳам чукур ва ҳар томонлама ўрганилгани йўқ. Аммо мавжуд адабиётлардан бу алоқаларнинг анча узоқ муддатли ва самарали бўлганлигини биламиз.

Илк ислом илоҳиятчиларидан бўлмиш ҳаммарийларнинг қарашлари очиқдан-очиқ ҳинд таълимотларига бориб тақалади. Улар исломга баъзи ҳинд фояларини киритишга уринганлар. Масалан, жоннинг (руҳнинг) кўчиб юриши фояси ёки гуноҳкор бандаларни гўёки худо маймун ва чўчқалардан яратиши ва ш.к.²

«Айрим соҳаларда — тиббиёт ва риёзиёт кабиларда — улар (араблар — А. Э.) кўп нарсани Ҳиндистондан ўргандилар. Бағдодга кўплаб риёзиётчи олимлар келарди. Кўплаб араб талабалари Шимолий Ҳиндистондаги тиббиётта ихтинослашган, ўзининг буюклигини сақлаб қолган Такшашила дорилфунунига борар эдилар. Тиббиёт ва бошқа соҳалар бўйича китоблар санскритдан араб тилига таржима қилинар эди»— деб ёзган Жавоҳарлаъл Неру³:

Мұтазилийлардан айримлари ҳам ҳинд фалсафасидан баҳраманд бўлганлар. Масалан, мұтазилийлар таълимотининг йирик вакилларидан бири Абу Исҳоқ ан-Наззам (IX аср) ҳинд софистлари — «суманийя»лар билан ёшлигидан доимий мuloқotda бўлган⁴.

Юқорида келтирилган мисоллардан хulosа қилиш мумкинки, дастлабки ислом илоҳиятчилари нафақат яхудий ва христиан ақидаларини, шунингдек, ҳинд диний-фалсафий қарашларини ҳам анча-мунча билишган. Бу ҳинд диний-фалсафий таълимотларининг баъзи бир тушунчалари ислом илоҳиёти — калом тушунчалари шаклланишига ўз ҳиссасини кўшганлиги эҳтимолини инкор қилмайди.

¹ Шредер Л. Ю. Пифагор и индийцы. — В «Журнал Министерства народного просвещения», 1988, № 10.

² Бертельс Е. Э. Избранные произведения. Суфизм и суфийская литература. М., 1965, с. 21.

³ Дж. Неру. Взгляд на всемирную историю. т. 1, М., 1989, с. 215.

⁴ Бертельс Е. Э. Ўша асар, 23-б. Яна қаранг: Закуев А. Н. Философия ан-Наззама. Баку, 1961 й.

Худди шундай биз бугунги кунда кенг кўллаётган «маънавият» тушунчаси шаклланишига, унинг ўзаги «маъна»га «маънас» тушунчаси ўз ҳиссасини қўшғанлиги мантиқа зид эмас.

Маънас санскрит тилида «акл» дегани. Қадимги ҳинд фалсафасининг арконий тушунчаларидан бири сифатида у онгнинг барча кўринишлари, барча ҳолати ва барча фаолияти — ақлнинг, фаҳм-фаросат, ҳиссиёт, туйгулар, сезгиларнинг, ироданинг ва ҳ.к.нинг манбаидир. У танага оид ҳисобланади, тана билан бирга пайдо бўлади ва ўлади. Маънас, «Ригведа»га биноан, юракда жойлашган¹.

Маънас айнан ҳиндлар ишлатган шаклда Ўрта Осиё ва Эронда ҳам қўлланилган. «Фарҳанги забони тоҷики» луғатида маънас — маҳалли унсу улфат — дўстлар ва улфатлар жойи, деб талқин қилинган ва Румийнинг қуидаги байти келтирилган:

«Қасрҳо худ мар-шоҳонро маънас аст,
Мурдаро хону макон гўре баст аст»².

Мазмуни: Агар шоҳлар учун қасрлар дўстиёр жойи бўлса, ўликлар учун эса хону макон гўрдир.

Бу ерда Румий сўфиёна гояни ифодаламоқда. Маънас дўсту ёр, яъни худо яшайдиган жойдир. Ваҳдат-ул-вужуд таълимотига кўра, худо ҳар бир инсоннинг қалбida мавжуддир. Демак, маънас бу байтда қалб маъносида ишлатилмоқда. Шоҳлар деганда ниятлари улуғ, сахий, орзу-ҳаваслари ҳаққа қаратилган, ўз нафсу хирсини жиловлаб олган комил инсонлар назарда тутилмоқда ва уларнинг қалби қасрга ўхшатилмоқда. Ўликлар деганда ўз нафсу хирсининг курбони, ҳеч ишга рағбатсиз, лоқайд, бефарқ кишилар назарда тутилиб, уларнинг орзу-ҳаваслари кўмилган қалблари қабрга қиёсланмоқда. Ўз навбатида қаср ҳам, қабр ҳам маънаснинг мажозий ифодасидир. Шундай қилиб, Румий диний-мистик пантеизм гоясини олға сурмоқда. Румий маънас тушунчасини «маъно» мазмунида эмас, кўпроқ маънавият, яъни инсондаги илоҳийлик макони, манбаи мазмунида мажозий образ сифатида ишлатмоқда.

¹ Философский энциклопедический словарь, с. 337.

² Фарҳанги забони тоҷики, т. 1, М., 1969 й., 665-6.

Ҳинд фалсафасининг турли оқимларида ва буддизмда кейинчалик маънас турлича талқин этилган. Лекин асл мазмунидан унча йироқлашмаган.

Дарвоҳе, атаманинг «маънавият» шакли ҳам Жалолиддин Румий туфайли оммалашган. Унинг «Маснавийи маънавий» асари Яқин Шарқ, Эрон, Ўрта Осиё ва Шимолий Ҳиндистонда машҳур бўлган.

Румийда маънавият сўфийлик таълимотининг асосини ифодалайди. Румий тушунчасида маънавият ҳақ, ҳақиқат моҳияти. Унга инсон нафсадан қутулиб, ўзликдан кечиб, фано орқали етишади, у билан бирлашади. Демак, маънавият, сўфийча талқин қилинса — бу шариат, тариқат, маърифат ва ҳақиқатнинг инсон онгида, ҳиссиётида ҳамда иродасида муштараклик касб этишидир.

Алишер Навоийда ҳам биз бу атамани сўфийлик таълимоти синоними сифатида учратамиз:

Мунда фоний бўлмай иш бўлмас тамом,
Фоний ондин топти назмим ихтимом.
Ҳам бу дафттар ичра Шайхи маънавий,
Ким демиш қушлар тилидин маснавий...
Гарчи бу иккӣ таносиб ёр эди,
Назмима бу тахаллус бор, эди¹.

Кўриниб турибдики, Навоий «Шайхи маънавий» деганда Атторнинг сўфийлик таълимотини назарда тутмоқда.

Кейинчалик «маънавият» сўфийча таълимотни эмас, балки инсоннинг оламга муносабатини, ижодкорлик қобилиятини, илмий, фалсафий, ахлоқий, бадиий, диний қарашларини — умуман кенг маънодаги ақлий ва ҳиссий дунёсини, иродасини ифодалай бошлади.

«Фарҳанги забони тоҷики»да (т. 1), «маънавият» ва «маънавий» кишининг ички фикрий ва руҳий олами ёки унга оид, моддийликнинг муқобили сифатида талқин қилинади².

«Ўзбек тилининг изоҳли лугати»да маънавийнинг иккинчи мазмуни «ахлоқий» деб берилган³. Шубҳасиз, бу маз-

¹ Навоий Алишер. Ўша асар, 234-б. — Машҳур чех олими академик Ян Рипка Румийнинг «Маснавийи маънавий» асари номини «Мавжудликнинг ички моҳиятига қаратилган маснавийлар», деб таржима қилган.— Қаранг: Рипка Ян. История персидской и таджикской литературы. М., 1970, с. 235.

² Фарҳанги забони тоҷики, т. 1, 665-б.

³ Ўзбек тилининг изоҳли лугати, т. 1, М., 1988 й., 454-б.

мунлар ҳам «маъно» мазмунидан кенгроқ бўлиб, кўпроқ «маънас» мазмунига яқиндир.

Хозирги замон араб тилида маънавият нафақат «маъно»га оид мазмунда, шунингдек «ахлок», «руҳ», «шахснинг ҳуқуқий мақоми» мазмунларида ҳам ишлатилиб келинмоқда. Амалий қўлланишининг серқирралиги уни «маъна»дан кўра «маънас»га яқинроқ қиласди. Арабча-русча ва Русча-арабча лугатларда «маънавийя» — мазмунга оид, мавхум, «духовный, моральный», юридик ҳуқуққа эга бўлган жисмоний шахс (шахсиятун маънавиятун), маънавийя — (кўшиннинг) руҳий ҳолати — каби мазмунларда берилган¹.

Ҳар ҳолда маънавият тушунчасининг шаклланишига «маъно» билан бирга «маънас» ҳам маълум ҳисса қўшган деб айтиш мумкин. Булар, албатта, бир фараздир. Биз учун энг муҳими атаманинг тарихий келиб чиқиши эмас, балки бугунги кундаги мазмунидир. Хўш бугунги кунда маънавият тушунчаси нималарни англатади?

Маънавият тушунчасининг моҳияти

Маънавият нима, деган саволга илмий, сиёсий, публицистик адабиётларда турлича ёндашувлар асосида ҳар хил фикрлар билдирилиб кетилади.

Баъзи муаллифлар маънавиятнинг моҳиятини илоҳий деб биладилар. Маънавият ҳодисотини эса онгнинг тўлиқ тушунтириб бериш мумкин бўлмаган сирли жиҳатлари, инсоннинг руҳий кучи, ундаги туғма ахлоқийлик, туғма диёнат, виждон, имон, худо инсоннинг кўнглига солган ижтимоий ва ижодий мойиллик, интилиш, деб талқин қиласдилар. Бошқача қилиб айтганда, маънавият инсонга ато этилган имон-эътиқод ва ўлчаб берилган ақлий, ишқий, умуман инсоний имконият. Бу қараашларда маънавият илоҳий ёки табиийликдан устун ҳодиса сифатида тушунтирилади. Мана бир мисол: «Маънавият ва қадрият аслида илоҳий бўлиб, оила, авлодлар, маҳалла, миллат, давлат ва давр қадриятлари ва маънавиятлари орқали баён қилинади»².

¹ Русско-арабский словарь. М., 1967, с. 551. Арабско-русский словарь. М., 1984, с. 545–546.

² Зикрилаев Ф. Маънавият — ақл-идрок маҳсули — «Ишонч» газетаси, 1995 й., 28 июль.

Фикрнинг тавталогиясидан («маънавият ва қадрият... қадриятлари ва маънавияти орқали баён қилинади») ҳам, муаллифнинг ушбу ҳодисаларни илоҳий эканлигини уқтираётганлиги диққатни жалб қиласиди.

М. Имомназаров эса уни «илоҳий нур», деб ҳисоблади ва тушунчанинг мазмунини очишга интилмайди. «Маънавият инсон қалбидағи илоҳий нур. Олий ҳақиқат нури бўлиб, шу сабабдан буюк бобокалонларимиз инсон қалбини «Ҳақиқат асрорининг ганжинаси», деб атаганлар. Ҳақ асрори эса шундай сеҳрли тилсимки, уни тугал ечишга аҳли башар қудрати етмайди»¹.

Илоҳий ҳодисалар, шу жумладан, «олий ҳақиқат нури» абадул абад ўзгаришсиз, мутлақ бўлади, фақат уларни тушуниш, идрок этишгина ўзгариши мумкин. Маънавият ҳақида гапиргандан эса, биз унинг юксалиши, айрим умуминсоний қадриятлардан ташқари бошқа аксарият қадриятларнинг янгиланиши ёки аксинча таназзули, қашшоқланишини, яъни ўзгаришини, нисбийлигини таъкидлаймиз.

Шубҳасиз, зардуштийлик негизида шаклланган узоқ аждодларимиз маънавиятидан ислом негизида шаклланган ота-боболаримиз маънавияти кескин фарқ қиласиди. Ҳалқимизнинг бугунги кундаги маънавияти замонавий қадриятлар ва мустақиллик таъсирида нафақат ўтган асрдаги, ҳатто бундан ўн йил бурунги социализм давридаги маънавиятидан ажralиб туради. Зеро, И. Каримов таъкидлаганидек: «Маънавият узлуксиз ҳаракатдаги жараёндир. Фикр, тафаккур, ҳис-туйғу тиним билмаганидек, уларнинг маҳсули ўлароқ маънавият ҳам доимо ўзгариш ва янгиланишда бўлади»².

Фанда масала М. Имомназаров қўйган тартибда қўйилиши мумкин эмас. Чунки фаннинг вазифаси ўзи тадқиқ этадиган ҳодисаларни тушунтиришдан иборат. Балки, фан тушунтиришда хатоларга йўл қўяр, адашар, нотўғри талқин қиласиди, аммо у доимо мантиққа асосланади, таҳлилдан, талқиндан, тушунтиришдан, хуроса қилишдан қочмайди.

¹ Имомназаров М. Миллий маънавиятимизнинг такомил босқичлари. Т., 1996, 6-б.

² Ислом Каримов. Биз келажагимизни ўз қўлимиз билан қурамиз. 7-китоб. Т., «Ўзбекистон», 1999, 302-б.

Чоп этилаётган баъзи китобларда маънавият баъзан онгнинг, баъзан ахлоқ ва эътиқоднинг, кўпинча маънавий маданиятнинг синоними, баъзан ҳатто уларнинг ҳаммасини ифодалайдиган йифма тушунча сифатида ишлатилади.

«Маънавият жамият тараққиёти жараёнида шаклланган маданиятнинг инсоният, шахс онгида ифодаланишидир. Маданият мазмун жиҳатдан ниҳоятда кенг бўлиб, ҳар бир тарихий даврдаги маънавият унинг барча томонларини қамраб ололмайди»¹,— деб ҳисоблайди Э. Юсупов.

Кўриниб турибдики, маънавият бу ерда онгнинг маданиятни акс эттиришига кўра мазмун жиҳатдан нисбатан ажralиб турадиган бир бўлаги, деб талқин қилинмоқда.

Шўро даврида битилган асарларда ҳам маънавият тушунча сифатида таҳдил қилинмаган. Боз устига доимо «маънавий ҳаёт» ва «маънавий дунё» ҳақида сўз юритилган. Улар эса асосан куйидаги таркибий қисмларга ажратиб кўрсатилади: ижтимоий онг шакллари, маънавий-мафкуравий муносабатлар, маънавий ишлаб чиқариш ва истеъмол, жамиятнинг маънавий ташкилотлари ва институтлари ҳамда улар ўртасидаги боғлиқлик². Юқоридагилардан холоса қилиш мумкинки, «маънавий ҳаёт» тушунчаси «маънавият» тушунчасидан анча кенгdir. Аммо бу тушунча доирасида «маънавият» алоҳида таҳдил этилмаган.

Мустақил тараққиётнинг маънавий омилларини мустаҳкамлаш, улардан самарали фойдаланиш зарурияти эса маънавият тушунчасини ҳар томонлама таҳдил этишни тақозо этади.

Маънавият — фақат инсон учун хос. Лекин у илоҳий ёки файритабиий ҳодиса эмас, балки ижтимоий ҳодиса бўлиб, инсон фаолияти билан боғлиқ. Табиатда маънавият йўқ. Инсон маънавияти билан ҳайвондан, жамият эса табиатдан фарқ қиласи, дейиш жуда ўринлидир.

Агар моддий ишлаб чиқаришда ва моддий неъматларни истеъмол қилишда инсоннинг ижтимоий-биологик мавжудот сифатидаги моҳияти намоён бўлса, маънавиятда (маънавий неъматларни яратишда ва улардан фойдаланишда, маънавий фаолиятда) инсоннинг ижтимоий-маданий мавжудот сифатидаги моҳияти рўёбга чиқади.

¹ Юсупов Э.Ю. Ҳадисларда дунёвий ва диний ғояларнинг боғлиқлиги.— Ж. «Ўзбекистонда ижтимоий фанлар», 1994, 5-сон.

² Қаранг: Духовный мир развитого социалистического общества. М.: 1977; Уледов А. К. Духовная жизнь общества, М., 1980.

Маънавият инсоннинг ижтимоий-маданий мавжудот сифатидаги моҳиятидир, яъни инсоннинг меҳр-мурувват, адолат, тӯғрилик, соғдиллик, виждан, ор-номус, ватан-парварлик, гўзаликни севиш, ундан завқланиш, ёвузликка нафрат, ирова, матонат ва шу каби кўплаб асл инсоний хислатлари ва фазилатларининг узвий бирлик, муштараклик касб этган мажмуидир.

Ушбу хислат ва фазилатлар ҳайвонот учун хос эмас. Аммо уларнинг муқобиллари — ахлоқсизлик, гараз, ҳasad ва ҳоказолар ҳам ҳайвонларда учрамайди. Кейингиларнинг эса маънавиятга ҳеч қандай алоқаси йўқ. Демак, маънавият бу шунчаки инсоний хислатлар мажмуи эмас, балки ижобий хислатлар, фазилатлар мажмуидир. Худди шунга ўхшаш фикрни бошқа тадқиқотчилар ҳам билдиришган: «Инсон онгли фаолиятининг, тафаккур салоҳиятининг ҳар қандай шакли маънавият бўла олмайди. Инсон руҳий оламидаги муайян ижобий ижтимоий аҳамият касб эта оладиган фазилатларгина маънавият деб аталади»¹.

Инсоний фазилатлар жамиятда тарихан шаклланади. Улар ижтимоий тараққиётнинг маҳсули. Кишилар ўртасидаги турли муносабатларни англаш, уларни баҳолаш, кўллаб-куватлаш, рағбатлантириш, ёки, аксинча, қоралаш, чеклаш, бартараф этиш зарурияти турли ахлоқий (кейинчалик ҳукуқий ҳам), эстетик, диний ва бошқа меъёрларни, урф-одат ва маросимларни юзага келтиради. Улар қадрият даражасига кўтарилади. Қадрият — бу ижтимоий баҳолар, меъсрлар ва идеалларнинг умумий атамаси ва объективлашган воқелиги: бадиий, илмий асар, обидалар ёхуд удум, маросим, ахлоқ ва ҳ.к.

Қадриятларни ўзлаштириш жараёнида кишида инсоний фазилатлар қарор топади. Инсоний фазилатлар, шундай қилиб, ижтимоий муносабатларнинг (шу жумладан, жамиятнинг табиатга муносабатининг ҳам) инсон онги ва фаолиятида ўзлаштирилган қадрият сифатида зоҳир бўлишидир. Бошқача қилиб айтганда, инсоний фазилатлар ва уларнинг мажмуи — маънавият — ижтимоий қадриятларнинг муштараклашган ифодасидир.

Қадриятларни ўзлаштириш инсоннинг қай даражада маънавий шахсга айланганини кўрсатади, унга ички куч,

¹ Юсупов Эркин, Юсупов Ўтқир. Маънавий камолот ва жамият тараққиёти. Хўжанд, 1996. 29-б.

эътиқод бағишлийди. Шуларни назарда тутиб И. Каримов: «Маънавият деганда авваламбор одамларни руҳан поклашга, қалбан улуглашта чорлайдиган, инсон ички дунёсини, иродасини бақувват, иймон-эътиқодини бутун қиласидиган, вижданини уйғотадиган кучни тасаввур қиласман», — деб эътироф этган¹.

Маънавият инсоний фазилатлар билан бирга «маънавий маданият» деб аталмиш дунёвий илм-фан, фалсафа, ахлоқ, ҳуқуқ, адабиёт ва санъат, халқ таълими, оммавий ахборот воситалари, урф-одатлар, анъаналар ҳамда дин ва диний амалиёт — ибодат, тақво, диний маросимлар ва ҳоказо, диний адабиёт, диний санъат каби бошқа кўплаб тарихий ва замонавий қадриятларни қамраб олади.

Инсоннинг ҳаётга муносабати ривожланиши жараёнида унинг онги, айниқса, илмий, фалсафий, диний тасаввурлари бойиб боради, ўзгаради. Шу боисдан турли тарихий даврларда яшаган кишиларнинг қарапашлари, ижтимоий баҳолари ва мўлжаллари, қадриятлари ҳам нисбатан фарқ қиласиди.

Онг тўлалигича маънавиятга кирмайди, чунки унда ўзгарувчан, муваққат, тасодифий ҳолатлар кўп учрайди. Онгга ўткинчи кайфиятлар, эҳтирослар катта таъсир кўрсатади. Маънавият эса бир зумда ўзгариб қолмайди. У чуқур тарихий, маданий илдизларга эга. Тўғри, унга ҳам собит туйғулар, ор-номус, миллий фурур ва ифтихорга оид ҳис-ҳаяжон ва эҳтирослар таъсир кўрсатади. Аммо улар ўткинчи эмас. Демак, маънавият онгнинг моҳиятли томони ёки онгдаги моҳиятиликдир. Ушбу жиҳатдан маънавият онг каби идеал ҳодисадир, аммо илоҳий ҳодиса эмас.

Идеаллик маънавиятнинг моҳиятини тўлиқ очмайди: идеаллик маънавиятнинг фақат бир жиҳатидир. «Онгда мустақил мавжудлик йўқ. У фақат миянинг обьектга нисбатан функцияси сифатидагина мавжуд... Онгнинг ўзига хослиги шундаки, у қандайдир субъектив, идеал нарсадир. У ўзининг моддий субстратларига — мия ва инъикос обьектига — муносабатидан ташқари мустақил мавжудликка эга эмас»².

¹ Ислом Каримов. Биз келажагимизни ўз қўнимиз билан курамиз. Т., «Ўзбекистон», 7-китоб, 302—303-бетлар.

² Спиркин А. Г. Сознание и самосознание. М., 1972, с. 68—69.

Маънавият эса мустақил мавжудликка эгадир. Маънавият энг аввало, маданият орқали мустақил мавжудлиги ни намоён этади. Бу ҳақда кейинроқ тўхталамиз. Ҳозирча маънавият ва онг муносабатлари тўғрисидаги фикрни давом эттирамиз.

Маънавият жамиятда қарор топган етакчи ғояларга ҳамда кишиларнинг дунёқарашига, эътиқодига боғлиқ. Ҳақиқатан, маънавият онгдаги тасодифий, иккинчи даражали, вақтингчалик ҳолат бўлиши мумкин эмас. У событ эътиқодга айланган, қадрият даражасига кўтарилган бўлиб, жамиятдаги муносабатларни ва инсон хатти-ҳаракатини белгилашда ҳал қилувчи роль ўйнайди.

Эътиқодсиз маънавият бўлмайди. Эътиқод маънавиятнинг энг асосий устунларидан биридир. У маънавиятга муштараклик ва жипслик бағишлайди. Унинг турли таркибий қисмларини ўзаро бирлаштиради ҳамда маънавиятни амалиётга боғлади. Эътиқод маънавиятнинг моҳиятини очиб берувчи тушунчалардан бири.

Эътиқод ва маънавият

Эътиқод, энг аввало, шахс (жамоа, гуруҳ, жамият) томонидан муайян ғояларга, баҳо ва меъёрларга иккиланмасдан, шубҳа қилмасдан, қатъий ишонч асосида ҳосил бўлган энг муҳим ва биринчи даражали ҳисобланган событ тушунчалар, умумқабул қилинган назариялар ва қарашибардир, яъни илмдир ҳамда уларни фаол ақлий ва ҳиссий қабул қилиш, севиш, ихлос кўрсатиш, уларга ўз идеалларини, ижтимоий интилишлари ва амалиётини мослаштиришдир.

Шундай қилиб, эътиқоднинг мазмунини илм ташкил қиласди. Чунки киши нимага эътиқод қилаётганини — нишмага ишонаётганилигини, нимага интилаётганини, нимага ўз хулқ-атворини, ижодини мослаштириши лозимлигини билиши лозим. Бу илм диний ёки дунёвий ёхуд уларнинг маълум даражадаги қоришуви бўладими, ундан қатъи назар, эътиқоднинг кенг маънодаги ҳаётий мазмунини ташкил этади. **Илмсиз эътиқод йўқ, бўлиши мумкин ҳам эмас.**

Эътиқоднинг илғорлиги ёки қолоқлиги, инсонпарварлиги ёки худбинлиги ё ва бошқа кўплаб хусусиятлари унинг мазмунини ташкил этувчи илмга боғлиқ. Аммо ҳар қандай илм, айниқса кундалиқ билимлар эътиқод бўлавермайди.

Нафақат кундалик билимларда, ҳаттоғи илм-фанда ҳам кўплаб турли ахборот даражасидаги ҳамда асосий арконий тамойилларни шакллантиришга хизмат қилувчи «ёрдамчи» ва оддий элементар тушунчалар борки, улар қанчалик фан ва илмий тадқиқот, ижтимоий ҳаёт учун аҳамиятли бўймасин, эътиқоднинг бевосита таркибий қисмига кирмайди. Шунингдек, амалиётда тасдиғини топмаган, фараз сифатида олға сурилган илмий тушунчалар ва назариялар, табиийки, эътиқодга айланмайди. Иккиланиш ва шубҳа билан қаралган илм эътиқод эмас. Илгари инсон қаттиқ ишонган тушунчалар, гояларга нисбатан жамият ва илм-фан тараққиёти натижасида шубҳа туғилса, улар эътиқод мақомини йўқотади.

Эътиқодда ишонч катта роль ўйнайди. Ишонч эътиқод мазмунини ташкил этувчи тушунчалар, меъёrlар, foялар, таълимотга — илмга (билимга) нисбатан кучли эмоционал (ҳиссий) ижобий муносабатдир. Ишонч турмуш тажрибаси негизида ҳосил бўлган кундалик онг даражасига ва илмий билимларни муайян (тўғри ёки нотўғри) тушунишдан ҳосил бўлган назарий онг даражасига оид бўлиши мумкин. Ишонч оиланинг тарбияси ва амалиёти натижасида, давлатнинг таълим муассасалари, ташвиқот ва ахборот воситалари орқали киши онгига таъсир этиш оқибатида вужудга келади.

Ишонч ўз мазмунига кўра, Эрих Фромм эътироф этганидек, рационал ёки иррационал характер касб этади.

Рационал ишонч шахснинг фаол ҳаракатига, яратувчилигига асосланади. Унинг объектини ташкил қилган фоя, таълимот, идеал тўғри ёки хато, реал ёки утопик бўлиши мумкин. Лекин шахс унга сидқидилдан ихлос билан интилади, унга эришиш йўлларини излайди, ижод қилади. Натижада у ўша мақсадга етолмаса ҳам (агар у сароб бўлиб чиқса) маълум самарага эришади, фаолияти изсиз кетмайди.

Иррационал ишонч шахснинг ижодий пассивлигига, фармонбардорлигига, мутаассиблигига асосланади.

«Агар иррационал ишонч ниманидир ё кўпчилик ёхуд қандайдир обрўли шахс ҳақиқат ҳисоблагани учунгина ҳақиқат деб қабул қилса, рационал ишонч самара берувчи ўз кузатишларига ва мушоҳадаларига асосланган эътиқод мустақиллигини билдиради!», — деб ёзади Эрих Фромм. На-

¹ Эрих Фромм. Психоанализ и этика М., 1993, с. 159.

заримизда, Фроммнинг ушбу холосаси маълум даражада бирёқдама, масалага бир оз торроқ ёндошишнинг оқибатига ўхшайди. Лекин энг аввало Фроммнинг асосий холосаси ниҳоятда теран ва тўғри: рационал ишонч — бу самара берувчи эътиқод мустақиллигидир. Бошқача қилиб айтганда, ишончнинг рационал бўлиши эътиқод мустақиллигини таъминлашга хизмат қиласди.

Мустақил эътиқод эса шахс ва жамият эҳтиёжларини нисбатан тўғри англайди ва бу эҳтиёжлардан келиб чиқиб янгиликларга, ранг-барангликка, мавжуд ҳолатни ўзгартиришга интилади. Иррационал ишонч ҳурликка ҳам, ижтимоий янгиликка ҳам интилмайди, балки уларни ғайритабиий кучлардан, доҳийлардан, авлиёлардан кутади. «Иррационал ишонч нимагадир ёки кимгадир мутаассибона (фанатик) ихлос қилишдирки, унинг моҳияти шахсга тегишли ёки шахсдан ташқарида турувчи иррационал обрўга бўйсунишдан иборат»¹ — деганида, Э. Фромм асосан ҳақ эди.

Фромм мулоҳазаларидаги бизга бирёқламалик бўлиб туюлган жиҳатларга келсак, қўйидагиларни таъкидлашни истар эдик. Ишонч, унинг рационал ёки иррационал характеристери шахснинг узоқ давом этган мулоҳазалари, холосалари ва ҳаётий тажрибаси маҳсулни бўлиши ҳам, бўлмаслиги ҳам мумкин. Кейинги ҳолда у жамиятдаги ёхуд шахс субмуҳити — оиласи, жамоаси ёки улфатларининг норасмий даврасидаги ҳукмрон эътиқод асосида шаклланади ва шахс томонидан тайёр аксиома сифатида қабул қилинади. Аммо ишончнинг рационаллиги ёки иррационаллиги булар билан белгиланмайди.

Узоқ илмий таҳлиллар, мантикий холосалар асосида шаклланган ишонч иррационал бўлиши ҳеч гап эмас (агар тадқиқот усули нотўғри танланса, дастлабки шартларда ва таянилган холосаларда хатога йўл қўйилса ҳ.к.). Ахир философиядаги, диний таълимотлардаги, ижтимоий назариялардаги иррационал оқимлар ҳам атоқли мутафаккирларнинг узоқ йиллар давомидаги ақлий меҳнати, изланишлари, бошқа таълимотларни танқидий таҳлил қилиб, маълум холосаларга келиш натижасида пайдо бўлган. Аксинча, тайёр ҳолда, «беййлов» қабул қилинган ишонч чукур рационал бўлиши мумкин.

² Ўша жойда, 156-б.

Рационаллик ва иррационаллик шахсий ёки жамоавий тажрибага, дунёвийликка ёки динийликка, материалистик ёки идеалистик тамойилларга суюнишга бевосита боғлиқ эмас. Ишончнинг рационаллик ва иррационаллик мезонини тараққиёт заруриятидан излаш керак. Шахс (жамоа) қаттиқ ишонган тушунчалар, меъёрлар, фоялар, идеаллар тарихий тараққиёт заруриятига қанчалик мос келса, ишонч шунча рационаллик касб этади. Тарихий зарурията, жамият ривожланиш талабларига мос келмайдиган илмга нисбатан шаклланган ишонч иррационалдир. У объектив самара бермайди.

Демак, маънавият тараққиёт этиши учун эътиқод самарали рационал ишончга асосланиши лозим. Бу ишонч четдан мўъжиза кутиб ўтирамайди, шахс ўз эътиқодига содик қолган ҳолда, мақсадига эриша олмаса ҳам, сабабини ўз фаолиятидан ахтаради. Бинобарин, унга танқидий баҳо беради, қўшимча воситалар излайди ва ҳ.к.

Янги таълимотлар, янги динлар ўзларидан аввал вужудга келган бошқа муҳолиф таълимотлар, динлар билан гоявий, сиёсий курашда ўз ўрнини топишга, ўз ҳақиқатини қарор топтиришга интилиши улар тарафдорларини фаол бўлишга, ўз эътиқодлари келажагига ишонишга, бу келажакни амалий фаолиятлари билан яратишга унрайди. Шу боис пухта ва жиддий ишлаб чиқилган янги таълимотларга ишонч, уларнинг тўғри ёки нотўғри бўлишидан қатъи назар, дастлаб рационаллик касб этади ва амалиётда катта самара беради.

Исломга ишонч ҳам айнан шу сабабдан у вужудга келганидан кейинги дастлабки асрларда оламшумул буюк ҳарбий, сиёсий, иқтисодий ва маданий ютуқларга олиб келди. Кучли ижтимоий тараққиётни таъминлаб, жаҳонда янги цивилизацияни яратди.

Дастлаб рационал бўлган ишонч нисбатан узоқ муддатли ижтимоий таржибалар орқали тасдиқланмаса, ҳаётда ўзини оқламаса, омма кутган натижага олиб келмаса, ўзининг тескарисига, ё ишончсизликка, ё иррационал ишончга (мутассибликка, мантиқа зид ихлосга ва ш.к.) айланади. Маънавият эса инқирозга учрайди, қашшоқланади. Қашшоқ маънавиятда мутассибликка мойиллик кучлидир. Ортодоксал диний таълимотларнинг, марксизм-ленинизмнинг ва бошқа ҳаётга мослашиб ривожлана олмаган таълимотларнинг қисмати буни тасдиқлаб турибди.

Эътиқод дунёқарашнинг, у орқали бутун маънавиятнинг ўзаги сифатида воқеликка инсон муносабатини, хулқатворини, фаоллигини белгилайди. Фаоллик учун, айниқса ижодкорлик учун оддий ишончга асосланган илм кўп ҳолларда камлик қиласди. Ижодкорлик ва фаоллик ишончнинг ихлос ва ишқ билан бойитилишини тақозо этади.

Одатда, ихлос биророяяга, назарияга ёхуд санъат асарига, умуман қадриятга, унинг муаллифларига ёки тарғиботчисига кўнгил қўйишдир (салбий нарсага «кўнгил қўйиш», ҳатто ижобий нарсага мавжуд ахлоқийлик чегарасидан чиқиб, меъёридан ортиқ интилиш асло ихлос эмас, у ҳирс ва нафс дейилади). Аммо ихлос шунчаки кўнгил қўйиш эмас, кўнгил қўядиган объектни билиш, эмоционал баҳолаш ва унга интилиш ҳамдир. Ихлос ижобий эмоционал баҳо, самимий интилиш асосида вужудга келади. Бирорнинг тазиқида кишида ихлос шаклланмайди. У шахснинг ўз мойиллиги, эркин танлаши (онгли ёки онгсиз) туфайли қарор топади. Демак, ихлос таркибига «интилиш» билан бирга «ихтиёр» ҳам киради.

Ихлос билан бойиган ишонч ахлоқийлик касб этади. Ихлос бутун эътиқодга, маънавиятга ижобий маънодаги ахлоқий ҳис-ҳаяжон, самимийлик ва ижтимоий мўлжал, яъни мақсад баҳш этади. Ихлос эътиқоднинг «инсоний» қиёфасини белгиловчи унсурларидан бири. Зоро, ихлос орқали эътиқод миллий ва умуминсоний қадриятлар, ижодкор шахслар, мутаффакирлар асарларй, ибратли ҳаётни ҳамда тарихий воқеалар билан боғланади, конкретлашади, ҳаётйлашади. Ихлос туфайли эътиқод ақлий ҳодисадан кўнгил ҳодисасига ҳам айланади. Ихлос орқали эътиқод, шунингдек, индивидуал шаклга эга бўлади, муайян шахснинг эътиқодига айланади. Ихлос инсоннинг ўз мақсадига эришиш, ақлан ва ахлоқан такомиллашиш, ижод қилиш, яратувчилик фаолияти билан шуғулланиш йўлида жуда катта ҳиссий рағбатдир.

Юқоридагилардан хulosа қилиш мумкинки, ихлос эътиқоднинг илм ва ишонч каби узвий таркибий қисмидир. У ишончга нисбатан бир оз торроқ, аммо ундан анча теранроқ, эътиқод моҳиятига яқинроқдир.

Ихлос қотиб қолган тушунчә эмас. Балки у ҳам илм ва ишонч каби ўзгаради, ривожланади. Баъзан инсон ихлос қўйган нарсасидан илми кенгайиши, чуқурлашиши натижасида ёки бошқа сабабларга кўра кўнгли совийди. Баъзан

эса, аксинча, инсоннинг ихлоси янада ортади, кучаяди. У ихлос қўйган нарсасидан ахлоқий таянч топибгина қолмасдан, шунингдек, гўзаллик ва ақлий завқ-шавқ туяди. Ҳис-ҳаяжони эҳтиросга айланади. Бу ихлоснинг ишқа айланишидир.

Ишқ ихлоснинг ҳар томонлама кучайган, кенгайган, ихлосга хос ахлоқий ҳис-ҳаяжонга ақлий ва эстетик туйгуларни ҳам қўшиб инсоний эҳтиросга айланган шаклидир. Ишқда эҳтирос кучли бўлғанлиги сабабли унга айrim ҳолларда теранлик етишмаслиги мумкин. Аммо аксинча ҳам бўлади, ишқ инсоннинг ақлий имкониятларини, ижодкорлик салоҳиятини максимал равишда юзага чиқаради ва эътиқодга ниҳоятда теранлик бахш этади.

Ишқ кўп ҳолларда маиший (фалончига ошиқ бўлиш ва ш.к.) ёки диний-фалсафий (ҳақиқатга, ҳаққа интилиш) мазмунларида ишлатилади. Тасаввуф талқинида ишқ инсон эътиқодининг моҳиятигина эмас, шунингдек, инсон ҳаёти маъноси ва пировард мақсадидир. Шу боис ишқ суфий учун эътиқоднинг олий кўриниши, мукаммал эътиқод.

Ишқ турлі мазмунларда қўлланилиши табиий. Алишер Навоий «Маҳбубул-қулуб» асарида унинг уч шакли борлинини таъкидлайди. Юқорида биз келтирган ишқнинг икки шаклидан ташқари яна бир шаклини — эстетик, бадиий ижодга алоқадор шаклини айтиб ўтади: «назмтиrozлар» ва «афсонапардозлар» ишқи.

Ишқ эътиқодни нафақат янада фаоллаштиради, хатти-ҳаракатга ундейди; шунингдек, уни ўз моҳиятига ёт таъсирдан муҳофаза ҳам қиласди. Чунки ишқ муросани билмайди. Ишқ билан йўғрилган эътиқод ақл ва кўнгилни, бир томондан, зийрак қиласа, иккинчи томондан, кўр қилиши мумкин. Ишқ туфайли эътиқод негизида ётган ва ишончга айланган илм янада конкретлик, индивидуаллик, тўлақонли эҳтирослилик касб этади. Ишқ эътиқоднинг ички ҳаракатлантирувчи кучи, энергиясидир.

Ишқнинг фаоллиги унинг муроса билмаслиги, ўз мақсадига эҳтиросли интилиши билангина чегараланиб қолмайди. Ишқда ижодий яратувчилик хусусияти мавжуд. Бу, энг аввало, ишқнинг идеални шакллантириш таъсирида намоён бўлади.

Идеал (омол) — жамият ривожланиши жараёнида қўлга киритиладиган ютуқларнинг, ижтимоий қадриятларнинг

(шу жумладан инсон шахси такомиллашувининг) эришиш мумкин бўлган мукаммал мазмуни ва шакли ҳақида вужудга келган тасаввурлардир. Инсон кўлга киритилган ютуқларни доимо фикран муайян омолларга қиёслайди, мавжуд ҳолат билан қониқмасдан янада такомилликка интилади. Ўзи ҳам бу жараёнда камол топади. Ушбу маънода омол жамият ва шахснинг эҳтиёжлари ва интилишларини ахлоқда, ҳуқуқда, бадий ижодда, таълим-тарбияда, умуман турмушда ифодалайдиган, уларни рӯёбга чиқаришга қаратилган энг юксак, олий ижтимоий мўлжалларидир. Шу боисдан у эътиқоднинг унсури. Идеалсиз эътиқод, бино-барин, маънавият йўқ.

Идеални мутлақлаштирмаслик керак. Акс ҳолда у мавхум ва ноҳаётий, хаёлий ҳодисага айланади. Мутлақлик фақат Аллоҳга, унинг сифатлари ва иродасига нисбат бериладиган тушунча. Гегель фалсафасида ҳам «мутлақ идея» аслида Худо синонимидир. Марксистик фалсафада «мутлақ ҳақиқат» кўпроқ мантиқий чайқовчилик, Гегель хуласаларини материалистик талқин қилишга уриниш ҳамда билиш жараённада инсон билимларининг объектив воқеаликка тобора мос бўлиб боришидан бошқа нарсани англатмайди.

Ижтимоий идеал конкрет-тариҳий характерга эга. Уни мистиклаштиришнинг ҳеч ҳожати йўқ. Халқ оғзаки ижодида Алпомиш идеал қаҳрамон — ақл, фаҳм-фаросат, жисмоний камолот, мардлик, элпарварлик, ватанпарварликнинг бадий-эпик намунаси. Алпомиш мавхум фоялар, идеаллар мажмуи эмас, конкрет идеалларни акс эттирувчи жонли образ. Навоий учун шундай идеал — Фарҳод. У ҳам ақлий, ҳам жисмоний, ҳам маънавий камолотга эришган шахс. Лекин Фарҳод образи мураккаб ахлоқий ва бошқа ижтимоий муносабатларни акс эттириши билан Алпомиш образидан ажralиб туради. Ойбек романнида эса Навоийнинг ўзи — идеал образ. Айни пайтда у реал тариҳий шахс, конкрет инсон образидир. Бу идеалларнинг бироргаси мавхум табиатга эга эмас.

Лекин ҳар бир инсон дунёқарашида эътиқоднинг барча унсурлари бирдай ривожланмаслиги мумкин. Унинг айрим унсурлари, хусусан, ишқ ва идеал яққол ифодаланмаган, ҳатто етарлича шаклланмаган ҳолатлар жуда кўп. Ихлос, ишқ ва идеал унсурлари яхши ривожланмаган эътиқод негизида шаклланган маънавият, табиийки, қашшоқ ва

кучсиз бўлади. Унда инсонпарварликка, эзгуликка интилиш яхши ривож топмайди. У инсон дардларига, орзуҳавасларига бепарво бўлади, худбинликка, золимликка, ёвузликка етарлича қаршилик кўрсатмайди.

Ихлос, ишқ ва идеал эътиқоднинг ва у орқали маънавиятнинг асл инсоний табиатини ташкил қиласиди.

Инсон ўз фояларига, ижтимоий идеалларига содик бўлмаса, қийинчиликлардан кўрқиб, улардан воз кечса, биз уларни эътиқодга айланган фоялар, идеаллар, эътиқодга айланган илм дея олмаймиз. Демак, эътиқоднинг муҳим хусусиятларидан, мазмунини ташкил этувчи мөҳиятларидан яна бири — бу содиклик. Инсон ўз ишончи, ихлоси, ишқи ва идеали учун, зарур бўлса, заҳмат чекиши, қийинчиликларга бардош бериши лозим. Турли хил таъсиrlарда бир зумда киши воз кечадиган фоялар, қарашлар эътиқод бўлолмайди.

Шундай қилиб, эътиқоднинг негизида яна бир тушунча — содиклик ётади. У ироданинг дунёқараш билан туташадиган, чамбарчаслашган, ўзаро бир-бирига ўтадиган қисмидир. Содиклик майший турмушда турли шаклларда, масалан, вафодорлик кўринишида намоён бўлиши мумкин. Эътиқодсиз киши ҳеч қачон вафодор ва иродали бўла олмайди, аксинча, маълум шароитда хиёнатга мойиллик кўрсатади.

Иродасиз кишининг эътиқоди мустаҳкам бўлмайди. Аммо айтилгандан ирова ҳам эътиқоднинг таркибиға кирап экан, деган хулоса келиб чиқмаслиги керак. У маънавият таркибиға мустақил тушунча сифатида киради. Ирова бу инсоннинг эркин танлаб, қарор қабул қила олиши, ўз истак ва интилишларини, ҳиссиёти ва ақлини, билим ва тажрибасини муайян мақсаддага йўналтира олишидир (бу ҳақда кейинроқ батафсил тўхталамиз).

Ирова ёрдамида инсон қийинчиликдан тушкунликка тушиб қолмайди, балки уни енгади, ёки хурсандчиликдан ўзини йўқотиб қўймайди. Ирова туфайли инсон ҳар қандай шароитда ҳам кўпинча ақлли ва ахлоқли мавжудот бўлиб қолади. Фақат баъзи бир экстремал, гайритабиий ҳолатлардагина — масалан, жангда, ўлим хавфи туғилгандаги, қаттиқ ғазаб ёки кўркув туфайли инсонпарварликдан чекиниши мумкин. Чунки иродада нафақат рационал, шунингдек, иррационал қатлам ҳам мавжуд (аммо бу эътиқод доирасидан ташқаридағи алоҳида мавзу). Маънавияти

бузук, эътиқоди аксилийнсоний кишининг иродаси эса салбий мазмун касб этади.

Иродани қийноққа бардош бериш билан чалкаштирмаслик керак. Қийноқ инсон табиатига зид ҳодиса. Шу боис қийноқ азобида ўз идеалларига содик, буюк иродали шахслар ҳам ўзларига ва ўзгаларга туҳмат қилганлар, идеалларидан, тил учиди бўлса-да, воз кечганлар (Сталин қатонларини эслаш кифоя).

Ўзини, ўз қобилияти ва истеъодини бирор мақсадга эришишга сафарбар қила олмайдиган иродасиз кишини биз муайян ғояларга, идеалларига содик, тўлақонли маънавий шахс дей олмаймиз.

Юқоридаги мулоҳазаларни умумлаштириб шундай хуносас қилиш мумкинки, эътиқод қуйидагилардан ташкил топади:

а) событ ва энг муҳим тушунчалар, ғоялар, баҳолар, меъёрлар, қараашлар, яъни илм; б) ишонч; в) ихлос; г) ишқ; д) идеал; е) содиклик.

(Баъзи ҳолларда эътиқод синоними сифатида имон тушунчаси ҳам ишлатилади. Имон эътиқодга «тэнг» тушунча бўлганлиги учун уни эътиқод таркибиға киритмадик. Аслида имон диний эътиқодга ва ислом фарзларига амал қилишни билдиради. Шу боис кўпчилик диний эътиқод ҳақида гапирганда, «имон-эътиқод» деган жуфт сўздан иборат тушунчани қўллади).

Эътиқод таркибиға киравучи унсурлар қанчалик ўзаро уйғун ривожланса, эътиқод шунчалиқ бой, теран ва мустаҳкамдир. Масалан, ватанпарварлик шахснинг эътиқоди даражасига кўтарилиши учун энг аввало шахс ўзининг мамлакати, миллати, миллий тарихи ва маданияти тўғрисида, оз-моз бўлса-да, маълум илмга эга бўлиши керак. Аммо билимнинг ўзи, ҳатто чукур ва кенг билим ҳам камлик қиласи.

Ҳақиқий ватанпарварлик учун шахс ўз она тилига, урфодатларига, маданий меросига, ҳалқига, мамлакати бугуни ва келажагига ишонч билан қарashi, уларга ихлос кўйиши, севиши лозим. Ўзининг худбин манфаатларини эл-улус, Ватан манфаатларидан кўпроқ севадиган киши ватанпарвар эмас. Ёки ҳар қандай шароитда ҳам Ватан манфаатларига содик қолишга, оғир заҳматдан, қийинчиликлардан қўрқиб, фидойилик кўрсатишга иродаси ва садоқати етмайдиган шахс, у қанчалик кенг билимли бўлма-

син, Ватанни севиши ҳақида кўп гапирмасин, ватанпарвар ҳисобланиши мумкин эмас.

Айни пайтда Ватанга муҳаббат кўр-кўрона бўлса, куттилган самарани бермайди. Ватан ишқи шахснинг танқидий мулоҳаза юритишини, камчиликларни кўриб, уларни бартараф этишга, мамлакати, ҳалқи, миллий қадриятларини такомиллаштиришга интилишини тўсиб кўймаслиги керак. Миллат раҳнамолари, зиёлилари, ёшлари мамлакат аҳволини юксак идеаллар билан таққослаб идрок этсаларгина, унинг келажагини уларга Мослаб яратишга ҳаракат қилсаларгина, ватанпарварлик самара берадиган эътиқод даражасига кўтарилади. Биз миллий маънавиятимизни юксалтироқчи эканмиз, эътиқод масалаларига жиддий эътибор бермоғимиз, таълим-тарбия жараёнида унинг унсурлари ўзаро уйғун шаклланишига эришмоғимиз лозим.

Собит ғоялар, қарашлар, ахлоқий, хуқуқий, эстетик, диний меъёрлар, инсонга жамият томонидан қўйиладиган бошқа мағкуравий талаблар маънавий муҳитни ташкил қилади. Маънавиятнинг моҳиятини «маънавий муҳит» тушиунчасисиз теран англаб олиш мушкул. Шу боис қисқача «маънавий муҳит» устида тўхталиб ўтамиз.

Маънавий муҳит шахсни ҳам, бутун авлодни ҳам муайян йўналишда шакллантиради, тарбиялайди, ижобий хислатларини юзага чиқаради, уларни номақбул таъсирлардан ҳимоя қилишга уринади. Маънавий муҳит ҳар қандай ютуқлар ва қашфиётларнинг (четдан қабул қилинганларининг ҳам) тақдирини белгилайди: ё ривожлантиради, ё унутилишга маҳкум этади, ёки деформация қилиб, ўзига мослаштиради.

Маънавий муҳит — бу жамиятнинг ҳиссий, ақдий ва жисмоний камолотда эришган ўртacha савияси асосида вужудга келган талаблари ва уларнинг амалга ошиш тартиби. Муҳит, одатда, барқарорликка, бир текислик ва бир хилликка интилади. Унинг талаблари ва таъсири ҳаммага бирдек, ўртacha бўлади. Унинг талабларига жавоб бериш учун кимлардир ўз устида ишлайди, такомиллашади, ўсади ва ҳ.к. Кимлар учундир умумий маънавий муҳитнинг талаблари камлик қилади. Бундай шахслар ёки ижодий гурухларнинг имкониятлари тўлиқ юзага чиқмасдан қолиш хавфи туғилади. Шу боисдан умумий маънавий муҳит доирасида нисбатан алоҳидалашган табақавий, касбий (професионал) ёки гуруҳий муҳитлар — субмуҳит мавжуд. Субму-

ҳитлар ўзаро бир оз фарқ қиласи. Фарқ уларнинг муайян ижтимоий гурух, табақа ва синфларнинг психологияси ва сиёсий мавқеи, интилишлари таъсирида вужудга келади. Аммо бу фарқлар ортиқча баҳоланмаслиги ва маънавиятга большевистчасига мутлоқлаштирилган синфилик нуқтаи назаридан ёндашиш учун асос бўлмаслиги керак. Субмуҳит умумий муҳитдан ажралиб кета олмайди ва пировардида унинг талабларига бўйсунишга мажбур бўлади. Демак, маънавият кенг маънода — бу қарор топган муносабат: баҳолаш, қўллаб-қувватлаш ёки инкор қилиш, ақлий ва ҳиссий муҳит, ижтимоий ҳодисаларга нисбатан фаоллик ва ҳ.к. Муҳит маънавиятнинг энг умумлашган узлуксизлик шакли, маданият эса узлукли (дискрет) шаклидир.

Маънавият инсон билан боғлиқ ижтимоий ҳодиса бўлганилиги сабабли, уни тўғри таҳлил қилиш учун икки саволга жавоб бериш лозим. Биринчиси — инсоннинг ўзи нима, унинг моҳиятини, табиатини нима ташкил қиласи? Иккинчиси — инсоннинг яшаётган мақсади нима, у нимага интилиши керак?

Маънавият ва инсон табиати

Энг қадим замонларданоқ ақл ва ижтимоийлик инсон табиатини ташкил этувчи тамойиллар деб ҳисобланган. Инсонга ақлли мавжудот ва «ижтимоий ҳайвон» деган таърифлар берилган. Арасту инсонни «сиёсий ҳайвон» (*Zoon politicon*) деб атаган.

Бизнинг буюк бобоколонларимиз Форобий ва Ибн Сино ҳам юонон фалсафасининг, хусусан, Арасту ва Афлотуннинг инсон табиати тўғрисидаги фикрларини асосан қабул қилганлар ва ижодий ривожлантирганлар.

Форобий жамият инсонга нафақат инсон сифатида шаклланиши учун, шунингдек, камол топиши ва ҳатто оддийгина турмуш кечира олиши учун ҳам керак, деб ҳисоблайди: «ҳар бир инсон ўз табиати билан шундай тузилганки, у яшаш ва олий даражадаги етукликка эришмоқ учун кўп нарсаларга муҳтоҷ бўлади, у бир ўзи бундай нарсаларни қўлга кирита олмайди, уларга эга бўлиши учун инсонлар жамоасига эҳтиёж туғилади»¹. Шундай қилиб, Форобий инсон табиатини ижтимоийлик ташкил этади,

¹ Абу Наср Форобий. Фозил одамлар шаҳри. Т., 1993, 186-б.

деган фикрни ёқлаб чиқади¹. Диндорлик, ҳаққа, ҳақиқатга интилиш ҳам инсоннинг ақлий мавжудотлиги ва ижтимоийлиги доирасидаги ҳодисалардир. Борлиқнинг жавҳари ва мөхияти, унинг илк сабабияти ва қисмати ҳақида мулоҳаза юритиш, ҳақиқатни излаш инсон ақлининг хусусияти, ақл фаолиятининг воқелигидир. Худди шундай дин ҳам жамиятга хос ҳодиса, яъни инсон каби ижтимоийликнинг, аникроғи ижтимоий мавжудотнинг маҳсулидир.

Бундан келиб чиқадиган хulosса шуки, диндор ёки даҳрий бўлиш инсоннинг ақдлилик ва ижтимоийликдан мустақил табиатини ташкил этмайди, балки инсоннинг оламга муносабатининг хусусий кўринишиларидир. Ақл ва ижтимоийлик инсонни ҳайвонот оламидан фарқловчи энг муҳим белгилардир, аммо инсоннинг тўлиқ моҳияти эмас.

Кейинчалик мутафаккирлар инсоннинг яна бир муҳим белгиси тўғрисида сўз юритдилар: инсон яратувчи ҳайвон, у ишлаб чиқаради. Бу ғояни К. Маркс ҳам ривожлантиради. Инсон ишлаб чиқарувчи, меҳнат қилувчи, табиатни ва ўз-ўзини ўзгартирувчи, қайта яратувчи мавжудот. У ўз олдига аввалдан мақсад қўя олади, ишлаб чиқарадиган нарсасини у инстинктлар ёрдамида эмас, аввал миясида пайдо бўлган режа орқали рўёбга чиқаради. Айни пайтда инсон инсон бўлиб шаклланиши ва ишлаб чиқариш билан шугулланиши учун у жамиятда яшаши зарур. Инсон ҳам, онг, тафаккур (ақл) ҳам, ишлаб чиқариш ҳам жамият маҳсулидир.

К. Маркснинг «Фейербах тўғрисида тезислар»ида: «инсоннинг моҳияти айрим индивидга хос бўлган абстракт эмасдир. Ҳақиқат ҳолида у барча ижтимоий муносабатларнинг мажмуидир»², — деган хulosасини ва ижтимоий муносабатлар деганида у нафақат иқтисодий, шунингдек, ахлоқий, хуқуқий, диний, эстетик ва турмуш учун зарур барча алоқаларни, муносабатларни ҳам назарда тутганилигини ҳисобга олсак, Маркс ўз даври учун материалистик нуқтаи назардан инсонга ижтимоий мавжудот сифатида нисбатан тўлиқ таъриф беришга интилганини кўрамиз.

¹ Арасту ва Форобий асарлари инсон моҳиятини талқин қилишдаги баъзи тафовутлар ҳақида қаранг: *Абдуллаҳон Бегматов. Маънавият фалсафаси*, ёхуд Ислом Каримов асарларида янги фалсафий тизимининг яратилиши

² К. Маркс., Ф. Энгельс. Танланган асарлар. Т. 1, Т., 1980, 2-б.

Лекин ҳаёт Маркс тамойиллари материалистик чекланганини инсон мөхиятини охиригача қамраб олмаганлигини кўрсатди. Энг аввало инсон тўғрисида К. Маркс концепциясида инсоннинг индивидуал жиҳатларига етарли эътибор қаратилмаган. Устунлик жамоавий, ижтимоий жиҳатларга берилган. Кейин инсоннинг фақат онги ҳисобга олинган. Онг остига оид ҳодисаларга инсон табиатига ёт, ундаги биологик инстинктлар деб қаралган. Дастрлаб З.Фрейд ва унинг издошлари инсон табиатига иррационал, онг остига оид ҳодисалар чуқур таъсир кўрсатишини (ҳаёт ва ўлим инстинктлари — З.Фрейд; жамоавий онгиззлик — архетиплар — К. Юнг) исботладилар. Сўнгра экзистенциализм (К. Ясперс, М. Хайдеггер, Ж.П. Сартр) инсоннинг аутентлиги — асл мавжудлиги, жамиятдаги турли талаблар, меъёрлар таъсирида бузилмаган асл табиати ҳақидаги foяни илгари сурдилар.

Экзистенциалистлар диний ёки атеистик (Сартр) позицияда туришларидан қатъи назар инсон табиатига жамиятни маълум даражада ёт деб биладилар. Улар инсоннинг аутентлиги кўпроқ «чегаравий ҳолатлар»да рўёбга чиқади, деб ҳисоблайдилар.

Инсон табиати ҳақида оригинал фикр юритганлардан бири Э. Кассирер бўлди. Э. Кассирер инсон турли рамзлар яратувчи ҳайвон эканлиги foясини ўргага ташлади — *animal symbolicum*¹.

Инсон ўзи ва табиат оралигини турли рамзлар билан тўлдиради, ҳамда улар орқали жамият ва табиат билан боғланади.

Сўзлашув тили — инсон яратган шундай рамз. Маданиятнинг ҳар бир ҳодисаси — рамз. Рамзларни яратиш ва улардан фойдаланиш кишиларга ҳар қандай инсоний фаолиятни амалга оширишга кўмаклашади. Масалан, тил нафақат кишиларнинг ўзаро алоқасини таъминлайди, нафақат уларнинг жамоага бирлашиши, жамиятни вужудга келтиришига шарт-шароит туғдиради, шунингдек тафаккурни юзага чиқаради. Рамз (тил) туфайли инсон ҳам ақлли мавжудот, ҳам «ижтимоий ҳайвон» бўла олди. Рамз яратиш орқали инсон бирламчи табиатни қайта ишлаб, иккинчи

¹ Э. Кассирер. Опыт о человеке: введение в философию человеческой культуры.— В кн.: «Проблемы человека в западной философии», Т., 1988, с. 30.

табиатни, шу жумладан ўз инсоний табиатини ҳам яратди ва такрор яратиб туради.

Э. Кассирернинг инсон рамзлар яратувчи ҳайвон ҳеканлиги тўғрисидаги холосаси шаклан оригинал бўйса-да, лекин айрим деталларни ҳисобга олмагандা, мазмунан инсон моҳиятини очиб берувчи янги тамойилларни олга сургани йўқ. Э. Фромм ва Р.Хираунинг қуйидаги фикри, назаримизда, адолатлидир: «Инсоннинг ушбу хоссалари — ақл, яратувчилик, жамиятга мансублик ва рамз ижод қилиш — инсон табиатини тўлиқ ташкил этмасалар-да, ҳақиқатан моҳиятлидир. Улар инсоннинг умумтарқалган имкониятларидир, аммо «инсон табиати» деб аташ жоиз бўлган нарсани ташкил этмасликлари мумкин... Бу хоссаларнинг барчасига эга бўлиб ҳам, инсон эркин ёки қарам, эзгу ишли ёки гуноҳкор бўлиши, очкўзликни ёки идеалларни дастур қилиб олиши мумкин»¹.

Аммо инсон табиатини ташкил этувчи қанча янги тамойиллар олга сурilmасин, барибир масала охиригача ечилмай қолади. Чунки инсонга, нафақат тафаккур, шунингдек ҳиссиёт, туйфулар ҳам хос. Инсон фаолиятининг асосида мақсадга мувофиқлик билан бир қаторда эҳтирос ётибди. Инсон учун гўзалликдан, эзгуликдан, самимилик ва болаларча беғуборликдан завқ-шавқ туйиш, ёвузликдан қаҳр-ғазабга тўлиш, нафратланиш, ижод илҳомидан жўшиш ва ш.к. эҳтирослар, том маънодаги индивидуал тарзда намоён бўладиган асл ижтимоий ҳиссиёт хос. Шу боис инсонни «эҳтиросли мавжудот» ҳам дейиш мумкин.

Инсон табиати фақат умумий инсоний хоссалардан ёки тамойиллардан иборат эмас. У, шунингдек, инсоннинг конкрет тарихий ижтимоий ва индивидуал мавжудлик ҳолати билан боғлиқ. Бу ҳолат шахснинг мойилликлари, у ёки бу нарсани яхши кўриши, эркин танлаши ва севиши, нималаргадир сифиниши, тақводорликка мойиллик ёки уни инкор қилиш каби ахлоқий, ҳуқуқий, эстетик, диний туйфу ва меъёрларни ўз ичига олади. «Ишқиз — эшак, дардсиз — кесак» деганида, ота-боболаримиз инсон табиатининг энг муҳим жиҳатини эътироф этганлар.

¹ Эрих Фромм, Рамон Хирау. Предисловие к антологии «Природа человека».— В кн.: «Глобальные проблемы и общечеловеческие ценности». М., 1990, с. 149.

Шахснинг сабит мойилликлари, сабит ҳиссиёти (кайфияти эмас) ҳам инсон табиатини ташкил этади. Инсон бир нарсага мәхр қўйишга, у ҳақда қайғуришга, уни парваришилаб, авайлаб эъзозлашга ёки унга эришиш учун катта куч-ғайрат сарфлашга, турли тўсиқларни, қийинчиликларни бартараф этишга, ҳатто ўз-ўзини қайта яратишга (масалан, мутахассислигини ўзгартириш учун қайта ўқитишга ва ш.к.) қодир ва қобил.

Буни Алишер Навоий суфиёна ўзига хос тарзда ифода этган: инсон жазм қиласа, ҳақ васлига ҳам эриша олур. Зоро, ҳақ инсон қалбидадир. Инсонга ҳақقا восил бўлиш ишқи ва қобилияти берилган:

Ким сен-ўқ сен ҳарнеким мақсад эрур,
Сендин ўзга йўқ неким мавжуд эрур.
Зотнинг ишмолига тафсилсен,
Ҳам вужуд ишколига таъвилсен.
Ўз вужудинга тафаккур айлагил,
Ҳарне истарсен ўзингдин истагил.
Турфа қушсен равза нахлистонидин,
Пок тойирсен шараф бўстонидин.
Лек Симурғ истаган ул жамъи тайр,
Ким сулук ичра риёзат бирла сайр
Айлабон чун ўзни қобил қилдилар,
Ул талабдин васл ҳосил қилдилар.
Сенда ҳам билқувва ул мавжуд эрур,
Феълга келса даво мақсад эрур.

Тасаввуф мутафаккирлари каби А. Навоий ҳам Аллоҳга муҳаббат (ишқ)ни ва унга фано орқали етиша олишни инсон табиатига хос қобилият, деб ҳисоблаган. Ҳақиқий ишқ — муҳаббатнинг олий кўриниши. Унгача инсон муҳаббатнинг турли шаклларини бошдан кечириши мумкин. Бу унинг сева олиш қобилиятига боғлиқ. Ҳудди шундай фаноликка кўтарилиш (ўзлигидан кеча олиш) инсон қобилиятининг энг олий чўйқисидир. Фақат олий камолотга эришганларгина ҳақиқий ишққа ва фанога сазовор бўладилар ва аксинча.

Камолотнинг турли даражалари учун эса муҳаббатнинг ва бошқа қобилиятларнинг тегишли шакллари ва даражалари хос. Муҳаббат ва бошқа қобилиятлар инсон табиати-

нинг мазмунини ташкил этадиган, юқорида қайд этилган тамойилларни тўлдирадиган муҳим фазилатлардир. Шу боисдан Эрих Фромм ва Рамон Хирау қуйидаги фикрни олға сурадилар: «Инсон табиати нафақат тамойиллар, шунингдек қобилиятдир. Бошқача айтганда, инсон муҳаббатини ва ақлини такомиллаштиргандагина, у ўзиничг (асл) мавжудлигига интилган бўлади. Айтиш мумкинки, инсон мавжуд экан, севишга ва мулоҳаза юритишга қобил ва, аксинча у мулоҳаза юритишга ва севишга қобил экан у мавжуд. Ўзини, ўз экзистенциал вазиятини англай олиш уни инсонга айлантиради: бу қобилият, моҳиятнан, унинг табиатини ташкил этади»¹. Бу ҳулоса инсон табиатини янги бир муҳим жиҳат билан бойитади, аммо охиригача у ҳам очиб бермайди. Бизнинг фикримизча, инсоннинг табиатига юқорида келтирилган тамойиллар ва қобилиятлардан ташқари, инсон эҳтиёжларининг юксалиб бориш тамойили ҳам киради. Шу тамойилни ҳам қўшиб таҳлил этсак, инсон табиатини янада аниқроқ тасаввур этишга, чуқурроқ тушунишга бинобарин, маънавиятни ҳам яхшироқ билишга имкон яралади.

Ҳайвонот оламида биологик эҳтиёжлардан ташқари эҳтиёжлар деярли йўқ. Айрим қушлар ва ҳайвонларнинг «ишқий» ўйинлари, жуфт бўлиб яшашини биологик эҳтиёж доирасидан чиқади дейишга асос йўқ. Ҳайвонот оламида эҳтиёжлар юксалмайди, фақат ўзгаради, натижада биологик организм табиатга мослашади, холос. Инсонда эса эҳтиёжлар муттасил юксалади: моддийлари ҳам, маънавийлари ҳам. Инсонда бир эҳтиёжларнинг қондирилиши ундан юксакроқ бўлган янги эҳтиёжларни туғдиради.

Янада мукаммалроқ, яхшироқ, гўзалроқ буюмни ёки санъат асарини яратишга интилиш, янада чуқурроқ ва кенгроқ, аниқроқ билимни эгаллашга, янада мукаммалроқ техник асбоб-ускуналарни, компьютерларни, техникани ихтиро этишга ҳаракат, турмуш даражасини янада кўтариш ва фаровонлаштиришга уриниш — инсоннинг асл инсоний хусусиятидир, объектив равишда туғиладиган ижтимоий эҳтиёждир. Инсон ҳеч бир вақт ўзининг мавжуд ҳолати билан қониқмайди (гап алоҳида шахснинг майший аҳволи, мансаби ва ш.к. ҳақида эмас, инсониятнинг тарихий жараёндаги аҳволи ҳақида кетмоқда), у доимо ўз мавжуд-

¹ Эрих Фромм, Рамон Хирау. Ўша асар, 153-6.

лик ҳолатини такомиллаштиришга ҳаракат қиласи. Ҳайвонда такомиллашиш мўлжали йўқ. У ўз мавжудлик ҳолатини англай ҳам олмайди, уни такомиллаштиришга ҳаракат ҳам қилмайди.

Ижтимоий тараққиёт асосида мавжуд ҳолат билан қониқ-маслик ётади. Вужудга келган қийинчиликларни енгиш, янги куч, файрат тўплаш учун, ривожланишнинг заминини тайёрлаш учун инсонга чидам, сабр-тоқат керак. Сабру тоқатни ўз ижтимоий ҳолатидан қониқиши билан чалкаштирмаслик керак. Сабру тоқат ривожланиш жараёнининг дискрет ва вақтинчалик шакли, мукаммалликка интилиш, эҳтиёжларнинг юксалиши эса доимий ҳолатидир.

Ўз ижтимоий ҳолати, эришган даражаси билан қониқ-маслик туфайли янги эҳтиёжларнинг туғилиши ижтимоий тараққиётнинг, шу жумладан маънавий ривожланишнинг ҳам асосида ётади. Ўз ҳолати ва эришган даражаси билан қониқиши янги, янада юксакроқ эҳтиёжларни вужудга келтирмайди, натижада маънавиятда тургунликни келтириб чиқаради. Соғлом моддий эҳтиёжлар юксалмас экан, оқибатда маънавий эҳтиёжлар ҳам юксалмайди.

Инсоннинг эркинликка, адолатга, меҳр-муҳаббатга, гўзалликка, камолотга интилиши, ўз қобилиятларини воқеъ қилишга, ижод қилишга уринишлари унинг маънавий эҳтиёжларидир. Лекин эҳтиёжларни мавхум баҳолаш ярамайди. Эҳтиёжлар соғлом ёки носоғлом бўлиши мумкин.

Инсоннинг эркин камолотига хизмат қиласидиган, ундағи ижобий қобилиятларни, фазилатларни бойитадиган, ривожлантирадиган эҳтиёжлар соғлом эҳтиёжлардир. Аксинча, нафснинг кучайишига, молпарастликка, шаҳват-парастликка, мансабпарастликка, инсондаги салбий қобилиятларнинг кучайишига хизмат қиласидиган эҳтиёжлар носоғлом эҳтиёжлардир. Улар инсон маънавиятининг қашшоқланишига, унинг ўз нафси ва ҳирсининг қулига айлануб, шахснинг емирилишига олиб келади. Инсонда соғлом эҳтиёжларнинг шаклланишига, ўз шахси билан ихтилофга бордирилмасдан, унинг асл инсоний мавжудлигини таъминлашга хизмат қиласидиган ақлий ва ҳиссий мухит, фалсафий, ахлоқий, илмий, диний, бадиий ва бошқа маданий қадриялар, меъёрлар, идеаллар ҳамда ижодий фаолиятнинг ўзаро муштараклиги — бу маънавиятдир.

Эҳтиёжлар юксалиши ва маънавият ривожланиши ўзаро чамбарчас боғлиқ. Эҳтиёжлар юксалса, маънавият ри-

вожланади, ривожланган маънавият эса юксак эҳтиёжларни тақозо этади. Ривожланган маънавият — бу қондирилган эҳтиёждир ва айни пайтда аввалги эҳтиёжга нисбатан юксакроқ янги эҳтиёжнинг туғилишидир. Лекин эҳтиёжларнинг ўзи бевосита маънавиятнинг таркибига кирмайди, балки унинг шарт-шароитини, ҳаракатлантирувчи кучини ташкил қиласиди. Шундай қилиб, эҳтиёжларнинг юксалиши инсоннинг табиатига, асл мавжудлигига мос. Ушбу маънода инсонни «эҳтиёжлари юксаладиган мавжудот» дейиш ҳам ўринлидир.

Инсоннинг «асл мавжудлиги» ёки ўз инсоний табиатига мос яшанини экзистенциализм, юқорида қайд этилганидек, аутентлик деб атади. Экзистенциализмнинг инсон ҳақидағи концепциялари жиддий камчиликлардан холи бўлмасада, аутентлик тушунчаси гарбнинг бугунги кунда қўпчилик ижтимоий фанлари томонидан қабул қилинган. Ҳақиқий маънавият инсоннинг аутентлигини таъминлаш билан боғлиқ. Шу борада яна Э. Фромм ва Р. Хираунинг бир холосаси диққатга сазовор: «Маънавиятга ким содиқ бўлса, у аутентлидир, ноаутент киши маънавиятсиздир»¹.

Инсон ўз аутентлигига турфа қадриятлардан баҳраманд бўлиш орқали ҳамда энг аввало ижтимоий алоқаларда, мулоқотда қатнашиш орқали эришади. Демак, инсоннинг асл мавжудлигини юзага чиқариш учун тегишли ижтимоий муҳит зарур. Инсоннинг ақлли ва ижтимоий мавжудотлигини ҳисобга олсак, унинг онги ва қараашлари, эҳтиёжлари ва интилишлари фақат жамиятда шаклланиши мумкинлигини англаймиз. Шахснинг ўзи ҳам, унинг онги ҳам, маданияти ва маънавияти ҳам ижтимоий ҳаёт ва муҳит маҳсулларидир. Муҳит эса ҳеч қачон индивидуал шахс муҳити бўла олмайди, у ҳамиша ижтимоийдир.

Инсон ўз табиатига зид эмас, балки мос яшави лозим. Шундай экан, инсон табиати тушунчаси ҳам, маънавият тушунчаси ҳам «инсоннинг яшашдан мақсади нима» деган масала ечими билан бевосита боғлиқ.

Халқимизнинг асрий турмуш тажрибаси асосида шаклланган кундалик онгига мазкур саволга қўйидагича жавоб берилади: инсоннинг яшашдан мақсади — эзгу ишлар қилиб, муносиб фарзандлар тарбиялаб, яхши ном қолдиришдир. Мазкур содда ва ниҳоятда доно фикрдан келиб

¹ Фромм Эрих, Хирау Рамон. Ўша асар, 161-б.

чиқиб, маънавият — бу инсоннинг эзгуликка йўналтирилган мақсадларига эришиш учун хизмат қиладиган орзуҳаваслари, ақл-заковати, билимлари, амалий фаолияти асосида ётган иродаси дейиш мумкин ва жоиз.

Фалсафий ва диний таълимотларда бу саволга мураккаблашган ва чалкаш жавоблар берилади. Жаҳоннинг барча йирик динлари бу дунёни фоний, ўткинчи ҳисоблади. Инсоннинг яшацдан мақсади фоний дунёда хайрли (савобли) ишлар қилиб боқий дунёга тайёргарлик кўриш, жаннатга сазовор бўлиш деган фояни ёқлади. Айрим диний оқимлар ва мазҳаблар бу масалани янада кескинроқ қўядилар. Масалан, христианларда ўрга асрларда «руҳингни кутқариш учун пуштингни сўндири», деган даъват кенг тарқалган эди. Тасаввуф ҳам риёзат чексанг, нафсониятдан, хусусий манфаатлардан кутулсанг, ҳақ васлига восит бўласан, дейди. Агар маънавият — инсон табиатини рӯёбга чиқаришга, мустаҳкамлашга ва ривожлантиришга, инсоннинг яшашидан кўзлаган мақсадига эришишга хизмат қиладиган ақлий ва ҳиссий талабларни ҳам қамраб олишини назарда тутсак, юқоридаги қарашлар бўгунги тушунчадаги маънавият мазмунини тўлиқ қамраб олмаслигини кўрамиз.

Дунёвий фалсафа вакиллари антик замонларданоқ инсоннинг яшацдан мақсади ҳавқ-лаззатли, ҳузур-ҳаловатли умр кечириш (гедонизм) ёки баҳтли бўлиш (эвдемонизм), деб билгањуар. Бу қарашлар турли давларда турлича шаклларда қайтарилган.

Форобий эвдемонизм тарафдори бўлган: «Инсонлик моҳияти ҳақиқий баҳт-саодатга эришув...», «Инсоний вужуддан мақсад — энг олий баҳт-саодатга эришувдир», — деб уқтирган¹. Ўз фикрини давом эттириб, Форобий инсон энг аввало баҳт-саодатнинг нималигини билмоғи зарурлигини, унга эришувни ўзига фоя ва энг олий мақсад қилиб олмоғи, унга элтадиган иш-амал ва воситаларни билмоғи ва бажаришга киришмоғи лозимлигини таъкидлайди. Форобий тушунчасидаги баҳт-саодат ва фаровонлик — бу завқ-шавқнинг, лаззатланишнинг авлоддан авлодга ўсиб бориши ҳамdir. Форобий эвдемонизми руҳоний гедонизмга асослангандир.

Форобий қарашларидан келиб чиқиб маънавиятни аниқлайдиган бўлсак, у биринчи навбатда инсоннинг (жа-

¹ Форобий Абу Наср. Ўша асар, 188-б.

миятнинг) ижобий, мусбат билимлари, завқ-шавқи, ҳаётдан лаззатланиш туйгулари, олий мақсадга, идеалга ва бунёдкорликка, баҳт-саодатга интилишидир.

Инсон табиати, инсоннинг яшашдан мақсади ҳақидағи барча таълимотларни, улар ўртасидаги ўхшашлик ва фарқларни, бу таълимотлар ўртасидаги ворисийлик ва мунозараларни таҳдил қилишга иш ҳажми имкон бермайди.

Юқорида келтирилган асосий қарашларни умумлаштириб, холоса қиласиган бўлсак, **маънавият инсоннинг асл табиатини** — унинг ижтимоийлитини ва шахс сифатида индивидуаллигини мустаҳкамлашга, унинг ақлий ва ҳиссий ички дунёсини тарбиялашга, камол топтиришга, ижодий ва бунёдкорлик имкониятларини юксалтиришга, жамиятнинг маданий меросини бойитишга хизмат қиласи ҳамда унинг ўзи улардан ташкил топади.

Маънавият ва маданият

Агар маданият инсон зотининг сифатий таърифланиши бўлса, **маънавият инсоннинг ўз-ўзини яратиш ва ўзгартириш фаолиятининг мазмунидир**. Бас, шундай экан, инсоннинг фаолияти ва онги орқали маданият ва маънавият бир бутунликни ташкил этади — маданият воқелик, маънавият эса моҳият бўлади. Маънавият маданиятда «моддийлашади», мужассамланади, тўпланади ва авлоддан авлодга узатилади.

Инсондаги инсонийликни маданий ҳодисаларни механик истеъмол қилиш эмас, балки, энг аввало, **маънавият шакллантиради**. Турмушда ўқимишли, кенг билимли, жамиятда расм-руслар бўлган талабларни яхши ўзлаштирган, аммо таъмагир, виждонсиз, худбин, яъни маънавий қашшоқ кишилар кам учрамайди. Демак, **маънавият шунчаки ташқи «маданийлик» даражаси** эмас, балки у **маданиятнинг инсоннинг ички эътиқодига, дунёқарашига, ички эҳтиёжиға, ижобий фазилатларига айланган, яъни ўзлаштирилган асл мазмунидир**. Масалага бундай ёндашсак, маънавият — маданиятнинг ғоявий, моҳиятли мазмуни, маданият — маънавиятнинг ички ташкиллашган ва ташқи муштараклашган универсал шаклидир. Зеро, инсонпарварлик, адолат-парварлик, ахлоқийлик каби тушунчалар маданиятнинг асл, умуминсоний (моҳиятли) мазмунини ташкил қиласи. Ўз навбатида бу ғояларнинг маданиятда ифодаланиши маънавиятни муайян шаклда рўёбга чиқаради.

Шу билан бирга маданият ҳодисаларида инсоннинг онги ҳам, амалиёти ҳам, интилишлари ҳам, иродаси ҳам бирлашади, муштараклик касб этади, синтезлашади. Бундан ташқари, алоҳида олинган бир санъат асарида жамиятнинг ахлоқий, эстетик, илмий, диний, фалсафий, баъзан эса сиёсий қарашлари, бадиий тажрибаси акс этиши мумкин. Ушбу маънода маданият маънавиятнинг нафақат воқелик шаклини, шунингдек, нисбатан мустақил фаолият кўрсатувчи функционал шаклини ҳам ташкил этади. Ҳақиқатан, фан, адабиёт, санъат, ахлоқ, ҳуқуқ онг шаклларигина бўлиб қолмасдан, улар айни пайтда ижтимоий фаолият турларидир. Яъни маънавиятнинг ижтимоий вазифа бажарувчи нисбатан алоҳидалашган шаклларидир.

Масалан, А. Ориповнинг «Жаннатга йўл» драматик дистонини олайлик. Унда бир қатор ахлоқий, фалсафий муаммолар кўтарилигини, умуминсоний ғоялар: яшашдан мақсад нима, дўстлик ва унга содиқликнинг ҳатто ота-она меҳридан устунлиги, савоб ва гуноҳ тушунчаларининг янги талқини (истеъодод — инсонга юклатилган бурч, шунчаки илоҳий марҳамат эмас, ундан халқ учун самарали фойдаланмаслик Аллоҳ олдидаги гуноҳ ва ҳ.к.) олга сурилганини кўрамиз.

«Жаннатга йўл»да бевосита ижтимоий амалиёт, турмуш тарзи, диний тасаввурлар, жамиятда мавжуд иллатлар ҳам акс этган. Ўз-ўзидан маълумки, асар ўзбек адабиётининг маълум тажрибасини умумлаштиради ва имкониятларини кўрсатади. Бадиий асар сифатида у биз учун ижтимоий амалиётнинг мустақил нафосат дурдонаси, қадриятидир, маънавиятимизнинг бир бўлагидир ва ҳар томонлама эстетик жиҳатдан таҳлил қилиниши, баҳоланиши мумкин.

Асар бизнинг гўзалликка, сўз санъатига, бадиийликка бўлган талабларимизни, яъни эстетик эҳтиёжимизни қондиради. Бу унинг биринчи ижтимоий вазифасидир. Асар бизнинг ҳиссиятимизни тарбиялади, ахлоқий ва эстетик жиҳатдан онгимизни, тафаккуримизни такомиллаштиради. Яъни тарбиявий вазифани бажаради. Бу унинг иккичи ижтимоий вазифасидир. Ва ниҳоят унинг учинчи ижтимоий вазифаси — бу билим беришидир. Биз кишилар ўртасидаги муносабатлар, инсоннинг ички кечинмалари, эзгулик ва ёвузлик, мардлик ва худбинлик, инсон характерлари, феъл-атворлари тўғрисида муайян билимга эга

бўламиз. Яъни асар воқеликни бадиий билиш вазифасини бажаради.

Шундай қилиб, санъат асарида (фандা ҳам, урф-одатларда ҳам), умуман маданиятда маънавият ўзининг, бир томондан, синтезлашган ташкилий шаклини топади, иккинчи томондан — санъат (фан, урф-одатлар ва ш.к.) маънавиятнинг таркибий қисми, нисбатан мустақил функционал шакли сифатида фаолият кўрсатади. **Маънавият** — маданият мазмунида умуминсоний қадриятларни халқнинг тарихий тажрибаси билан ўзаро йўғуналаштириб ҳозирги замон тараққиёти заруриятини англаш (тўғри ёки иотўғри) даражасидан келиб чиқиб талқин қилиниши ва зоҳир бўлишидир. Маданият маънавиятнинг рӯёбга чиқиши, ташкилий шакли ҳамда амалиётга айланишидир (функционал шакл).

Маънавият, келиб чиқишига, авлоддан-авлодга ўтишига ва ижтимоий ҳодиса сифатидаги ролига кўра, алоҳида шахс онги ва фаолиятининг маҳсули эмас. Алоҳида шахс онгида маънавият ўёки бу даражада акс этади, алоҳида шахс унинг ривожланишига маълум ҳисса қўшиши мумкин. Алоҳида шахснинг (ҳаттоқи йирик ижтимоий гуруҳнинг) индивидуал тажрибаси жамият маънавиятини бекор ҳам қилолмайди, тубдан ўзгартира ҳам олмайди, фақат бунга туртки бўлиши мумкин.

Маънавият ўзгариши учун халқнинг катта қисми бунга мойил бўлиши лозим. Бу эса халқнинг турмуш тарзида, сиёсий тузумида, ижтимоий аҳволида кескин ёки сезиларли ўзгаришлар билангина боғлиқдир. Яъни маънавиятнинг ўзгариши умуммилдий тажриба орқали амалга ошади.

Жамиятда маънавият ўзгариши учун шарт-шароит пишиб етилса, унда шахс ёки ижтимоий гуруҳнинг хатти-харакатлари зое кетмайди.

Истиқлол арафасида ва ундан кейин давлатимиз раҳбарлари томонидан маънавиятимизни ривожлантириш ва қадриятларимизни тиклаш бўйича қилинган хатти-харакатлар халқнинг истаклари ва хоҳиш-иродасига ҳамда турмуш тарзидаги ўзгаришларга мос бўлганлиги учун омма томонидан яхши кутиб олинди ва қўллаб-кувватланди. Натижада маънавиятимизда бугун катта ўзгаришлар бўлмоқда. Шу боисдан умуман маънавият ҳақида гапирилганда, халқ маънавияти ҳақида сўз юритилади.

Шахс ва маънавият ҳақида гапирилганда эса маънавият ижтимоий функцияларининг ва онтологиясининг алоҳида

олинган инсоннинг онги ва амалиётида рўёбга чиқиши назарда тутилади. Бу ҳақда И. Каримов жуда тўғри фикрни айтган: «Инсон уни Инсон дараражасига кўтарадиган асосларнинг асосини ўз ақли билан том маънода қамрай олмайди. Инсон ўзини халқнинг бир зарраси деб сезгандагина, у ҳақда ўйлаб, меҳнат қилиб яшагандагина маънавият билан туташади»¹.

Маънавият миллатнинг асрлар давомида шаклланган, илдизлари унинг тарихий тажрибалари ва ижтимоий-маданий ривожланиши билан узвий боғлиқ бўлган ички ақлий (интеллектуал) ва событ ҳиссий (эмоционал) дунёсидир. Ақлий ва ҳиссий ички дунё сифатида маънавиятда тафаккурга, онга боғлиқ жиҳатлар ҳам, шунингдек, онг остига оид ижтимоий стихияли мўлжаллар, фаҳм-фаросат (интуиция) ва миллий ирода ҳам мавжуд.

Масалан, миллий озодлик курашининг турли босқичларида юз берадиган стихияли хатти-ҳаракатлар, миллий фуур кўринишига оид баъзи ижтимоий ҳодисалар маънавиятга киради, лекин улар кўпроқ онг билан эмас, балки ирода билан боғлиқ, баъзан эса иррационал характер касб этади.

Маънавият миллатнинг фақат ички субъектив ақлий ва ҳиссий дунёси (ички маданияти) билан чегараланмайди, у миллатнинг объективлашган ички ва ташки ижтимоий-маданий яшаш ва ижод қилиш шароитини, яъни маданий муҳитни ҳам қамраб олади.

Маънавият ва ирода

Юқорида ироданинг маънавият тузилмасига кириши қайд этилган эди. Унинг баъзи бир хусусиятлари, жумладан, унга рационализм билан бир қаторда иррационализм хослиги айтиб ўтилган эди. Ироданинг мазмуни тўлароқ очилиши учун, яна баъзи бир қўшимчалар қилиш лозим.

Ирода энг аввало инсоннинг муйян мақсад танлай билиш ва унга эришиш учун ўзида кераклигича ички куч ҳамда ташки имкон топа олиш (вазиятни мослаштириш) қобилиятидир. Ирода ақлдан ва ҳиссиятдан шуниси билан фарқ қиласиди, унинг мақсадга нисбатан «мен хоҳ-

¹ Ислом Каримов. Ўзбекистон: миллий истиқбол, иқтисодиёт, сиёсат, мафкура. 1-китоб, 81-бет.

лайман» қабилидаги кечинмалар эмас, балки «керак», «шундай қилишим шарт» сингари муносабат хос. Шу боис у доим ҳам онгли, мақсадга мувофиқ, рационал ҳаракат шаклида намоён бўлмайди. У баъзан ор-номус, фурур, бурч, виждан эҳтирослари таъсирида иррационал хулқ-автор кўринишида юзага чиқиши мумкин.

Ирода моҳияти ва ҳодисасининг жуда мураккаблиги ва зиддиятлилиги айрим ҳолларда уни «сабаб-оқибат» боғлиқлигига идрок этишда қийинчиликлар туғдиради. Фалсафа тарихида иродага нисбатан бир-бирини мутлақо инкор қилувчи қарама-қарши ёндашувлар, фикрлар ва хуласалар кўп билдирилган. Айниқса ирода эркинлиги тўғрисида. Лекин уларнинг деярли барчаси иродани маънавият унсури, Шопенгауэр ва унинг издошлари эса бутун олам жараёнининг, айниқса инсон фаолиятининг бирламчи асоси, деб ҳисоблаганлар.

Иродага барқарорлик, событлик билан бир қаторда маълум даражада эклектиклик (қоришиқлик), релятивлик (нисбийлик) хос. Унда турли қарама-қарши жиҳатлар қоришиб кетган. Ирода детерминизмдан ташқаридаги ҳодиса эмас. У эркин танлаш, аммо ижтимоий тақозо этилган эркин танлаш. Тўғри, мақсадга эришиш йўлидаги хулқ-авторда, хатти-ҳаракатнинг ҳар бир унсурида доим ҳам детерминизм аниқ кўзга ташланавермайди. Баъзан кишининг хатти-ҳаракати номантикий тасодифлек туюлади, чунки у инсоннинг онги остига тааллуқли, оқилона тушунтириш қийин ёки мумкин бўлмаган руҳий ҳолати, ижтимоий майлари таъсирини сезади.

Лекин иродадаги иррационал ва индетерминистик жиҳатларни ортиқча баҳолаб юбормаслик керак. Жамият миқёсида ирода ахлоқ ва ҳуқуқ воситасида анча изчил рационалистик ва детерминистик талқинга эга бўлади ва ўзига хос тарзда моддийлашади.

Мақсад танлаш ва унга эришиш билан боғлиқ фаолият сифатида ирода ахлоқ ва ҳуқуқнинг асосида ётади. Аммо ахлоқ ва ҳуқуқ ироданинг ўзи эмас, балки уни билвосита рўёбга чиқарувчи, ойдинлаштирувчи, ўзларининг хос меъёrlари мазмуни билан бойитувчи мустақил ижтимоий институтлардир. Ирода эса мутлақо ижтимоий институт эмас.

Қадимги антик даврдаёқ, инсон онги ва маънавияти уч қисмга бўлинган: ақл (тафаккур), ирода ва ҳиссий кечинмалар. Демак, ирода инсон онги ва руҳиятига мансуб идеал

ҳодисанинг амалий хулқ-атвор ва ҳаракатга айланиш жараёни ҳамдир. Ирода маънавиятнинг негизини ташкил этувчи онгнинг ўзига хос таркибий қисмидир. Маънавиятнинг кўп томонлари, жумладан, эътиқод билан у чамбарчас боғлиқ. Онгсиз ирода умуман вужудга келмайди. Эътиқодсиз ирода эса ички қатъият жиҳатдан заиф, стихиялик ва иррационализмга кўпроқ мойил бўлади.

Ўз навбатида иродасиз онг тўлиқ яхлит тизим бўлолмайди, у нофаол инъикос даражасида қолиб кетади, эътиқод эса шаклланмайди. Демак, иродасиз маънавият ҳам шаклланмайди ёки аниқ тизимни ташкил этмайдиган жуда жўн тушунчалар ва мейёрлар йиғиндиси бўлиб қолади.

Ирода зоҳирян эркин танланган мақсадни амалга оширишда намоён бўлади. Бу жараёнда инсон (миллат) вазият талаб қиласа, нималарданdir воз кечади, нималарниdir курбон қиласа, маслагини ҳимоя айлаб, вазиятни енгишга ҳаракат қиласа, йўқотишларга, оғир синовларга дош беради.

Қатъият, бардош, сабр-қаноат, йўлдан тоймай, ортга қайтмай мақсадга интилиш, имкон излаш, масаланинг янги ечимини топишга ўз ақлини, ҳиссиётини сафарбар эта олиш, муваффақиятсизликлардан чўчимаслик, ютуқлардан эсанкирамаслик — иродани ташкил этувчи унсурлардир. Ирода, шунингдек, фуур, ор-номус, фидойилик, қаҳрамонлик, жасурлик, таваккалчилик ёки Қўркув каби тушунчаларни, мейёрларни ўз ичига олади.

Ирода маънавиятга барқарорлик, ўзини муҳофаза қила олиш, ривожланиш, такомиллашиш, яъни яшовчанлик ва таъсирчанлик хусусиятларини бафишлайди.

Ирода маънавиятнинг арконларидан ва асосий мақсадларидан бири бўлмиш эркинликнинг амалда юзага чиққан воқелигидир.

Эркинлик мустақиллик тушунчасига нисбатан анча кенг ва теранроқ. Агар миллий мустақиллик миллатнинг ўз тақдирини ўзи ҳал қилиш хуқуқини қўлға киритганини, ички сиёсий, ижтимоий, иқтисодий ҳаётини ва халқаро муносабатларини ҳеч бир давлатга қарам бўлмасдан, ўзи қуришини билдиrsa, эркинлик уларга қўшимча равишда яна шахс ва миллатнинг объектив эҳтиёжларини, давр ва шартшароит тақозосини, бугунги кун ва келажак талабларини, жамиятнинг ривожланиш, янгиланиш тенденцияларини англаб олиш ва ўз бунёдкорлик ишларини, барча сайди-ҳаракатларини уларга монанд қуришини билдиради.

Эркинлик онгли танлашда, онгли фаолиятда намоён бўлар экан, у ирода билан узвий, диалектик бирликни ташкил этади. Ирода онгли танланган мақсад сари ўз фаолиятини йўналтириш, муайян воситалар ва усувларни белгилаш сифатида эркинликнинг «моддийлашуви», воқелигидир. Эркинлик эса ироданинг ички салоҳияти, ҳаётбахш кучи ва ташки олий мўлжалидир. Маънавият эркинликка ирода орқали ва унинг воситасида интилади.

Юқоридагидан ироданинг маънавиятнинг таркибий қисми сифатидаги аҳамияти аёnlашади.

Маънавиятнинг барча таркибий қисмларига, унсурларига ироданинг таъсири катта, аммо табиийки, бир хил эмас. Унинг таъсири бугунги кунда маънавиятнинг етакчи ва жуда динамик, ҳаракатчан тизимларидан бири — миллий истиқдолғояси ва мафкураси шаклланишига, ҳаётга татбиқ этилишига жуда кучлийдир.

Иродаси бўш халқ туб манфаатларини юзага чиқаришда, ҳатто уларни тўла ва теран әнглаб олишда қийналиб қолади. Ўзлигини яхши англай олмаган халқ эса миллий гоясини ифодалай олмайди. Бинобарин, унинг маънавий ҳаётига ички муштараклик ва умумий мақсадга интилиш етишмайди. Чунки маънавий ҳаётга муштараклик ва умумий мақсадни миллий фоя беради.

Ўз навбатида миллий истиқдолғояси миллий ирода чиникишига, ривожланишига хизмат қилади. Унинг олий мақсадларини, мўлжалларини ва бу йўлдаги ҳаракат алгоритмини аниқлаб беради. Миллий истиқдолғояси орқали ирода халқнинг маънавий илдизлари, асрний маданий мероси ва замонавий қадриятлари ҳамда умуминсоний қадриятлар билан янада мустаҳкамроқ туташади.

Маънавият туфайли ирода ватанпарварлик мазмунини касб этади, сохта фояларга учмайди ва ғайриинсоний мақсадлар йўлига адашиб кириб кетмайди. Маънавиятнинг асл моҳиятидан ажralиб қолган ирода эса бундай хавфдан холи бўлмайди. Чунки иродага хос маълум даражадаги иррационализм, қатъият, ҳар қандай тўсиқни енгиб мақсад сари интилиш, агар маънавий мезонлар унутилса, восита танлашда адашиб кетишга олиб келиши мумкин. Мақсад воситани ҳар доим ҳам оқламаслигини иродага маънавиятнинг инсонпарварлик меъёрлари эслатиб туради.

Хулоса қилиб айтганда, иродасиз маънавият кемтик, нотугал ва амалий жиҳатдан заифдир. Маънавиятсиз ирода

эса стихияли, кўр-басир, зиддиятли ва хавфли ижтимоий энергия, куч даражасида қолиб кетади. Унинг яратувчилик салоҳияти паст бўлади.

Маънавият таърифи ва тузилмаси

Юқоридаги мулоҳазалардан келиб чиқиб, маънавиятга куйидагича дастлабки таъриф бериш мумкин: «**Маънавият — бу ижтимоий онгнинг нисбатан умумий аҳамият касб этган эътиқод ва қадриятлар даражасига кўтарилиган сабит эҳтирослари, тушунчалари, меъёрлари, ижтимоий мўлжаллари, идеалларидир, уларнинг маданий меросда, урф-одатларда объективлашган тизими ва миллатни муайян мақсадларга эришиш учун йўналтирадиган миллий ирода ҳамда жамиятда қарор топган ва инсоннинг асл мавжудлигини таъминлайдиган ақлий ва ҳиссий, руҳий ва мафкуравий муҳитдир.** Шундай қилиб, маънавият тўрт ўзаро узвий боғлиқ таркибий қисмдан иборат:

а) онгнинг, дунёқарашибининг оламга фаол муносабат кўринишидаги функционал жиҳати (ижтимоий онг шаклларига мувофиқ — фалсафий, диний, ахлоқий, эстетик, ҳукуқий туйғулар, тушунчалар, баҳолар, қарашлар, назариялар);

б) маънавий маданият ютуқлари (халқ оғзаки ижоди асарлари — қўшиқлар, достонлар, эртаклар, мақоллар, маталлар, халқ амалий санъати асарлари, адабиёт, архитектура, дизайн, тасвирий санъат, театр, кино, музика, эстрада асарлари ва ш.к.; фан, оммавий ахборот ва ташвиқот, таълим-тарбия тизими, истироҳат ва спорт, урф-одатлар, диний амалиёт ва ҳ.к.);

в) ирода (эркин танлаш, қатъият, фидойилик, ор-номус, миллий фуур, қўрқув ва ҳ.к.);

г) жамиятда қарор топган маънавий муҳит.

Маънавият шахснинг табиат ва жамият билан муштараклашувини, ўз муносабатини уйғулаштиришни билдиради.

Яъни маънавият тушунчаси:

1) шахс ва жамият томонидан ижтимоий борлиқни ўз фаолияти асоси ва обьекти сифатида англаб олинишини (шу боисдан ҳам маънавият дунёқарашибининг функционал жиҳати бўлади);

2) шахснинг, миллатнинг муайян хулқ-автори ва яратувчилик фаолияти, бордиққа муносабати, борлиқни қайта яратиш ёки ўзгартириш бўйича ижодий режаларини;

3) бу режаларни амалга ошириш учун, биринчидан, шахс ва жамиятдаги қатъият, эрк ва иродани ҳамда, иккинчидан, жамиятда мавжуд бўлган мафкуравий шарт-шароитни билдиради.

Демак, маънавият орқали инсон табиат ва жамият билан бир бутунликни ташкил қиласи, уйғунлашади. Инсоннинг табиатга ва жамиятга ижобий таъсири маънавиятга, салбий таъсири эса ундаги камчиликларга боғлиқ.

Маънавият нафақат рационал, шунингдек, маълум дарражада иррационал характерга эга. Маънавиятнинг онгга, ақлга, мантиққа оид томони инсоннинг рационал дунёсини ташкил этса, иродага оид томони қисман иррационал дунёсини ташкил этади. Маънавиятнинг ҳиссиётта оид жиҳатлари эса ҳам рационал, ҳам иррационал характер касб этади.

Ҳиссиёт онг ва иродани бирлаштирувчи қатлам, у бир томони билан онгга сингиб кетса, иккинчи томони билан иродага сингиб кетади (эстетик завқ онгли равищда кечиши мумкин, масалан, асарнинг бадиий мукаммаллигини яхши тушунган ҳолда ёки шоҳмот комбинациясининг гўзаллигини тушунган ҳолда улардан завқланиш мумкин. Шу билан бирга эстетик завқ гўзалликнинг бевосита таъсирида, гўзаликнинг ташқи «секси»га мафтунликдан ҳосил бўлади. Бунда рационал таҳлил иккинчи ўринга чекинади).

Уят туйғуси, ор-номус ва виждан ҳиссиёти, фуур, кўркув ҳам, бир томондан рационал, иккинчи томондан, иррационал мазмунга эга.

Алпомишнинг бандиликдан қутулишда Кайқубод ёрдамидан воз кечиши ориятнинг, ироданинг кўринишидир. Амалий фойдалилик нуқтаи назаридан (тезроқ бандиликдан қутулиб, душманлардан ўч олиш, адолатни тиклаш, Барчин висолига етиш, ўз юргига тезроқ қайтиш, у йўқлигига содир бўлиши мумкин бўлган турли тасодифларнинг олдини олиш ва ҳоказо), яъни рационал — оқилона — иш тутиш нуқтаи назаридан, Алпомишнинг қарори унчалик тўғри эмас. Аммо Алпомиш образи ифодалайдиган маънавий тушунчалар, ахлоқий идеаллар ўзгалиарнинг ёрдамидан асосий мақсадига эришиш учун фойдаланишга йўл қўймасди. У бошқа соҳаларда ўзгалардан ёрдам олиши мумкин (Кайқубоднинг озиқ-овқатларини рад қилмайди), лекин душманлар билан принципиал курашда алп сифатида ўзлигини тўла-тўқис намоён этиши,

ўз кучи билан ғалаба қозониши лозим. Бундай иш тутиш халқнинг маънавий идеалидир, лекин у рационализм доирасига сифмайди.

Фуур, ор-номус ва фидойиликка кўплаб тарихий мисолларни келтириш мумкин. Айниқса, ватани озодлиги учун курашган буюк шахслар, қаҳрамонлар, сиёсатчилар, қўзғолончи ва инқилобчилар ҳаётида ички туйфу, сезги ва фаҳм-фаросатга таяниб, таваккалчилик билан кўрқмасдан амалга оширилган ишлар сон-саноқсиз. Уларни охиригача рационализм нуқтаи назаридан тушунтириб бериш қийин. Лекин бундан ирова фақат иррационалистик бўлар экан, деган холоса келиб чиқмайди. Ижод жараёнида эса иррационализм ва рационализмни кўп ҳолларда бир-биридан ажратиш қийин.

1991 йил 31 август куни Ўзбекистонни мустақил деб эълон қилиш, СССР таркибидан чиқиши ва совет тузумига барҳам бериш бу Президентимизда, халқ депутатларида миллий ироданинг ёрқин намоён бўлиши эди. Аммо кўп ҳолатларда халқнинг идеаллари кўламининг кенглиги, мўлжалларнинг юксаклиги ва мазмунининг теранлиги билан кундалик тушунчадаги рационализмга ҳар доим ҳам мос келавермайди, унда рационализм тушунтириб бера олмайдиган миллий фуур, миллий фидойилик, қатъият ва ирова — миллатнинг руҳий кучи бор.

Маънавиятдаги иррационал жиҳатлар, шунингдек, диний, диний-мистик қарапашларда, турли иримларда, айrim ҳолларда ижодкор шахсларнинг «дарвишона», «машрабона» хатти-ҳаракатларида, баъзан бамаъни кишиларнинг «ақл бовар қилмайдиган» бемаъни қилиқларида намоён бўлади. Бизнинг бу мисолларни келтиришимизнинг сабаби шуки, совет даврида иррационализмга бир томонлама салбий муносабатда бўлиб келинди. Ваҳоланки, иррационализм маънавий ҳаётда, инсоннинг хулқ-авторида анча таъсирили роль ўйнайди.

Шундай қилиб, маънавиятда субъектив ва «моддийлашган» объектив томонлар мавжуд. Маънавиятнинг субъектив томони ўз навбатида икки — рационал ва иррационал қисмларга бўлинади. Ирова нафақат рационал, айrim ҳолларда иррационал характерга эга.

Маънавият субъектив ҳодиса — ақл ҳамда ирова сифатида борлиқнинг шунчаки акси эмас, балки дунёқарапашнинг (кенгроқ олсак, онгнинг) борлиққа нисбатан амалий муно-

сабат шаклидаги муайян фаолиятга айланишидир. Маънавият объективлашган қадриятлар тизими (яъни маънавий маданият) сифатида эса миллатнинг ўз-ўзини англаш, ўз руҳини, иродасини ва онгини, ижтимоий амалиётини такомиллаштириш имкониятларининг ва воситаларининг эршилган даражасидир, жамиятнинг маданий савиасидир.

Қисқа қилиб айтганда, маънавиятда миллатнинг ақлий ва руҳий салоҳияти ҳамда ижодкорлик қобилияти юзага чиқади.

Бу салоҳият ва қобилият асрлар давомида тобланиб, халқнинг тарихий бунёдкорлик, диний ва дунёвий тажрибасини ўзида мужассамлаган. Шу боис маънавиятга барқарорлик хос. Маънавият жамият билан бирга юксалади, ривожланади, таназзулга ва инқирозга учрайди, қайта уйғонади, гуркираб ўсади. Маънавият учун изчил тарихийлик ва замонавийлик, анъанавийлик ва янгиланиш хос. Маънавиятнинг ривожланиши тарихий заруриятни жамият томонидан тўғри тушунишга ва унга мувофиқ жамиятда амалга оширилаётган ишларга боғлиқ.

Маънавиятнинг меъёрийлиги ва ижтимоий вазифалари

Маънавият нисбатан умумий бўлган ижтимоий баҳолар, меъёрлар, мўлжаллар, идеаллар мажмуи сифатида, урф-одат ва қабул қилинган расм-руслар ҳамда кишилар ўртасидаги мафкуравий муносабатлар, яъни маънавий маданият ва маънавий муҳит сифатида бошқа ижтимоий муносабатларга, алоҳида шахслар ва гурухлар хулқ-атворига, фаолиятига чеклаш ёки рағбатлаш, ундаш орқали таъсир кўрсатади.

Маънавият энг аввало миллатни, миллий маданиятни, миллий турмуш тарзини муҳофаза қиласди. У ижтимоий-маданий фильтр вазифасини бажаради ва миллий анъаналарга ёт, миллийликка путур етказувчи, миллатнинг ахлоқий, эстетик, фалсафий қарашларига, иймон-эътиқодига, адолат ва ҳақиқат тўғрисидаги тасаввурларига мос келмайдиган нарсаларни қабул қилмасликка, аксинча, уларни сиқиб чиқаришга ҳаракат қиласди ҳамда миллий ривожланиш учун зарур бўлган ўзга халқларнинг ютуқларини, тажрибасини ўзлаштиришга интилади. Миллий турмуш тарзини муҳофаза қилишга ва ривожлантиришга кучи етмаса, инқирозга учрайди.

Демак, маънавият миллат ички дунёсининг, қарашларининг ва қадриятларининг воқелиги бўлибгина қолмасдан, уларнинг яшовчанлик даражаси, ўз-ўзини муҳофаза қила олиш ва ривожланиш кучини намоён этади.

Шу боисдан маънавият маданий меросга, тарихий ань-аналарга, диний ва фуқаровий урф-одатларга ниҳоятда фам-хўрлик билан ёндошади, уларнинг унудилишига йўл кўймайди. Моддий фойдалилик юксак маънавият учун биринчи даражали эмас. Ушбу маънода маънавият ҳаётта, турмушга, ижтимоий муносабатларга ва муаммоларга, ўтмиш ва келажакка оид ҳодисаларга кенг миқёсда ижтимоий-маданий мўлжаллар нуқтаи назаридан баҳо беради ҳамда бу баҳоларнинг мезонлари ва меъёрларини белгилайди.

Маънавият, шундай қилиб, меъёрий (норматив) хоссага эгаки, унга мос равишда жамиятда нарса ва ҳодисаларга, ижтимоий алоқаларга нисбатан муайян муносабат шаклланади. Бу меъёрларга мос келадиган ҳодисаларга, хатти-ҳаракатларга биз ижобий муносабатда бўламиз, уларни маъқуллаймиз, имкон топилса, амалда қўллаб-куватлаймиз. Ва, аксинча, маънавиятимизга мос келмайдиган ҳодисаларни, хатти-ҳаракатларни қоралаймиз ва ҳ.к.

Маънавиятнинг меъёрий характеристи бизнинг у ёки бу ҳаёттий позицияни эгаллашимизни англатади. Маънавият қанчалик бой ва ривожланган бўлса, унинг меъёрийлик хоссалари ҳам шунчалик эркин, бой ва ранг-баранглик касб этади. Бой маънавият турлича фикрларни, қарашларни, ёндошувларни тақозо этади, аммо улардаги фарқлардан қатъи назар, албатта, ижтимоий фаолликни билдиради. Маънавият қанча қашшоқ бўлса, у шунчалик фанатизмга мойил, ўзгача қарашларга ва ёндашувларга муросасиз, казармача бир хилликни қарор топтиришга ҳаракат қиласди.

Миллатнинг маънавияти ҳеч бир шахс, ҳеч бир ижтимоий гуруҳ томонидан тўлалигича ўзлаштирилмайди. Кишиларнинг ва гуруҳларнинг амалий фаолиятида маънавиятнинг фақат ўзлаштирилган қисмигина рўёбга чиқади. Ўзлаштирилмаган маънавият, табиийки, ўзининг меъёрий ва бошқа хислатларини юзага чиқара олмайди. Шу боисдан жамиятда айрим шахслар ва гуруҳлар аксилижтимоий хатти-ҳаракатларга қўл урадилар. Биз ҳаққоний равишда баъзи кишиларнинг маънавий қашшоқлиги ҳамда уларга

ўзларини тийиш учун ирода етишмаслиги тўғрисида бе-
зовталаниб гапирамиз.

Маънавиятнинг меъёрий характеристи ҳатти-ҳаракатлар-
ни чеклаш, уларни мавжуд ахлоқ ва қонун доирасида сақ-
лаб қолиш билан белгиланмайди. Маънавиятнинг меъёрий
характери биринчи навбатда чеклашда эмас, балки муайян
фаолиятта ундашда, яъни ижодкорликка, яратувчиликка
ундашда намоён бўлади. Маънавияти бой халқнинг рағба-
ти ўзини тийишга, камсукум бўлиб турғунликка интилишга
эмас, балки ижодкорликка, турмушни янгилашга, янада
илгор ютуқларни кўлга киритишга қаратилгандир.

Бошқача қилиб айтганда, тараққиётга рағбат асл маъ-
навиятнинг меъёридир, ижтимоий мўлжалидир.

Маънавият ўзининг муҳофаза қилиш, танлаш, чеклаш,
баҳолаш, ундаш қаби меъёрлаш хоссаларидан келиб чи-
киб, ҳар қандай алоҳида олинган қадриятларнинг, шу жум-
ладан четдан қабул қилинган ютуқларнинг ҳам, муайян
тарзда фаолият кўрсатишини тақозо этади ва жамият аъзо-
ларининг ижтимоий хулқ-атворини белгилайди.

Маънавиятнинг ижтимоий вазифалари қуйидагилардан
иборат:

- а) миллатни муҳофаза қилиш;
- б) ўтмишга, бугунга ва келажакка оид ҳодисаларға баҳо
бериш, бу баҳоларнинг мезонлари ва меъёрларини белги-
лаш (аксиологик вазифа);
- в) жамиятни ва алоҳида шахсларни муайян ҳаётий по-
зицияни эгаллашга ундаш;
- г) миллатни тараққиётга, алоҳида шахсни такомилла-
шишга рағбатлантириш;
- д) инсоннинг ўз шахсияти билан айниятда яшашини,
инсон табиатини ривожланиши, такомиллашишини таъ-
минлаш;
- е) кишилар, ижтимоий гурӯҳлар ўртасидаги муносав-
батларни тартибга солиш (ахлоқий ва ҳукуқий меъёрлар
орқали);
- ж) инсоннинг табиат ва жамият билан уйғунлигини
таъминлаш.

* * *

Ушбу бобнинг холосаси сифатида қуйидагиларни таъ-
кидлашни истардик.

Маънавият мөҳиятини ва ижтимоий вазифаларини қандай тушуниш муҳим аҳамиятга эга. Зеро, амалий фаолиятимизни айниқса, фан, адабиёт ва санъатни, ҳалқ таълими ва маданиятнинг бошқа соҳаларини ривожлантириш кўп жиҳатдан маънавият ҳақидаги билимларимизга боғлиқ.

Маънавиятга нисбатан иррационал қарашлар устунлик қилса, унда яна аста-секин маданий инқироз бошланади.

Умуман, ислом оламининг XVI асрдан бошлаб илмий-маданий инқирозга учраши буни исботлаб турибди. (Улуғбек фожиаси ислом оламида олти асрдан кўпроқ давом этган, Фаззолий давридан бошлаб кескин кучайган илмий рационализм ва диний-мистика ўртасидаги курашда илмий рационализм мағлубиятининг кўринишларидан биридир. Бу аста-секин дунёвий фанларнинг ислом оламида емирилишига, жўн бир ҳолатга тушиб қолишига олиб келди).

Маънавиятта фақат рационализм нуқтаи назаридан ёндошиш ҳам бирёқламалик бўлади. Уни ҳар томонлама ва теран тушуниш имконини бермайди.

Айниқса вулыгар материалистик ёндашув маънавиятнинг нисбатан мустақиллигини ва мурakkabligини ҳисобга олмайди, унинг жонли мазмунини инкор қиласди, ўлик схематик андозаларга тиқишиди. Маънавиятта фақат иқтисодий муносабатларнинг иккиламчи ҳосиласи деб қарайди. Бу, пировардида меҳр-оқибат, инсонпарварлик, ахлоқийлик каби тушунчаларни кўзга илмаслика, жамиятда дегуманизация жараёнининг кучайишига олиб келади.

Хозирги бозор муносабатлари қарор топаётган, мулкчиликнинг турли шакллари ривожланаётган, ижтимоий-иқтисодий ҳаёт рақобатга асосланаётган бир пайтда маънавиятни кўзга илмаслик оғир аҳволга олиб келиши мумкин. Рақобат шароитида маънавиятга вулыгар экономизм нуқтаи назаридан ёндашилса, эски «*homo homini lupus est*» — «инсон инсонга бўридир» деган шиор кишилар онгига қайта тирилиши ҳеч гап эмас. Ҳаттоки, рақобат тўла инкор этилган совет даврида ҳам маънавиятга вулыгар материалистик ёндашиш ҳалқнинг ижтимоий хотирасидан, асрий маданий меросидан, энг қадрли урф-одатлари ва яхши анъаналаридан анча-мунча узоқлаштириди, кишилар ўртасидаги меҳр-оқибатни совутиб юборди, бефарқликни, худбинликни кучайтириди. Капиталистик мамлакатлардаги маънавий инқироз тўғрисида ҳам бизга кўп нарса маълум. И. Ка-

римов ҳақли равиша «Чинакам цивилизациялашган бозор муносабатлари, бозор воситалари фақат юксак маънавият негизида, юксак ахлоқлилик ва ватанпарварлик негизларida барпо этилиши мумкин»¹, дейди.

Жамиятда туб ўзгаришлар юз берәётган шароитда эса маънавиятни вульгар материалистик тушуниш фақат зарар келтиради.

Биз маънавиятга илмий холислик билан ёндашиб, унинг моҳиятини, мазмунини, тузилиш структурасини, намоён бўлиш шаклларини, ривожланиш қонуниятларини очишимиз лозим.

Маънавият тушунчаси биргина фалсафа фани даражасида гносеологик, онтологик, умумсоциологик, аксиологик нуқтаи назарлардан структуравий ва функционал усуллар ёрдамида таҳдил қилиниши лозим. Маънавият тушунчасини бошқа фанлар, хусусан, маданият назарияси, эстетика, санъатшунослик, адабиётшунослик, сиёsatшунослик, социалогия, педагогика, психология кабилар махсус ўрганиб, унинг мазмунини тўла аниқлашга ёрдамлашган-дагина «маънавият»ни категория даражасида англаб оламиз.

Маънавиятни илмий тушунча сифатида таҳдил қилиш бир кишининг иши эмас, балки барча ижтимоий-гуманистар фанлар вакилларининг ишидир.

¹ Ислом Каримов. Ватан саждагоҳ каби муқалласдир. З-китоб. Т., 1996, 275-6.

II қисм

МАЬНАВИЯТНИНГ ВУЖУДГА КЕЛИШИ

Инсон доимо изланишда бўлади. Энг аввало у ўзининг кимлигини билгиси, инсоний табиати билан уйғунликда яшагиси келади. Ўз-ўзини англаш савиясини юксалтиришга интилади. Инсоннинг ўзини англаши ибтидосида ва асосида эса маънавият турибди. Неандертал одами ўзини табиатдан, ҳайвонот оламидан ажратиб англаш жараёнида маънавиятнинг ilk куртакларини вужудга келтирди. Бу ҳақда биз уларнинг маросимий унсурлари яқъол кўриниб турган дафн қолдиқлари орқали биламиз.

Рус қадимшуноси П.И.Борисковский «Инсониятнинг энг қадимги ўтмиши» китобида маросимлар 400 минг йил илгари пайдо бўлган дейди¹.

Фарб олимларидан Ж.Кларк маросимлар ёшини неандертал ва «родезиялик» одам билан боғлайди ва 200—150 минг йилга тенглашибди².

Илк маросимчилик 400 минг ёки 200 минг йил илгари пайдо бўлганми деган масала устида баҳс юритиш ниятимиз йўқ. Биз учун энг муҳими — инсон ўз биологик-ҳайвоний табиатидан асл инсоний табиатига ўтиш жараёнида маънавийлик унсурларини такомиллаштира ва ўзлаштира бошлагани ва оқибатда янги тош асрига келиб нисбатан мувозанатга эришган мураккаб тизимга эга маънавиятни яратганидир.

Дадил айтиш мумкинки, неандертал одамларида диний-маънавий ҳаёт унсурлари фақат дафн маросимлари билангина чекланмаган. Улар ҳаттоқи фалакиёт ҳодисалариға, юлдузлар туркумларига, алоҳида юлдузларга ном берганлар. Гапимиз исботсиз бўлмаслиги учун, шундай мисол келтирамиз: ўзбеклар Етти оғайни, Етти қароқчи деб номлайдиган юлдузлар туркуми бор. Оврупонинг кўп

¹ П.И. Борисковский. Древнейшее прошлое человечество. 2-изд. М., 1980 г.

² Дж. Кларк. Доисторическая Африка. М., 1977 г.

халқларидаги уларни Катта она айиқ, Кичик айиқ деб аташади. Птолемейнинг «Алмажистий» асари туфайли ислом астрономлари ҳам уларни кўпинча «Катта айиқ» ва «Кичик айиқ» деб аташади. Жаҳоннинг бошқа айрим халқлари ҳам уларга нисбатан «айиқ» номини қўллади. Қадимги юнонларнинг фалакиёт асотирларида бу бир неча вариандада шундай тушунтирилади. Она айиқ — Зевснинг маҳбубаси Каллисто, Кичик айиқ — унинг ўғли Аркос. Зевс хотини Геранинг рашкидан кўрқиб Каллистони айиққа айлантириб қўяди (бошқа бир вариандада уни айиққа Гера айлантиради, яна бирида эса Артемида). Аркос ов қилиб юрганда айиқ қиёфасидаги онасига дуч кёлади ва танимасдан ўқ-ёйидан отмоқчи бўлади. Зевс ўғли Аркоснинг беихтиёр онасининг қотилига айланиб қолмаслиги учун уни ҳам айиққа айлантиради ва ҳар иккисини осмонга думидан ушлаб отиб юборади (осмон айиқларининг думи узунлиги шундан).

Америка ҳиндуларининг маданияти ва тилини, этнографиясини ўрганган олимлар баъзи бир ҳиндуда қабилалари тилида ҳам бу юлдуз туркumlарини «айиқ» деб аталишини аниқлаганлар, аммо эътибор беришмаган. Овруполикларнинг таъсири бўлса керак, деб қўя қолишган. Лекин компьютерлар анча ривожланган XX асрнинг 70-йилларида тилнинг келиб чиқиши ва атамалар шаклланиши билан қизиқиб юрган олимлар бу ўхшашликка жиддий ёндашиб астрономларга мурожаат қилишган: мазкур юлдуз туркumlарининг компьютерда бир неча минг йиллар бурунги осмондаги жойлашуви, координатлари аниқланса, айиқни эслатадиган ҳолат келиб чиқмайдими?

Айтиш лозимки, осмондаги барча жисмлар, жумладан, юлдузлар ҳам доимий ҳаракатда. Фақат юлдузлар биздан жуда узоқ жойлашгани учун уларнинг бир-икки аср, ҳатто минг йил давомидаги ҳолати ўзгармасдек туюлади. Аслида аксарият юлдузларнинг ҳаракат тезлиги ва координат чизиқлари фанга яхши маълум. Астрономлар Катта она айиқ ва Кичик айиқ юлдузларининг тезлиги, ҳаракат чизифини компьютерларга солиб кўрсалар, ҳақиқатан бундан 200 минг йилдан то 60 минг йилгача улар осмонда айиқни эслатадиган ҳолатда экан. Шу боис турли динларга, турли маданиятларга оид, бир-биридан ниҳоятда йироқ ва илгари алоқа қилмаган халқларда, агар архаик атама сақлаб қолинган бўлса, бу туркumlар ҳозир ҳам «айиқ» деб атала-

ди. Ваҳоланки, уларнинг ҳозирги, ҳатто 30 минг йил илгари (замонавий одам пайдо бўлган давр) кўриниши айикни мутлақо эслатмайди. Демак, бу туркумларга номни неандертал одами берган. Неандертал одамида фалакиёт асотирлари ёки шунга ўхшаш тасаввурлар бўлган. Фалакиёт тўғрисида қарашлар вужудга келган жойда, албатта, ундан олдин кундалик майший турмуш, жисм ва уни бевосита ўраб турган ҳайвонот ва ўсимликлар дунёсига нисбатан муносабатларини ифодаловчи қарашлар (ривоятлар, афсоналар, эртаклар, асотирлар) шаклланади. Булар эса маънавият унсурларидир.

(Энг сўнгги қазилмаларга биноан Истроилдаги ғорлардан бирида топилган замонавий одам бош суяги ёши 72 минг йил деб қаралмоқда. Демак, Яқин Шарқда неандертал ва замонавий одам бир мунча вақт бир даврда яшаган бўлиши мумкин. Лекин дунёнинг бошқа бурчакларида бундай далиллар топилгани йўқ. Бизнинг мавзуу учун бу масала принципиал аҳамиятга эга эмас. Гап маънавият унсурларининг инсон билан бирга шаклланниб, такомиллашганини мазкур далил шубҳа остига қўймаслиги тўғрисида, холос).

Одamlар ёввойиликдан онгли турмуш кечиришга ўтиши жараёнида ўз муносабатларини аста-секин тартибга кола бошлаганлар. Дастрлаб оналар ва болалар ўртасидаги айрим алоқалар тақиқланган, сўнг бошқа тақиқлар ёки мажбуриятлар пайдо бўлган. Табиатга муносабат ҳам шундай шаклланган. Натижада илк ибтидоий ҳулқ-атвор меъёрлари, маросимлар, илк диний тасаввурлар вужудга келган. Улар авлоддан авлодга ўтиб, бойиб, мураккаблашиб борган. «Ҳаёт нима, тирик жон қаерда жойлашган», «киши ўлганийдан кейин жони қаёққа кетади» каби саволлар инсон онги ўсган сайин, пайдо бўлаверган. Қадимгй одам, балки крамонъон одами, жоннинг, инсон моҳиятининг манбаи рух, қалб деган ҳulosага келган: инсон юраги билан эмас, балки қалби билан ҳайвондан фарқ қиласи. Шундан буён инсон рух сир-асорори, воқелиги тўғрисида мулоҳаза юритади, ўй ўйлайди. Булар инсоннинг ақлий, ижодий фаолияти натижаларида акс этади: асотирларда, динда, фалсафада, ахлоқ-одобда, санъатда ва ҳ.к.

Лекин ибтидоий одамнинг табиат ва инсон ҳақидаги билимлари, тасаввурлари, қарашлари то уруг-қабила муносабатлари парчаланиб, илк шаҳарлар ва давлат пайдо

бўлгунга қадар, яъни бронза ва темир даврига қадар, анча қашшоқ эди. Унинг онги ва маънавий фаолияти чегара-ланган, алоҳида соҳаларга, йўналишларга, мустақил шаклларга бўлинмаган эди. Бундай ҳолат фанда ибтидоий синк-ретизм (яхлитлик, муштараклик) дейилади. Ибтидоий синк-ретизм — бу ахлоқнинг, илм-фаннынг, санъатнинг, диннинг ва маънавий фаолият бошқа шаклларининг ҳам куртак отиб ривожланган, бир-биридан ажralмаган ҳолатидир. Ибтидоий синк-ретизм унсурлари бизга етиб келган энг қадимги эртаклар, асотирлар, афсоналар, ривоятлар қолдиқларида анча ўзгарган кўринишда сақланиб қолган.

Масалан, ўзбекларда шундай эртак бор: илон Сулеймон пайғамбарга бир хизмат кўрсатади. Пайғамбар эвазига илоннинг ҳар қандай илтимосини бажаришга ваъда беради (асли архаик асотирда пайғамбар эмас, балки худолардан бири бўлган). Шунда илон дунёдаги энг гўшти ширин маҳлуқ билан доимо овқатланиш хоҳишини айтади. Пайғамбар, ваъдага биноан, энг гўшти ширин маҳлуқни аниқлашда илонга ёрдам беришни пащшага топширади. Пащша барча жоноворлардан бир томчидан қон келтириб илоннинг тилига томиза бошлайди. Навбатдаги жонзотдан қон келтираётган пащшага йўлда қалдирғоч учрайди ва ундан кимнинг қони энг ширинлигини аниқладингми, деб сўрайди. Пащша жавобан, одамзоднинг қонидан ширинроғи йўқ эканини, ҳозир одам қони томчисини илонга олиб кетаётганини айтади. Шунда қалдирғоч пащшани йўлдан қайтаришга ҳаракат қиласди. Аммо пащша қалдирғочга қулоқ солмасдан, илон томон учиб кетади. Қалдирғоч эса пащшани қувиб, у илон тилига энди қонни томизаётган пайтда етиб олади ва инсон қони томаётган илоннинг тилини чўқиб, унинг учини иккига айириб юборади. Аммо ўгрилиб қочмоқчи бўлган қалдирғоч думининг учини илон тишлаб олади. Натижада илоннинг тили, қалдирғочнинг думи айри бўлиб қолади. Шундан бўён илон қалдирғочни таъқиб қиласди, қалдирғоч эса одамларга яқин, ҳатто улар яшайдиган уйларнинг ичкари шипига уя қуради. Инсон қалдирғочни доимо ҳимоя қиласди.

Эртакнинг (асотирнинг) қисқача мазмуни шундан иборат. Лекин унинг ғоявий, ахлоқий, маънавий мазмуни жуда теран. Унда, биринчидан, ибтидоий одамнинг илк зоологик кузатишлари, билимлари мустаҳкамланган. Ҳақиқатдан, қушлар орасида қалдирғочдан бошқа бирор қушнинг

думи айри эмас (чумчук, мусича, кабутар, кумри, худхуд, тўрғай, тўти, майна ва бошқа қушларни эсланг). Худди шундай ҳайвонот оламида тили айри маҳлуқлар ниҳоятда кам (улар асосан судралиб юрувчилардир). Ибтидоий одам бундай ўхшашликни бир асотирда бирлаштирган ва ўзича тушиунишига ҳаракат қилган.

Иккинчидан, келтирилган парчада инсон — табиатдаги энг улуф, энг эъзозли жонзот, у ҳеч бир маҳлуққа бўйсуниб, ем бўлиши мумкин эмас, деган фоя илгари сурилган. Бу фоя ибтидоий одамнинг табиатдаги ўз ўрнини англаши, ўзини табиатнинг энг буюк қадрияти, деб билишини акс эттиради. Табиатдаги ҳар бир жонивор инсонга хизмат қилиши лозимлигини ифодалайди.

Учинчидан, асотирда ҳақиқатнинг нисбий эканлиги, агар бу ҳақиқат инсонга зарап етказса, аксилисоний мазмунга эга бўлса, ундан воз кечиш даркорлиги ифодалangan.

Тўртинчидан, яхшиликка яхшилик билан жавоб қайтариш, яхшиликни унутмаслик тарғиб этилган (Инсоннинг қалдирғочга муносабати, уйи шипидан жой бериши).

Бешинчидан, ибтидоий одамнинг маълум диний ва дунёвий тасаввурлари, эътиқоди ҳам асотирда акс этган.

Олтинчидан, бу эртак (асотир)нинг ўзи фольклорларнинг, ҳалқ оғзаки бадиий ижодиётининг гўзал бир намунаси. Унда ибтидоий одамнинг бадиий диди, қарашлари мужассамлашган.

Бу асотир яратилаётган пайтда ахлоқий, диний, фалсафий таълимотлар тизими, табиатшунослик фани, ихтиослашган санъат турлари бўлмаган. Шу боис бир асотир диний, фалсафий, ахлоқий, табиатшунослик билимларининг унсурларини ўзида мужассам этган.

Аммо ижтимоий амалиёт кенгайиб, одамларнинг тажрибаси ва меҳнат кўнникмалари ошган сайин, уларнинг ахлоқий, диний тасаввурлари янги тамойиллар, меъёрлар билан, табиат ва инсон ҳақида тўпланган билимлар билан бойиб бораверган. Лекин улар асрлар давомида яхлит, синкетик тарзда ифодаланган.

XIX асрнинг забардаст олимларидан бири америкалик Л. Морган инсоният тарихини уч даврга бўлган: ёввойилик, варварлик ва цивилизация. Морган ўзининг «Қадимги жамият» асарида бу уч даврнинг ҳар бирини алоҳида босқичларга бўлади. Ҳар бир даврни моддий ишлаб чиқа-

риш ривожланиши, алоҳида йирик ихтиrolар тарихи билан боғлаб қарайди. У ибтидоий оила ривожланиши босқичларини ажратиб кўрсатади¹. Морган фикрларига, айрим хulosаларига кейинчалик фан анча аниқликлар киритди. Баъзиларини қайта кўриб чиқди. Лекин унинг асари конкрет далилларга, материалларга бойлиги учун ҳозир ҳам аҳамиятини тўла йўқотгани йўқ. У таклиф қилган даврлаш, камчиликларидан қатъи назар, ҳозир ҳам қўлланилиши мумкин, ўз замонасида эса анча ижобий роль йўнаган эди.

Ёввойилик даврида инсон пода бўлиб яшаган, ўзаро муносабатларини биологик қоидалар асосида онгсиз, стихияли қурган. Варварлик даврида эса уруф, жамоа-уруф, қабилаларга уюшган, турмуши онгли кечган, маънавияти шаклланиб, анча ривожланган, ўзаро муносабатлар қатъий қоидалар, урф-одатлар орқали тартибга солинган. Ва ниҳоят, цивилизация даврида ақлий меҳнат алоҳида ажралиб чиққан ва маҳсус маънавий фаолиятга айланган. Ахлоқ, дин ҳамда давлат билан бирга туғилган хукуқ меъёрлари (қонунлар) одамларнинг ўзаро муносабатларини, ижтимоий ҳаётини қаттиқ тартибга солган, назорат қилган.

Таъкидлаш жоизки, бу уч давр ўргасидан аниқ чизиқ ўтказиш мумкин эмас. Айниқса ёввойилик қачон тугаб, инсон варварликка ўтгани, ҳатто инсон қачон гапира бошланганини узил-кесил фалон вақтда юз берди дейиш қийин. Лекин ёввойилик бир неча миллион йил давом этганини, варварлик 250—300 минг йилдан кам бўлмаганини, цивилизация бошланганига бор-йўғи 6 минг йилдан сал ошганини айтиш мумкин. Албатта, Морган таснифи ниҳоятда шартли ва тахминий. Неандертал одамини биз *Homo sapiens* — ақдли инсон тоифасига киритамиз. Аммо варварлик деганда кўз олдимизга неандертал одами эмас, кроманьон одами, яъни қиёфаси замонавий бўлган, биздан фарқ қилмайдиган, кучли қабилаларга уюшган, кўчманчи, ярим-ўтроқ ва ўтроқ ҳаёт кечирадиган, аммо ҳали ўз давлатини тузмаган янги тош асри одами келади. Бу, балки, бизнинг ўтмишни психологик қабул қилишимизнинг, неандертал одамлар жамоаси ичидаги ва турли жамоалар ўргасидаги муносабатларни, турмушнинг ташқи этилишини, ўша

¹ Л. Морган. Древнее общество. Л., 1934 г.

пайтдаги воқеаларни, жамият тарихини аниқ билмаслигимизнинг натижасидир.

Шу боис маънавият шаклланишини исбот талаб қилмайдиган, ҳаммага маъқул тарихий даврларга бўлиш мумкин эмас. Аммо ёзма адабиёт, илм-фан вужудга келиб, маънавият цивилизация доирасида ривожлана бошлагандан кейинги жараённи анча батафсил ёритиш мумкин.

Ибтидоий одамларнинг табиат берган тайёр маҳсулотларни йифиб истеъмол қилишдан уларни ўзи ишлаб чиқаришга ўтиши, ўрта юқори палеолитдан бошлаб янги тош асри (неолит)га қараб ривожланиши давомида айрим ҳайвонларни хонакилаштириши, баъзи ўсимликларни экиб, ўстира бошлаши уларнинг билими, тафаккури, онги ўсиши жараёнини тезлаштирган. Уларда чорвачилик ва деҳқончиликка оид илк билимлар, янги меҳнат қуроллари пайдо бўлган, эскилари такомиллаштирилган. Тошни шунчаки кўпол йўниш ўрнига, унга сайқал бериш усуслари топилган. Ижтимоий турмуш ривожланиши тезлаша бошлаган. Ниҳоят янги тош асри даврида меҳнатнинг биринчи тарихий тақсимланиши юз берган, яъни деҳқончилик ва чорвачилик бир-бираидан ажralиб чиқсан.

Мазкур ҳодиса инсоният тарихида, маънавият ривожланишида жуда катта тарихий аҳамиятга эга. Чунки у, биринчидан, инсоннинг ижобий билимлари доирасини ниҳоятда кенгайтириб юборди, иккинчидан, ижодкорлигини, изланишларини кескин рағбатлантириди, учинчидан, табиат ва жамият билан ҳамда ўзаро одамлар ўртасидаги муносабатларни бойитди ва мураккаблаштириди, булар эса ўз навбатида, илк диний, ахлоқий ва бошқа ижтимоий меъёrlарни ривожлантириди. Қисқаси, меҳнатнинг биринчи тарихий тақсимоти маънавиятни янги ўнсурлар билан бойитди, узил-кесил вужудга келишини тезлаштириди. Меҳнатнинг иккинчи тақсимоти — ҳунармандчиликнинг деҳқончиликдан ажralиб чиқиши тўғрисида ҳам шундай дейиш мумкин.

(Аждодларимизнинг буюк мероси «Авесто»да чорвачилик ва деҳқончилик билан боғлиқ кўплаб илк маънавий-ахлоқий меъёrlар бир оз ўзгарган ҳолда сақланиб қолган ва бизгача етиб келган. Фараз қилиш мумкинки, «Авесто» яратилганига сал кам 3 минг йил бўлган бўлса, унда ўзидан аввалги 3—5 минг йил илгари вужудга келган баъзи бир унсурлар ва табиий ҳодисалар (масалан, муз даври-

нинг охиридаги иқлимий ўзгаришлар) ҳам акс этиб қолган.

Ушбу маънода қадимги асотирлар, жумладан, «Авесто» асотирлари маънавият шаклланиши ва вужудга қелиши тўгрисида анча бой материал беради).

Чорвачилик билан шуғулланадиган уруғ-жамоаларда молларни боқиши, уларнинг маҳсулотлари — сут, қатик, ёғ, гўшт, жун, тери кабиларни қайта ишлаш, озиқ-овқатга, истеъмол буюмига айлантириш, молларни урчиши, кўпайтириш, турли хавф-хатарлардан — касалликлардан, йиртқич ҳайвонлардан ва ҳ.к. асрашга оид рационал, оқилона билимлар ва тажриба жуда бойиган. Бундан ташқари чорва молларига нисбатан муайян диний-ахлоқий муносабатлар шаклланган. Чунки молларни сўйиш (жонидан жудо қилиш), маҳсулотларини қайта ишлаш учун ибтидоий одам табиатни бошқарадиган кучлардан, руҳлардан, худолардан рухсат олиши, уларни билиб-билмай ғазабини келтирмаслиги керак эди. Ибтидоий одам ҳали овчилик билан шуғулланган пайтларида ҳосил бўлган бу тасаввурлар, чорвадорларда янада ривожланган.

Чорвачилик туфайли ибтидоий одам янги минтақаларни ўзлаштириди. Одамларнинг яшаш доираси кенгайди. Молини боқиб адашиб кетмаслиги, бир яйловдан бошқасига кўчганда, яна эски жойига қайтиб келиш йўлини эслаб қолиш учун, ибтидоий чорвадор юлдузларга қараб йўл топишни ўрганди. Осмон билан ўзига хос мулоқот қилди.

Осмон жисмлари, юлдузлар, юлдуз туркумларига ном берди. Улар ҳақида турли-туман асотирлар тўқиди; уларнинг пайдо бўлиши, жойлашиши, ўзаро «муносабатларини», «алоқаларини» тушунтиришга ҳаракат қилди. Кўп ҳолларда инсонлар ўртасидаги, жамиятда ҳукм сурган қоидалар, меъёрлар, тартиблар осмон жисмлари алоқаларига кўчирилди. Шундай қилиб, илк астрономик кузатишларни, билимларни, фалсафий-ахлоқий меъёрларни акс этириувчи фалакиёт асотирлари пайдо бўла бошлади.

Дехқончилик ибтидоий одам билимлари ва дунёқараши бойишига чорвачиликдан ҳам кўпроқ ва кучлироқ таъсир кўрсатган. Дехқонлар ўсимликлар турларини, уларнинг хусусиятларини, ўсиш, гулга кириш, пишиш даврларини, ҳар бир ўсимлик учун маъқул ва номаъқул иқлим, сув ва тупроқ шароитини, ўсимликка ишлов бериш, бегона

ўтларга қарши курашиш, алмашлаб экиш, ерни ўлчаш, текислаш, ариқ чиқариш каби тадбирларни ўрганди. Буларнинг ҳеч бири инстинктив қилинадиган ишлар эмас, улар онгли ва системали ишлашни, укув ва тажрибани талаб қиласди.

Деҳқончилик йил фаслларини ўрганишини, табиатдаги сув, ҳаво, ҳарорат, ёғингарчилик айланишини, деҳқончиликка қулай мавсумларни аниқлаш заруратини туғдирди. Деҳқон ҳам кўкка боқди. Юлдузлар ҳаракатини, қайси мавсумда, қайси фаслда қаерда жойлашишини эслаб қолишга уринди. Чорвадор юлдузга кўпроқ йўлдан адаш-маслик учун боқса, деҳқон дарёда сув тошқини бошланиши, қачон ёмғир мавсуми келишини, тугашини, экин учун қулай фурсат етилишини билиш, экинларига табиат қандай ижобий ёки салбий таъсир кўрсатишини билиш учун мурожаат этди.

У ҳам файритабиий кучлардан экинни асраш, ҳосилини кўпайтириш илинжида мадад сўради, уларга сифинди, садақалар қилди, дуолар ўқиди. Чорвадорлар ўртасида шакллана бошлаган фалакиёт асотирларини деҳқонлар ҳар томонлама тўлдирди, бойитди. Бу астрономик кузатувларга ҳам, иқлим ҳодисаларига ҳам, ижтимоий муносабатларнинг «осмонга» кўчирилишига ҳам, самовий жисмларга сифинишга ҳам тааллуқли.

Агротехник тадбирлар ранг-баранг ва бир-бирига ўхшамас бўлганидан уларни бажариш учун турли-туман мөхнат куроллари ўйлаб топишни тақозо этди. Агар бунга қишлоқ хўжалиги маҳсулотларини қайта ишлаш ҳам янги куроллар ўйлаб топишга кескин эҳтиёж туғдирганини қўшсак, деҳқончиликнинг ибтидоий одам онгини, ижодий изланышларини қай даражада тезлаштирганини, янги мөхнат куролларининг вужудга келишига ёрдам берганини пайқаймиз.

Оврупо тияларидаги маданият тушунчасининг ўзаги «культура» асли деҳқончиликка оид атамадир. У ерга ишлов беришни ва айни пайтда парвариш қилинадиган ўсимликларни, экинларни англатади. Ушбу далилнинг ўзиёқ деҳқончилик маданият, маънавият ривожланишига қай дараҷада ҳисса қўшганини кўрсатади. Мавзудан бир оз илгарилаб кетиб, эътироф этиш лозимки, нисбатан ривожланган деҳқончилик эҳтиёжлари, хусусан ирригация (суфориш), иқлимини, мавсумларни аниқ ҳисоб-китоб қилиш,

ерни текислаш, режалаштириш, ариқ ва тўғонлар қуриш эҳтиёжлари, темир қуроллар ва ақлий меҳнат пайдо бўлганидан кейин қадимги дунё тамаддуни шакланишига хизмат қилди. (Бу ҳақда келгуси бобда тўхталамиз).

Деҳқончиликнинг энг буюк хизмати, у ўтрок турмуш тарзини шакллантирди. Қишлоқлар пайдо бўлди ва ривожланди. Қишлоқлар ўз навбатида ибтидоий одам маданиятини янада юксалтириди. Биринчидан, меҳнат қуроллари, уй-рўзгор буюмлари ясаш, янгиларини ўйлаб топиши билан айrim кишилар маҳсус шугуллана бошлади. Иккинчидан, чорвадорлар ва деҳқонлар ўргасида мол айирбошлиш, алмаштириш, савдо-сотиқ қарор топди. Учинчидан, қишлоқ, ўтрок турмуш тарзи меҳнатнинг иккинчи тарихий тақсимоти — хунармандчиликнинг деҳқончилиқдан ажралиб чиқишига олиб келди.

Хунармандчилик янги билимларни, бажарилиши янада мураккаброқ бўлган укув, кўникмаларни келтириб чиқарди. Тупроқнинг, турли тошлар ва маъданларнинг, ёғочнинг элементар табиий (физикавий ва химиявий) хоссалири ўрганилди. Уларга ишлов ва шакл бериш, эритиши, қоришмалар ясаш, қуиши каби дастлабки жўн технологиялар пайдо бўлди. Кулолчилик анча юксакликка эришди.

Хунармандчиликнинг энг буюк кашфиёти сув кўтариш учун чархпалакни, унинг асосида **филдиракни**, аравани ихтиро қилишдир. Филдирак ва филдирак принципи ихтиро қилинмаса, ҳозирги замон техникасининг асосида ётган самолёт парраги, электростанция турбинаси, машина ва тракторлар, транспорт воситалари, бошқа техника воситаларининг айланма ҳаракатга асосланган турли-туман механизмлари (демак, уларнинг ўzlари ҳам) вужудга келмас эди.

Қишлоқларнинг ўсиши, нафақат бир жойда истиқомат қилаётган кишилар ўртасида, шунингдек, бошқа қишлоқлар аҳолиси билан ҳам алоқаларни шаклан ва мазмунан янада бойитди, ранг-баранглаштириди. Ўз навбатида бу муносабатларни тартибга солиши, қоидалар ёрдамида мустаҳкамлаш заруратини кучайтириди. Натижада янги моддий-иқтисодий, диний, майший, ахлоқий меъёрлар, тамоилиллар, қоидалар вужудга келди. Ибтидоий одамнинг дунё-қарashi янада кенгайди, маънавияти бойиди.

Турли касбларнинг пайдо бўлиши нафақат ҳар бир касбга оид ихтисослашган ижобий, оқилона билимлар ва уму-

ман, одамларнинг табиат тўғрисидаги тасаввурлари кенгайишига хизмат қилди, шунингдек, диний, фалсафий қарашларини ҳам ўстирди, маросимчиликни ривожлантириди. Ҳар бир касб вакиллари ўзларига ҳомийлик қиласидиган маъбулларни, худоларни, руҳларни, пирларни ва бошқа маънавий кучларни ўйлаб топдилар, уларга сифиниб, шарафларига турли маросимлар уюстиридилар.

Ибтидоий жамият ривожланиши жараёнида биз диний эътиқод шаклларининг ўзгариб борганини кўрамиз. Фетишизм (алоҳида буюмларга сифиниш), анимизм (табиатни жонлантириш ва ҳайвонларга сифиниш), политеизм (кўпхудочилик, уларнинг рамзи бўлмиш санамларга сифиниш) ибтидоий диний эътиқодларнинг тарихий шакллари, тараққиёт босқичларидир. Юқорида биз меҳнат ва ибтидоий ишлаб чиқариш билан боғлиқ ҳолда амалий билимларнинг, тажрибанинг ўсиши ҳақида кўпроқ гапирдик. Лекин шуни алоҳида таъкидлаш лозимки, биринчидан, моддий ҳаёт ва маънавий ҳаёт ҳеч қачон бир-биридан ажralган ҳолда ривожланмаган. Ишлаб чиқариш ва касблар ривожланиши доимо ҳалқ оғзаки ижоди, санъат унсурлари, рақслар ва маросимлар ривожланиши билан бир вақтда, уларнинг ўзаро таъсирида кечган. Улар мувозий (параллел) эмас, яъни бир-биридан мустақил эмас, балки айнан биргаликда, бир-бирига таъсир қилиб ривожланди.

Иккинчидан, табиат ва осмон ҳақидағи, касб хусусиятлари ва сирлари ҳақидағи билимларнинг ўзи, кенгроқ олсак — дунёқараш, онг маънавиятнинг таркибий мазмунига киради.

Касблар кўпайган сайин тарбиянинг ихтисослашган унсурлари кўпая борган. Одамлар тўпланган билимларини, укув ва кўникмаларини, тажрибасини болаларига, ёш авлодга ўргатган. Тўпланган билимларни, ҳаётда қўлланилаётган иқтисодий, ахлоқий, диний, бадиий меъёрларни, тамойилларни, қарашларни умумлаштириш, тартибга келтириш, мустаҳкамлаш эҳтиёжи туғилган. Бу авлодлар ўртасидаги маънавий ворисийликни таъминлашда, ёшларга ва улардан кейин келадиган авлодларга етказища жуда муҳим аҳамиятга эга эди. Шундай қилиб, ихтисослашган тушунчавий билимлар тизими — фан ва образли билимлар тизими — санъат вужудга келиши учун замин пайдо бўла бошлаган.

Биз санъатнинг келиб чиқишини фақат биргина «меҳнат назариясига» боғлашдан йироқмиз. Санъатнинг, маъ-

навиятнинг баъзи шакллари келиб чиқиши ва ривожланишида меҳнат муҳим ролни йўнаган бўлса-да, у ягона омил эмас.

Онг билан меҳнат бирга шаклланган. Онгнинг вужудга келишига ва ривожланишига меҳнат қанчалик ҳисса қўшган бўлса, ўз навбатида меҳнатнинг вужудга келиши ва ривожланишига ҳам онг шунчалик ҳисса қўшган. Чунки меҳнатнинг ўзи шунчаки иш эмас, балки бирор нарсанни қайта ишлашга қаратилган онгли, мақсадга мувофиқ ҳаракатдир. Машина — механизмлар, ҳайвонлар иш бажаради дейилади, лекин меҳнат қилади, дейилмайди. Зеро, ҳайвонлар, машиналар ўз олдига мақсад кўя олмайдилар, бажараётган ишларини фаҳмламайдилар. Демак, онг йўқ жойда, меҳнатнинг ўзи йўқ. Онг маънавият унсури эканлигини назарда тутсак, маънавият бир вақтнинг ўзида меҳнатнинг ва онгнинг, тафаккурнинг асосида ривожланганини пайқаймиз.

Онг ва нутқ, тил ва тафаккур муштарақ ҳодисалардир. Онгсиз нутқ, нутқсиз онг шаклланиши мумкин эмас. Лекин илм-фанда қарор топган қараашларга мувофиқ, одамларнинг дастлабки ўзаро мулоқотлари, товушлар бўлинishi ва боғланиши, яъни фонетик нутқ асосида эмас, балки турли узун-қисқа бақириқ, чақириқлар жўрлигидаги имо-ишоралар ёрдамида амалга оширилган. Ов қилиш, ҳайвонларга пистирма уюштириб, уларни пистирма томон ҳайдаш, ўзини хавф-хатардан, душмандан ҳимоя қилиш мақсадида ҳали «тилсиз», биологик эволюцияси шаклланиши давом этаётган, лекин онгсиз ҳайвондан кескин фарқ қиладиган қадимги одамлар (австралопитекдан неандертал одами пайдо бўлгунга қадар) пантомима (имо-ишоралар), рақс ёрдамида, яъни санъат унсурлари ёрдамида «сўзлашганлар», жамоавий хатти-ҳаракатларини мувофиқлаштирганлар.

Этнограф олимлар ибтидоий қабилаларда рақс ёрдамида овдан қайтаётган эркаклар бутун ов жараёнини уруғдошларига «сўзлаб» берганини ёки ов олдидан бир неча эркаклар овда ким қандай ҳаракат қилишини келишиб олишларини батафсил ёзib қолдиришган.

Ибтидоий рақслар асосан тасвир унсурларидан иборат. Уларда ов (ишлаб чиқариш), меҳнат жараёни, жанговар хатти-ҳаракатлар, ўзини ҳимоя қилиш, ҳамла қилиш, яккана-якка олишиш ва ш.к.лар пантомима орқали тасвир-

ланади. Олимлар рақс ёш авлодга ов ва меҳнат қилишни, жанг қилишни ўргатишнинг илк шакли деб ҳисоблайдилар. Шу сабабдан фарб илм-фанида маънавий маданият вужудга келишининг нафақат «меҳнат назарияси», шунингдек, «ўйин назарияси» (Й. Хейзинга, Х. Ортега-и-Гассет, Е. Финк) ҳам мавжуд.

Тўгри, эътироф этиш лозимки, фарб илм-фанида сўз асосан маънавиятнинг вужудга келиши ҳақида эмас, балки маданият келиб чиқиши, инсон онги ва психологиясининг ривожланиши ҳақида боради. Фарбда маънавиятга кўпроқ дин, динийлик, диний маданият, деб қараш урф бўлган.¹

Й. Хейзинга «*Homo Iudens*» (Ўйнаётган одам) асарида ёзган: «Маданият, тирик жон онаси танасидан ажralиб чиқишига ўхшаб, ўйиндан ажralиб чиқмайди, у ўйин ичидаги ўйин сифатида ривожланади. Бутун маданий ижодкорлик ўйиндор: шеърият ҳам, мусиқа ҳам, инсон фикри ҳам, ахлоқ ҳам ва маданиятнинг бошқа мумкин бўлган шакллари ҳам»¹.

Улардан ташқари турли биопсихологик, биологик (яшаш учун кураш, бошқа жинс вакилини ўзига жалб қилиш, унга «ёқиши», насл қолдириш, кўпайиш истаги, майли ва ҳ.к.) — бихевиоризм, социал-дарвинизм билан, турли диний таълимотлар билан боғлиқ назариялар ҳам бор. Уларда баъзан жуда жиддий, теран ва қизиқ кузатишлар, мисоллар, далиллар, фикрлар, мулоҳазалар учрайди. Бундан ташқари баъзи бир йирик олимларнинг ўзига хос назариялари бор. Бу асарларда маънавият вужудга келиши ҳақида маҳсус тўхтамаса-да, масалани улар нуқтаи назаридан ҳам талқин қилиш мумкин. Бир-биридан кескин фарқ қиласиган турли қарашларнинг мавжудлиги маънавиятнинг вужудга келиши ва ривожланиши ниҳоятда мураккаб маасала эканлигини кўрсатади.

Биз ҳозирча шундай холоса қилишимиз мумкинки, маънавият вужудга келиши — жуда узоқ давом этган тарихий жараён. Унга кўплаб табиий ва ижтимоий омиллар таъсир кўрсатган. Маънавиятнинг шаклланиш, дастлабки ривожланиш босқичлари ибтидоий одамнинг ижтимоийлашиш, оламни билиш, ўзлигини англаш, ишлаб чиқаришда эришган ютуқлари билан узвий боғлиқ.

¹ Й. Хейзинга. *Homo Iudens. В тени завтрашнего дня*. М., 1992 г.

Ижтимоий амалиётнинг ривожланиши, турли ихтисослашган билимлар, тасаввурлар, меъёрлар, баҳолар, тамоийларнинг муттасил кўпайиб бориши ягона, муштарак ибтидоий онг доирасига сифмай қолган. Натижада ибтидоий синкетизм парчаланиши, маънавиятнинг нисбатан мустақил, алоҳидалашган шакллари қарор топиши учун шарт-шароит пишиб етила бошлаган.

Ишлаб чиқариш воситаларининг такомиллашиши туфайли меҳнат унумдорлигининг анча ошиши бевосита жисмоний меҳнатдан айрим кишиларни озод этиб, уларни ёшларга касб ўргатиш, касалларни даволаш ёки асосан одамлар ўртасидаги турли иқтисодий, майший муносабатларни, диний маросимларни, асотирлар, афсоналарни тартибга солиш, уруғ ва қабила «старихини», эътиқоди ва ривоятларини, кўшиқларини ёшларга ўргатиш, катталарга ҳам тез-тез эслатиб туриш вазифалари билан машғул қилиш имконини берган. Шундай қилиб, ақлий меҳнатнинг жисмоний меҳнатдан ажralиб чиқиши шароити етилган.

Бу жараён ҳам бирданига содир бўлиб қолгани йўқ. Ақлий меҳнатнинг жисмоний меҳнатдан ажralиб чиқиши асрлар давомида чўзилган ва узил-кесил бронза ва темир қуроллар нисбатан кенг кўлланила бошлагач юз берган.

Янги сермаҳсул қуролларга ўтиш меҳнатнинг янги тарихий таққимотини келтириб чиқарди ва ибтидоий синкетизмни парчалаб юборди. Айнан шу даврда илк шаҳарлар, давлат вужудга келди.

Тош қуролларидан бронза ва темир қуролларига ўтиш, шаҳарларнинг, давлатларнинг пайдо бўлиши, ақлий ва жисмоний меҳнатнинг бир-биридан ажralиши ижтимоий онгнинг нисбатан мустақил шаклларини ва улар билан боғлиқ маънавий ишлаб чиқариш амалиётини, ёзув ва имлони вужудга келтирди. Ахлоқ, ҳуқук, дин, философия, илм-фан, бадиий адабиёт ва санъат (унинг алоҳида турлари) ва ўқитувчилар, табиблар, ҳуқуқшунослар, руҳонийлар, файласуфлар, олимлар, санъаткорлар (шоиrlар, меъморлар, ҳайкалтарошлар, мусаввирлар, заргарлар, бастакорлар, хонандалар, раққослар ва ҳ.к.), давлат амалдорлари, судьялар ва жисмоний меҳнат билан шуғулланмайдиган, бевосита моддий неъматлар ишлаб чиқариш билан банд бўлмаган бошқа касблар эгалари пайдо бўлди. Улар ва турли-туман ҳунармандлар асосан шаҳарларда тўпландилар, истиқомат қилдилар.

Шаҳарлар моддий ва маънавий маданият ривожланишинг муҳим манбаига ва омилига айланди. Ўзбек тилидаги маданият тушунчаси арабча ал-мадинат — шаҳар тушунчаси ўзагидан ясалган. Бу шаҳарларнинг маданият юксалишидаги аҳамиятига ота-боболаримиз қандай катта баҳо берганидан далолатdir (арабларнинг ўзларида бошқа атама қўлланилади). Шу боис баъзи ислом мамлакатларида маданият тушунчасининг ўзи шаҳар номидан олинган.

Шаҳарлар ва давлатлар қарор топишидан бошлаб инсоният цивилизацияга қадам кўйди.

Бу даврдан бошлаб маънавиятнинг ўзига хос мафкуравий ва дунёқарааш асосини диний эътиқодлар, муайян диний ва фалсафий таълимотлар ташкил қилган, капитализм қарор топгунга қадар шундай бўлиб қолган.

Цивилизация шароитида маънавият ривожланишини антик, ўрта асрлар, Уйғониш давларидаги бевосита диний-фалсафий таълимотлар билан боғлаб турли босқичларга бўлиш мумкин. Оврупада Ренессанс ва Маърифатпарварлик давридан бошлаб маънавият ривожланиши нафақат дин ва диний-фалсафий қарашлар, шунингдек, табиатшунослик ва жамиятшуносликка оид дунёвий билимлар ривожланиши, черковнинг улар томонидан қаттиқтанқид қилиниши ва бошқа омиллар таъсирида ҳам кечган. Ихтимоий тараққиётда чукур турғунликни бошидан кечираётган Шарқ мамлакатларида бу пайтда биз Оврупа Маърифатпарварлиги каби ҳодисанинг гувоҳи бўлмаймиз. Фақат Шарқ мамлакатлари мустамлакачилик исканжасига тушиб қолиб, орадан бир қанча вақт ўтказиб, миллий озодлик курашига халқларни тайёрлай бошлаш жараёнида шарқ маърифатпарварлигининг ўзига хос шакллари юзага келди.

Миллий озодлик кураши Шарқ халқлари маънавияти ривожланишида алоҳида босқични ташкил этади. Жумладан ўзбек халқи маънавияти ривожланишида ҳам жадидчилик ҳаракатидан бошлаб биз шундай ҳолни кузатамиз.

Дин ва диний-фалсафий таълимотлар то капитализм ва абас бўлган казарма социализмiga қадар бўлган катта тарихий даврда маънавият ривожланишида асосий омиллардан бири бўлгани учун, муайян халқлар ва тамаддунлар маънавиятининг турли асрларда юксалиши ёки инқирозга юз тутишини нафақат сиёсий ва иқтисодий омиллардан, шунингдек, дин ва диний таълимотлардан, улар ўртаси-

даги курашлардан, жамиятнинг ўз мавжудлик ҳолига нисбатан қониқиши ёки қониқмаслик муносабатидан излашимиз лозим.

ЎЗБЕК ХАЛҚИ МАЊНАВИЯТИ РИВОЖЛАНИШИНГ ТАРИХИЙ БОСҚИЧЛАРИ ВА ХУСУСИЯТЛАРИ

Ўзбек халқи мањнавияти ривожланишининг тарихий босқичлари ва хусусиятлари ҳақида гапиришдан аввал қуидагиларни дастлабки тартибда қайд этиш лозим.

Биринчидан, ўзбек халқи энг аввало қадимги туркий қабилалар ва халқларнинг ҳамда Марказий Осиёда яшаётган бошқа қўшни, қардош халқлар каби, энг қадим замонлардан бошлаб турли даврларда мазкур минтақада яшаган ибтидоий уруғ-қабилаларнинг, элатларнинг саклар, массагетлар, қанглар, парфийлар, кушонлар, сўғуллар, эфалийлар, хоразмийлар ва бошқаларнинг ворисидир.

Иккинчидан, ўзбек халқи Марказий Осиёга кейинчалик ҳам мутгасил келиб қўшилиб турган кўчманчи уруғ ва қабилаларни ўз этник ва маданий таркибиغا сингдириб юборган.

Бизнинг она тупроғимиз ўзига кўплаб босқинчиларни жалб қилган. Эронлик аҳомонийлар, юононлик Искандар Зулқарнайн, Чингизхон, Россия истилолари беиз кетмади. Бири кўпроқ, бири камроқ, аммо ҳаммаси мањнавиятимизда сезиларли из қолдирди. Шу боис ўзбек халқи мањнавияти генезиси жуда мураккаб. Унда қатлам билан бир вақтда бошқа халқлар таъсирида ҳосил бўлган унсурлар ўзлаштирилган, маҳаллийлаштирилган шаклда мавжуд.

Мањнавиятнинг келиб чиқишига бағишлиланган бобда мањнавият ривожланишида дин ва фалсафий таълимотлар асосий мағкуравий омиллардан бири бўлганини эътироф этган эдик. Бинобарин, ўзбек халқи мањнавияти ривожланишининг турли босқичларини аниқлашда диний эътиқод ва фалсафий таълимотлар тарихий тадрижи, алмашинувидан келиб чиқиб ёндашиш мумкин.

Лекин, таъкидлаш жоизки, мањнавият ривожланишининг тарихий босқичларини ва хусусиятларини, қонуниятларини аниқлашда, ўрганишда мазкур тамойил ягона мезон бўлолмайди. Нафақат эътиқод, таълимотлар ўзгариши, балки одатда, кишилий жамиятининг тараққиёт босқичлари, хусусан, турли тузумларга, тарихий даврларга,

цивилизацияларга мувофиқ ҳолда ҳам маънавият ривожланишини турли босқичларга бўлиш мумкин.

Масалан, ибтидоий жамият маънавияти, феодализм маънавияти, Ренессанс маънавияти, Маърифатпарварлик маънавияти ва ҳ. к. Шарқ халқлари, жумладан, ўзбеклар ва кўшни халқлар ҳаётида мустамлакачилик даври маънавиятини алоҳида босқич сифатида ажратиб кўрсатиш мумкин. Зеро, бу босқичда миллий маънавиятимиз ўзининг аввалини ва кейинги (ҳозирги) ривожланиш босқичидан кескин фарқ қиласиган хусусиятлари билан ажралиб туради.

Айрим халқларга ўз миллий маънавиятини тарихий босқичларга бўлишда ва ривожланиш қонуниятларини ўрганишда бошқача мезонлар қўл келиши мумкин. Айтайлик, уруғ-қабилачилик муносабатлари ва кўчманчилик турмуш тарзи нисбатан узоқ тарихий давр мобайнида сақланиб қолган, ўтроқ ҳаётга кечроқ ўтиб, кечроқ миллат сифатида шаклланган халқларга. Чунки, бундай халқлар тафаккур тарзida аниқ образли мушоҳада, асотирий унсурлар ва қиёсий хулоса катта роль ўйнайди, маънавий меросида эса халқ оғзаки ижоди қатлами, санъатида амалий-безак санъати жуда кучли ва самарали ўрин эгаллайди. Маънавият ривожланиши босқичларини белгилашда мезон сифатида яна бошқа тамойиллар ҳам олиниши мумкин.

Лекин маънавиятнинг қадимги ва ўрта асрлардаги ривожланиш қонуниятларини ўрганишда дин ва диний-фалсафий тамойил асосий мезон сифатида олиниши анча самара беради. Чунки, биринчидан, эътиқод ва дунёқарааш маънавиятнинг моҳиятли жиҳатларини ва энг асосий хусусиятини белгилайди. Иккинчидан, дин ва диний-фалсафий қараашлар тамаддун (цивилизация)ларнинг ҳам гоявий-мафкуравий асосини ташкил қиласи. Улар ривожланса, кўтаринки руҳда бўлиб рационал ишончга асосланса, тамаддун равнақ топади, иррационализм ва мутаассиблик уларда устунлик қилса, тамаддун инқирозни бошдан кечиради, ўзгарса, алмашса, у ҳам ўзгаради, бошқаси билан алмашади. Қадимги ва Ўрта аср тамаддулари муайян дин шаклларига мувофиқ келади: буддавийлик тамаддуни, политеистик эътиқодга асосланган антик дунё тамаддуни, христианлик тамаддуни, ислом тамаддуни. Масалан, қадимги Ҳиндистон тамаддуни Бобил тамаддунидан ишлаб чиқариш усули билан эмас, энг аввало, диний эътиқодидаги фарқлари билан ажралиб турган. Бир тарихий даврга оид

барча тамаддуналарнинг ўзаро фарқи тўғрисида ҳам шундай дейиш лозим. Масалан, АҚШ ва Япония ишлаб чиқариш технологияси ва иқтисодий муносабатлар нуқтаи назаридан бир тамаддунга мансуб. Лекин маънавияти борасида улар ҳар хил тамаддунга оид.

Лекин кишилик жамияти ривожланиши ниҳоятда мурракаб ва зиддиятли. Унга турли ички ва ташқи, моддий-иқтисодий ва гоявий-мафкуравий омиллар таъсир қиласи. Маънавият тарихи ва қонуниятларини ўрганишни ўрта асрлар билан чеклаб бўлмайди. Ўрта асрлардан кейин эса, Ренессансдан (Фарб Уйғониш даври) ва, айниқса, Маърифатпарварликдан бошлаб диний-фалсафий омиллар маънавият ривожланишида белгиловчи мавқеини йўқотади. Шарқ халқлари маънавиятида бу ҳол бир оз кейинроқ ва бошқачароқ кўринишда содир бўлди. Ҳозирги замонда жаҳоннинг деярли барча халқлари маънавияти кўпроқ дунёвийлик негизида ривожланмоқда, гарчи динларнинг таъсири баъзи мамлакатларда жуда кучли бўлса-да. Шу сабабдан маънавиятнинг умумтарихий ривожланиш босқичларини аниқлашда бир тамойилга эмас, бирданига икки-уч тамойилга суюнган маъқулроқ. Масалан, диний-фалсафий, ижтимоий-тарихий, назарий культурологик тамойиллар асосида комплекс ёндашиш самарали бўлади.

ХХ ва XXI асрлар туташи даврида ҳатто ижтимоий-сиёсий тамойиллар ҳам мезон сифатида олиниши мумкин. Зеро, бу даврда апартеид, ирқчилик, миллий зулм ва но-тенгликнинг ҳар қандай кўринишларига барҳам бериш каби талаблар, инсон ҳуқуқлари, эркинликлари, демократик қадриятлар, глобал муаммоларни ҳал қилиш зарурати бутун инсониятнинг дунёқарашини, сиёсий маданияти ва умуман маънавиятини ўзгартиряпти.

Юқоридагилардан келиб чиқиб, ўзбек халқи маънавияти шаклланиши ва ривожланиши тарихий босқичларини куйидагича тасаввур этиш мумкин:

1. Энг қадимги (архаик) давр ва илк зардуштийлик босқичи.
2. Исломгача бўлган диний-мафкуравий плюрализм босқичи.
3. Ислом тамаддунининг гуллаб-яшнаши ва темурийлар даврида қайта уйғониш босқичи.
4. Анъанавийликнинг қарор топиши ва ижтимоий-иқтисодий ва маънавий-маданий таназзул босқичи.

5. Мустамлакачилик даври маънавияти.

6. Истиқлол даври маънавияти.

Бу босқичларнинг ҳар бирини ўз навбатида катта-кичик даврларга, туркумларга бўлиш мумкин.

Энг қадимги (архаик) ва илк зардуштийлик босқичи неолит (янги тош асри) охиридан то юонон истилосигача бўлган даврига тўғри келади.

Бу босқич маънавияти ҳақида тасаввурларимиз унчалик чуқур ва яхлит эмас. Биз тош асирида яшаган аждодларимизнинг қарашлари, эътиқодлари, оламга муносабати, турмуш тарзи тўғрисида қоялардаги суратлар (Зароутсои ва бошқа жойлардаги), туркий халқлар оғзаки ижодида сақланиб қолган архаик унсурлар, қолдиқлар, Ўғизнома асотирлари, Авесто асотирлари ҳамда археологик қазувларда топилган моддий-ашёвий ва эътиқод-ибодатга оид ашёвий далиллар орқали биламиз.

Таъкидлаш лозимки, бу даврда дастлаб нарсаларга ва санамларга сифиниш (фетишизм), сўнgra турли ҳодисаларга ва руҳларга сифиниш (анимизм — табиатни жонлаштириш), сўнgra Тангри, Кўк, Ахурамазда каби бош худо, эзгулик ва ҳаёт тимсолларига, уларнинг турли кўринишларига — файритабиий кучлар, маъбулларга сифиниш қарор топган.

Юқоридаги бобда келтирилган қалдиргоч ва илон ҳақидаги асотир аждодларимиз томонидан ана шу босқичда яратилган. Мис ва бронза асиридан бизгача умумтурк асотирлари ва Ўғизхон ҳақида асотирлар, «Авесто»нинг энг қадим қисмида акс этган асотирлар, яна «Алпомиш» достонида архаик сюжет қолдиги — эрнинг ўз хотини тўйига келиб, даъвогарлар билан беллашуви ва уларни жазолаши (атоқли адабиётшунос В. М. Жирмунский буни ўз вақтида Ҳомернинг «Одиссея» достонидаги ўхшаш сюжет билан қиёслаб таҳлил қилган эди) ҳамда Широқ ва Тўмарис ҳақидаги афсоналар етиб келган, деб аниқ айтиш мумкин.

«Лекин, афсуски, турли сабабларга кўра, ўша даврнинг мамлакатимизда яратилган йирик ёзма ёдгорликлари, йилномалари ва диний-фалсафий битикларидан бирортаси бизгача тўлиқ етиб келмаган (ҳатто «Авесто»нинг энг қадимги бизгача етиб келган нусхаси ҳам бизнинг минтақада эмас, дастлаб Ҳиндистон парсийларидан топилган), босқинчилар томонидан йўқ қилинган. Беруний ўзининг «Осор ал-бокия» қитобида жуда қисқа, аммо ниҳоятда таъсирчан мисолларни келтирган: Искандар Зулқарнайн Эронни бо-

сиб олгач, «Авесто»нинг 12 минг дона терига ишланган нусхасини ўтда куйдирган. Умуман «Авесто»нинг тўлиқ нусхалари йўқ қилинган. Беруний маълумотига қараганда, унинг фақат бир қисмигина сақланиб қолган. У ҳам кейинчалик қайта тўпланган. Юнонлардан кейин минг йил ўтгач, араблар ҳам аждодларимиз яратган ёзма ёдгорликларни, жоҳилияни тарғиб этади деб, йўқ қилганлар. Шу боис ўша давр маънавияти ҳақида тасаввурларимиз анча кемтик ва нисбатан саёз.

Умуттурк асотирларидан парчалар ёзиб қолдирилиши эрамизнинг 6–10 асрларига тўғри келади. Булар Ўрхун ва Энасой тошбитиклари, сўғд, хитой, эрон ва араб манбала-ридир. Лекин бу асотирларнинг яратилиши, албаттга, кўз илфамас тарих бағрига сингиб кетган. Улар ёзиб олинган даврига нисбатан камида 2–3 минг йил илгари пайдо бўлган. Аждодларимиз уни авлоддан-авлодга оғзаки узатиб келганлар. Авесто ҳам асрлар давомида оғзаки намуналарда, халқ хоти-расида сақланган. Умуттурк асотирлари орасида энг қадим-гилари генеологик (яъни бирор ижтимоий ҳодисанинг, уруғ-қабиланинг келиб чиқиши ҳақида) асотирлардир.

Олимлар, турк қавмининг келиб чиқиши ҳақидағи асо-тирни энг қадимги деб ҳисоблайдилар. Бу асотир VI аср ўрталарида хитойликлар томонидан икки вариантда ёзиб олинган. Асосий варианта воқеа шундай ривожланади: Туркларнинг аждодлари йирик ботқоқлик бўйида яшаганлар. Лекин қўшни қабилалар уларни қириб ташлаган. Фақат қаттиқ яралнган, майиб этилган 10 яшар болагина омон қолган. Болани урғочи бўри боқиб, асрраган, сўнг унга хотин бўлган. Душманлар болани барибир ўлдиришган. Бўри эса Гаочандан шимолроққа тоқقا-қочган. У форда ўнта ўғил туқсан. Ўғилларидан бирининг исми Ашина — уруғ номи-га айланган. Кейинчалик уруғлар сони кўпайган ва Ашина қабила бошлиғига айланган. Унинг авлодидан бўлмиш Асан-шад қабиласини форлардан олиб чиқсан ва Олтойда ўрна-шиб олган. Қабила турклар деб атала бошлаган. Асотир-нинг иккинчи вариантида бўрининг бошқа авлодлари ҳақида ҳам гапирилади. Уларнинг орасида куман (оқкув) ва қирғиз уруғлари учрайди.

Ўйғурларнинг хон уруғи яғлақар ҳақидағи асотирда эр-как бўри ва хун маликаси уруғбоши сифатида эсланади. Ўйғурларнинг бошқа бир эдиз уруғи келиб чиқиши ҳақида-ги асотирда уруғбоши деб муқаддас дараҳт кўрсатилган.

Уруғбоши сифатида бошқа турк ҳалқларида буқа ва буғу ҳам учрайди.

Ўғизхон ҳақидаги асотирлар, бир томондан, генеологик, иккинчи томондан эса — эпик қаҳрамонлик, «маданий қаҳрамон»лик унсурларини акс эттиради. Унда энг қадимги архаик қатlam билан бир қаторда кейин күшилган «маданий» қатlam ҳам мавжуд. «Ўғизнома»да бу асotирларнинг 13—14 асрлардаги қарлук-ўйғур талқини ўз аксини топган. Лекин унинг мазмуни, биринчи навбатда архаик қатлами ёзиб олинган вақтга нисбатан камида 2 минг йил аввал яратилган.

Асотирда айтилишича, Ўғизхон ёргу нурдан онасининг бўйида бўлган, яъни унинг отаси — илоҳий куч. (Ушбу муносабат билан Исо Масиҳ ҳам онаси бўйида шунга ўхашаш тарзда бўлганини эсланг). Туғилишиданоқ баҳодир, паҳловон бўлиб дунёга келган. Болалигига йилқилар уюрини еб кетадиган бир мугузли маҳлуқни енгади. Ўғизхоннинг қиёфаси, анатомик тузилиши энг кучли ҳайвонларнинг уёки бу томонига ўхшайди ва аслида аждодларимизнинг тотемистик қарашларини акс эттиради. Унинг доимий ёрдамчиси, йўл кўрсатувчisi — бўз бўри.

Ўғизхон нурга чўлғаниб осмондан тушган қиз билан турмуш қуради. Ундан Ўғизхоннинг учта катта ўғиллари туғилади — Кун, Ой, Юлдуз. Бошқа хотини — ерлик гўзалдан — уч қичик ўғли туғилади: Кўк, Тоғ ва Тениз (денгиз). Асотирда Ўғизхоннинг қаҳрамонликлари, ўз мулкини ўғиллари орасида тақсимлаши, турли тартиблар, яшащ меъёrlари ва қонуналар ўрнатиши (шу боис уни «маданий қаҳрамонлар» қаторига ҳам киритиш мумкин) ва ҳ. к. тасвирланган.

Ўғизхон ҳақидаги асотирлар, бошқа умумтуркий асotирлар каби, кейинчалик ислом таъсирида анча қайта ишланған, ўзгартирилган. У Ёғаснинг авлоди дейилади. Ўғизхон образи мусулмон қаҳрамони сифатлари билан «бойитилган».

Умумтуркий асотирлардаги Тангри тушунчаси, айниқса, Тангри ҳақидаги илк тасаввурлар қолдиқлари, аждодлар руҳига сигиниш, анимизм ва политеизм унсурларини ўз ичига олган. Кейинчалик Тангри образи бош худо, ислом таъсирида эса Ягона худо синоними сифатида тушунилган. Умай хотун образи ҳам мураккаб тадрижий йўлни босиб ўтган. Дастьлаб Тангрининг хотини, биринчи, ҳаётни бошлаб берувчи

она, сўнгра табиат, ҳосилдорлик маъбуласи сифатида тасвирланган. Умай-хотуннинг ҳаётни бошлаб берувчи она сифатидаги образи ислом таъсирида унутиб юборилган, фақат баъзи бир ирим-сиirim ва аждодлар руҳига сифиниш қолдиқлари, унсурлари кўринишида, «тубан асотир» персонажи кўринишида, номи учрайди.

Ислом асотирлари ва қарашлари аста-секин халқимиз онгидан қадимги асотирларни сиқиб чиқарди. Фақат фанда «тубан асотирлар» деб аталадиган (яъни фалакиёт билан эмас, ер ташвишлари, кундалик турмуш ва меҳнат билан боғлиқ) қатламдан айрим унсурлар «исломлашган» шаклда сақланиб қолган. Масалан, Чўпон-ота, Бургут-бобо, Кўркут, Умай-хотун образлари шулар жумласидандир. «Авесто»нинг энг қадимги қисми «Гата»лар (олимлар уни кўпинча «Гоҳ»лар, баъзан «Хот»лар деб атайди, аслида Гата — қўшиқ мисралари деган мазмунни англатади) асотирлари ҳам неолит даври охирларида шакллана бошлаган. Энг аввало, айтиш лозимки, унда ўзига хос тарзда умумхиндиј-арий қатлам қолдиқлари учрайди. Авестода Ахурамазда (Ормузд, Ҳормузд) — эзгулик ибтидоси, бош худоси — ва Зулмат руҳи ёвузлик ибтидоси Ангра-Майнйу (Ахриман) ўртасидаги кураш тасвирланган. Ахуралар Авестонинг қадимги қисмida табиат ва жамиятда тартиб ўрнатиш, зулмат ва ёвузликка қарши курашадиган илоҳий мавжудотлар, деб тасвирланган. Гаталарда улар яқин келажакда зулмат ва ёвузлик қўшинлари — девлар устидан ғалаба қозонажаги, Кичик Авестода эса бу бир неча минг йилдан кейин юз бериши ҳақида гап боради.

Ҳиндлар асотирларида ахуралар, асуralар деб, ёвузлик кучлари, аксинча, худолар эса дева (дев)лар деб аталган. Яъни эзгулик ва ёвузлик тимсоли сифатида уларнинг ўрни алмашган. Олимлар тахмин қилишларича, буни эрамизгacha 2—3 минг йил илгари ҳинд арийлари ва Марказий Осиёning қадимги эронийзабон халқлари ўртасида этник ва мафкуравий ўзаро алоҳидалашиб бошланганлиги билан изоҳлаш керак. Уларнинг ҳар бири ўзларининг ҳомийларини, сигинадиган руҳларини илоҳийлаштирган, эзгулик тимсолига айлантирган ва аксинча, улардан ажралган қавмларининг ҳомийларига ёвузлик хислатларини бағишилаганлар.

«Авесто» бизга энг кейинги расмийлаштирилган варианта (340 й.) маълум. Бу даврга келиб ундаги баъзи төтеп-

мистик ва кўпхудочилик унсурлари бошқачароқ талқин қилинганини, яъни эзгулик худолари Ахурамазда — бош худо қавмига, ёвузлик худолари эса Ангра-Майнйу қўшинига киритилганини кўрамиз. Натижада зардуштийлик ахлоқ масалаларида дуалистик дин — икки ибтидога асосланган динга айланган. Политеистик (кўпхудочилик) динидан дуалистик динга айланиш зардуштийлик ахлоқий таълимоти тадрижий ривожланишининг (эволюциясининг) объектив тенденцияси бўлган.

«Авесто»нинг ёзма тартиб берилган варианти ушбу тенденцияни ўзида акс эттирган.

«Авесто» Зардуштга ваҳий қилинган китоб ҳисобланади. Паҳлавий (ёки парс) солномалари анъанасига кўра, Зардушт Искандардан 258 йил аввал «яшаган» дейилади. Аммо олимлар Авестонинг энг қадими қисми Гаталарни таҳлил қилиб, унинг тили эрамизгача 12—10 аср илгари даврга мансублигини исботлаганлар. Зардушт тарихий шахсми ёки йўқми, унинг яшаган даври — фанда узил-кесил ҳал қилинган эмас. Лекин у, агар ҳақиқатан тарихий шахс бўлса, Ўрта Осиёдан ёки Эронга нисбатан шарқда жойлашган мамлакатдан чиқсан, деб ҳисобланади. Гўёки, у ўз юргида кувфинга учраган (паҳлавий манбаларига кўра) ва шарқий эронийлар шоҳи Виштасп ҳомийлигига ўтган. Шундан сўнг зардуштийлик Эронда тарқалган. Зардушт 77 ёшида Балҳда турларнинг хужуми пайтида ҳалок бўлган дейилади. Зардуштийликнинг асл ватани ҳақидаги масала тўғрисида хилма-хил фикрлар мавжуд. Асосан у Ўрта Осиёда, хусусан Хоразмда, Сўғдда ёки Бахтарда шаклланганлиги тан олинади.

Хозирги замон фанининг Гаталар яратилган давр паҳлавий манбаларида кўрсатилган даврга нисбатан тахминан 500 йил илгарироқ эканлиги тўғрисидаги хуносаси паҳлавий маңбаларидаги нафақат хронологик (вақт, давр) маълумотларни, шунингдек, бошқа баъзи бир маълумотларни ҳам анча шубҳа остига қўяди.

«Авесто», гўёки, илк бор Зардуштнинг күёви ва шогирди Жамаспа томонидан ёзib олинган. Ундан сигир териларига кўчирилган икки нусхаси шоҳ хазинасида сақланган ва Искандар томонидан, юқорида айтилганидек, куйдирилган. Кейинчалик Парфия шоҳи Валгаш (эрамизнинг 50 йиллари) ва сосонийлар сулоласи асосчиси Биринчи Ардашер Папакан (эрамизнинг 224—241 йиллари)

«Авесто»нинг омон қолган парчаларини йифишга буйруқ берганлар. Фақат Иккинчи Шопур (309—379 й.) даврида зардустий руҳонийлар, хусусан, коҳин Маҳраспанд ўғли Атурпат (340 й.) «Авесто» матнларини ва уларнинг тартибини тасдиқлаган, зардустийлик эса узил-кесил Эроннинг давлат динига айланган. Эронда бошқа динларни таъқиб қилиш бошланган. Авестога иккинчи марта тартиб берилгач, сосонийлар мамлакатида у қатъий ва ҳамма учун мажбурий диний-фалсафий, ахлоқий, хукуқий ва ибодат ҳужжатига, турмуш тарзи йўриғига айланган.

Албатта, «Авесто»нинг расмий тасдиқланган таркибиға кирмай қолган матнларга, талаб ва меъёрларга хайриҳоҳлар ўша пайтлар кам эмас эди. Айниқса, Эронга бўйсунмаган мустақил мамлакатларда, хусусан, Хоразм, Сўғд ва Бахтарда. «Эронийлаштирилган» «Авесто»да туркий халқларнинг улуғ қаҳрамони, афсонавий доҳийси, хони Алп Эр Тўнга образи (Авестода Франграсян, Фирдавсий «Шоҳнома»сида Афросиёб деб аталган) ўта салбий тасвиirlанган. Бунга сабаб аҳмонийлар ва сосонийлар даврида Эрон Ўрта Осиёни бир неча марта босиб олган ёки ўз тасаруфига олишга интилган, кўплаб ҳарбий босқинчлилик юришлари уюштирган эди. Табиийки, аждодларимиз асрлар давомида ўз озодликлари, мустақилликлари учун кураш олиб борган, имкон туғилган пайтда ўzlари ҳам ҳарбий юришлар қилган. Ўша даврларнинг ижтимоий ҳаётида минтақалар муносабатида ҳарбий юришлар сезиларли ўрин эгалланган. Ҳар бир томон ўзини ҳақ ҳисоблаган. Буни мафкуравий воситалар орқали, жумладан, асотирлар, достонлар ҳатто диний китоблар ва ш. к. воситасида омма онгига етказишга ҳаракат қилганлар. «Эронийлаштирилган» Авестода биз шу ҳодисага дуч келамиз. Аксинча, туркий халқлар ривоятлари ва афсоналарида, марсияларида Алп Эр Тўнга доно, мард ва адолатли хон сифатида, унинг душманлари эса қўрқоқ, маккор ва хиёнаткор, алдамчи сифатида тасвиirlанган. Фараз қилиш мумкинки, бизнинг минтақамиизда «эронийлаштирилган», расмий тус берилган «Авесто» уччалик машҳур бўлмаган ва кенг тарқалмаган. Лекин ҳар ҳолда «Авесто»нинг оғзаки ва норасмий вариантлари эрамизнинг дастлабки асрларида ҳам маънавий ҳаётимизда анча из қолдирган. Бу даврда (IV аср) аждодларимиз маънавияти ривожланишининг плюралистик қарашлар негизидаги иккинчи босқичи ўзининг энг гул-

лаб-яшнаган пайтларига кира бошлаган эди. Ҳатто Канишка давлатида расмий мақом олган буддийликнинг таъсири. бизнинг минтақамизнинг илгари тарқалган жойларида (ҳозирги Сурхондарё ва Фарғона водийси) пасая бошланган эди.

«Авесто» қўйидаги мундарижага эга:

1. Гаталар. 2. Ясна, Виспрат (барча куззотлар). (Ясна — ибодат деган мазмунни билдиради. Одатда, Ясна таркибига Гаталар, Ҳомяшт (Ҳаома руҳининг Зардуштга келиши тўғрисида маълумот) ва Виспрат киритилади). 3. Яштлар. 4. Видевдат (девларга қарши қонун) ва 5. Кичик матнлар ёки форсий тилда Хорда Авесто — Кичик Авесто. Гаталар борйўғи 248 мисрадан иборат бўлиб, Яснанинг 17 бобини ташкил этади.

Кичик «Авесто»да Зардушт янги динни жорий қилишда қадимгї эроний худолар — Ардвисура Анахита, Ҳаома, Митра, Веретрагнадан кўмак сўрайди. Лекин Гаталарда бундай худолар мутлақо эсга олинмаган. (Таъкидлаш жоизки, зардустийлик бўйича йирик мутахассис X. Ниуберг Ардвисура Анахита образи дастлаб Сирдарёнинг ўрта оқимида яшаган саклар орасида шаклланган, деб ҳисоблайди. Дастлаб у дарё маъбудаси бўлган, кейинчалик йирик худолардан бирига айланган.) Гаталарда эроний худолар тилга олинмаслиги ҳам «Авесто» қадимий қисмининг асл ватани Эрон эмаслигини кўрсатади. Лекин юқорида келтирилган далил «Авесто» эрамиз бошларида Эронда қайта тўпланганини, бу даврга келиб у анча «эронийлаштирилганини», айниқса, Кичик «Авесто» эронлик зардуст коҳинлари таъсирида ва таҳририда яратилганини билдиради.

«Авесто»да ҳам ўзига хос тарзда тўфон, оламни сув босгани тўғрисидаги асотирларга ўхшаш маълумот бор. Ахурамазда Йимани (Жима; «Шоҳнома»да ва форс манбаларида у Жамидга қиёс қилинади) бу дунёнинг ёвуз одамлари устига қўш келиб, булутлардан қор ёғиши, молларнинг учдан бири омон қолиши, ҳозирги яйловларни сув босиши ҳақида огоҳлантирган. Сўнг Ахурамазда Йимага фалокатдан омон қолиш мақсадида майда ва қорамол, одамлар, итлар ва қушлар, олов-оташ уруғи учун ер остида Вара деган шаҳар куришни буюради.

Бу аждодларимиз хотирасида муз даврининг охирида табиатда юз берган ўзгаришлар ҳақида сакланиб қолган тасаввурлар қолдиқларидир.

Бизнинг юқоридаги мисолни келтиришимиздан мақсад муз даврини эслатиш эмас, балки С. П. Толстов Хоразмда Авестода тасвиirlанган Варага ўхшаш жой қолдини қазилмалар пайтида топганига, бу ҳам илк зардустийлик қаерда шаклланганига бир қўшимча далил бўлиши мумкинлигига диққатни қаратишdir.

Фараз қилиш мумкинки, Авесто асотирларининг бир қисми меҳнатнинг биринчи тарихий тақсимотидан — чорвачилик ва деҳқончиликнинг бир-биридан ажралмасидан аввал ёки илк бора чорвадорлар орасида шаклланган. Чунки унда тасвиirlанган қурбонлик маросимлари, баъзи бир урфлар, географик жойлар ва иқлим, қадимги турмуш тарзининг кўплаб унсурлари қадимги чорвадорлар, чўлда яшовчи халқларга оидлигини сақлаб қолган. Шу боис И. Брагинский Авесто кўпроқ Марказий Осиё ҳудудий топонимикаси (жой атамалари) ва қадимги халқи турмуш тарзининг хусусиятларини акс эттиришини алоҳида таъкидлайди.

Бизгача етиб келган Авесто асотирларидан намуна келтириб ўтирамаймиз. Аммо маънавият билан боғлиқ бир нарсани таъкидламоқчи эдик. Зардушт таълимотида эзгулик ва ёвузлик ўртасидаги кураш оқибатида қарор топадиган олам тартиби, тўғри йўл одамларнинг эркин танлашига, онгли равищда эзгулик томонида туриб фаол курашишига боғлиқ деган фоя олға сурилган. Бу зардустийликнинг уч минг йил оша бизгача етиб келган, ҳозир ҳам, бундан кейин ҳам аҳамиятини йўқотмайдиган буюк умуминсоний қадриятта айланган фоясиdir. Бу фоя умуминсоний маънавиятнинг тамал тошларидан бириdir.

«Авесто» асотирларининг ижтимоий-тарихий воқеаларга, хусусан, афсонавий шоҳларга, ҳукмдорларга алоқадар қисми буюк Фирдавсийнинг «Шоҳнома» асарида қайта ишланган ва шоир яшаган давр ижтимоий-сиёсий ва мафкуравий талабларига анча-мунча мослаштирилган шаклда баён қилинган.

Зардустийликнинг энг қадимги тасаввурлари ва қарашлари аҳмонийлар даврида Кичик Осиёда яшаган халқларнинг, жумладан, юонларнинг диний-фалсафий қарашлари ва маданиятига таъсир кўрсатган. Бу ҳақда Фозила Сулаймонованинг «Шарқ ва Фарб» асарида анча ишончли ва қизиқарли далиллар келтирилган. Хусусан, қадимги юон илм-фани ва маданиятининг бешиги бўлмиш Иония, унинг

пойтахти Милетда илм-фан, фалсафа шаклланишига ва ривожланишига, у орқали бутун Юнон ва Рим маданиятига илк зардустийлик ўз ҳиссасини қўшган. (Қаранг: Сулаймонова Фозила. Шарқ ва Фарб. Т., «Ўзбекистон», 1997 йил, 22—39-бетлар).

Маънавиятимиз ривожланишининг биринчи босқичидаёқ, аждодларимиз эзгулик ва ёвузлик, бурч ва ор-номус, ватанпарварлик ва озодлик, мардлик ва фидойилик каби юксак омолларни, абадий қадриятларни чуқур идрок этганининг ва ижодларида муҳрлаб қолдирганининг гувоҳи бўламиз. Биринчи босқичнинг охирги чорагида сугориладиган деҳқончилик анча ривожланди. Бу аждодларимиз томонидан олов, сув ва ерни дастлаб асотирларда, сўнгра диний-фалсафий таълимотлар ва ибодат амалиётида илоҳийлаштиришга, муқаддаслаштиришга сабаб бўлди.

Турон ва Эроннинг зардустийликка мансуб ҳалқлари тупроқни муқаддас ҳисоблаганлар ва уни ҳар жиҳатдан покиза сақлашга уринганлар. Масалан, ўликларни тупроққа кўммаганлар, балки маҳсус жойларда бир неча муддат сақлаб, суюкларини кейин хумга солганлар. Тупроқ муқаддас ва ҳалол ҳисоблангани учун уйларини ва иморатларини фақат пахса ёки гуваладан, хом фиштдан курганлар. Кеиничалик эса хом фиштни яна бир муқаддас унсур — оловда пиширишни ўрганганлар. Шундай қилиб, зардустийлик таъсирида уй-жой ҳалол ҳисобланмаган тошдан эмас, балки муқаддас икки ёки уч унсурнинг иштирокида (сув, тупроқ, олов) бунёд этилган. Фарбий Эронда Биринчи Доро барпо этган Персепол (Эронشاҳр) харобалари, унинг яқинида Нақши Рустам, Нақши Ражаб харобалари сақланниб қолган. Шаҳар тўлиқ тошлардан курилган. Бу зардустийлик ўша пайтлари Эроннинг Форс қисмida тарқалмаганини кўрсатади. Ҳақиқатан аҳмонийлар Хуросон ва Мовароуннаҳрни босиб олганидан кейин зардустийлик Форсда тарқала бошлаган.

Зардўстийлик негизида вужудга келган Марказий Осиё тамаддуни Хитой, Эрон тамаддунидан ёш бўлмаса-да, аммо бинолар тошдан ясалмагани учун архитектура ёдгорликлари ўша даврдан бизгача етиб келмаган. (Буддавийларнинг ибодатхоналари эса, ислом келгач, бузиб ташланган.)

Диний-фалсафий қарашлар, бинобарин, улар негизида шаклланадиган маънавият, бир томондан, табиий-тарихий омиллар таъсирида вужудга келган. Иккинчи томон-

дан эса, уларнинг ўзи турмуш тарзининг, ҳатто ишлаб чиқариш ва моддий маданиятнинг кўп томонларини белгилаганлар.

Энг қадимги фалсафий қарашларда оламнинг субстанционал моддий асоси (ўзаги ёки жавҳари — жавҳар ал-фард) тўғрисида фикр юритилганда тупроқ, сув, олов ана шундай ўзак унсурлар ҳисобланган. Агар унсурлар бир неча деб қаралса, уларнинг ҳар учаласи киритилган. Қадим замонлардаёқ оламнинг асосини ташкил этувчи унсурлар сони тўртта деб ҳисобланган (юқоридаги уч унсурга ҳаво ҳам кўшилган). Бу таълимотнинг ватани деб, фалсафа тарихини ўрганувчи олимлар Ҳиндистонни кўрсатишади. Аммо тўрт унсур ҳақидаги таълимот Турон ва Эрон зардуштийлари орасида шаклланиб, кейин арийлар билан Ҳиндистонга бориб қолган бўлиши эҳтимолдан холи эмас. Арийларнинг Ҳиндистонга бориши эрамиздан аввал икки мингинчи йилларда содир бўлган.

Қадимшунослар ўз қазилмаларида бир ҳолатга дуч келадилар. Эрамизгача II минг йилликнинг II чорагида ҳозирги Ўзбекистон миңтақасининг кўп қишлоқ ва шаҳарларнинг аҳоли таркиби ўзгарган. Уларнинг бир қисми Ҳиндистонга кўчган арийлар бўлиши мумкин. Улар ўрнини бошқалар эгаллаган. Кулолчилик идишларини безаща ишлатиладиган нақшлар ва усул ўзгарган.

«Авесто»нинг бизгача етиб келган қисмининг ўзбек тилига таржима қилиниши, у ҳақда илмий, илмий-оммабоп мақолаларнинг пайдо бўлиши, келгусида эса шубҳасиз, кўпайиши, мамлакатимизда олиб борилаётган археологик қазилмалар натижалари ҳақида ҳам кенг жамоатчиликни хабардор қилиб бориш маънавиятнинг мазкур босқичи тўғрисидаги тасаввурларимизни янада бойитади ва ойдинлаштиради. Чунки «Авесто» вужудга келишига бизнинг аждодларимиз — қадимги хоразмийлар, сўғдлар, баҳтарликлар ҳал қилувчи ҳисса қўшганлар. «Авесто» асотирлари вужудга келишида қисман саксикифларнинг, каспийолди халқларининг ҳам ҳиссаси бўлиши мумкин. Чунки бу асотирлар акс эттирган архайн қатламининг баъзи бир унсурлари шундай хulosага зид келмайди.

«Авесто» Фарб ва Эрон илмий адабиётларида эроний халқлар ёдгорлиги, унда эзгулик ва ёзулик ибтидолари ўртасида кураш нафақат диний-ахлоқий асотирлар воси-

тасида, шунингдек, эронликларнинг туронлик кўчманчи босқинчилар билан курашини акс эттириш орқали ҳам кўрсатилган дейилади. Бошқача айтганда, «Авесто» эроний манфаатларни, эроний мафкурани акс эттиришига эътибор қаратилади. Юқорида таъкидланганидек, «Авесто» Искандар Зулқарнайндан кейин бир неча аср ўтгач, яъни бизнинг маънавиятимиз ўз ривожланишининг янги босқичига ўтган даврда қайта тўпланган. Бу даврда Марказий Осиё ва Хурросонда зардуштийлик хукмрон мавқенини йўқотиб кўйган эди.

Маънавият диний-фалсафий плюрализм негизида ривожланар эди. Эронда эса бошқача ҳолни кузатамиш: мафкуравий плюрализмдан ягона умумий эътиқод — давлат мафкурасига ўтишга интилишни. Бу интилиш Эрон давлати эҳтиёжларига мослаштирилиб қайта ишланган зардусттийлик дини ва қайта тартиб берилган «Авесто»да ўз ифодасини топади.

Биз ушбу масалада қуйидагиларни эътироф этмоқчимиз. Биринчидан, «Авесто»нинг энг қадими қисми Гаталарда Турон ва Эрон масаласи йўқ. Иккинчидан, Авестонинг кейинги қисмлари ҳақиқатан Эрон талқинида бизгача етиб келган. Сосонийлар даврида зардусттийлик аста-секин Эроннинг давлат динига айланган эди. Бу эса «Авесто»нинг янги тўпланган қисмлари эронпарастлик мафкураси нуқтаи назаридан тўлдирилганлигини билдиради. Ўша пайтда Эронда, монийлик ва христианлик кириб кела бошлагач, муҳолиф қарашларга муросасизлик, ўзига хос мутаассиблик вужудга келган эди. Янги диний таълимот асосчиси ва тарғиботчиси Моний Эронда қатл қилинган эди.

Эрамизнинг 340 йилидан бошлаб ҳатто зардусттийликнинг нисбатан халқчил оқимларидан бири, шу боис давлат мафкурасига айланган расмий дорматлашган шаклидан бир оз адолатпарварликка урғу бериши билан фарқ қиласидиган маздакийлик ҳам қаттиқ таъқиб қилинган. Мовароуннаҳр ва Хурросонда диний-мафкуравий муросасизлик кескин шаклларга кўтарилмаган.

Сосонийлар давридан қолган тошлавҳалар орасида зардустликнинг йирик коҳинларидан бири Картир Персепол яқинидаги Нақши Рустан, Нақши Ражаб ҳамда Къбайи Зардустда қолдирган лавҳалар бор.

Картир Эрон шоҳига (II Шопур) Мазда динига хайрихоҳлиги учун миннатдорчилик билдиради ва ўзи ҳақида

баъзи мълумотларни баён қилади. У ғайридинлар — яхдийлар, христианлар, назарийлар, монийлар, браҳманийлар, буддавийлар ва мактукларни таъкиб қилгани билан мақтанади.

Шоҳлар қаторида тошлавҳалар ёздириш ўртача амалдорнинг ёки руҳонийнинг қўлидан келмайди. Картир эса юқорида келтирилган уч жойдан ташқари Сари Машҳадда ҳам бундай ёдгорлик қолдирган. Бу нафақат Картирнинг, шунингдек, зардуштийликнинг ҳам Эронда ижтимоий ва сиёсий мавқеи жуда юқорида бўлганидан далолат беради. Ҷех олими Отакар Клима юқоридаги лавҳалардан Картир зардуштийлик таълимоти сосонийларнинг давлат динига айланишида катта роль ўйнаган ва «шубҳасиз, унинг уринишлари туфайли Моний зиндонбанд қилинган ва ҳалок бўлган», деган холосага келади¹.

Исломгача бўлган диний-мағкуравий плюрализм босқичи. Бу босқич Искандар Зулқарнайн истилосидан араблар истилосига қадар (милодий VIII аср боши), яъни тахминан минг йилдан сал кўпроқ давом этди. Бу даврда халқларнинг, маданиятларнинг қоришуви, аҳоли миграцияси ва таркиби ўзгариши аввалги босқичга нисбатан анча кучайган ва тезлашган.

Иккинчи босқичда биз Марказий Осиёда жуда рангбаранг маданият, бой шаҳарлар, юксак мъянивият вужудга келганини кўрамиз. Самарқанд, Бухоро, Хива, Урганч, Термиз, Навтака (Насаф), Кеш, Асхикент, Варахша, Марв, Балх, Ниса, Ҳаройва (Ҳирот), Урва (Тус) шаҳарлари гуллаб-яшиади. Зардуштийлик билан бир қаторда юнон кўпхудочилик дини, буддавийлик (буддизм), монийлик, кейинчалик эса христианликнинг несторий (насронийлик) мазҳаби кириб келди. Анимизм унсурлари ҳам турли шомонлар, қушночлар томонидан ирим-сирилар, руҳий даволаш орқали тарғиб этиб турилди.

Фараз қилиш мумкинки, бу даврда миңтақамизда диний мўътадиллик, хайриҳоҳлик ва муросагўйлик қарор топган. Динлар ўртасидаги рақобат мутаассибликка, йирик ижтимоий ихтилофларга, тўқнашувларга олиб келмаган. Ҳар ҳолда тарихий манбаларда (на ҳинд, на хитой, на

¹ Қаранг: Ян Рипка. История персидской и таджикской литературы. М., Прогресс, 1971, с. 45 — Ушбу китобнинг биринчи қисми О. Клима томонидан ёзилган.

Яқин Шарқ манбаларида), ривоят ва афсоналарда бизнинг минтақада яшаган маҳаллий аҳоли ўртасида ички диний тўқнашувлар, урушлар тўғрисида маҳсус қайд этилган маълумотлар учрамайди. Археологик қазувлар далолат берисича, бу даврда аждодларимиз ҳунармандчиликда, амалий билимларда, санъатнинг барча турларида — ҳайкалтарошлиқ, рангтасвир, мусиқа, театр, рақсда юксак ютуқларни кўлга киритганлар.

Берунийнинг хоразмликлар арабларга нисбатан буржларни, йил ҳисоблари ва умуман юлдузлар илмини яхшироқ билганликлари тўғрисидаги маълумоти, Афросиёб, Варахша, Болаликепа, Панжакент, Ажинатепа фрескалари (деворга ишлаган рангтасвир асарлари), Сополли тепа, Еркўрғон, Кўйқирилганқалъя, Айритом, Холчаён, Далварзинтепа ва бошқа кўплаб археологик қазилмалардан чиққан сурат чизилган сопол идишлар, тангалар, санъат буюмлари, ҳайкалчалар, заргарлик ва ибодат буюмлари буни тасдиқлаб турибди. Бу босқичда якка ҳукмронлик қиласиган, ҳатто яққол етакчилик қиласиган бирор динни кўрмаймиз. Аввалги босқичда турли динлар, эътиқодлар анча-мунча учраса-да, ўтрок ҳалқ эътиқодида етакчилик вазифасини зардуштийлик ўйнаган, дейиш мумкин. Иккинчи босқичнинг биринчи чораги охирида Сурхон воҳаси ва Фарғона водийсида буддавийлик, ўрталарида эса монийлик зардуштийликдан кам мавқега эга эмасди. Зардустийлик эса анча ўзгарган, у ўзаро таъсир натижасида бошқа динларнинг, балки зардустийликдан ҳам аввалги архаик асотирий тасаввурларни ўзида акс эттирган. Буни археологик қазувлар ва мазкур давр санъат асарлари яққол исботлаб турибди.

Олимлар таҳмин қилишларича, бизнинг минтақамиз буддавийликнинг энг илғор ва эстетиклашган шакли — дзенбудизмнинг ватани бўлган. Биздан у Хитой, Корея ва Японияга тарқаган. Монийлик ҳам тугал таълимот даражасига етиши учун ўзига Турон тупроғида нисбатан кенгроқ ижтимоий таянч топган. Монийликка оид адабиётлар асосан сосонийлар империясининг чекка ҳудудларида ёки кўшни ҳудудларда (Шарқий Туркистон, Миср) топилгани, унинг Бобил ва империянинг марказий вилоятларида қаттиқ мафкуравий қаршилиқка дуч келганлигидан, расмий доираларга муҳолиф таълимот сифатида унга кўпроқ салбий муносабатда бўлганлигидан далолат беради.

Моний ўз таълимотини зардуштийлик, буддавийлик ва христианликнинг умумлаштирилган ифодаси асосида вужудга келган янги дин, деб эълон қиласи. Монийнинг ўзи илгариги муқаддас китобларда, пайғамбар башоратида эътироф этилган маҳдийликка, охирги пайғамбар мақомига даъво қиласи. (Кейинчалик ислом охирги пайғамбар, деб Мұхаммадни тан олди). Монийнинг ушбу даъволари сосонийлар шохи Шопур учун маҳсус ёзилган «Шабурагон» асарида қайд этилган. Чунки Мисрда топилган бошқа бир манбада («Шабурагон»дан аввал ёзилган) Монийгача ўтган пайғамбарлар рўйхатида Зардушт, Будда ва Исо номлари эсламмайди.

Марказий Осиёда бўлиб, диний-мафкуравий хилмажилликни, бағрикенгликни кўрган Монийда уларни умумлаштириш истаги туғилгани, ўз таълимотини тугал тизимга келтиргани, ўзи ва ўтмишдош пайғамбарлар орасида ворисийлик мавжудлигини тан олиш янги дин тарқалиши учун фойда келтиришини англаганлиги эҳтимолдан холи эмас (Монийнинг охирги пайғамбарликка даъволари тўғрисида «Ижтимоий фикр. Инсон ҳуқуқлари» журнали. 1998 йил 3-сонида чоп этилган Мишель Тардъёнинг «Мани и ряд пророков» — «Моний ва пайғамбарлар силсиласи» — мақоласидан ахборот олиш мумкин. Моний асарларидан Беруний «Ҳиндистон» асарида турли масалалар бўйича еттига иқтибос (парча, цитата) келтиради ва уларни бошқа халқлар, энг аввало ҳиндлар қарашлари билан қиёслаб таҳлил этади).

Буддавийлик күшонлар ҳукмронлик қилган йилларда давлат дини мақомигача кўтарилигинин юқорида қайд қилган эдик. Лекин Сўёдга унинг таъсири Баҳтар ва Фарғона-дагидек бўлмаган. Эфталийлар, айниқса, қанглар пайтида анча сусайган. Буни турли динлар ўргасидаги рақобат ва тарғиботчилар фаолияти билан ҳамда минтақамиз этник таркибининг муттасил бойиб турганлиги билан изоҳлаш керак. Янгитдан келиб қўшилиб турган туркий халқлар чорвадорлиги ва маълум даражада жангари турмуш кечириши туфайли буддавийликниң кўп жиҳатларини қабул қила олмаганлар. Шу сабабли, Эрондан фарқли, Туронда мафкуравий муштараклик, бир диннинг ҳукмронлиги ва унинг оқибати сифатида диний-мафкуравий мутаассиблик ҳам қарор топмади. Бу ранг-баранг, бой маданият, тафаккур

юритиши ва оламга муносабатда универсализм шакланишига маънавий асос бўлди.

Мусиқа ва рақс санъатимиз шарқда Хитой, Корея жа-нубда Ҳиндистонгача таъсир кўрсатганини, кейинчалик ислом дини таъқибида санъаткорларимизнинг мазкур ўлка-ларга муҳожирликка кетиб қолгани ўша халқларнинг йил-номаларида ёзилган.

Мазкур босқич маданияти, турмуши, маънавияти ҳақида биз, табиийки, аввалги босқичга нисбатан кўпроқ биламиз. С. П. Толстов, В. М. Массон, Я. Фуломов, А. Асқаров, Г. А. Пугаченкова, К. К. Кабанов, У. Исломов, М. Исомиддинов, Р. Сулаймонов ва бошқаларнинг қазилма ишлари ва кейинги йилларда олиб борилаётган археологик тадқиқотлар туфайли анча маълумотларга, айниқса моддий маданиятга оид маълумотларга эгамиз. Аммо бу даврга оид яхлит асарлар ҳам, ислом туфайли, сақланиб қолмаган. Археологик қазилмалар эса ўша даврда минтақамизда кенг тарқалган ёзувларда битилган алоҳида жумлаларни, матн парчаларини акс эттирган буюмларнинг қолдиқларини ёки айrim хужжатлар бўлакларини бизга ҳадя қилмоқда.

Фақат XIX асрнинг 90-йилларида Муғ тоги ва Шарқий Туркистанда — Үйгуристонда топилган қўлёзмалар нисбатан тўлароқ парчалар эди. Улар орасида буддавийлик, христианлик ва монийлик динларига оид адабиётлар учрайди. Қўлёзмалар уйғур, сўғд, сак тилларида битилган. Айниқса, монийлик дини тўғрисидаги тасаввурларимиз Турфон топилмалари сабабли нисбатан тўлароқ бўлди. Сўғдий тилдаги энг қадимги қўлёзма («Эски хатлар» деб ном олган) IV асрга оид бўлиб, Хитой девори яқинидаги қальалардан бирида топилган.

Муғ тогидан топилган хужжатлар, Панжакентдаги майит тепасидаги йифи саҳнаси (VI аср), Тоқ-қалъадан топилган тасвири тобут (VII—VIII аср) ва Марвдан топилган тасвири Хумкўза (VI аср) минтақамизда вафот этган кишига таъзия очилиб, йигланганини билдиради. Бу ўлик тепасида йиғлашни тақиқлаган зардуштийлик талабларига зиддир. Айrim олимлар мазкур далиллар асосида минтақамизда зардуштийликнинг алоҳида шакли ривожланган бўлиши мумкинлигини фараз қилмоқдалар.

Бошқа бир мисол: Қадимги Навтака жойлашган Еркўр-фон (Қарши) қазилмалари пайтида очилган оташкаданинг (зардуштийлар ибодатхонаси) учинчи даврига оид қатлам-

дан топилган маъбуда ёнидаги ашёлар орасида маъданлар ва тошлардан ясалган сифиниш рамзлари — олтин типратикон, митти санам ҳайкалча, ақиқдан ишланган бақа чиққан.

Зардуштийликда типратикон муқаддас ҳисобланган. Чунки у Ажи Даҳа қўшинига кирувчи илонларга қарши курашади ва уларни ўлдиради. Лекин бақа ва илон, «Авесто»га биноан, ёвузлик оламига мансуб Ангра-Майнийу қавмларидан. Бу далил ҳам зардуштийликнинг минтақамиизда қарор топган шакли ўз хусусиятларига эга бўлганлигини, ҳар ҳолда маънавиятимиз ривожланишининг мазкур босқичида қисман ўзгарганини билдиради. Балки бу маҳаллий ҳалққа муттасил келиб қўшилиб турадиган кўчманчи ҳалқнинг анимистик қарашлари ёки зардуштийликкача мавжуд бўлган асотирларнинг ва ўзга эътиқодларнинг таъсиридир.

Буддизмда ва индуизмда зардуштийликка нисбатан жонзотларга муносабат, жумладан, илонларга муносабат ҳам ўзгача — ижобий. Маъбуда ёнида юқоридаги ашёларнинг топилиши муносабати билан қадимшунос Р. Сулаймонов олға сурган фараз, балки, ҳақиқатга яқиндир. Унингча, топилган маъбуда қадим ҳиндарийларнинг умумий мифологиясига оид самовий дарё маъбудаси (худоси) образи бўлиши мумкин. Илон, аждар ва курбақалар сув маъбудаларининг доимий ҳамроҳидир. Р. Сулаймонов, X. Нибергнинг юқорида келтирилган фикрларини ривожлантириб, Сирдарё ҳавзаси ва қадимги Шимолий Ҳиндистон географик номларидаги ўҳшашликни, Сирдарё Қанқа деб аталганини (Ганга — Ҳиндистоннинг буюк дарёси) ва бошқа қизиқ маълумотларни келтиради¹. Ҳар ҳолда Афросиёб Варахша, Панжакент фрескалари, Термиз, Ерқўрғон (Қарши), Хоразм ва бошқа жойлардаги қазилмалардан чиққан ашёлар маънавиятимиз ривожланишининг иккинчи босқичида зардуштийлик нафақат ягона етакчилик мавқенини йўқотганини, балки ўзи ҳам анча трансформация бўлганини (ташқи ва ички таъсир остида шакли ва мазмунини ўзгартирганини) кўрсатади.

Бу табиий эди. Искандар Зулқарнайндан кейин вужудга келган янги Юнон-Бахтар (Бақтрия) давлатида зардуш-

¹ Рустам Сулайманов. Легенды прошлого — надежды будущего// В журнале «Ижтимоий фикр. Инсон ҳуқуқлари. Общественное мнение. Права человека». 2000 йил. 1—2 сонлар, 165—167-бетлар

тийлик эмас, биринчи ўринга юонон политеистик эътиқоди чиққан эди. Кейинчалик Кушонлар даврида Канишкандан бошлаб буддавийлик давлат динига айланди. Сўғдда ҳам ижтимоий ва сиёсий вазият, маънавий омиллар ўзгариб турди. Янгидан кириб келаётган эътиқодлар таъқиб қилинмади. Аксинча, бир-бирини алмаштириб турган сулолалар янги динлардан ўзларига мафкуравий таянч ахтардилар. Бу омиллар зардустийликни, бир оз бўлса-да, ўзгартирмаслиги, яхлит умумий, қонунийлаштирилган шаклга келишига тўсиқ бўлмаслиги мумкин эмас эди. Марказий Осиёда зардустийликнинг ягона мафкурага айланишига на маънавий-маданий, на ижтимоий-этник, на сиёсий шарт-шароит (Эрондан фарқли) вужудга келди. Маънавиятимиз ривожланишининг иккинчи босқичига оид жуда кўп ҳайкалчалар ва бошқа санъат асарлари топилган ва тўплангандеки, улар ҳақида минглаб мақолалар, юзлаб катта-кичик рисолалар мавжуд. Айрим ҳайкалчаларда ранг бўёғи ва олтин суви излари сақланиб қолган. Ўша давр ҳақида сайёҳлар ва олимлар ёзиб қолдирган маълумотларга кўра, аждодларимиз тошлардан йирик ҳайкаллар йўниб, уларни олтин суви билан бўяганлар. Хитойлик Сюан-Цзян (VI аср) аждодларимиз металл қоришмаларидан йирик ҳайкалларнинг қисмларини қандай алоҳида қуишиларини ва кейин уларни бирлаштиришларини ёзиб қолдирган. «Қадимги қанг ери» деб аталган, Қанг (олимлар тахминича, ҳозирги Самарқанд вилоятига тўғри келади) хукмдорининг ўғли бошқарган Шарқий Цао мулкининг саройида (олимлар Самарқанд вилоятининг Челак шаҳри деб фараз қиласидилар) баҳайбат олтин ҳайкал тургани, унга Каспий денгизидан шарқда жойлашган «барча мулкларда» сифинилгани эътироф қилинган. Табарий Пойқандда баҳайбат санамнинг кўзларига ниҳоятда йирик ва ялтироқ дур қўйилганини ёзиб кетган. Араблар Марказий Осиёни босиб олгач, маҳаллий санамларни қайта эритиб, жуда катта миқдорда ёмби олтин ва кумуш тўплагани ҳақида араб ва эрон муаррихлари гувоҳлик берадилар.

Бу даврдан келаётган санъат асарларида жуда кўплаб ҳайвонлар ва қушлар тасвирига, улар ифодалаган ўзига хос рамзий ва мажозий образларга дуч келамиз. Улар Авесто асотирлари ифодалайдиган ғоялардан анча чекинган, ўша пайтларга келиб шаклланган эпос ва янги эътиқодлар таъсирини ҳам акс эттирган.

Хитойликларнинг юқорида келтирилган Бейши йилномасида Бухо, Бугэ (Бухоро) хукмдори түя шаклидаги, баландлиги 9—10 қаричлик таҳтда ўтириши ҳақида маълумот берилган. Л. И. Ремпель мазкур давр Сўғд санъатидаги ва тангасидаги түя образини таҳлил этган. У юқоридаги далилни ҳам ҳисобга олиб шундай хуносага келади: түя образи нафақат асотирий мазмунга, шунингдек, рамзий мазмунга ҳам эга. Туяни тасвирилаш қўшимча тор сулолавий мазмун касб этади. Бу билан Сўғд хукмдорлари ва аввалги сулолалар ўртасида тарихий ворисийлик мавжудлиги таъкидланган. Бу рамзни биринчи кушонлар, сўнгра эфталийлар ва ниҳоят, қанг хукмдорлари (уларнинг ҳаммаси туркӣлар эди) қўллаган. Аслини олганда икки ўрқачли түя тасвири қанг уйи (хитой анъаналарига кўра, уй — мулк, давлат, сулола мазмунида ишлатилади)нинг рамзига, тамғасига айланган.

Айни пайтда түя образи бадиий ва саҳнавий безак сифатида кенг қўлланилган ва муайян-эстетик вазифаларни бажарган. Зарафшон водийсида V—VI асрларда зарб этилган түя сурати туширилган тангадаги ёзувни олимлар «қан» деб ўқишиган.

XX асрнинг буюк шарқшуносларидан бири академик Н. И. Конрад бизнинг минтақамизнинг жаҳон маданияти тарихида тутган ўрнини баҳолаб, у уч марта — биринчи марта Искандар Зулқарнайн даврида, иккинчи марта Кушон ёбғуси Канишка даврида, учинчи марта Алишер Навоий даврида — жаҳоннинг ижтимоий-сиёсий ва маънавий-маданий маркази бўлганини эътироф этади. Сўнгги ҳолатни олим адолатли тарзда Темур номи билан боғлайди: «Бу сафар Искандар ва Канишка руҳи Темурда намоён бўлди. Мен адашиб гапираётганим йўқ; Искандар ва Канишканинг руҳи, Чингизхонники эмас...»¹ — деб ёзади у. Чунки Искандар ва Канишка фақат жаҳонгирлар эмас, шунингдек, буюк яратувчилар, маданият ва маънавият ташувчилари ҳам эдилар. Темур ҳам тарихда шундай роль ўйнади.

Албатта, Н. И. Конрад мулоҳазаларини мутлақлаштирасмаслик ва нисбий тушуниш лозим. Лекин бу мулоҳазаларда чукур бир ҳақиқат яширинган — Марказий Осиё халқлари жаҳон ижтимоий-маданий жараёнининг четдаги ку-

¹ Н. И. Конрад. Средневосточное Возраждение и Алишер Навои // Избранные труды. Литература и искусство. М., «Наука», 1978, с. 91.

затувчиси бўлиб тургани йўқ. Улар бу жараённинг фаол ижодкорларидан бири эдилар.

Минтақамизнинг биринчи икки марта жаҳон ижтимоий-сиёсий ва маънавий-маданий марказига айланиши маънавиятимиз ривожланишининг иккинчи босқичига тўғри келади.

Мазкур босқич ҳақида яна шуни эътироф этиш лозим-ки, туркий алплар тўғрисидаги қадимги эпик достонлар, афсона ва ривоятларнинг асосий қисми шу босқич давомида яратилган бўлиши керак. Чунки шу даврда туркий халқларнинг янги худудларни ва минтақаларни ўзлаштириши, миграцияси анча кучайган, фаоллашган. Умуман жаҳон халқларининг буюк миграцияси айни шу даврга тўғри келади. Миграция пайтида турли тўқнашувлар, тортишувлар юз берган. Бу қаҳрамонлик эпослари вужудга келишида туртки вазифасини ўтаган.

Маркизий Осиёда бу даврда сўғд, хоразм, уйғур, турк (ўрхун-енисей), оромий, қисман юонон ва ҳинд ёзувлари кўлланилган. Турли диний эътиқодга мансуб гурухлар тегишли ёзувлардан фойдаланганлар. Эътиқодлар ва ёзувлар ранг-баранглиги, бир томондан, минтақада ранг-баранг, ўзаро бир-бирини бойитадиган субмаданиятлар ривожига шарт-шароит яратса, иккинчи томондан — маданий ва ижтимоий-сиёсий муштарақликка эришишда, ягона мафкура асосида бирлашишда маълум жиҳатдан қийинчиликлар туғдирган.

Ягона мафкуравий ва сиёсий асос йўқлиги ягона имлода битилган бадиий адабиёт ва умумий диний-дидактик, тарихий, фалсафий адабиётнинг кенг вужудга келишига, тарқалишига ва кейинги авлодлар учун сақланиб қолишига халақит берган. Тасвирий санъат ва ҳайкалтарошлиқдан фарқли, бундай тарқоқ адабиёт намуналари деярли йўқолиб кетган. Ҳукмдорлар, коҳин ва руҳонийлар ўзга динга, эътиқодга оид адабиётларни на кўчиртирганлар, на авайлаб-асраганлар.

Шу сабабли ёзма адабиётнинг, илмий ва бадиий ижоднинг ёзма мероснинг муттасил ўсиб, бойиб бориши, «томатома кўл бўлиши» жуда қийин кечган.

Эронда эса Аршакийлар замонидаёқ ягона диний мафкура асосида бирлашишга ҳаракат бошланган. Сосонийлар даврида эса, юқорида айтилганидек, зардустийлик давлат динига айланиб, бошқа динлар қаттиқ сиқувга олин-

ган. Бу эса ижод намуналарининг бир тилда, бир имлода ёзилишига, тўпланишига хизмат қилган. Натижада Авесто ҳам Эронда қайта тикланган.

Ягона мафкуравий асос йўқлиги ўз навбатида Марказий Осиё тамаддунининг яхлит, ички муштарак бўлишига (Қадимги Миср, Бобил, Ҳиндистон, Хитой, кейинчалик ислом тамаддунлари каби) халақит берган. Шу боис айрим фарб олимлари, хусусан, Арнольд Тойнби, Марказий Осиёда алоҳида ажralиб турадиган тамаддун бўлмаган деб ҳисоблайдилар. Бундай фикр, назаримизда, хатодир. Энг аввало Марказий Осиё халқлари зардустийлик тамаддунини яратди. Афсуски, юқорида келтирилган сабабларга кўра (тошдан иморатлар қурилмагани, ягона ёзув бўлмагани ва ҳ. к.), бу тамаддун нишонлари етарлича сақланиб қолмаган. Лекин унинг айрим унсурлари ҳозиргача халқимиз асотирлари, эртаклари, урф-одатларида яшаб келмоқда. Масалан, Наврӯз байрами ва у билан боғлиқ баъзи бир одатлар, иримлар. Ёки келин ва куёвнинг олов атрофида айланиши. Халқ оғзаки ижодидаги девлар, аждаҳолар ва ҳ. к. Ерга, сувга бўлган халқимизнинг муносабати, урф-одатлари ва ҳ. к. зардустийлик тамаддуни даврида шакланган маънавият унсурларидир.

Тилимизда масхара ва масхарабоз сўзлари мавжуд. Бу сўзлар Юнон-Бақтрия давридан маънавиятимизга юон театри туфайли кириб келган «о маскарас» сўзидан ясалган (маълумки, юон театрода актёрлар ўз қаҳрамонларининг ниқобини (маскасини) кийиб ролларни ижро этганлар).

Агар тилшунослик, тарихий этнография, нумизматика (тангашунослик), халқ оғзаки ижоди фани вакиллари билан бирга шарқшуносларимиз, тарихчиларимиз қадими Хитой, Ҳинд, Яқин Шарқ, юон манбаларини ҳамда археологик ашёларни синчиклаб ўргансалар, мазкур босқичдан келаётган кўплаб маданий-маънавий унсурларни тиклаган ёки ҳозир сочилиб кетган, қайта ишланиб, ўзгарган шаклларини тўплаган, ойдинлаштирган бўлар эдилар.

Кушон тангаларида туркий «ёбғу», V—VI аср Сўғд тангаларида «қан» унвони қўлланилган. Бу минтақамиз маънавияти, маданиятида қадим замонларданоқ туркий унсурлар катта роль ўйнаганининг кичик бир белгисидир.

Айнан мана шу иккинчи босқичнинг биринчи чораги охирида Буюк Ипак йўли қарор топди. Бу маданиятлар-

нинг ўзаро алоқасини, таъсирини ниҳоятда кучайтириди. Марказий Осиё Буюк Ипак йўлининг икки йўналиши — Шарқий (Хитой) ва Жанубий-Шарқий (Ҳиндистон) ҳамда Жанубий-Фарбий (Эрон—Яман—Шом—Ҳижоз—Миср) ва Шимолий-Фарбий (Итил—Булғор, Қирм—Болқон, Рум—Оврупа) тулашадиган минтақа сифатида Шарқ—Фарбнинг энг илғор ғояларини ўзаро учраштириди. Улар бу ерда отабоболаримиз заковати туфайли бир-бирига ҳамда маҳаллий халқ ютуқларига пайванд бўлдилар, янада бойитилди, янги поғонага кўтарилди. Шу сабабли биз эрамизгача III асрдан то эрамизнинг VIII асри бошигача бўлган даврда Марказий Осиёда плюралистик диний эътиқодлар, ниҳоятда бой ва ранг-баранг маънавий маданият вужудга келганинг гувоҳи бўламиз. Ҳали бу давр ўз тадқиқотчиларини кутиб ётибди.

Бизнингча, унинг ўзини Марказий Осиёнинг Иккинчи тамаддуни дейиш, балки, мумкин бўлар. Агар Биринчи тамаддунимиз маънавияти асосан илк зардуштийлик негизида шаклланган бўлса, Иккинчи тамаддунимиз маънавияти эътиқодлар хилма-хиллиги негизида вужудга келди.

Фараз қилиш мумкинки, Буюк Ипак йўли туфайли Марказий Осиёга Хитой ва Ҳинд табобати, математикаси, астрономияси ютуқлари кириб келган ва бу соҳаларда маҳаллий халқ эришган ютуқларни бойитган. Ва аксинча, бизнинг ютуқларимиз бошқа минтақаларга тарқалган.

Худди шундай юнон илми ва маданияти ютуқларининг бизгача келиши ҳам Юнон-Бақтрия давлати ва салвийлар сулоласи барҳам топганидан кейин тўхтаб қолмаган. Марказий Осиё Шарқ ва Farb ютуқлари ўзаро пайванд бўлиб бойидиган, янги сифат касб этадиган маданий-маънавий марказга, манбага айланган эди. Буни ҳамма олимлар, жумладан Арнольд Тойнби ҳам эътироф этади. Марказий Осиёда шундай кучли ижодий-интеллектуал салоҳият вужудга келган эдики, унинг таъсири Хитой ва Кореядан Шому Мисргача бир неча асрлар мобайнида, ҳатто ислом тамаддунининг энг ривожланган йилларида ҳам давом этди. Боз устига, ислом тамаддуни, маънавияти ва маданиятига бебаҳо ҳисса қўшди. Масалан, Бағдодда Ҳорун-ар-Рашид асос солган «Байтул ҳикма»да Маъмун даврида амалга оширилган энг буюк оригинал тадқиқотлар ва қашфиётлар, кейинги асрларда ислом оламида табиатшунослик ва тиббиёт, фалсафа ва

тилшунослик, диний илмлар соҳасидаги кўпгина ютуқлар Марказий Осиёдан чиққан бизнинг аждодларимиз номи билан боғлиқ.

Бежиз ал-Хоразмий ҳинд математикаси ютуқларини қайта ишлаб ўнлик системаси, сонлар позицияси ва умуман ҳозирги математик тафаккурга асос солмаган. Хоразмий таълимоти айнан буюк пайвандга, унинг асосида принципиал янги сифатдаги тафаккур, идрок ва илм вужудга келишига мисолдир. Аждодларимиз ёрдамида, воситачилигида маданиятларнинг бундай ўзаро таъсири ва бир-бирини бойитиши ўша даврларда бошланган эди.

Савдо карvonлари билан табиблар, хунармандлар, машшоқлар, актёрлар Буюк Ипак йўли бўйлаб ўзларига омад ва даромад излаганлар, олимлар эса саёҳат қилиб оламни ўргангандар, ўзга юртлардаги ҳамкаслари билан суҳбат куриб, фикр алмашганлар. Бу ўша даврда анча демократик ва ижодий руҳдаги маънавий муҳитни вужудга келтирган. Буюк Ипак йўлининг маданий алоқаларни ривожлантириш, турли минтақаларда яшайдиган халқлар маънавиятнинг ўзаро бир-бирини бойитишига қўшган ҳиссаси ниҳоятда бекиёсdir.

Савдо карvonлари орқали халқлар нафақат ранг-баранг моллар, моддий маҳсулотлар билан ўзаро алмашган, шунингдек, илфор илмий, адабий, бадиий, ахлоқий, хукуқий, диний ғоялар, санъат асарлари ва айрим ишлаб чиқариш технологиялари билан ҳам алмашганлар. Бунга мисол қилиб адабиётда ва халқ оғзаки ижодида кенг тарқалган сайёр сюжетларни келтириш жоиз.

Ҳиндистондан «Калила ва Димна» шимолга ва ғарбга қараб, Юнонистондан Эзоп масаллари шарққа қараб тарқалган.

Рус олими И. С. Лисевич Эзопнинг «Деҳқон ва унинг ўғиллари» масали сюжетининг шарқ мамлакатларига тарқалишини тадқиқ этган. У хитой, тибет, ҳинд, мӯғул, грузин, рус, Ўрта Осиё халқлари ва бошқалар орасида ушбу сюжет тарқалганини аниқлаган ва мисоллар келтирган.

Сўғд тилидаги монийликка оид матн парчаларида дуртешгич уста тўғрисида ҳикоя қилинади. У эрталабдан кечгача ишламасдан хожаси учун най чалади. Кечқурун эса иш ҳақи талаб қиласди. Мазкур сюжет биздан Ҳиндистонга бориб, масалга айланган, сўнг «Калила ва Димна» орқали Буюк Ипак йўли бўйлаб тарқалган. Уйғурча матнлар ора-

сида Бодхисатва тўғрисидаги ривоятнинг монийча талқинни топилган. Айнан шу монийча талқин кейинчалик Эрон, Сурья ва араб мамлакатларига тарқалган ва жуда машҳур бўлган. Охири Оврупога бориб Варлаам ва Иосафат тўғрисидаги ривоятга айланган.

Китобат санъати, кўлёзмаларни суратлар билан безаш III асрдаёқ жуда юксак даражага кўтарилган. Безатилган китоблар орасида энг машҳури Моний ўз кўли билан Туркистон горларидан бирида яратган «Артанг» («Аржанг») китоби ҳисобланган. Бу китобни 1092 йилда Абул Маъали Фазнавийлар хазинасида кўрган, лекин у бизнинг давргача етиб келмаган (Ғўрийлар фазнавийлар саройига ўт кўйганда ёниб кетган бўлиши мумкин).

Хулоса қиласидаги бўлсак, ислом кириб келиши арафасида шаклланган маданият ва маънавиятни кўп қиррали, бир неча диний-фалсафий қарашлар, ранг-барангоялар асосида шаклланган, мужассамлашган плюралистик маданият ва маънавият дейиш ўринлидир.

Марказий Осиёда араб истилоси арафасида маънавият ва мафкурада, юқорида таъкидланганидек, ягона дин ҳукмронлигини ва бошқа динларнинг таъқиб қилинишини кўрмаймиз. Албатта, турли динлар ва эътиқодлар бор экан, улар ўртасида рақобат ва кураш ҳам бўлади.

Бу кураш баъзан кескинлашиб, ножӯя кўринишларда кечиши мумкин. Лекин бирор диннинг давлат мақомини олиши ва ўз рақиблари билан курашда давлатнинг кучидан фойдаланиши — бу мутлақо бошқа гап.

Бизнинг аждодларимизга диний бағрикенглик хос бўлган. Шу сабабдан улар илм-фанда, санъатда ва ижодда юксак натижаларга эришганлар.

Юқорида эътироф этилганидек, Марказий Осиёнинг ҳар иккала тамаддунига ўзбек халқи, шунингдек, бошқа қўшни халқлар ҳам ворисдир. Бинобарин, ўзбек халқи маънавияти шаклланиши ва ривожланишининг дастлабки икки босқичи шу даврларга тўрри келди.

Маънавиятимиз ривожланишининг учинчи босқичи ислом тамаддунининг вужудга келиши билан боғлиқ. Ислом Марказий Осиёга VII аср бошларида узил-кесил кириб келди ва аста-секин ўз мавқенини мустаҳкамлаб, бошқа эътиқодларни сиқиб чиқара бошлади. Бу жараён бирданига ва силлиқ кечгани йўқ, албатта. У қонли тўқнашувлар, жангу жадаллар, аввалги мафкураларни, ислом талабла-

рига зид маънавий фаолият ва ижодни тақиқлаш, зарур келганда, таъқиб ва қатағон қилишлар билан бирга олиб борилди.

Исломни қабул қилганлар моддий ва ижтимоий-сиёсий жиҳатдан рафбатлантирилди, қабул қилмаганлар ортиқча солиққа — жузяга тортилди, нуфузли мансабларга тайинланмади ва ҳ. к.

Аҳолининг норозиликлари, қўзғолонлар шафқатсиз бостирилди. Абу Райҳон Беруний шундай далолат берган: «Кутайба ибн Муслим ал-Баҳилий хоразмликларнинг котибларини ҳалок этиб, билимдонларини ўлдириб, китоб-дафтарларини куйдиргани сабабли улар саводсиз қолиб, ўз эҳтиёжларида ёлаш кувватига суннадиган бўлдилар»¹.

Ислом бизни маънавий маданиятилизнинг баъзи шакларидан жудо қилди. Ҳайкалтарошлиқ, рангтасвир ва умуман мусаввирилик (китоб миниатюрасидан ташқари), профессионал театр (масҳарабоз, асқиябоз ва дорбозлардан ташқари) аста-секин барҳам топди. Мусиқа, рақс, ашула қатъий чекланди. Санъатнинг бу турлари билан шуғулланадиган усталар Буюк Ипак йўли бўйлаб Шарқу Фарбга, Жануб ва Шимолга тарқаб кетди. Бу ҳақда юқорида айтилган эди. Лекин исломнинг кириб келиши жуда кўп жиҳатдан фойда ҳам келтирди. Ислом инсоният тарихида жуда катта минтақани, кўплаб ҳалқлар ва миллий маданиятларни қамраб олган янги тамаддунга foявий-мафкуравий асос бўлди. Ислом тамаддуни IX–XII асрларда ниҳоятда буюк, самарали, жаҳондаги энг илфор ва тараққийпарвар илм-фани, адабиётни, фалсафани, ахлоқни, ҳукуқни, таълим-тарбияни — маънавий маданиятни яратди. Янги илфор дунёқарашга мувофиқ моддий маданият — ишлаб чиқариш, ҳунармандчилик, савдо, шаҳарсозлик ривожланди.

Исломни қабул қилган мамлакатларда ибодат ва илм-фан тили сифатида араб тилининг миллатлараро алоқа воситасига айланиси Испаниядан Ҳиндистону Индонезиягача, Итил бўйларидан Саҳрои Кабиргача бўлган ҳудудда яшайдиган ҳалқларнинг ижтимоий-маданий тажрибасини умумлаштиришга, уларнинг бир-биридан ўрганишига ва маданиятларининг бойишига имкон яратди.

¹ Абу Райҳон Беруний. Танланган асарлар. 1-жилд, Т., «Фан», 1960. 84-6.

Илк исломга хос демократизм, жамиятнинг янгиликларга очиқлиги, ижтимоий сафарбарликнинг юксаклиги янги тамаддуннинг муваффақиятини белгилади. Ислом тамаддуни ўша даврда нафақат мусулмон мамлакатлари маънавий-маданий ютуқларини тўплади ва муштараклаштириди, балки деярли бутун дунё халқлари ютуқларини ҳам тўплади ва ўзлаштириди.

Қадимги юон ва ҳинд файласуфлари, риёзатчилари, муҳандислари, астрономлари, тиббиёт олимлари яратган асарлар араб тилига таржима қилинди. Тарихий маълумотларга қараганда, Бағдоддаги «Байтул ҳикма»да («Ҳикматлар уйи») — амалда дунёдаги биринчи фанлар академияси) дунёнинг турли бурчагидан тўрт юз минг китоб йигилган, таҳлил қилинган ва илмий қимматга эга бўлганлари арабчага афдарилган. Мана шу далилнинг ўзиёқ, ислом тамаддунининг жаҳон маданияти ривожига қўшган ҳиссасини кўрсатиб турибди. Эслатиб ўтиш лозимки, қадимги юон фанининг талай асарлари фақат араб тилига қилинган таржималари орқали сақланиб қолган.

Марказий Осиё халқлари маънавияти ҳам ислом тифайли тубдан ўзгарди. Биринчидан, аждодларимиз маънавияти аста-секин ягона мафкуравий асосга кўчди. Иккинчидан, маънавий маданиятимизнинг йирик йўқотишларига қарамасдан, алломаларимизнинг ислом доирасида рухсат этиладиган ижод турлари, биринчи навбатда, жаҳон миқёсидаги илм-фан ютуқлари билан танишиш ва шуғулланиш имкониятлари кенгайди.

Учинчидан, ислом нафақат маданий-маънавий, шунингдек, кўп жиҳатдан ижтимоий ва сиёсий муштаракликни ҳам таъминладики; бу халқнинг ақлий-ижодий ва амалий-яратувчилик куч-ғайратини, салоҳиятини бирлаштиришга хизмат қилди.

Бу даврда халқимиз орасидан энг буюк қомусий алломалар етишиб чиқди. Хоразмий ва Фарғоний, Форобий ва Марвазий, Беруний ва Ибн Сино, ар-Розий ва Ибн Ироқ, Маҳмуд Кошгарий ва аз-Замаҳшарий, Қозизода Румий ва Фиёсiddин Жамшид Кошний, Улугбек ва Али Кушчи сингари қомусий олимлар, ал-Бухорий ва Исо ат-Термизий, ал-Мотуридий ва Нажмиддин ан-Насафий, Аҳмад Яссавий ва Нажмиддин Кубро, Абдухолиқ Фиждувоний ва Баҳоуддин Нақшбанд каби шаръий илим даҳолари, Азизиддин Насафий ва Бурҳониддин Марғиноний каби файла-

суф ва ҳуқуқшунослар, Рудакий, Юсуф Хос Ҳожиб, Аҳмад Юғнакий, Фирдавсий, Жомий ва Навоий каби улуғ шоирлар, кўплаб бошқа атоқли алломалар — тиббиёт, тарих, жўрофия, риёзиёт, ҳандаса, фалакиёт ва бошқа илм аҳдлари, буюк меъморлар, мусиқачилар, мусаввирлар, хаттотлар етишиб чиқдилар.

Биз ҳозир сўз юритаётган учинчи босқичнинг ўзини бир неча кичик давларга бўлиш мумкин. Масалан, VIII асрдан XIII аср 20-йилларигача (мўғул истилосигача), мўғул истилоси даври, Темур ва темурийлар даври. Маънавиятилиз ривожланишининг тўртинчи босқичи ҳам тўлиқ ислом мафкураси ҳукмронлигига кечган.

Ўзбек халқи маънавияти ривожланиши учинчи босқичнинг хос хусусиятларидан бири — бутун ижтимоий ҳаёт каби, маънавий ҳаётга ҳам дастлаб шиддаткорлик, янгилишига ва янгиликларга интилиш, билимга чанқоқлик, кашибофлик руҳи кучлилиги ва унинг аста-секин сусайиб боришидир. IX—XII асрларда маънавий ҳаётда рационалистик, яъни ақлга, мантиққа асосланган тафаккур тарзи устунлик қилди. Хоразмий, Фарғоний, Форобий, Беруний, Ибн Сино каби универсал илмий даҳолар, қомусий олимлар, ал-Бухорий, ат-Термизий каби буюк муҳаддислар, Мотуридий ва Абул Муин Насафий каби мутакаллимлар, Бурҳониддин Марғиноний каби буюк фиқҳшунослар кўплаб атоқли дунёвий ва диний билим соҳиблари ижоди айнан шу даврга тўғри келади.

Улар ҳақиқатан илм излаб Ҳиндистону Ҳижоз ва Мисрагача бориб келганлар. Йирик олимлар билан учрашиб фикр алмашганлар, ҳатто Фарғоний ва Хоразмий Байтул ҳикмага, Беруний Фазнавийлар саройидаги олимларга раҳбарлик қилишган. Бу даврда Хоразмда бизнинг замондошларимиз томонидан Маъмун академияси номини олган илмий марказ вужудга келган.

Лекин эътироф этиш керакки, X асрдан бошлаб аста-секин маънавиятизизда иррационал, мистик тафаккур унсурлари, яъни ақл ва билим кучига, мантиққа унчалик ишонмайдиган, сир-асрор ва ғайришуурий ҳодисаларни ортиқча баҳолайдиган тафаккур унсурлари жонлана бошлаган. Айниқса дин борасида иррационализм ва мистика кучая борди. Илк ислом даврида ривожланган муҳаддислик, шариат асослари ва фиқҳ, қалом илмлари асосан рационализмга таянар эди. Чунки исломнинг ҳуқуқий ва фал-

сафий асослари, ибодат амалиёти мантиққа, ақлга зид бўлиши мумкин эмас эди. Шу боис, илк ислом учун илм-фанга, мантиққа, рационал тафаккур юритишга интилиш табиий эди.

Аммо ислом ўз мавқенини мустаҳкамлаб, ижтимоий ва маънавий ҳаётни ўзига бўйсундириб, ўз ижодий салоҳиятини, куч-ғайратини бирмунча сарфлаб борган сайин, унга бидъат унсурлари кириб кела бошлади.

Тан олиш керакки, илм-фан, рационал билимлар ўз тарихий даврининг имкониятларидан ажралиб кета олмайди. Улар бир оз олға кетиши ёки бир оз ортда қолиши мумкин. Шу сабабдан ҳар даврда илм-фан тушунтиришга ожизлик қиласидаган ҳодисалар, жавоб бера олмайдиган кўплаб саволлар, муаммолар мавжуд бўлади. Уларни илмий рационализм, мантиқ асосида эмас, фаҳм-фаросат, ички бир туйғу, тахмин, фараз, умумий эътиқоддан келиб чиқиш орқали тушунтиришга тўғри келади. Айниқса ҳаётнинг, борлиқнинг моҳияти, фалакиёт ва руҳият масалалари фан тўла ва қониқарли жавоб беришга аввал ҳам, ҳозир ҳам қийналадиган соҳалардир. Умуман табиатда, жамият ҳаётида турли тасодифлар, ноёб, ғайриодатий ҳодисалар учрайди. Балки, келажакда уларнинг табиати яхшироқ маълум бўлар. Биз учун мўъжиза, сир ҳисобланган айрим ҳодисалар авлодларимиз учун оддий ва тушунарли ҳодисага айланар. Бизнинг аждодларимиз учун 1—2 аср илгари мўъжиза, англаб етмас сир ҳисобланган нарсалар биз учун бугун оддий ҳолат. Лекин ҳар бир даврнинг фан ечишга ожизлик қиласидаган сир-асорори ва уларни тушунтиришга интилядиган мистик таълимотлар бўлади.

Мистик таълимотларни фирибгарлик ёки юзаки мулоҳазабозлик деб баҳолаш мумкин эмас. Фирибгарлар, саёз сафсатабозлар барча соҳаларда, жумладан, фанда ҳам учрайди. Мистик таълимотлар шаклан кўпинча жуда жиддий бўлади, нарса ва ҳодисаларнинг сабабиятини, барча табиий, ижтимоий, руҳий жараёнларни ғайритабиий кучларга, инсон ақли етмайдиган хилқатга, ҳақнинг мутлақ иродаси ва сир-синоатига олиб бориб тақайди.

Рационализмга асосланган калом илмини аста-секин мистикага асосланган тасаввуф сиқиб чиқара бошлади. Буюк мутакаллимлар ўрнини буюк мутасаввуфлар (сўфийлар) эгаллади. IX асрда яшаган атоқли аждодимиз Ҳаким ат-Термизий ижолидаёқ мистика катта ўрин эгаллаган. XI—

XII аср охирига келиб минтақамизда кучли сўфийлик оқимлари вужудга келди. Булар сұхравардия, яссавия, кубравия оқимларидир. Бу даврда Абдухолиқ Фиждувоний асос солған бошқа бир сўфийлик таълимоти — хожагоний тариқати ҳам мавжуд эди. Кейинчалик бу таълимот буюк Баҳовуддин Нақшбанд туфайли (XIV аср) тубдан бойитилган ва тугалланган тизим шаклига келтирилган. Шу боис унинг номи нақшбандия деб ўзгартирилган.

Тасаввуф маънавиятимиз тарихида жуда мураккаб ўрин эгаллади. Масалан, у минтақада фалсафа илми ривожланишига жуда кучли таъсир кўрсатган. Бир томондан, фалсафа илмини тасаввуф янги ёндашувлар, тушунчалар, унсурлар, усувлар билан бойитди. Фалсафани анча «исломлаштириди», аристотелизм ва неоплатонизм таъсиридан халос қилди. Лекин иккинчи томондан, фалсафани ўз илмий негизи — рационализм ва илмий мантиқдан, илмий тадқиқот обьекти — воқеаликдан ажратиб кўйди. Тасаввуф таълимотлари мистик тафаккурнинг энг жиддий, энг кучли ва маънавиятимиз, айниқса, адабиётимиз ва санъатимиз тарихида энг таъсирчан кўринишидир. Адабиётимиз ривожланишига, жумладан, Навоий ижодига тасаввуф анча ижобий таъсир кўрсатди. (Эрон ва Озарбайжон адабиёти ҳақида ҳам шундай дейиш мумкин.)

Аммо оқибат натижада мистик таълимотлар умум ижтимоий-маданий, ҳаёт миқёсида реал самара бермайди. У илм-фаннынг, техник ижодкорликнинг, ишлаб чиқариш ва иқтисодиётнинг, оқилона тарзда такомиллашиб (рационаллашиб) боришига халақит беради ва эртами-кечми та-наззулни, инқирозни барибир келтириб чиқаради.

Шарқ маънавиятининг, умуман тамаддунининг тарихи — унинг дастлаб кучли ривожлангани ва кейин астасекин таназзулга, инқирозга юз тутгани буни исботлаб турибди.

Марказий Осиё ҳалқлари маънавияти ривожланиши тарихида ҳам XII аср охиридан бошлаб табиатшунослик илми бир оз сусайтанини кўрамиз. Жиддий, номи тарихда қолган табиатшунослик илми вакиллари бу даврда ҳам кўп эди. Аммо, ҳар ҳолда, бу даврдан бошлаб XV асрғача Улугбек ва унинг сафдошларига қадар, Форобий, Хоразмий, Фарғоний, Беруний ва Ибн Синога тенг илм-фан даҳолари чиққани йўқ. Аксинча, Яссавий, Кубро ва кейинчалик

Нақшбанд сингари тасаввуф даҳолари чиқди. XIII аср 20-йилларидан мӯғул истилоси бошланди.

Мӯғул истилоси Марказий Осиёга мислсиз вайронагарчиликни олиб келди. Сув тӯғонлари, суғориш тизими бузилди. Шаҳарларнинг ярмидан кўпи ер билан текисланаб ташланди ёки жиддий заарар кўрди. Кутубхоналар, маданият ўчоқлари шаҳарлар билан бирга ёниб, тупроқقا кўмилиб кетди. Миллионлаб аҳоли қатл қилинди. Улар орасида олимлар, адиллар, Нажмиддин Кубро сингари буюк дин арабблари, маънавиятимиз ва маданиятимизнинг яратувчилари бор эди.

Оддий халқ турмушининг, биринчи навбатда деҳқонлар ва шаҳар аҳолиси турмушининг ўта қашшоқланиб кетиши, зўравонлик олдидаги чорасизлик, иложисизлик, ҳаётнинг бадбаҳтилиги аҳоли ўргасида диний онгнинг, кайфиятнинг мистик йўналишда ривожланишига хизмат қилди. Одамлар турли азиз авлиёлардан, эшону пирлардан ижтимоий мўъжиза, юпанч ва руҳий мадад кутишга ҳаддан ташқари мойиллик кўрсата бошлади.

Темур ва темурийлар даврида биз яна илм-фан ва адабиёт, санъатнинг гуллаб-яшнаганини кўрамиз. Бу даврни том маънода маънавий Уйғониш даври дейиш мумкин. Лекин кўп сабабларга кўра, темурийлар давридаги ютуқлар, ижобий интилишлар кейинги асрларда жамият тараққиётининг асосий йўналишига, ортга қайтмас тенденциясига айланмади.

Мӯғул истилоси халқимиз маънавиятига, умуман, ислом тамаддунига шундай қақшатқич зарба бердики, ундан кейин ислом дунёси Амир Темур, темурийлар ва усмонли турклар вақтida бир неча йирик ҳарбий-сиёсий ғалабаларга эришса-да, бир неча муддат илм-фан ва маданият юксалса-да, Улуғбек мактабини ҳисобга олмагандা, ўзининг IX–XII асрлардаги жаҳондаги сўзсиз етакчилик мавқенини қайта тиклай олмади, тараққиёти сусайиб, XVII асрдан тўхтаб қолди ва ортга кетди. Аждодларимизнинг ислом тамаддунига қўшган ҳиссаси, жумладан, темурийлар даври ҳақида кейинги бобларда алоҳида тўхталамиз. Ҳозирча миллий маънавиятимизнинг ривожланиш босқичлари тўғрисида сухбатни давом эттирасак.

Маънавиятимиз ривожланишининг навбатдаги босқичи – бу аввал эришилган ютуқларни қўлдан бой бериб, жаҳоннинг энг тараққий этган, юксак маънавиятидан унинг қолоқ, чекка ўлка маънавиятига айланишидир.

Бу босқич XVI аср иккинчи чорагидан то XIX аср ўртасига қадар бўлган даврни, яъни уч ярим асрни қамраб олади.

Темурийлар даврида қайта уйғонган, оламшумул ютуқларни қўлга киритган миллий маънавиятимизда ташвишли белгилар XV аср 40-йилларидан кўзга ташланса бошлади. Темурийлар ўртасида айирмачилик Шоҳруҳ кексайгани сайин авж олди. Кўчманчи ўзбекларнинг Мовароуннахрга хуружи кучайди. Бундай ноқулай сиёсий шароитга мувозий равишда диний мутаассиблик ҳам зўрая бошлади. Оқибат-натижада Улуғбек ўлдирилди.

Улуғбекнинг қатли шунчаки буюк шахс фожиаси эмас, балки ислом оламида, жумладан, бизнинг мамлакатимизда X асрдан бошлаб илмий рационализм ва диний мистика ўртасида гоҳи зимдан, гоҳи очиқча кетаётган курашда илмий рационализмнинг мағлубияти эди. Агар Улуғбек қатли фақат тож-тахт талашувига бориб тақалганда эди, унинг мактаби сақланиб қолган, унинг ишини Али Кушчидек атоқли шогирди давом эттирган бўлар эди. Аммо масала чуқурроқ сабаб — ислом тамаддунининг ижодкорлик руҳи пасайиб, унда анъанавий жамият унсурлари кўпайиб бораётгани билан изоҳланади.

Мовароуннахрда Улуғбек мактаби барҳам топгач, табиатшунослик соҳасида на Мовароуннахрнинг ўзида, на Хурсонда, на Эронда, на ислом оламининг бошқа бирор минтақасида бундай йирик мактаб қайта вужудга келмади. Бир оз муддат табиатшуносликка оид илм-фан усмонли туркларда (Али Кушчи ҳам бежиз Истанбулга бориб ижодини давом эттиргади), Бобурийлар даврида Ҳиндистонда ривожланди. Лекин жаҳон миқёсида етакчи мавқега эга бўлмади, йилдан йил пасайиб бораверди. Тўғри, табиатшуносликдан фарқли, адабиёт, санъат, меъморчилик, тарихнавислик Ҳусайн Бойқаро ва Навоий даврида Ҳиротда кучли ривожланди. Шайбонийлар даврида дастлаб Самарқанд, Тошкент, Шоҳруҳия ва айниқса, Бухорода ғаданият, ижод ривожи анча баланд бўлганининг, кўплаб санъаткорлар мамлакатнинг турли жойларидан тўпланганининг гувоҳи бўламиз. Улар орасида кўплаб ҳиротликлар ҳам бор эди. Китоб миниатюраси юртдошларимиз Музаҳҳиб ва Муҳаммад Мурод ижоди туфайли ҳатто илгариги даврга нисбатан ҳам равнақ топди. Лекин XVI аср давомида аста-секин маданий таназзул бошлан-

ди, аксинча, анъанавийлик эса кучайиб бораверди. Жамиятимиз тобора ёпиқ жамиятга айлана бошлади. Кўшнилар билан маданий алоқалар сусайиб кетди. Шиавий Эрон Хурносонни босиб олгач, исломнинг икки оқими ўртасида Эрон шоҳи Исломид давридан бошлаб бутун сафовийлар сулоласи давомида ўзаро бегоналашиш кучайиб борди. Натижада, шиавий Эрон ва сунний Мовароуннахр, шиавий Эрон ва сунний Афғонистон ва Шимолий Ҳиндистон, шиавий Эрон ва сунний Яқин Шарқ, Миср мамлакатлари ҳамда Туркия ўртасидаги маданий-маънавий алоқаларга катта путур етди. Эрон ўртада ажратиб турдиган шарқий ва гарбий сунний ислом мамлакатлари алоқалари ҳам сусайиб қолди.

Бунинг устига Америкага ва Ҳиндистонга сув йўлиниң очилиши туфайли Буюк Ипак йўли ўз аҳамиятини йўқотди. Европаликлар ҳам, осиёликлар ҳам бора-бора ундан фойдаланмай қўйдилар. Туя карвонлари сув кемалари карвонлари билан рақобат қила олмас эди. Марказий Осиё темурийлар ва Алишер Навоий замонасида эски дунёning яна қайта маънавий-маданий марказига айланган эди. Энди у маънавий-маданий борада Шарқнинг кўп қадимги мамлакатлари Хитой, Ҳиндистон, Миср каби анъанавий, мудом барқарор, ҳеч қандай ташаббусга, ижтимоий сафар-барликка, туб янгиланишга эҳтиёж сезмайдиган жамиятга айлана бошлади, йилдан йил аввалги ютуқларини қўлдан чиқараверди. Албатта, бу бирданига рўй бериб қолгани йўқ. Айрим ҳукмдорлар орасида вазиятни ўзгартиришга уринишлар ҳам бўлди. Аммо тарихий тараққиётнинг чизиги умуман пастга қараб йўналган эди. Шу сабабли уларнинг уринишлари, айрим ободончилик ишларидан ташқари, катта самара бермади.

Сиёсий ривожланиш ҳам парокандаликка қараб кетди. Оқибат-натижада Марказий Осиё бир-бирига рақиб, мутаассибликда бир-биридан ўтадиган уч давлатга бўлиниб қолди.

Биз келгуси бобларда анъанавий жамият хусусиятлари ва унинг маънавиятга таъсири тўғрисида маҳсус тўхтала-миз.

Энди навбатдаги бешинчи босқич ҳақида фикр юритсак. Маънавиятимиз ривожланишининг бу босқичи рус истилосидан бошланди. XIX асрнинг 50—60-йиларида руслар Марказий Осиёнинг катта қисмини босиб олдилар, қолган қис-

ми эса яриммустамлака давлатларга айланди. Маънавияти-
миз ривожланиши мустамлакачилик босқичини икки кичик
даврга бўлиши мумкин: чоризм даврига ва совет даврига.

Чоризм даврида истилочилар минглаб осору атиқала-
римизни, қўләзмаларимизни, маънавиятимизни акс эт-
тирган нодир буюмларни талон-торож қилдилар. Тари-
хий хотирамиздан жудо қилишга ҳаракат қилдилар. Тур-
муш тарзимизнинг асослари Россия империяси тартиб-
лари, талаблари, қонунларига мувофиқ қайта қурилди.
Бу ассимиляторлик сиёсатининг ижтимоий ва иқтисо-
дий асослари эди. Маънавий-мафкуравий борада ҳам чор
хукумати маънавиятимизга қарши чуқур ўйланган чора-
лар кўрди, катта бузғунчилик ишлар қилди. Дастробки
айрим қўпол хатти-ҳаракатлар натижа бермагач, маҳал-
лий халқнинг маданий савияси ва эътиқоди Россия илга-
ри босиб олган халқларнидан анча баланд ва мустаҳ-
кам эканлиги маълум бўлгач, чор хукумати ўз сиёсатига
маккорона ўзгаришлар киритди.

Халқни тарихий хотирасидан жудо қилиш, диний эъти-
қодини пасайтириш ва, аксинча, православие динига қизи-
қишини ошириш, рус маданияти устунлигига ишонтириш
юзасидан ташвиқот ва тарғибот ишлари олиб борилди. Ҳатто
Инжили шарифни ўзбек тилида Н. Остроумов ўз таржима-
сида нашр қилишни бошлади. Маҳаллий халқ болалари учун
рус-тузем мактаблари очилди. Жадидларнинг мактаб ва
таълим соҳасида ислоҳотлар ўтказишга уринишларини эса
чор маъмурияти қўллаб-кувватламади. Аксинча, энг илфор
жадид мактаблари ва нашрларини тақиқлаб келди.

Биз ҳозир аниқ мисоллар ва воқеалар устида тўхталиб
ўтирумаймиз. Лекин бир нарсани таъкидлашни истардик: чоризм даврида ижтимоий турмушнинг иқтисодий, сиё-
сий, хукуқий соҳалари очиқласига Россияга мослаштирил-
ди. Улардан миллийлик хусусиятлари, яъни миллий ман-
фаатларни акс эттирувчи жиҳатлар сиқиб чиқарила бош-
лади. Ижтимоий ҳаётнинг маънавий-маданий соҳасида эса
ассимиляторлик сиёсати анча «нозикроқ», кўпроқ яrim
яширин, зимдан олиб борилди.

Чоризм давридаёқ, маънавиятимизда исломнинг етак-
чи мавқеи анча заифлашди. Дунёвийлик ва Farb меъёрла-
ри, гоялари ижтимоий онгта, маданиятга аста-секин ки-
риб кела бошлади (Фурқатнинг театр, гимназия тўғриси-
даги шеърларини ва ш. к. ҳодисаларни эсланг).

Миллий мустақилликнинг йўқотилиши, поймол бўлган миллий ғуур ҳалқнинг илфор зиёлиларини кўп асрлик уйқудан уйғотди. Улар маърифатга, янгиликларга интилмасдан, ижтимоий тараққиётга эришмасдан, истиқололга эришиб бўлмаслигини тушуниб етдилар. Айниқса жадидлар бу борада амалий ишга — ҳалққа зиё, маърифат тарқатишга, илфор ғояларни ёйишга киришдилар.

Жадидчилик — миллий онгнинг уйғониши, таълимни куйидан ислоҳ қилиш ҳаракати, маънавий юксалишга интилишдир. Жадидчилик мустамлакалик даври маънавиятининг энг ёрқин, марказий саҳифаларини ташкил этади. У XIX аср охиридан таҳминан Сталин қатағонларигача бўлган даврни қамраб олади. Унинг бошланиши чоризм тузумига, зўравонлик билан барҳам топиши эса совет даврига тўғри келади. Жадидлар маънавий маданиятилиздаги энг буюк ўзгаришларни бошлаб бердилар: миллий мактаб, миллий матбуот, миллий профессионал театр ва янги миллий адабиёт (драматургия, роман жанрлари)ни ривожлантиргилар. Тўғри, жадидлар даврида янги соҳалар—театр, драматургия ва ш. к. ҳали такомил топган эмас эди. Аммо жадидлар бу соҳаларнинг миллий маданиятилиздаги кашшофлариdir.

Совет даврида маънавиятилиз ривожланиши ўзининг миллий асосларидан, диний-фалсафий дунёқарашидан зўравонлик билан кучли даражада ажратилди. Жанговар атеизм, синфиийлик ва партиявийлик, қўпол, дағал материализм маънавиятилизнинг асосий тамойилларига айлантирила бошланди. Тараққиётда, жумладан, маънавий ҳаётда ворисийлик бузилди. Нафақат жадид ғоялари тақиқланди, балки уларнинг ўzlари ҳам жисмонан йўқ қилинди. Жадид бўлмаган зиёлиларнинг ҳам энг истеъдодли, қобилиятли қисми қатағон қилинди. Имло икки марта ўзгартирилиб, ҳалқнинг асосий қисми маданий меросдан тўла жудо қилинди.

Совет ҳокимияти «шаклан миллийлик»ни ривожлантиришига эътибор берса-да, мазмунан маданиятларни бир хил ғоявий асос — марксизм-ленинизм талабларига мослаштирди. Яъни мазмунан маданиятларнинг сунъий асимиляцияси бошлаб юборилди. Натижада ўзининг миллий тарихий негизларидан ажралган, аммо янги асосларга тўлиқ ўтишга улгурмаган (айниқса турмуш маданиятида, урф-одатларда, ахлоқда) оралиқ — маргинал маданият вужудга келди.

Маргиналлик маънавий маданият учун доимий ҳолат бўлолмайди. У маданиятнинг миллийлигидан жудо бўлиши олдиаги ўткинчи ҳолатдир. Шу боис унга қисман миллий нигилизм — ўз ўтмишини қолоқ деб баҳолаш ва уни инкор қилиш хос бўлади. Миллий нигилизм миллий номукаммаллик туйгусини келтириб чиқаради. Бу туйгу ўз миллатини қайси бир миллатлардан ақлий-ижодий ва яратувчилик борасида пастроқ деб ҳисоблайди, унинг ақлзаковатига, имкониятларига, келажагига ўнчалик ишонмайди. Миллий номукаммаллик — жуда хавфли туйгу. Чунки у миллатнинг ташаббусини бўғади, тақдири ва келажагига нисбатан бефарқлик муносабатини, пинҳона ижтимоий тушкунликни озиқлантириб туради.

Совет даврида рус бўлмаган собиқ СССРнинг барча халқларида рус халқига нисбатан «нозиклаштирилган» тарзда миллий номукаммаллик туйгуси шакллантириб борилди. Бу коммунистик мафкуранинг, совет таълим-тарбия тизимининг энг хавфли, маккорона иши эди. Унинг оқибатида миллий қадриятлар жамият назарида қадрсизлана бошлади. Жамиятда маънавиятсизлик тобора хуруж қилди.

Лекин бу дегани халқ ёппасига маънавиятсиз бўлиб қолди, ўз миллийлигидан тўла ажралди дегани эмас. Халқ орасида доимо миллий қадриятларни авайлаб-асраб «асрлардан опичлаб ўтган» фидойилар бўлади. Гап бу ерда миллийлигимизнинг йўқолиш даражаси ҳақида эмас, балки миллий маънавиятимизнинг мустамлакачилик давридаги ривожланиш тенденциялари ва хусусиятлари ҳақида кетяпти. Вужудга келган бундай нохуш тенденция миллатнинг пешқадам, халқпарвар намоёндаларини жуда ташвишга солиб келди. Улар халқнинг миллий ўзлигини англаши учун турли усуllар билан курашдилар.

Чоризм ва совет даврининг дастлабки йилларида очиқ кураш, куролли қўзғолонлар ва миллий озодлик ҳаракатининг турли усуllари кўлланилди. Халқимиз кўплаб қурбонлар берди. Совет даврининг кейинги йилларида эса очиқ кураш воситалари танланмаса-да, миллатнинг илфор вакиллари имкон топилган даражада халқнинг кўзини очишга, уни ватанпарварлик, она заминга, Ўзбекистонга, ўтмиш маданиятимизга садоқат ва муҳаббат руҳида тарбиялашга эътибор бердилар. Совет цензурасига мослашиб бўлса-да, айrim буюк аждодларимиз ҳақида рисолалар битилди, улар ижодининг бир қисми ўзбек тилига ағдарилиб, нашр этилди. Бу

халқقا ўтмишда бизнинг аждодларимиз қандай буюк даҳолар етиштирганини, улар ўз даврида дунёнинг энг етакчи, ривожланган халқларидан бири бўлганини эслатиб турди. Адабиётимизда олтмишинчи йиллар ўрталаридан миллий гуурни куйловчи асарлар пайдо бўлди. Бу борада, айниқса, Абдулла Орипов шеърлари ва достонлари катта аҳамият касб этди. Яшар Қосимов тўғри таъкидлаганидек: «истибодд сиёсати авж олган ... ўша машъум йилларда адабиёт халқ ҳаётини зўравон ва мустабид мафкура йўл-йўриқларидан, сиёсийрасмий, маъмурий буйруқ ва кўрсатмалардан келиб чиқсан тарзда ёритишга мажбур ва маҳкум этилганди. Бадиий ва ижтимоий фикрни ушбу қуллик ва мутелик асоратидан халос этишга бел боғлаганлардан бири, эҳтимолки, биринчиси Абдулла Орипов эди. Бутун вужудимизга чирмовуқдай чирмашган, ҳатто, қалбимизга ва фикримизга ҳам ҳукм ўтказётган манфур мафкуранинг даҳшатли асоратини ilk бор у ёриб чиқди»¹.

Халқда миллий ўзликни англаш кучайган сайин маънавиятимизда ҳам юксалиш кузатила бошлади. Бунинг натижаларидан бири ўзбек тилига давлат мақоми бериш учун кураш бўлди, дейиш мумкин. 1989 йилда ўзбек тилининг давлат мақомини олиши коммунистик мафкура маънавий ҳаётимизда ўзининг яккаҳокимлик, мутлоқ ҳукмронлик мавқенини йўқотганидан далолат беради.

Аммо миллий маънавиятимизнинг ўз тарихий илдизларига қайтиши, унинг ривожида янги босқич бошланиши учун миллий мустақилликни кўлга киритиш лозим эди. Истиқтолга эса халқимиз Президент Ислом Каримов раҳбарлигига 1991 йилда эришди. Миллий маънавиятимиз тарихида том маънода янги тикланиш ва юксалиш босқичи бошланди. Аллоҳ насиб этиб, халқимиз йўлидан адашмаса, миллий жипслигини, бирлигини йўқотмаса, истиқтолини мустаҳкамласа, бу босқич маънавиятимиз ривожланишининг якуний ва олий босқичга, келажак учун биринчи, ибтидо босқичига айланади. Бу босқич ҳали ўзининг бизга номаълум янги хусусиятларини, ривожланиш қонуниятларини юзага чиқаради. Ҳозирги ўтиш даврида бу босқичга нималар хос?

¹ Матёкуб Кўшжонов ва Сувон Мелининг Абдулла Орипов ижодига бағишиланган монографиясига Яшар Қосимов ёзган сўнгги сўздан олинган. Қаранг: *M. Кўшжонов, С. Мели. Абдулла Орипов. Т., «Маънавият», 2000 й., 133-б.*

Биринчидан, маънавиятимиз нафақат ўзининг миллий-тарихий негизларига қайтди, шунингдек, у янги миллий истиқлол ғоясига ва мафкурасига таяна бошлади.

Иккинчидан, у дунёвийлик ва фикрлар, қараашлар ранг-баранглиги тамойилларига суюнмоқда. Коммунистик мафкуранинг партиявиийлик, синфиийлик, даҳрийлик тамо-йилларидан халос бўлди.

Учинчидан, у миллий ва умуминсоний қадриятларни уй-ғунаштиришга, ижтимоий тараққиётни таъминлашга қаратилган энг юксак омолларни (идеалларни) ўзига мўлжал қилиб олди.

Тўртингидан, у шахс ва жамият манфаатларини бирлаштириш, индивидуализм ва жамоавийликни уйғунаштириш асосида фуқароларни ватанпарварлик, соғлом миллий фурур ва айни пайтда ижтимоий ва мафкуравий бағрикенглик асосида тарбиялашга интилмоқда.

Маънавиятимиз ривожланишида мазкур тамойиллар ва ижтимоий мўлжаллар сақланиб қолинса, унинг юксак суръатларга эришиши ва жамиятимиз тараққиётига катта ҳисса қўшиши тайин.

ИСЛОМ ТАМАДДУНИНИНГ ВУЖУДГА КЕЛИШИ ВА УНИНГ РАВНАҚИДА АЖДОДЛАРИМИЗ ҲИССАСИ

Милодий VII аср биринчи чорагида Ҳижозда янги дин — ислом вужудга келди. Тезда у бошқа халқлар орасида ҳам тарқалди ва VIII аср давомида жаҳон динларидан бирига айланди. Ислом аввало дунёнинг катта қисмида яшайдиган турли халқларнинг дунёқарашида, эътиқоди ва ибодатида, маънавий ҳаётида, ижтимоий ва инсоний муносабатларида инқилоб ясади. У халқларнинг сиёсий ва иқтисодий ҳаётида, жамият тараққиётida бутунлай янги тарихий босқични, янги тамаддуни (цивилизацияни) бошлаб берди. Янги дунёқарашга, қадриятларга мослашган ахлоқ, ҳукуқ, адабиёт ва санъат, урф-одатлар, майший маданият шаклланди, диний ва дунёвий илмлар ривожланди. Исломни қабул қилган кишилар, халқлар ўртасидаги муносабатлар янги меъёрлар ва тартиблар асосига кўчди.

Мовароуннаҳрда ислом узил-кесил VIII аср бошида қарор топди. Фарбда Шом ва Мисрнинг, Шарқда Эрон ва Марказий Осиё мамлакатларининг ислом таъсирига ўтиши янги тамаддун шаклланишини тезлаштирди. Зеро, бу

мамлакатларда маънавий маданият, айниқса илм-фан, адабиёт ва санъат ҳамда иқтисодиёт, савдо-сотиқ, ҳунар-мандчилик ва сиёсий институтлар Ҳижозга нисбатан анча ривожланган ва қадим анъаналарга эга эди. Араб халифа-лиги бу борада ўз таркибиға кирган мамлакатларда илгари Эришилган ютуқларнинг кўпчилигига ворис бўлди. Уларни ислом мафкурасига мослаштириб янги тамаддунининг асосига қўйди.

Ислом тамаддунининг шаклланиши ва равнақ топишига бизнинг аждодларимиз ҳам муносаб ҳисса қўшдилар. Бу моддий маданиятнинг деҳқончилик, чорвачилик тармоқларининг баъзи соҳаларига, геодезия, ер ўзлаштириш, ирригация ва мелиорация; суфориш иншоотлари қуриш, шаҳарсозлик билан боғлиқ айрим ютуқларга тегишли. Ипакчилик, пахтачилик, тўқимачилик, полизчилик, боғдорчилик, қишлоқ хўжалиги ва чорвачилик маҳсулотларини қайта ишлаш бўйича аждодларимиз тўплаган тажриба, шунингдек, парвариш қилинадиган ўсимликларнинг баъзи турлари араб мамлакатларига тарқалди. Ўз навбатида мазкур соҳалар бўйича уларда тўпланган тажриба, баъзи ўсимликлар бизга келтирилди (масалан, маккажӯхорини минтақамизга Маккага, ҳажга борган ота-боболаримиз олиб келишган).

Давлат бошқаруви ва ҳарбий санъатни ривожлантиришга ҳам аждодларимиз қўшган ҳисса бениҳоя катта. Ҳаср охиридан бошлаб XVII асртагача ислом мамлакатларининг аксариятини (аҳолиси туркӣ бўлмаганлари ҳам), айримларини эса XIX—XX асртагача туркӣ сулолалар бошқаргани, Маҳмуд Фазнавий, Жалолиддин Мангуберди, Амир Темур каби буюк саркардалар бобокалонларимиз орасидан чиққани бунинг далилидир. Сомонийлар, Фазнавийлар, Қорахонийлар, Салжуқийлар, Хоразмшоҳларнинг давлат тутими, Низомулмulkнинг «Сиёсатнома»си, Темурнинг «Тузуклар»и, Темур ва темурийлар даврида ер, мулк муносабатлари, сувдан фойдаланиш тартиби, божхона ва солиқ тизими, савдо йўлларининг, бозорларнинг давлат ҳимоясида бўлиши, аҳолини ижтимоий муҳофаза қилиш тизими давлат вазифалари кенгайишига ва такомиллашувига хизмат қилди.

Ислом тамаддунининг моддий-иқтисодий, сиёсий-ташкилий томонларига аждодларимиз қўшган ҳисса ҳақида батафсил тўхтамаймиз. Зоро, буларнинг ҳар иккиси ҳам

мустакил, аммо ниҳоятда мураккаб ва кам ўрганилган мавзулардир. Фақат ислом тамаддунининг маънавиятига, маънавий маданиятига кўшган ҳиссаси ҳақида баъзи бир фикрларни қайд этиб кетамиз, холос.

Мазкур масала ижтимоий гуманитар фанлар томонидан бир неча йўналишларда ўрганилиши мумкин. Биринчидан, аждодларимизнинг ислом илмига: муҳадисликка, фикрҳга, илм ат-тафсирга, қаломга, тасаввуфга — яъни шаърий илмлар ривожланишига кўшган ҳиссаси. Иккинчидан, аждодларимизнинг дунёвий фалсафа, дунёвий илм-фан — табиатшунослик ва ижтимоий-гуманитар фанлар ривожланишига, равнақига кўшган ҳиссаси. Учинчидан, уларнинг Бағдоддаги «Байтул ҳикма»да, Ҳижоз, Миср, Сурия, Эрон ва бошқа мамлакатларда илм-маърифат тарқатиш, илмий тадқиқотлар олиб бориш фаолияти. Тўртинчидан, аждодларимизнинг адабиёт, мусиқа, рақс, меъморчилик, наққошлик ва тасвирий санъат, хаттотлик ва китобат санъати ва ҳ. қ.ларга, яъни нафис санъат ривожланишига кўшган ҳиссаси. Бешинчидан, аждодларимизнинг Сибирь, Даشت Қипчоқ, Жанубий Ўрол, Ўрта ва Қуи Волга бўйи (Итил), Булғорлар юрти, Шарқий Туркистанда ислом динини, янгича маънавият ва дунёқарашни, урфодатларни тарғиб этиш, тарқатиш бўйича олиб борган фаолияти.

Равшанки, ҳар бир йўналишнинг ўзи маданиятшунослик, диншунослик, фалсафа, муайян табиий ва гуманитар фанлар тарихи, назарияси доирасида юзлаб асарларга мавзу ва тадқиқот обьекти бўла олади. Шу боис уларни тўлиқ таҳлил қилишга бир ёки бир неча тадқиқот доирасида ҳеч қандай имкон йўқ.

Ислом илми бирданнiga етук ҳолда шаклланиб қолмаган. Муҳаммад пайғамбар (САВ) вафотидан кейин бир оз муддат ўтгач, исломнинг асоси бўлмиш Қуръони Каримни китоб ҳолатига келтириб, унга тартиб бериш, сўнгра Қуръонга, пайғамбар кўрсатмаларига, муайян масалалар бўйича билдирган фикрлари, мулоҳазалари, амалий қарорларига (булар ҳақида ҳадислар ахборот беради) таяниб, исломий дунёқарашни ҳамда ислом ибодати, ахлоқ, ҳукуқ меъёрларини, яъни шариатни ва фикрни яратиш зарурати туғилди.

Ислом бизга этиб келиб, бир-икки авлод давомида ҳалқ онгига маҳкам ўрнашганга қадар, Қуръонга тартиб берил-

ган, фиқҳ мактаблари (мазҳаблар), шариатнинг кўпчилик меъёrlари белгиланган ва жадал суръатларда ривожланиши, бойиши, такомиллашуви давом этмоқда эди. Бу даврда ислом олимларининг асосий эътибори пайғамбар ҳадисларини тўплаб, улар негизида ибодат, ахлоқ ва ҳуқук, яъни шариат масалаларини ёритишга қаратилган эди.

Юксак маданий, илмий-интеллектуал салоҳиятга эга бўлган Марказий Осиё халқлари исломни қабул қилгач, улар орасидан етишиб чиқсан олимларнинг бир қисми ислом илмини ривожлантириш билан шуғуллана бошлади ва улардан энг буюклари ўз соҳаларида етакчи ўринларга чиқиб олди.

Ҳадис илмида тан олинган олтига буюк муҳаддиснинг тўрттаси Марказий Осиё (Мовароуннаҳр ва Хурросон) фарзандлариридир. Улар орасида ҳам учтаси Муҳаммад ибн Исмоил ал-Бухорий (810—870), Исо ат-Термизий (824—898), Абу Абдураҳмон ан-Насоий (830—915) бизнинг бевосита бобокалонларимиз бўлади.

Илом ал-Бухорий тўплаган ҳадислар «ал-Жомеъ ас-саҳиҳ» ёки «Саҳиҳи Бухорий» деб аталади ва дунё мусулмонларининг 90 фоизи учун Куръондан кейинги энг мўътабар ва асосий манба ҳисобланади. Ал-Бухорий, ат-Термизий, ан-Насоий ҳадислари тўпламлари ва бошқа асарлари мана сал кам ўн икки асрдан буён неча авлоднинг дунёқараши, ахлоқи, имон-эътиқоди, ҳаётга муносабати — маънавияти шаклланишига, такомиллашишига бевосита ёки билвосита таъсир кўрсатиб келмоқда.

Муҳаддисликка бекиёс ҳисса қўшган аждодларимиз барча шаръий илмлар ривожланишига ҳам бевосита ва билвосита хизмат қилганлар. Чунки Куръон ва ҳадислар барча шаръий илмларнинг манбай ва асоси ҳисобланади, Бундан ташқари улар замонасининг долзарб диний масалаларига бағишлиланган кўплаб бошқа асарлар ҳам ёзишган.

Фиқҳ (ислом ҳуқуқи) илмини ривожлантиришда катта хизмат қилган Бурҳониддин Марғиноний (вафоти 1197 йилда), Абул Лайс Самарқандий, Абдул Ҳасан Хоразмий, Нажмиддин ан-Насафий ва бошқалар номи машҳур. Айниқса, Бурҳониддин Марғинонийнинг «Ҳидоя-фи-л-фурӯз» асари ҳанафия мазҳаби бўйича ислом ҳуқуқшунослигининг энг теран асарларидан бири сифатида нафақат ислом ғоламида, балки Фарбда ҳам машҳур.

Ислом илоҳиёт илми (ислом диний-фалсафий илми) — калом — яккахудолик, тавҳид, олам, борлик, инсон, уларнинг яратилиши, моҳияти, мавжудлиги, эътиқод мазмуни, оламнинг, инсоннинг ўзгариши, тақдири ва ҳ. к. масалаларни қамраб олади. Шу боис «ат-тағсир ал-Қуръон» илми дастлаб каломнинг таркибий қисми ҳисобланган.

Калом илми диний-назарий масалаларни ақлга, мантиққа асосланиб таҳлил қиласи. Рационалистик, мантиқий таҳлил ва умумлаштириш негизида кўрилаётган масалани далиллаш, мулоҳаза юритиб хulosалар қилиш каломнинг мазмунини ташкил этади. Уни ислом рационалистик тафаккурининг, дунёқарашининг назарий ўзаги дейиш ўринлидир. Дин масалаларида ақлий билишга, мантиққа қаттиқ суюниши ва мистикадан йироқлиги билан у тасаввufдан кескин фарқ қиласи. Қуръонни мантиққа ва ақлга суюниб тағсир этади. Ҳадисларни ҳам худди шундай тушунтиради. Калом камдан кам ҳолатларда, масалан, Қуръоннинг муайян оятини мажозий талқин қиласи.

Калом илмини ривожлантиришга аждодларимиз муносиб ҳисса қўшилар. Мұҳаддислик ва фикҳ соҳалари каби калом илми борасида атоқли ва даҳо олимларни — мутакаллимларни етиштирди. Уларнинг ҳаммасини санаб ўтирумаймиз. Фақат иккى номни: Абу Мансур ал-Мотуридий ва Абул Муъин ан-Насафий номларини эслаш кифоядир.

Калом илмининг мұтазилия оқими ўз имкониятларини сарфлаб бўлгач, замон талабларидан ортда қолиб, янгидан пайдо бўлаётган диний-назарий ва амалий масалаларга қониқарли жавоб топа олмай қолди. Натижада исломда ғоявий ва назарий парокандалик кучайди. Кўплаб турли майда оқимлар, фирмалар пайдо бўлди. Чунки мұтазилия кескин рационализмга асосланар, унга айрим чигал ва зиддиятли диний масалаларни ечишда қайишқоқлик етишмас эди. У ҳар қандай диний масалани фақат рационализм, мантиқийлик асосида ечишга ҳаракат қиласи. Нақлга таянишни хушламас эди. Динда эса жуда кўп масалалар борки, уларни ақлан тушунтириш қийин, бальзан умуман мумкин эмас. Фақат ишониш ва эътиқод қилиш лозим. Қуръонни мұтазилийлар яратилган китоб, деб ҳисоблайди. Бундан мантиқан Қуръон абадийми, деган савол туғилади. Мұтазилийлар Қуръоннинг азалдан мавжуд бўлиши тавҳидга, яъни яккахудоликка зид деб ҳисоблайдилар. Агар Қуръон яратилмаган, азалдан бор бўлса,

унда Куръоннинг Аллоҳ билан мувозий (параллел) воқе-лигини тан олиш лозимлиги келиб чиқади. Бу эса яккахудолик тамойилига ҳақиқатан зиддир ва мазкур масалани боши берк қўчага киритиб қўяди. Шу боис мұтазилия, ислом фалсафасига, қалом илмига асос солган бўлишига қарамасдан охир-оқибатда қувғинга учради ва аста-секин тарих саҳнасидан тушиб қолди.

Назарий масалалардаги парокандаликка барҳам бериш қалом илмини ижодий ривожлантириш, замонавийлаштириш, тўпланиб қолган долзарб масалаларни назарий жиҳатдан ҳал қилиш лозим эди. Шунда қалом илмидан деярли бир вақтда бир-биридан мустақил икки таълимот пайдо бўлди: булар ашъария ва мотуридия таълимотларидир. Кейинги таълимотнинг ватани бизнинг юртимиздир.

Абу Мансур ал-Мотуридий ас-Самарқандий (870—945) асарларининг бизгача етиб келганлари ҳозир ҳам чет элларда нашр қилинмоқда, чунки улар ислом илоҳиётининг мумтоз асарларига айланиб, ўз аҳамиятини йўқотгани йўқ. Мотуридий таълимоти Куръон ва Сунна ақидаларини, талаб ва меъёrlарини кўр-кўrona эмас, балки ақлан чуқур идрок этиб ўзлаштиришни, уларни ғайримантикий, но-оқилона қабул қилмасликни ўргатади. Уларни ғаразли, ноилмий, ўзбошимчалик билан талқин қилишни инкор қиласди.

Ушбу муносабат билан Мотуридийнинг инсонда эркин танлаш имкони борлиги, у нима иш қилмасин ўз ихтиёри билан қилажаги, бинобарин, у ҳар бир яхши ва ёмон иши, ҳаракати, нияти учун масъуллиги тўгрисидаги фикри жуда қимматлидир. Бу фикр ҳар қандай бирёқламаликка, бирорвлар иродасига, сўзига кўр-кўrona итоат этиб, ножўя ишларга қўл уришига, инсоннинг мутаассибга айланишига кескин қарши чиқади. «Тақдири азал» тушунчасини Мотуридий, тўлиқ инкор этмаса-да, уни инсонпарварлик нуқтаи назаридан анча юмшатди, «ихтиёрий ҳаракат» — «афъоли ихтиёрий» орқали юзага чиқишини таъкидлади ва инсон масъулияти ва имконияти тарзида талқин қилди. Мотуридийнинг мазкур масаладаги фикри хulosасини, бизнингча, шундай тушуниш лозим: инсонда тақдир масъуллик ва имконият сифатида яширин, у ўз тақдирини ўзгартира олмайди. Лекин инсон унинг муайян даражада ва қандай юзага чиқишига (тўлиқ ёки қисман) ўз хатти-ҳарака-

ти, хулқ-атвори билан таъсир кўрсатади. Шу боис инсонда эркинлик ва масъуллик бирдай ўсиб, уйғунлашиб бориши лозим.

Мотуридий мұтазилийларнинг кескин рационализмини анча юмшатди, унга шароитта мослашувчанлик ва қайиш-қоқлик бағишилади. Чигал масалаларни ечишда ақл ва нақл (илгариги олимлар хulosалари, фикрларини ҳисобга олиш)-га суюниш, уларнинг ҳар иккисини зарур даражада қўллаш тамойилини олға сурди.

Мотуридий шогирдлари орасида Абул Ҳасан ар-Рустуфаний, Исҳоқ ибн Мұхаммад ас-Самарқандий, Абул Карим ал-Паздавий, Абу Аҳмад ал-Ийдий каби атоқли алломалар бор. Уларнинг ҳар бири ислом илмида сезиларли из қолдирган.

Лекин вақт синови ҳар бир нарсанинг, шу жумладан, ҳар қандай таълимотнинг асл баҳосини кўрсатади. Буюқлик узоқдан теранроқ англанади. Мотуридий таълимоти билан ҳам айнан шундай бўлди. XI асрда унинг издошлиари, билвосита шогирдлари янада кўпайди, мотуридия янада бойиди ва ривожланди.

Мотуридий таълимотининг атоқли давомчиси, тарғиботчиси мутакаллим Абул Муъин ан-Насафийдир (1027—1114). Абул Муъин Насафий нафақат мотуридия таълимотини бутун ислом оламига ёйди. У калом илмининг уч асосий йўналиши — мұтазилия, мотуридия ва ашъария таълимотларини қиёслади ва фарқларини кўрсатиб берди. Абул Муъин Насафий калом илмининг энг обрўли, нуфузли олимларидан бири. У, шунингдек, исломнинг бошқа соҳаларини ва бошқа илмларни ҳам чуқур эгаллаган аллома. Унинг «Табодат ал-адилла» асари Сурияда 1990 ва 1993 йилларда икки жилда (ҳар бири 500 саҳифадан ортиқ) нашр этилган. Мотуридийнинг яна бир буюқ издоши Нажмиддин ан-Насафийдир (1068—1142). У фиқҳ, ҳадис, тағсир, калом, адабиёт, тил, тарих илмлари бўйича юзга яқин асарлар битган. «Ақидатун — Насафия» номини олган асарида мотуридия таълимоти ривожланишига муносиб ҳисса қўшган. Ўзининг ўтмишдошлари асарларини, манбаларни мукаммал билган. Бурҳониддин Марғиноний далолат беришича, Нажмиддин Насафий ҳадисларни келтиришда 500 муаллиф тўпламига таянишини таъкидлаган. Умуман ислом илмининг барча йўналишлари бўйича қомусий билимларга эга бўлган. Шогирдлари орасида Бурҳониддин Мар-

ғиноний, Умар ал-Үқайлий ва бошқа атоқли шахсларнинг борлиги Нажмиддин Насафийнинг ислом илмида, маънавиятида қандай ўрин эгаллаганини кўрсатади. Унинг асарлари шу боис қатор ислом мамлакатларида бизнинг давримизда ҳам чоп этилмоқда. «Ақидатун — Насафия» эса она тилимизга таржима қилинмоқда.

Ислом доирасида нафақат рационалистик таълимот — калом, шунингдек, иррационалистик (оқилоналийкка, мантиқийликка зид), мистик таълимотлар ҳам ривожланди. Зоҳидлик, таркидунёчилик гояси ва мағкурасини асослашдан, диний масалаларни шу нуқтаи назардан талқин қилишга уринишдан бошланган бу оқим кейинчалик астасекин жуда қудратли ва жозибадор, серқирра тасаввуф таълимотига айланди. Тасаввуф мистика масаласида яна олға кетди. Оламни билиш — Аллоҳни билишдир, чунки олам Аллоҳнинг турли вужуд касб этган шуъласи. Аллоҳни эса мутлақо ақлан билиб бўлмайди. У инсон учун англаб бўлмас сир, олий ишқ, муҳаббат ва бирдан-бир ёр — мақсад. Фақат фақру фано орқали, ўзликни тўлиқ унугиб ёр васлига етишиш мумкин.

Ҳар соҳадаги каби, тасаввуфда ҳам аждодларимизнинг даҳо заковати намоён бўлди. Тасаввуфнинг минтақамиизда тарқалишида бевосита машхур мутасаввуф Юсуф Ҳамадонийнинг хизматлари каттадир. Унинг шогирдларидан иккитаси — Аҳмад Яссавий ва Абдуҳолиқ Фиждувоний иккитариқатга — яссавия ва хожагоний тариқатларига асос солдилар. Тасаввуфнинг бошқа бир назариётчиси ва сұхравардия тариқати асосчиси Сұхравардий таълимоти негизида Хоразмда Нажмиддан Кубро (1145—1221) номи билан боғлиқ тариқат — кубровия вужудга келди. Хожагоний тариқати юқорида таъкидланганидек, Баҳоуддин Нақшбанд (1318—1389) томонидан анча тўлдирилди, такомиллаштирилди ва тугал таълимот шаклига келтирилди. Шу сабабдан у нақшбандия деб атала бошлади. Яссавия исломий турк мамлакатлари аҳолисининг кўп қатламларида Румдан то Хитойгача анча тарқалган бўлса, кубровия ва нақшбандия нафақат туркий халқлар ўртасида, балки бутун ислом дунёсида анча-мунча ўз тарафдорларини топди, улар маънавиятига, дунёқарашига, имон-эътиқодига, турмуш тарзига таъсир кўрсатди, энг фаол ва машхур тариқатларга айланди. Темурийлар даври ўзбек маданияти, маънавий ҳаёти, жумладан, Алишер Навоий ижоди кўпроқ нақшбан-

дия таълимотининг таъсирида ривожланди. Алишер Навоийнинг буюк устози Абдураҳмон Жомий нақшбандия барча тасаввуфий таълимотларнинг, Баҳоуддин Нақшбанд эса барча авлиёларнинг мукаммал хулосасидир, деганида, бу таълимотнинг ўша давр маънавий ҳаётидаги аҳамиятини таърифлаган эди.

Тасаввуф ислом маънавияти, эътиқодининг чўққиси. Тасаввуф инсоннинг комилликка эришиши, Ҳаққа, Аллоҳ васлига етишиши йўлида нафсониятдан воз қечиб, руҳоният ғолиблигини таъминлаши учун ўтадиган йўли босқичларини (шариат, тариқат, маърифат, ҳақиқат) ва уларга мос келадиган инсоннинг комиллик мақомларини ишлаб чиқди. Лекин тасаввуф камолотни кўпроқ инсоннинг ички дунёсига қаратди. Инсон камолотини жамият тараққиёти билан, маънавиятни иқтисодиёт билан етарлича боғламади. Боз устига, иқтисодиёт ривожланишига, турмуш фаровонлиги юксалиб, ҳаётда завқ-шавқ ўсишига катта рагбат кўрсатмади. Фақат диний завқ-шавқни тан олди. (Улуғ бобомиз Форобийнинг инсоннинг яшашдан мақсади баҳтсаодатга эришиш, саодат эса завқ-шавқ, лаззатланиш туйғусининг авлоддан авлодга ўсиб боришидир деган ҳикматини эсланг.) Чунки, у турмуш фаровонлиги юксалиши, завқ-шавқнинг ўсиши нафсониятни кучайтириб руҳониятни пасайтиради, инсонни Аллоҳдан узоқлаштиради, деб ҳисоблади.

Мумтоз ислом даврида Бухоро, Самарқанд, Марв, Урганч, Балх диний ва дунёвий илмларнинг марказига айланди. Нажмиддин Насафий «Китоб ал-қанд фи зикри уламои Самарқанд» асарида бу шаҳарда «ўрта асрларда яшаган кўпдан-кўп (мингдан ортиқ) фикҳ олимлари, ҳадис ровийлари ва бошқа кўп соҳаларда қалам тебратган илм аҳллари ҳақида мукаммал маълумот беради»¹. Биргина Самарқандда мингдан ортиқ ижодкорлар фаолият кўрсатган.

Бухорода ҳам бу даврда Самарқанддан кам ижодкор яшамаган. Бу маданий-маънавий тараққиётимиз қай дараҷада сермаҳсул ва юксак бўлганини кўрсатиб турибди. Бухоро ҳаққоний равишда ҳанафия мазҳаби ва нақшбандия таълимотининг бутун ислом дунёсидаги етакчи назарий ва услубий марказига айланди. Шош, Термиз, Насаф, Урганч, Хива ва юртимизнинг бошқа шаҳарларининг ҳам

¹ Уватов Убайдулла. Донолардан сабоқлар. Т., 1994 йил, 65-бет.

ислом таълимотига, маданияти ва маънавиятига қўшган ҳиссаси, етиштириб берган алломалари бекиёсдир.

Жуғрофий жиҳатдан ўрта асрларда бизнинг минтақамиз ислом дунёсининг чеккароқ ҳудуди бўлса-да, илмий, маданий ва маънавий жиҳатдан унинг энг қудратли марказларидан бири эди. Бежиз бу даврда «Самарқанд ер юзининг сайдалидир, Бухоро ислом динининг кувватидир» деган һақл пайдо бўлмаган. Бу шаҳарлар бутун дунёда илм-фан, маърифат, маданият, ободончилик ва фаровонлик, гўзаллик тимсолларига айланганки, шоирлар ижодида рамзий образлар сифатида қўлланилган.

Дунёвий илм-фан ва маънавият ривожига ажодларимизнинг қўшган ҳиссаси янада салмоқли бўлди. Очифини айтганда, минтақамиизда шаърий илмлардан аввал дунёвий илм-фан юксак чўққиларни забт этди. Бу табиий эди. Чунки бу борадаги салоҳиятимиз исломгача ҳам шу қадар баланд эди-ки, уни Кутайба қатағонлари йўқ қила олмади. Шу боис дунёвий илм-фанда аждодларимиз ўз мавқеларини нисбатан тез тиклаб олдилар. Шаърий илмлардан даҳолар тарбиялаш учун ислом эътиқоди халқ онгига иккичу авлод давомида чуқурроқ сингиши керак эди.

Минтақамиизда ислом эътиқодига ўтганимиздан кейин биринчи чиққан буюк қомусий даҳо Муҳаммад ибн Мусо ал-Хоразмий (780—850 й.) шаърий илмларнинг биринчи даҳоси имом ал-Бухорийдан 30 ёш каттадир. Бошқа бир даҳо Аҳмад ал-Фарғоний тахминан ал-Бухорийдан 10—12 ёш катта. (Китобхонда «нега унда имом Бухорий таваллудининг 1225 йиллиги, Аҳмад Фарғонийнинг 1200 йиллиги 1998 йилда нишонланди», деган савол туғилиши мумкин. Гап шундаки, имом Бухорий ёши қамарий йил ҳисобида, Фарғоний ёши эса шамсий йил ҳисобида чиқарилган. Шамсий йилнинг бир асри қамарий ҳисобида 103 йилга teng бўлади. Бу ўн икки асрда 36 йилни ташкил этади. Фарғонийнинг ёши қамарий ҳисобда юбилей йилида 1236 ёшга teng бўлган. Аксинча, Бухорий шамсий ҳисобда юбилей йилида 1188 (таваллуди миљодий 810 йил) ёшга teng бўлган.

Хоразмий, тўлиқ айтиш мумкинки, инсониятни ҳозирги формал математик тафаккур тарзига (демак, умуман тафаккурнинг ҳозир қўлланилаётган шаклига) ўргатган кишидир. Масалан, алгоритм назариясининг илдизи, бевосита ал-Хоразмийнинг илмий услубига, объективлаштириш ва формаллаштириш тамойилига бориб тақалади. У

арифметикани тубдан ислоҳ қилди. Алгебра фанига асос солди, бутун дунёда қўлланилаётган «араб рақамлари»ни — 1, 2, 3, 4, 5, 6, 7, 8, 9, 0 — фанга киритди, ўнлик тартибини (системасини) жорий қилди. Хоразмий исмидан нафақат «алгоритм» атамаси ясалган, шунингдек, унинг асари номидан «алгебра» тушунчаси ҳосил бўлган. Хоразмийгача айрим алгебраик масалалар ва уларнинг ечими мавжуд бўлса-да, алгебра яхлит тизимга келтирилган фан сифатида шаклланмаган эди. Хоразмийгача ҳинд математикасида рақамларнинг баъзи бирлари ва ўнлик тартибининг айрим унсурлари бўлган. Хоразмий уларни тубдан қайта ишлаб, янги система яратди.

Яқин Шарқда ва Оврупода қадимги Бобилдан келаётган олтмишлиқ ҳисоб системаси қабул қилинган эди: 60 секунд=1 минут; 60 минут=1 соат; доира $60 \times 6 = 360$ градус ва ҳ. к. Соналар позицияга эга эмас эди: масалан, Римда 8 сони — VIII кўринишида ёзилса, 9 — IX, 10 — X, 50 — L, 100 — C, 1000 — M кўринишида ёзилар эди. Хоразмий ўнлик системаси билан сонларнинг позициясини амалиётга киритди. 1—10—100—1000 ва ҳ. к.; ўнгдан биринчи рақам бирликларни, иккинчиси ўнликларни, учинчиси юзликларни ва ҳ. к. белгилайди. Агар бирор позицияда сон бўлмаса «0» (катта нуқта) қўйилган. Бир юз бир сони 101 шаклида ёзилади. Бунда ўнликда сон йўқлигини «0» белгиси ифодалайди. «0» арабчада «ас-сифр» — бўшлиқ деб аталган. Бугун европа тилларидаги цифр (а) — «рақам» сўзи «ас-сифр»нинг лотинча талаффузидир.

Математик билим олиш умуман қулайлашди. Тасаввур қилинг: қадимги римлик элликдан йигирма бирни айрмоқчи. Ёзувда буни амалга ошира олмайди, чунки сонларнинг позицияси йўқ: L — XXI. Жавобини ёзиш учун у аввал амалда айриш керак. Лекин ёддан айриш ҳам юқоридаги сабабга кўра мумкин эмас. У 50 дона тошча (чўпча ва ҳ. к.) дан 21 тасини айриб кейин жавоб топган. Шу боис Яқин Шарқда ва Оврупода чўтга ўхшаш асбоб, линейка, циркуль ва бошқа анжомлардан оддий арифметик ҳисоб-китобда фойдаланилган. (Биз ҳозир фойдаланаётган чўтлар ўнлик тизими асосида ясалган, овруполиклар чўти фақат маълум миқдордаги соққалар йиғин-дисидан иборат бўлган.)

Хоразмий системаси бўйича элликдан йигирма бирни олишнинг ҳеч қийин жойи йўқ. Буни бошланғич синф

ўқувчиси муваффақиятли амалга ошира олади: $50 - 21 = 29$. Мазкур сонларни айриш учун ҳеч қандай чўт ёки циркуль, линейканинг кераги йўқ. Сонларнинг қатъий позицияси бўлганлиги учун буни ҳатто ёддан, оғзаки бажариш мумкин. Айтиш лозимки, Оврупо фани XVII асрнинг биринчи чорагида дифференциал тенгламаларни кашф этмагунча Хоразмий математикасига туб янгилик киритолмади, уни янги босқичга кўтара олмади. Бошқача айтганда, Хоразмий алгебраси 800 йил давомида математика фанининг энг юқори чўққиси бўлиб келди ва ҳозир ҳам элементар математика соҳасида ўз аҳамиятини сақлаб қолмоқда.

Ўнилик ҳисоб рақами ва сонлар позицияси нафақат математик фанларда, шунингдек, инсоният тафаккур тарзида, юқорида айтилганидек, инқилоб ясади. Табиий-илмий билимларни ҳисоб-китоб қилиш, умумлаштириш, формаллаштириш, ифодалаш, тўплаш, авлоддан авлодга узатиш, умуман объективлаштириш анча соддалаштирилди, теран, холис ва универсал шаклга кўчирилди.

Бошқа бир даҳо — Аҳмад Фарғонийнинг турли кашфиётлари ўз замонаси учун мукаммал эди. Фарғонийнинг ер курраси, унинг тузилиши, географик узоқликлар ва кенгликларни ўлчаш асбоби, астрономия ҳақидаги асарлари, ер куррасининг у чизган харитаси буюк географик кашфиётлар — Америка қитъасининг, Ҳиндистонга дengiz йўлининг очилишида жуда катта роль ўйнаган. Нил сувини ўлчаш бўйича бунёд этган қурилмаси 1967 йил Асвон тўғони қурилгунча Миср ҳалқига ўн бир аср давомида амалий хизмат қилди.

Машҳур араб халифаси Ҳорун ар-Рашид Бағдодда «Байтул ҳикма» — «Ҳикматлар уйи»ни бунёд этган. Унга жаҳоннинг турли ўлкаларидан минглаб китоблар келтирилган ва араб тилига таржима қилинган. «Байтул ҳикма» ҳозирги Фанлар академияларининг илк кўринишидир. У Ҳорун ар-Рашиднинг ўғли Маъмун даврида ҳақиқий тадқиқот марказига айланди. Маъмун таҳт тепасига келишидан аввал Ҳурросонда ноиб эди. У даврда Ҳурросон ноибининг тасарруфига ҳозирги бешта Марказий Осиё вилоятлари Шарқий Эрон, Афғонистон ва исломни қабул қилган Шимолий Ҳиндистон киради.

Маъмун пойтахти Марвда «Байтул ҳикма»га ўхшаш марказ мавжуд бўлиб, унда ўлканинг энг буюк олимлари,

алломалари йифилган эди. Маъмун халифа бўлгач, уларнинг аксариятини ўзи билан Бағдодга олиб кетади. Энди «Байтул ҳикма» илгаригидек кўпроқ таржима билан эмас, балки оригинал тадқиқотлар билан шуғуллана бошлади. Туркистонликлар «Байтул ҳикма» тадқиқотчиларининг асосини ташкил қилди. Хоразмий ва Фарғоний ўз даврида «Байтул ҳикма»га раҳбарлик ҳам қилишган.

«Байтул ҳикма»да Хоразмий ва Фарғонийдан ташқари, Хоразмийнинг яна икки тувишган укалари, ота-ўғил Марвозийлар, ота-ўғил Марворудийлар, ас-Сараҳсий, Абу Машар Балхий ва бошқалар хизмат қилдилар. «Байтул ҳикма» фаолиятини ўргангандар бори олим Г. Зутер унда фаолият кўрсатган математиклар ва астрономлар рўйхатини тузганда, маълум бўлишича, «уларнинг деярли ҳаммаси» Марказий Осиё ва Эрондан «бўлиб чиқди».

Юқорида келтирилган далилларнинг ўзиёқ аждодларимиз ислом дунёсида илмий-тадқиқот, табиатшунослик фанлари ривожланишида етакчилик қилганини кўрсатиб турибди. Аммо ҳали биз Абу Наср Форобий (873—950), Абу Райҳон Беруний (973—1048), Абу Али ибн Сино (980—1037) каби ўрта асрлар илмининг чўққилари бўлган қомусий даҳолар ҳиссаси ҳақида гапирганимиз йўқ.

Форобий нафақат ислом Шарқининг, балки Фарбнинг ҳам Арастудан кейинги «иккинчи муаллими» ҳисобланади. «Арасту бизга оламни тушунтириб берди, Арастуни эса бизга Форобий тушунтириди», деган қанотли ибора ислом ва христиан оламида кенг тарқалган эди. Лекин Форобийни фақат Арастунинг шарҳловчиси, тафсирчиси, деб бир ёқлама, тор баҳоламаслик керак. У том маънода оригинал, ижодкор мутафаккир эди. У фалсафа ва умуман жамиятшунослик илмини янги foялар, хуносалар билан бойитди. Форобий фалсафа, ахлоқ, жамиятшунослик, риёзат ва табиатшунослик илмлари билан бир қаторда мусиқа назариясига, мусиқани ёзib олиш илмига ҳам бекиёс улуш кўшган.

Беруний ва Ибн Синонинг ўша даврдаги илм-фаннынг барча соҳаларига кўшган ҳиссаларини баҳолашнинг ўзи қийин. Ҳозирги замон фани қўллаётган усуллардан бири — қиёсий тажриба усулини илк бор биз уларнинг тадқиқотларида (айниқса Берунийнинг «Минерология»сида ва табиатшуносликка оид бошқа асарларида) учратамиз.

Жавоҳарлаъл Неру шундай фикрни айтиб кетган: «Қадимгиларда — на Мисрда, на Хитойда, на Ҳиндистонда

биз илмий ёндашувни учратамиз. Унга фақат Қадимги Юнонистонда оз-моз дуч келамиз. Римда у тағин йўқолган эди. Лекин араблар илмий-тадқиқот руҳига эга эдилар. Шу сабабдан уларни ҳозирги замон фанининг отаси дейиш мумкин» (Ж. Неру. Взгляд на всемирную историю. М., 1989 г. 1-жилд, 215-бет). Неру, албатта, араблар деганда араб тилида ижод этган ҳамма мусулмон олимларини назарда тутмоқда.

Беруний ва Ибн Сино барча даврлар ва барча халқлар орасида қомусий деб тан олинган ва алоҳида қайд этиладиган олимлар қаторига киради. Оврупо университетлари беш аср давомида Ибн Сино асарлари бўйича тиббиёт мутахассисларини тайёрлади. Оврупода тиббиёт бўйича ёзилган биринчи мустақил дарсликда Ибн Синодан 5 (беш) мингта иқтибос келтирилган. Бундан ташқари у Шарқ ва Фарбнинг энг буюк файласуфларидан бири ҳисобланади.

1973 йилда Берунийнинг 1000 йиллиги нишонланганда айрим фарб олимлари уни инсоният тарихида ўтган энг буюк олим деб баҳолаган эдилар. Беруний қайси фанга кўл урмасин, шу соҳада ўз замонасининг барча илмий ютуқларини умумлаштириб, уларга ўзига хос якун ясаган ва мазкур фанни янги погонага кўтариб, янги гоялар ва тадқиқот усуслари билан бойитиб кетган. У Коперникдан беш аср аввал оламнинг гелиоцентристик қурилишини кашф этади.

Берунийнинг табиатшуносликка оид асарлари ўз замонасидан шунчалик илгарилаб кетган эдики, ўша пайтлардаги тасаввурларга уларнинг аксарияти мутлақо мос келмаган (гелиоцентристик таълимотга ўхшаб). Шу боис уларни замондошлари ва кейинги авлодлар яхши тушунишмаган, баъзиларини ҳатто динга зид деб ўйлашган. Натижада Берунийнинг 120 дан ортиқ асари йўқолиб кетган. Биз ҳозир унинг фақат 30 фоиз асарларидан баҳраманд бўлмоқдамиз.

Форобий, Беруний, Ибн Синодан ташқари табиатшунослик илмида ар-Розий, ибн Ироқ, Чагминий, Исмоил Журжоний каби, ижтимоий гуманитар илмлар борасида Умар аз-Замахшарий, Маҳмуд Кошфарий, Наршаҳий, Байҳакий, Насавий, Азизиддин Насафий каби буюк олимлар ижод қилишган. Фан тарихида уларнинг номлари абадий муҳрланиб қолган.

Дунёвий илм-фаннинг ривожланиши тафаккур ва дунё-қараш, маънавият ўсишига, ишлаб чиқариш воситалари тақомиллашишига, турли техник кашфиётларга бевосита таъсир кўрсатади. Дунёвий илм-фан умуман ижтимоий тараққиётнинг, тамаддун ривожланишининг асосий омиллардан биридир, дейиш жоиз.

Айнан дунёвий илм-фан яхши ривожланганда ижоднинг барча турлари, шу жумладан, диний илмлар ҳам ривожланган, унинг ривожи сусайса, эртами-кечми бошқа соҳаларда ҳам ижод сусайган. Зеро, маънавият учун ички муштараклик, бус-бутунлик хос. Маънавиятнинг айрим қисмлари, унсурлари яхши ривожланиб, бошқалари жуда ортда қолиб кетиши мумкин эмас. Албатта, улар ўртасида нисбатан фарқ бўлади, аммо жуда кескин эмас. Дунёвий илм-фан эса маънавиятнинг, рационалистик дунёқарашнинг негизини ва ҳаракатлантирувчи кучини ташкил қиласди.

Аждодларимизнинг ислом дунёсида нафақат шаръий ва дунёвий илмлар, шунингдек, адабиёт, нафис санъат, халқ амалий санъати ривожланишига қўшган ҳиссалари ҳам жуда улканdir. Масалан, Абу Мансур ас-Саолибий (961—1038) XI асрнинг 30-йилларигача Хурросон ва Мовароуннахрда яшаб, араб тилида ижод этган 124 та шоирни санаб ўтади. Ас-Саолибийдан кейин ҳам юртимизда араб тилида ижод қўлган қўплаб адиллар яшаган. Улар орасида адабиёт тарихида сезиларли из қолдирган Рашидуддин Вотвот (1182—83) ни эслашнинг ўзи кифоя, деб ўйлаймиз. Уларнинг кўпчилиги зуллисонайн, яъни икки тилда, айримлари учтилда ижод қилувчи шоирлар эди.

Араб тили грамматикаси, синтаксиси ва лугатшунослигини ривожлантиришда аждодларимиз салмоқли хизмат қилдилар. Айниқса, бу борада аз-Замахшарий хизматлари каттадир. Ислом маънавиятини форсий ва туркий тиллардаги буюк адабиётсиз тасаввур қилиш мумкин эмас. Турк ва форс-тоҷик адабиётининг мумтоз ислом давридаги етакчи маркази, асосий ватани Мовароуннахр ва Хурросондир.

Араб ва ислом мамлакатлари маданияти, адабиёти ва санъатига, бадиий диди ва эстетик меъёрларига, оламни эстетик идрок этишига, санъат услубларига Марказий Осиё адабиёти ва санъати, санъатшуносликка (хусусан, адабиётшунослик ва мусиқашуносликка) оид назарий тадқиқотлари ниҳоятда катта таъсир кўрсатди. Марказий Осиёга хос услугуб намуналарини, масалан, меъморчиликда Ҳиндис-

тондан то Шимолий-Фарбий Африкагача учратиш мумкин. Мўғул истилосигача халқимиз маънавияти учун мутаасиблиқ, маҳдудлик ёт эди. Маънавиятимиз барча илфорояларга, янгиликларга ташна, ижодкорликка, бунёдкорликка интилувчан эди. Эътиқод масалалари табиатшунослик, дунёвий илм-фан масалалари ўзаро қарама-қарши қўйилмас, ижод ва фикр эркинлигини, очиқчасига ислом ақидаларига зид келмаса, чегараланмас эди. Бу, айниқса, IX—XI асрларга хос.

Хулоса қилиб айтганда, Марказий Осиё халқарининг, уларнинг буюк фарзандларининг ислом тамаддуни деб аталмиш кишилик жамиятининг, умумбашар моддий ва маънавий маданиятининг, турмуш тарзининг улкан бир қисми шаклланиши ва ривожланишига барча йўналишларда, соҳаларда таъсири салмоқли, баъзиларида эса ҳал қилувчи бўлди.

АМИР ТЕМУР ВА ТЕМУРИЙЛАР ДАВРИДА МАЪНАВИЙ-МАДАНИЙ УЙГОНИШ

XIII асрнинг 20-йилларида Марказий Осиё мўғул истилосига тушиб қолди. Мисли кўрилмаган вайронагарчикларни, қатлиомларни бошдан кечирди. Кўплаб истеъдодлардан ажралди. Уларнинг баъзилари жангужадалларда ҳалок бўлсалар, баъзилари қулликка тушиб қолди, айримлари омон қолса-да, ижод қилишдан маҳрум бўлди ёки ижодий ҳафсаласи сўнди. Юртимиздан муҳожирликка кетиб қолган ижодкорлар ҳам талайгина. Масалан, буюк файласуф Азизиддин Насафий, атоқли шоир Камол Хўжандий Эронга, шоирлар Муҳаммад Авфий, Бадриддин Чочий, буюк шоир Хусрав Деҳлавийнинг ота-боболари Ҳиндистонга кетиб қолдилар. Улар ва уларнинг фарзандлари ўша ерларда ижодларини давом эттиридилар. Жалолиддин Румийнинг отаси Балҳдан Румга (Туркияга) кўчиб ўтди.

Жалолиддин Мангуберди билан кетиб қолган ҳамюртларимиз Фарбий Эрон, Ироқ, Сурия ва бошқа мамлакатларда ҳатто ўз қишлоқ ва шаҳарларини қуриб олдилар. Таркибида Ҳурмуз (хавраз ва ҳ. к.) деб аталувчи ёки шунга ўхшаш атамани ўз таркибига олган кўплаб қишлоқ ва шаҳарлар Яқин Шарқ мамлакатларида ҳозир ҳам учрайди. Уларнинг номи «Хоразм» сўзининг талаффуз ўзгариши билан боғлиқ. Уларга мўғул истилоси даврида муҳожирликка кетган ҳамюртларимиз асос солган.

Ижодий ҳаёт мўгуллардан кейин ярим аср музлаб, қотиб қолди, маданият, маърифат ва маънавият чуқур инқирозни бошдан кечирди. Лекин ўтган ярим аср биз учун кулфат, қабоҳат даври бўлса-да, босқинчилар учун «маданийлашиш», аксарияти учун маърифатга — зиёга жалб этилиш, исломийлашиш даврига айланди. XIII асрнинг 70-йилларидан маданий-маънавий ҳаёт яна аста-секин жонлана бошлади. Мўгул истилоси юртимиизда тахминан бир ярим аср давом этди. Юқорида номлари қайд этилган ижодкорлардан ташқари бу даврда Паҳлавон Маҳмуд, Раббузий, Муҳаммад Розий, Умар Жузжоний, ҳандаса (геометрия) илмининг атоқли намояндаси Сайид Шамсиiddин Муҳаммад ибн Ашраф ал-Хусайний ас-Самарқандий, машхур фалакиётчи олим ва табиб хоразмлик Маҳмуд ибн Муҳаммад ибн Умар ал-Чагминий ижод қилдилар.

Мўгул истилоси иқтисодиётимиз ва маданиятимизни вайрон этиб, маънавиятимизни инқирозга учратса-да, унинг дунёқараш ва эътиқод асосларини ўзгартира олмади. Мўгуллар бунга интилғанлари ҳам йўқ. Улар ўзлари билан, арабларга ўхшаб, янги дин ва эътиқод, янги фалсафа ва ижодга рафбат олиб келгандилир йўқ.

Мўгул истилоси даврида маънавиятимизда, ижтимоий онгда тушкунлик кайфияти, иррационализм ва диний мистикага мойиллик кучайди. Бу кейинчалик нафақат маънавий маданиятимиз, умуман жамиятимиз ривожланишига ҳам анча салбий таъсир кўрсатди. Аста-секин маънавий ҳаётимизда хурофот унсурлари (XVI асрдан) устунлик қила бошлади. Жамият тараққиёти йўналиши юқорига қараб эмас, тубанга, пастга қараб оғди.

Мамлакатимиз, маданиятимиз ва маънавиятимиз тарихининг энг қудратли, сифат жиҳатдан янги даври Темур ва темурийлар хукмронлигига тўғри келади. Иқтисодиёт, маданият, маънавият яна қайта юксалиши, ижтимоий алоқаларнинг мустаҳкамланиши турли қабила-уруғлар, қавмлар, элатлар ўргасидаги муштаракликни кучайтирди, уларнинг миллий жипслashiшини тезлаштириди. Эски ўзбек адабий тили шакллана бошлади. У Тароз ва Яссадан то Ҳиротгача форс тили билан бир қаторда умумий алоқа ва ижод воситасига айланди. Миллий онг, тафаккур, миллий адабиёт ва санъат, илм-фан ривожида кишиларнинг янги тарихий бирлиги шаклланиши эҳтиёжлари ўз аксини топди. Биз бежиз бу даврдаги чифатоий-туркийни эски ўзбек тили,

Дурбек, Саккокий, Атоий, Гадоий, Лутфий, Навоий, Бобур ижодини мумтоз ўзбек адабиёти деб атамаймиз. Бугунги мумтоз ўзбек адабиёти, санъати, маънавий маданиятиниң шаклланишида Темур ва.темурийлар даври ҳал қилувчи аҳамият касб этди.

Мўғуллардан ҳокимият Темурга ва темурийларга ўтгандан сўнг маънавий ҳаётда ҳақиқий Уйғониш даври бошланди. Маданият, маърифат гуллаб яшнади, шаҳарлар ва қишлоқларда ободончилик кенг кўламда олиб борилди. Ариқлар, каналлар қазилди. Янги ерлар ўзлаштирилди, боғлар барпо этилди. Карвонсаройлар, мадрасалар, ҳамомлар, бозорлар, расталар, саройлар, ҳашаматли имаратлар, сув қувурлари курилди. Темур бу ишларни нафақат ота юртида, шунингдек, забт этилган мамлакатларда ҳам амалга оширди.

Темур давридаги алломалар ҳақида галирганда аввало унинг хос, яқин кишиларидан бўлган мавлоно Абдулмаликни эслаш керак. У Бурҳониддин Маргинонийнинг авлодларидан биридир. Абдумалик мударрислик қилган, шеърлар ёзган. Туркий, араб ва форс тилларини, турли илмларни мукаммал эгаллаган шахс бўлган. У Темурнинг араб олимлари ва фозилу уламолари билан суҳбатларида, баҳсларида таржимонлик қилган. Темур билан суҳбат қурган, бир қанча мuddат унинг қароргоҳида яшаган Ибн Халдун ва бошқа алломалар ўз хотираларида Абдумаликка юксак баҳо берганлар.

Темур даврининг донғи чиққан олимларидан Саъдудин ат-Тафғозоний, Сайид Шариф Муҳаммад ал-Журжоний, Ҳожа Муҳаммад аз-Зоҳид ал-Бухорийни қўрсатиб ўтиш лозим. Ҳожа Муҳаммад аз-Зоҳид ал-Бухорий Қуръони Каримни юз жилдда (!) тафсир қилган. Мусиқа илмида шуҳрат топган бастакор ва устоз Абдуқодир ал-Марофий номи ҳам тарихда қолган.

Ибн Арабшоҳ ёзишика қараганда, мавлоно Аҳмад ибн Шамс ул Аимма туркча, форсча, арабчада «малик ул-калом» унвонини олган. Бу учала тилнинг подшоҳи деганидир. Ушбу муносабат билан шуни алоҳида таъкидламоқчи эдикки, ўрта асрларда илмий, адабий ва маданий ҳаётнинг миллийлиги қайси тилда битилгани билан белгиланмаган.

Фарбий Оврупода илмий асарлар деярли XVII аср охиригача асосан лотин тилида ёзилган. Бадиий асарлар эса

XIV аср охиригача лотин тилида битилган. Адабиёт ва санъатнинг миллий тилга кўчиши Ренессанс даврида узил-кесил ҳал бўлди.

Бизнинг минтақамизда араб тили илм тили сифатида XV аср гача ўз мавқенини сақлаб турди. Лекин форс тилининг илмий мавқеи ҳам бу даврга келиб анча юксалган, ҳатто араб тили билан тенглашиб қолган эди. XVI асрдан Марказий Осиё ва Эронда сўниб бораётган табиатшунослик ҳам тўла форс тилига кўчди. Бадиий ижодда IX асрдан бошлаб форс тили етакчилик қила бошлади. Аҳмад Югнакий, Юсуф Хос Ҳожиб каби атоқли шоирлар ижоди қорахонийлар давридаги туркӣ тилдаги адабий юксалиш на мунасиидир. Лекин бу юксалиш чингизийлар даврида та наззулга юз тутган эди. XV аср гача минтақамизда араб ва туркӣ тилда битилган асрлар, бу тилда ижод қилган адиллар кам бўлмаса-да, улар орасида даҳо дараҷасидаги йирик ижодкорлар йўқ эди. Лекин бу туркӣ халқлардан адабиёт соҳасида бундай ижодкорлар XV аср гача чиқмаган экан деган тушунчани англатмайди.

Низомий Ганжавий, Амир Ҳусрав Дехлавий турклардан чиққан буюк даҳо шоирлардир. Умуман бугун биз форс-тожик мумтоз адабиёти, деб атайдиган адабиётнинг атоқли намояндлари ичida туркӣ халқлар вакиллари сони жуда салмоқли. Мирзо Бедил, кейинчалик Сайдо Насафий ва бошқа кўплаб классикларнинг нафақат туркӣлиги, ҳатто туркӣларнинг қайси уруғ қабиласидан эканлиги маълум. Жалолиддин Румий ҳам Балх туркӣларидан чиққанлиги эҳтимолдан холи эмас. Чунки унинг туркӣча шеърлари ҳам бор. Шу сабабли бизнинг маданий меросимиз кўпроқ зуллисонайндир. Президент Ислом Каримовнинг биз, ўзбеклар ва тоҷиклар, аслида икки тилда сўзлашувчи бир халқмиз, деган сўзларида катта тарихий ҳақиқат бор. Форс тилида аждодларимиз яратган дурданалар билан биз ҳам, бу тилда сўзлашувчи халқлар каби, ҳаққоний равишда фахрланамиз. Темур ва темурийлар даврида маданиятимизнинг икки-уч тил воситасида ривожланиши табиий эди.

Темур теварагида нафақат олиму фузалолар, шунингдек, шатранж, нард ўйинлари ва турли соҳаларнинг мөҳир усталари ҳам ижод қилдилар. Ўз замонасида шатранж илмининг, санъатининг сultonи ҳисобланган Алоуддин ат-Табризийни Темур ўзига жуда яқин олган. Бирор бир фазилати ва шарофати бўлган ҳар қандай ҳунар ва касб со-

ҳибларига Темур ғоят катта меҳр қўйган, уларни улуғланган, мартабасини юксалтирган, ёнига таклиф қилган.

Темур Самарқандга барча илмларнинг ва санъатларнинг соҳибларидан етакчиларини таклиф қилган ва уларга ижод қилишлари учун бутун шарт-шароитларини яратиб берган. «Натижада Самарқандда, — эътироф этади Ибн Арабшоҳ, — ҳар бир ажиб фан аҳди намояндасидан ва санъатлар фаройиб услубидан фазилатли пешонасида нишони бўлиб, ўз тенгқурларидан устун турган, ўз фанида аллома бўлган кишилар тўпланган эди».

Таъкидлаш жоизки, Самарқандга ва мамлакатимизнинг бошқа шаҳарларига ўзга юртлардан кўчириб келтирилган хунармандлар, санъаткорлар, олимларнинг, улар оила аъзоларининг ҳақ-хукуқлари чекланмаган, улар қулга ёки хизматкорга айлантирилмаган. Балки маҳаллий аҳоли билан бир хил шароитда бир хукуққа эга бўлиб яшаган ва қасбкори билан шуғулланган.

Юқорида иқтиbos келтирилган Ибн Арабшоҳ 12 ёшида Самарқандга оиласи — онаси, aka-укалари билан кўчирилган эди. Унинг Самарқандда ҳар томонлама билим олиб, етук тарихнавис, шоир ва адаб, кўп фанлар бўйича чуқур билимдан бўлиб етишгани юқоридаги фикримизни тасдиқлади. У чигатоий-туркий (эски ўзбек), араб ва форс тилларини мукаммал билган. Чигатоий-туркийда шеърлар ёзган, ҳатто ўзининг айрим илмий асарларини бу тилга шеърий усуlda таржима қилган.

Темур фаолиятининг бош ғояси ва амалий шиори «Куч — адолатда», деган ҳикматки, у умуминсоний аҳамиятга эга. Бу ғоя ҳозир ҳам, бундан кейин ҳам энг эъзозли умуминсоний маънавий қадриятлардан, ахлоқий ва хукуқий меъёрлардан бири бўлиб қолажак. Ростгўйлик, ҳақиқатгўйлик, адолатпарварлик, юрти ва фуқаролари тўғрисида қайтуриш, мамлакати тинч ва осойишта, обод ва фаровон бўлишига бутун куч-ғайратини, ақл-заковатини йўналтириш каби Темурнинг хос фазилатлари унинг чинакам буюк маънавий шахс бўлишига, буюк бунёдкор давлат бошлиғи сифатида тарихда ўчмас из қолдиришига хизмат қилди. Мазкур фазилатлар унинг авлодларига ибрат бўлди ва ҳозир ҳам ибрат бўлмоқда.

Давлат бошқаруви, демократия тамойилларига суюниш, ижтиёний ҳаётни тартибга солиш, жиноятчиликка қарши кураш ва хукуқ устунлигини таъминлаш, халқаро муносави

батларнинг тенг, икки томонлама манфаатдор иқтисодий алоқалар ва ҳамкорлик асосида қуришга оид бугун тан олинган умумбашарий меъёрлар, қадриятларнинг бирортаси йўқки, у Темурнинг амалий фаолиятида ва сиёсатида куртак сифатида мавжуд бўлмаса.

Темурни давлат ишларининг 90 фоизи кенгашу машварат, фақат 10 фоизи куч (яъни маъмурий йўл) орқали ҳал қилиниши лозим деган тамойили демократик бошқарув меъёридир. Ҳалқ норози бўлган, адолатни бузган ҳокимларни вазифасидан четлаштириб жазолаши ёки мамлакатнинг бир сарҳадидан иккинчи сарҳадига бошига бир лаган жавоҳир қўйиб ўтаётган болакайнинг бирор дона ҳам жавоҳири йўқолмайдиган тартиб ўрнатгани адолат ва хукуқ устуворлигини ўз даврида таъминланишидир.

Фарб давлатлари хукмдорларига ёзган мактубларида мамлакатлар ўртасида урушлар эмас, савдо-сотиқ ривожланиши фаровонликка, ободончиликка хизмат қилиши тўғрисидаги фикрлари ва бундай алоқаларни ўрнатиш бўйича билдирган амалий таклифлари ҳам бугунги ҳалқаро сиёсий ва иқтисодий алоқалар негизида ётган тамойилнинг ўша даврда ниш урган куртагидир.

Юқорида қайд этилган тамойиллар, меъёрлар бевосита маънавиятнинг моҳиятли унсурларидир. Улар турли тарихий даврларда турли қўринишлар касб этиши, шаклан ва мазмунан бойиши табиий. Бугун биз бунинг гувоҳимиз. Лекин фаҳр билан эътироф қилишимиз мумкинки, замонавий умуминсоний қадриятларнинг муайян қисми ўз илдизлари билан бизнинг аждодларимиз ижодига ва фаолиятига бориб тақалади.

Темурий шаҳзодалар, афсуски, ўзаро тахт ва мансаб талашиб, мамлакат барқарор ва бир текис ривожланишини анча қийинлаштирудилар. Лекин уларнинг аксарияти кенг билимли, адабиёт ва санъатга қизиқувчан, ўзлари ҳам ижод борасида юксак иқтидорли эдилар. Шу боис илм-фан, санъат ва дин арбобларига ҳомийлик қилдилар. Ўз мулклари — вилоятлари, ёки ҳокимият тепасига келиб қолсалар, бутун мамлакат миқёсида ободончилик ишлари билан шуғулланишга, маърифатни қўллаб-қувватлашга интилдилар. Айниқса Шоҳруҳ, Улуғбек ва Ҳусайн Бойқаро шахслари бу борада алоҳида ажralиб туради.

Темур ўз васиятида тўнғич ўғлидан тўнғич набираси Пирмуҳаммадни валиаҳд қилиб тайинлаган эди. Аммо

унинг авлоди бу васиятга амал қилмади. Тож-тахт учун курашлар оқибатида Темурнинг кенжә ўғли Шоҳруҳ ҳокимиятни қўлга киритди. Аммо отаси васияти бўйича давлат тепасига келмагани учун бўлса керак, отаси тахтига ўтиришга жазм қилолмай, пойтахтни Ҳиротга қўчирди ва Самарқандни ўғли Улуғбекка топширди. Бу ҳол унинг маънавий-ахлоқий фазилатининг бир қиррасини кўрсатиб турибди.

Самарқанд ва Ҳирот нафақат темурийлар давлатининг, балки бутун ислом маданияти, илм-фани ва санъатининг икки марказига айланди. Самарқандда Улуғбек атрофида ўша даврнинг буюк риёзатчи ва астрономлари, муҳандислари, турли фанлар бўйича бошқа олимлар тўпландилар. Қозизода Румий усмонли турк мамлакатидан, Фиёсiddин Жамшид Коший Эрондан Улуғбек олдига келдилар ва у билан бирга тригонометрия, геометрия ва астрономия соҳасида, астрономик асбоблар, глобус ясаш бўйича тадқиқотлар ўтказдилар. Кейинчалик маҳаллий ёшлардан буюк олим Али Қушчи етишиб чиқди. Улардан ташқари Муҳаммад Ҳавофий, Алоуддин ал-Бухорий сингари қанчалар истеъдодли, атоқли олимлар Улуғбек мадрасаси ва расадхонасида фаолият кўрсатдилар, ёшларга таълим бердилар, илмий кузатишлар олиб бордилар. Самарқандда ўша даврда жаҳондаги энг замонавий, мукаммал обсерватория — расадхона қурилди. 1018 та юлдузнинг координаталари аниқланиб, жадвали тузилди. У ҳаққоний равишда «Зижи жадиди Кўрагоний» ёки «Зижи Улуғбек» деб аталади. Улуғбекнинг илмий мактаби ал-Хоразмий, ал-Фарғоний ва айниқса ал-Беруний илмий меросини чуқур ўрганди, таҳлил этди, бу мероснинг ҳақиқий вориси, давомчиси бўлиб, илм-фан, маънавият тарихи саҳнасига чиқди.

Фиёсiddин Жамшид Коший ва бошқаларнинг ёзиб қолдиришича, Берунийнинг «Қонуни Масъудий» асари Улуғбек шогирдлари ва ҳамкасларининг деярли қўлидан тушмайдиган китоб, дарслик бўлган. Бу асарнинг турли бобла-ри бўйича мунозаралар, илмий баҳслар олиб борилган, улар оғзаки ва ёзма талқин қилинган (ҳозирги илмий рефератларнинг ilk кўриниши).

Хоразмий, Фарғоний, Беруний ривожлантирган фали-киёт илми ўзининг олий юксалишига Улуғбек мактабида эришди. Телескоплар ихтиро қилингунга қадар ривожлан-

ган жаҳон фалакиёт илмининг хулосаси ва чўққиси Улуғбек ва унинг ҳамкорлари ижодидир.

Маълумки, Зиж тузиш учун осмон жисмлари энг камида 12 йил, ўргача 24 йил, тугал бўлиши учун 36 йил кузатилади. Шу боис Улуғбекнинг давлат ишларидан бўшаган пайтлардаги асосий вақти расадхонада юлдузлар ва осмон жисмларини кузатишга кетган. Улуғбек зижини търифлаб ўтиришнинг ҳожати йўқ. Уни бутун дунё тан олган. Унинг муаллифига Шарқу Farb ўрта асрларнинг энг буюк астрономи деган баҳо берилган. ЮНЕСКО Улуғбекнинг 600 йиллигини бутун дунё миқёсида нишонлади.

Давлатшоҳ Самарқандий Улуғбекка «маоний илмида (маънолар илми — дунёвий фанлар ва мантиқ — А. Э.) қилини қирқ ёрди», деб баҳо беради. «Унинг даврида, — ёзади Давлатшоҳ Самарқандий, — олиму фозиллар марта баси ниҳоят баланд чўққига кўтарилди... Фозиллару ҳакимларнинг яқдил фикрлари шулки, исломият замонида, балки Зулқарнайн замонидин шу пайтгача Улуғбек кўрагондек олим ва подшоҳ салтанат таҳтида ўлтирумаган»¹.

Жамшид Коший ва Улуғбек томонидан синус бир градусни ҳисоблаш масаласининг икки оригинал усулда ечилишини хориж олимлари ҳам мукаммал ечим деб баҳолаганлар. Биз Улуғбекни кўпроқ буюк фалакиётчи (астроном) олим сифатида биламиз. Аслида у тригонометрия ривожига ҳам бекиёс ҳисса қўшган. Умуман Улуғбек, қизиқиши ва билимига кўра, ҳар жиҳатдан қомусий олим бўлган. Унинг «Тўрт улус тарихи» деган йирик асари (афсуски, тугалланмай қолган) мустақиллик йиллари халқимизга етиб келди. Фараз қилиш мумкинки, астрономик кузатишларини якунлагач, Улуғбек фалсафа, тарих, адабиётшунослик ва бошқа фанлар билан ҳам, балки, жиддий шуғулланар эди. Чунки Жамшид Коший маълумотига кўра, «у қонуншунослик (фиқҳ)дан яхши хабардор; мантиқ, адабиёт усулбларини ҳамда мусиқа назарияси асосларини билади. У киши риёзиёт фанининг барча тармоқларини мукаммал эгаллаган...»².

Улуғбек илмий дунёкараш тарафдори, айни пайтда комил мусулмон эди. У ислом ақидаларини, Куръон оятлари

¹ Қаранг: «Амир Темур ва Улуғбек замондошлари хотирасида». Т., «Ўқитувчи», 1996, 10-б.

² Ўша манба, 278-б.

ва ҳадисларни рационал талқин қилар, хурофотни, мутаассибликни қабул қылмас эди. Шу боис уни диний мутаассиблар унча хушламаганлар. Бу Абдуллатиф кўрсатмаси билан Самарқанд уламоларининг Улуғбек тақдирини ҳал қилиш борасида қабул қылган ҳукмларида яққол ўз ифодасини топди.

Улуғбек мактабининг яна бир даҳоси — Али Кушчининг илмий хизматларини ҳам алоҳида таъкидлаш керак. Али Кушчи ўрта асрларда юртимиздан дунёвий илм-фан, табиатшунослик соҳасида чиққан охирги қомусий олимдир. У ўз замонасидаги дунёвий илмларга оид деярли барча фанларни пухта эгаллаган. У нафақат математика ва астрономия фанлари ривожланишига буюк ҳисса қўшди, шунингдек, мантиқ, фалсафа, грамматика ва адабиёт назарияси, табобат, фиқҳ, тарих ва бошқа соҳаларга оид рисолалар ҳам битиб, уларни бойитди. У бу соҳаларга бағишлиланган асарларида ҳақиқий илмий усулни, рационалистик таҳдил ва умумлаштиришни, илмий холисликни (объективликни) ҳимоя қилди. Яъни илм-фандада, тафаккурда, дунёқарашда Улуғбек тамойилларини давом эттириди ва ҳимоя қилди.

Али Кушчи математика фанига «мусбат» ва «манфий» тушунчаларини киритди, ўнли касрлар назариясини бойитди. Аё София мадрасасида бош мударрис бўлганида 90 градусдан кичик бурчакларнинг ўтмас бўлиши мумкинлиги тўғрисида баҳслар юритди. Кейинги ҳолатни ноевклид геометриясига тааллуқли илк олиб борилган тадқиқотлардан бири, деб баҳолаш мумкин.

Астрономия соҳасида эса у Улуғбекнинг ўнг қўли эди. «Зижи жадиди Кўрагоний» Али Кушчи иштирокисиз, балки, тугалланмай қолган бўлур эди. Унинг шарҳларини араб тилига таржима қилиб, бутун жадвалга тартиб берган ҳам, Улуғбек қатлидан кейин сақлаб қолиб, бутун дунёга тартибот этган ҳам Али Кушцидир.

Улуғбек ўз атрофига нафақат олимларни, шунингдек, истеъдоли шоир ва бастакорларни, адиларни, мөъморларни, рассом ва нақшкорларни, хаттотларни ва санъатнинг бошқа соҳаларига оид ижодкорларни тўплади. Мумтоз ўзбек адабиёти шакланишига Навоийгача замин яратганлардан бири — атоқли шоир Саккокий Улуғбек атрофидаги ижодкорлардан эди. Хожа Исламутло Бухорий, Камол Бадаҳшоний каби шоирлар, «илми ҳикматда замонасининг яктоси» Алоуддин Шоший, машойих Ҳасан Ат-

тор каби атоқли ижодкорлар Улугбек даврида Самарқанд-нинг маънавий ҳайтини юксалтирилар.

Буюк фақиҳ Абул Лайс ас-Самарқандийнинг авлодларидан хожа Фазлуллоҳ Абуллайсий — Алишер Навоийга икки йил дарс берган улуғ устоз — ҳам ўз ижодий фаолиятини Улугбек даврида бошлаган. Улугбек Самарқандда, Бухорода, Фиждувонда олий мадрасалар (ўша даврдаги университет), бошқа шаҳарларда ҳам кўплаб мактаблар ва мадрасалар қурдириди. «Илм олмоқлик ҳар бир муслим ва муслима учун фарз» деган ҳадисни қурдирган мадрасасининг тепасига ёздириб қўйди.

Улугбекнинг бу ишларини маърифат ёрдамида жаҳолатга, авж олиб бораётган мутаассибликка қарши курашнинг ўша даврдаги намунаси дейиш мумкин. У олимлар ва талабалар билан турли мунозаралар, баҳслар ўтказиб турган. Бу баҳсларга ўзи шахсан раҳбарлик қилган. Фиёсиддин Жамшид Кошийнинг ўз отасига ёзган хатида гувоҳлик беришича, баъзан у атайлаб мураккаб, чалкаш, хато фикрни ўртага ташлаган. Кимдир бу хато фикрни ёқласа, уни фош қилган ва тузатган.

Улугбек қатлидан кейин дунёвий илм-фан аста-секин орқага кета бошлади. Мистика, диний мутаассиблик анча кучайди. Расадхонадаги тақиқотлар ҳам тўхтаб қолди. Қаровсиз қолган, тъмирланиб турмаган расадхона вақт ўтиши билан бузилиб, кўмилиб кетди. Жамиятда маънавий муҳит ўзгарди. Ижодий, танқидий фикр юритиши, илмий холисликка эҳтиёж пасайди. Аксинча, мадҳиябозлиқ, лаганбардорлик кучайди. Иррационалистик қарашлар, мистика ва диний мутаассиблик табиатшуносликка нисбатан беписанд қарашларнинг, салбий муносабатларнинг авж олишини озиқлантириб турди.

Мамлакат таҳтига ўтирган Абу Саид Мирзонинг Али Кушчига шахсий муносабати хурматли эди. Лекин, шунга қарамасдан, илмий тадқиқот, ижод учун муҳит нокулай бўлганлиги сабабли Али Кушчи оқибатда на Самарқандда, на Ҳиротда қолди, Истанбулга йўл олди. Чунки Абу Саиднинг феъл-автори мураккаб, жоҳиlliкка ён босувчи эди. У жамият онгига, маънавиятида юз берган салбий бурилишни ўзgartиришга ожиз эди. Буни Али Кушчи буюк ақл-заковати билан теран идрок этган.

Самарқандда маънавий турғунылик бошланди. Бу эса халқимизни олдинда кутиб турган чуқур маънавий-мада-

ний, иқтисодий, сиёсий, ҳарбий, умуман, ижтимоий инқизорзининг дебочаси эди. Лекин Улугбек даврида яратилган улкан илмий ва маданий салоҳият бирданига йўқолиб кетган эмас. Пойтахт Самарқанддан Бухорога кўчирилган вақтгача, шаҳар Мовароуннахрда етакчи маънавий марказ бўлиб қолаверди. Алишер Навоийнинг ҳам Самарқандга келиб таълим олгани бежиз эмас. Алишер Навоий «Мажолисун нафоис» тазкирасида (тазкира 1491—92-йилда ёзилган) ўша даврда Самарқанд шаҳрида яшаб ижод қилаётган ўзига замондош 31 шоирни санаб ўтади. Улардан бештаси, келиб чиқишига кўра, шерозлик, иккитаси хоразмлик, иккитаси кирмонлик. Шоирлар орасида қаршилик, ҳисорлик, бадахшонлик, казвинлик, қумлик, яздлик ва бошқа жойлардан келгандар учрайди. Бу Улугбек қатлидан 40—45 йил кейин ҳам Самарқандга пойтахт ва маданий-маънавий марказ сифатида ижодкорларнинг интилиши кучли бўлганини кўрсатади.

Ўзаро ички низолар, таҳт талашлар бир оз сусайиб, Ҳирот таҳтига Ҳусайн Бойқаро ўтиргач, халқимизнинг маънавий-маданий ҳаётида яна ўттиз йилдан кўпроқ муддатда гуркираб ўсиш кузатилди. Аммо бу уйғониш бир оз чегараланган, универсал мазмунга эга эмас эди. Энг аввало бу даврда табиатшунослик фанлари илгариги мавқеини қайта тиклай олмади. Аксинча, йилдан йил ортга кетди. Иккинчидан, бу давр маънавияти асосларида, негизида, илгаригидек, ҳам табиий-илмий, ҳам диний қарашлар эмас, кўпроқ бир томонлама диний қарашлар, аникроғи нақшбандия таълимоти ётар эди. Шу боис бу даврда кўпроқ гуманитар илмлар ва адабиёт, санъат ривожланди.

Навоий «Мажолисун нафоис» асарининг еттинчи мажлисида 20 нафар Темурий шаҳзодаларнинг шеърларидан парчалар келтирган. 8-мажлисини эса султон Ҳусайн Бойқаро ижодига (21-шоир) бағишилаган. Навоий рўйхатида атоқли шоир Заҳириддин Муҳаммад Бобур номи келтирилмаган (асар ёзилганда Бобур жуда ёш бўлган ва унинг ижоди Навоийга маълум бўлмаган). Темурийлар орасида энг истеъдодлиларидан, девон тузиб, адабиётда из қолдиргандардан бири Ҳусайн Бойқародир. Ҳусайн Бойқаро буюк шахс эди, кўплаб юксак ва ноёб фазилатлар соҳиби эди. У кучли саркарда ва давлат бошлиғи салоҳиятига эга бўлса-да, ўзга мамлакатларга кўз олайтиргаган. Тахтга ўтири-

гач, факат мамлакати ичидаги айирмачилик ва ш. к.ларни бостирган, четга қўшин тортмаган. Ҳусайн Бойқаро ободончиллик ва фаровон турмушнинг асоси уруш эмас, балки тинчлик ва сиёсий барқарорлик эканлигини яхши тушунган. Маърифатни, илм-фанни, адабиёт ва санъатни, хунармандчиликни кенг ривожлантирган.

Ҳусайн Бойқаронинг Навоийга бўлган муносабати, давлат ишларида у билан маслаҳатлашиши, Навоийни ҳам иқтисодий, ҳам лавозимий, ҳам маънавий мавқени, мартабасини жуда баландга кўтариши унинг ижодга, маърифат ва маънавиятга бўлган муносабатидир. Шу йўсинда ҳозир ҳам ҳаммани лол қолдирадиган бир воқеани эслаш ўринли, деб ҳисоблаймиз: Навоий «Ҳамса»ни ёзib тугатгач, сафардан қайтган Ҳусайн Бойқарога асарни тақдим этади. Ҳусайн Бойқаро отдан тушиб, «Ҳамса»ни юз-кўзига суртиб, қабул қилиб олади ва шу заҳотиёқ Навоийни ўз отига миндириб, отнинг жиловидан етаклаб бутун Ҳиротни айлантиради. Бу инсоният тарихида Ҳусайн Бойқарогача ва ундан кейин ҳам мутлақо тақрорланмаган воқеадир. Испания, Франция ёки Англия қиролларининг Лопе де Вега, Мольер ёки Шекспирга нисбатан бундай муомала қилишини тасаввур ҳам қилиш мумкин эмас. Инглиз қироли, Шекспир саройга таклиф қилингандা, ҳатто буюк адига гап қўшишни лозим топмаган. Чунки Оврупо киборлари, зодагонлари жамиятининг маънавияти ўзгача бўлган, инсонга тенг кўз билан қараш мумкин бўлмаган. Инсон истеъоди, даҳосига қараб эмас, насл-насабига қараб баҳоланганд. Бугунги демократия ривожланган Оврупода инсон қадр-қиммати мезонлари энди тамомила бошқача.

Ҳусайн Бойқаронинг Навоийга жиловдор бўлишни ўзига эп кўрганлиги энг аввало унинг қанчалик буюк маънавият соҳиби бўлганидан, адабиётни, санъатни, ижодни жуда юксак қадрлаганидан далолат беради. Лекин, таъкидлаш зарурки, Ҳусайн Бойқаронинг ҳаракати нафақат унинг қандай шioҳ ва инсон бўлганини кўрсатади, у жамият маънавияти юксаклигидан, юқоридагига ўхшаш шioҳлар хатти-ҳаракатларини тўғри қабул қилиб, муносиб баҳолай олишидан ҳам далолат беради. Агар бизда ҳам Өвруподагидай муносабатлар, қарашлар ҳукмронлик қилгандা, олий табақа ҳам, авом халқ ҳам Ҳусайн Бойқаро илтифотини тўғри тушуна олмаганида, у ҳеч қачон Навоийга жиловдор бўлмас эди.

Давлат бошлигининг ўзи ижод билан шуғулланиши, маърифатга интилиши, ижод аҳлига ҳомийлик қилиши унинг аъёнларига ибрат ва тақлид учун намуна бўлган. Ҳусайн Бойқаро саройида, вилоятлар ҳокимлари саройида ижодий муҳит қайнаб турган.

Ҳиротда Шоҳруҳ давридан бошлаб, Самарқанддан фарқли ўлароқ, кўпроқ ижтимоий-гуманитар соҳада ижодкорлик ривожланди. Чунки Шоҳруҳда диндорлик кучли эди. Унинг ўзи шу боис риёзиёт ва табиатшунослик фанларига унча мойиллик кўрсатмаган. Бу фанлар Ҳиротда етарлича рағбатлантирилмаган, ҳар ҳолда тадқиқотлар кам олиб борилган ва Самарқанд, Тус шаҳарларидағи каби йирик илмий мактаблар вужудга келмаган. Табиатшунослик Шоҳруҳ даврида Ҳиротда кўпроқ олий таълим даражасида қолиб кетган. Ҳусайн Бойқаро замонида ҳам бундай хусусият сақланиб қолди. Шоҳруҳ даврида Шарофиддин Али Яздий тарихнавислика, Лутфий шеъриятда, Жомий тасаввуфда ва шеъриятда буюк мерос яратдилар. Тасаввуф, хусусан, нақшбандия тариқатининг маънавий ҳаётдаги мавқеи анча юксалди, етакчилик аҳамиятини касб этди. Ҳусайн Бойқаро замонида нақшбандия мавқеи янада мустаҳкамланди, айтиш мумкинки, ўрасмий мағкура даражасига кўтарилиди. Жомий ва Навоий нафақат даҳо шоирлар, шунингдек, фалсафий-диний масалалар, ахлоқ, адабиётшунослик, тилшунослик, жамиятни бошқаришни такомиллаштириш, инсон шахсини тарбиялаш, маърифат ва маънавият борасида ҳам буюк мутафаккирлар эдилар. Мирхонд, Хондамир, Зайниддин Восифий тарихнавислик бобида ажойиб асарлар битдилар.

Шу ўринда Алишер Навоий ижодининг миллий маънавиятимизда тутган ўрни ҳақида алоҳида тўхталиш зарур. Биз Алишер Навоийни нафақат мумтоз ўзбек адабиёти асосчиси, даҳо шоир, машҳур давлат арбоби, таълим ва санъат ҳомийси сифатида, шунингдек, миллий маънавиятимиз тарихида бутун бир даврни ташкил этган қомусий мутафаккир сифатида ҳам англаб олишимиз зарур.

«Алишер Навоий ва ўзбек маънавияти» масаласи бир неча йўналишлардан, мавзулардан иборат жуда катта масаладир. Зоро, шоир ўз фаолияти ва ижодида, биринчидан, чигатоий-туркий (эски ўзбек) миллий онги ва миллий гояси шаклланишига хизмат қилган. Яъни энг аввало ўзининг бадиий ижодида, ҳар қандай сиёсий, йқтисодий,

маданий-маърифий (мактаблар, мадрасалар қуриш, санъаткорларга, олимларга, адибларга, уламоларга ҳомийлик қилиш) фаолиятида, туркий тилда (эски ўзбек) ижод қилишни алоҳида рағбатлантиришда ва бошқа барча масалаларда янги шакланаётган элат, унинг адабий тили ва миллий давлатчилиги манфаатларидан келиб чиқиб иш тутган. Иккинчидан, эски ўзбек адабий тили меъёрлари ва мезонлари тартибга келтирилишида ҳал қилувчи роль йўнаган. Учинчидан, миллий-бадиий тафаккурни жаҳон бадиий тафаккурининг энг юксак чўққиларига кўтара олган.

Навоийгача чигатоий-туркий тилдаги адабиёт гўзал ва нозик ҳис-туйғуларни, лирик ҳиссиятни ифодалашда (Саккокий, Лутфий) ёхуд воқеаларни лирик-эпик тасвирлашда (халқ баҳшилари, Дурбек) анча ютуқларга эришган, юксак маҳоратга кўтарилиган бўлса-да, оламшумул бадиий-фалсафий қомусийлик (яъни ўз давридаги фалсафий-ахлоқий, эстетик, диний-руҳоний, дунёвий-маънавий омоллар мужассамлиги) аҳамиятини касб этмаган эди. Факат А. Навоий ижодида биз шундай қомусийликни кўрамиз.

Навоий ижодида тасаввупнинг сирли жилолари ва тенгликлари ҳам, ҳамсачиликнинг фалсафий-эпик кенгликлари, серқирралиги ва қудрати ҳам, ғазалнинг нозик, мафтункор образлилиги ва мусиқийлиги ҳам бирдай ўз ифодасини топди.

А. Навоий асарларини ўрганишдан мақсад — нафақат эстетик, бадиий эҳтиёжларимизни қондириш, завқ олиш, билимларимиз ва дунёқарашимизни бойитиш, ақлимишни чархлаш, дидимишни юксалтириш, шунингдек, ўзлигимизни тарихнинг янги босқичида қайта англаш, келаҗак йўлида ўз маънавий манбаларимиз, тарихий илдизларимиздан кўпроқ озиқланиш, куч тўплаш, дунёқарашиб ва эътиқоднинг долзарб масалаларига муносабатларимизни аниқроқ белгилаб олишда кўшимча далиллар топишидир. Ушбудан А. Навоий асарлари бугун ҳам биз учун қайдаражада замонавийлик ва долзарблик касб этиши келиб чиқади.

А. Навоий ижодига бир томонлама ва тор ёндашиб бўлмайди. Афсуски, совет даврида бу доҳиёна ижод сунъий равишда «даҳрийлаштирилди», бир томонлама таҳлил этилди. Бугун эса биз яна худди шундай бир томонлама ёндашувга мойилликни айрим ҳолларда кузатмоқдамиз: энди у

сунъий равишда диний таълимотнинг бадиий «шарҳига», бадиий ифодасига «айлантирилмоқда». Аммо бадиий асар мазмуни фақат ғоявий-эътиқодий масалалар чегарасида, қолипида қолиб ҳам кетмайди.

А. Навоий ижодини қандай баҳолаш, муносабатимизни аниқлаш тор илмий-фалсафий ва адабиётшунослик муаммоси эмас. Бугунги кунда у миллий истиқлол мағкураси, маънавий тараққиётимизнинг келажак йўли қандай бўлиши лозимлиги ва ҳ. к. муаммоларни ечишга маълум дараҷада таъсир кўрсатади.

Ўша давр маънавиятини миниатюра санъатисиз тўлиқ тасаввур этиб бўлмайди. Камолиддин Беҳзод ва бошқа расомларнинг рангтасвирида ишлаган китоб миниатюралари умуминсоний қадриятларга, жаҳон санъатининг дурдоналарига айланди. Беҳзод асарлари Матисс ижодига ва у орқали ҳатто XX аср Оврупо рангтасвирининг баъзи модернистик оқимларига кучли таъсир кўрсатди. Беҳзод асрлар ўтиб, бизнинг замонамида ҳаққоний равиши Шарқнинг энг буюк, даҳо рассоми, деб эътироф этилмоқда. Унинг асарлари вақт синовига бардош берди ва уларнинг қиймати янада ошди.

Беҳзод мактабидан кейинчалик Бухоро ва Самарқандда ўzlари ҳам мактаб яратган икки атоқли рассом — Маҳмуд Музаҳҳиб ва Муҳаммад Муродлар етишиб чиқди. Ўша даврдаги маънавий муҳитни, маънавий тарбияни тасаввур қилиш учун Алишер Навоийнинг Саид Ҳасан Ардашер ва Паҳлавон Муҳаммад ҳаётларига бағишлиланган асарларини, юқорида келтирилган «Мажолисун нафоис»ини ўқиши лозим. «Мажолисун нафоис»нинг бешинчи мажлисини Навоий амирлар, юксак амалдорлар ўғилларидан ўша пайтда шеър ёзаётгандарини санаб, улар ижодидан намуналар келтиради. Бу юксак аъёнлар, мартабали амалдорларнинг таълим-тарбияга, маънавиятга муносабатидан ва жамиятда ҳукм сурган маънавий муҳитдан билвосита далолатdir.

Буюк ўзбек шоири Заҳириддин Бобур ҳам темурий шаҳзодалардан. Бобур янги сулолага асос солди. Афсуски, бу сулола Кобул ва Ҳиндистонда ҳукмронлик қилди. Бобурийлар илм-фан, адабиёт ва санъат шайдолари, ҳомийлари бўлиб, ўзлари ҳам ижод билан шуғулланишган. Бобурийлар билан боғлиқ хорижда ривожланган ўзбек маданияти ва маънавияти ҳали етарли даражада ўрганилган эмас, ўз тадқиқотчиларини кутиб турибди. (Бобурийлар ва улар

саройида хизмат қилган юртдошларимизнинг, улар авлодларининг туркй (эски ўзбек) ва форс-тожик тилида ижод қилган шоиру адиблар, тарихчилар, файласуф ва мутасаввуфлар ижодини биз миллий маданий меросимизнинг хорижда яратилган узвий бўлаги деб қарасак, мантиққа зид бўлмайди.)

Нафақат хонлар ва ҳокимлар саройларида мушоиралар, санъат ва мусиқа назариясидан, илмнинг бошқа соҳала-ридан баҳслар ўтказилар, шунингдек, сайил кунлари жамоат жойларида ҳам мушоиралар, санъаткорларнинг чиқишилари, аскиябозлар, дорбозлар томошалари, полвонлар, чавгончилар курашлари ва ҳ. к. уюштирилар эди. Жамиятнинг нуфузли кишилари ташкил қиласиган базмлар ва меҳмондорчиликларда ҳам санъаткорлар, шоирлар иштирок этиши урфга айланган эди. Жамиятнинг маънавий-маданий савияси, маънавий-эстетик эҳтиёжлари баланд эди.

Аммо бирор тарихий даврни ва ҳеч бир тарихий шахсни, агар у даҳолар даҳоси бўлсаям, идеаллаштирмаслик керак. Шу жумладан Темур ва темурийларни, уларнинг даврини ҳам. Темур ва темурийларга адолат билан бир қаторда — фотиҳлик (Темурга), қаттиқўллик, қаҳр-ғазаб, тожтахт талашиш йўлида ҳеч нарсадан тап тортмаслик ҳам хос эди. Вазият тақозо этса, улар на ўзларини, на оға-инила-рини, на бошқаларни аяганлар. Билимнинг кўп соҳасида отасидан кам бўлмаган Абдуллатифнинг Улугбекни, юксак маърифатли Ҳусайн Бойқаронинг ўз набираси Мўмин Мирзони қатл эттиришларини ва таҳт учун оға-инилар ўртасида содир этилган хунрезликларни уларга баҳо берәётгандан асло унутмаслик керак. Лекин айни пайтда тарихий шахсларга баҳо берәётгандан, бугунги кун меъёрларидан эмас, ўша замон меъёрларидан келиб чиқиш лозим. У ўзи-дан аввалги даврга нисбатан қандай илфор янгиликларни жорий қилди, тараққиётга, адолатга, инсон камолотига нечук ҳисса қўши, қандай шарт-шароит яратди, унинг фаолияти оқибатда жамият заволига хизмат қилдими, ё камолига — мана тарихий шахсни баҳолашда қўлланила-диган мезон. Темурийлар даврида ҳам саройлардан, пой-таҳт ва йирик марказлардан четда авом ҳалқ ўртасида ху-рофот кенг тарқалган, маърифат анча паст, айрим доира-ларда мутаассиблик кучли эди. Иқтисодий ўсиш, ишлаб чиқариш воситаларининг такомиллашиши жуда-жуда суст

эди. Бу соҳада жамият анъанавийлик касб этган, сифат жиҳатдан унинг янги босқичга кўтарилиш имкониятлари жуда пасайиб кетган, капиталнинг тўпланиши, концентрацияси, ҳунармандчиликнинг оиласиб доирадан четта чиқиши рўй бермаган эди.

Маънавий ҳаётда эса диннинг таъсири, аниқроғи диний мутаассибликнинг таъсири йилдан-йил ошиб бора-верди. Илм-фандаги назарий ютуқлар, изланишлар иқтисодий зарурат билан туташмади, техник ижодкорликка, ишлаб чиқариш воситаларини такомиллаштиришга, машина ва механизмлар яратишга қараб йўналтирилмади.

Шу сабабдан, жамият тараққиёти ортга қайтмайдиган юксалиш чизигидан кетмади, объективлик касб этмади. У кўп жиҳатдан давлат бошлигининг, амалдорларнинг дидига, интилишига, ҳалоллиги, сахийлиги ва ташаббускорлигига, яъни субъектив омилларга қарам бўлиб қолаверди. Натижада, темурийлар даврида вужудга келган юксак маънавият иқтисодий жиҳатдан етарлича мустаҳкамланмади ва маънавиятнинг кейинги муттасил равнақ топишини таъминлай олмади.

АНЪАНАВИЙ ЖАМИЯТНИНГ УЗИЛ-КЕСИЛ ҚАРОР ТОПИШИ ВА МАЪНАВИЙ ТУРҒУНЛИК

Ўзбек халқининг маънавияти унинг тарихан босиб ўтган иқтисодий, ижтимоий, сиёсий, маданий ривожланиш йўлига, иймон-эътиқодига, дунёқарашига, иродасига, жамиятда қарор топган муҳитга мос равища шаклланди ва ўзгариб келди. Маънавиятимизнинг гуркираб ўсган ёки таназзулга юз тутган турли даврлари бўлди.

Маънавиятимизнинг бугунги кундаги айрим хусусиятлари, ўзига хос жиҳатларини тўғри тушуниш учун унинг шаклланишига ва ривожланишига таъсир кўрсатган асосий омиллар тўғрисида гапириш керак.

Улар уч гурухга: моддий-иқтисодий, сиёсий ва фалсафий-диний омилларга бўлинади. Маънавиятнинг ҳар бир конкрет ҳодисасини моддий ҳаётдан келтириб чиқариш вульгар социологизмга ён бериш бўлар эди. Аммо моддий ҳаёт, турмуш тарзи маънавиятнинг умумий хусусиятларига таъсир кўрсатади. Худди шундай маънавиятдаги ҳар бир конкрет ҳодисани фалсафий, диний қарашлардан ҳам, сиёсий муносабатлардан ва сиёсий доктриналардан ҳам

келтириб чиқариш нотўғри бўлади. Лекин уларнинг ҳам маънавиятга таъсири кучли. Маънавиятга табиий ва ижтимоий, моддий ва мафкуравий, сиёсий омиллар мужассам таъсир кўрсатади. Маънавият учун тарихийлик ва замонавийлик, барқарорлик ва ўзгарувчанлик хос. У ўз тарихий илдизларига, асрлар давомида тўпланган меросига қаттиқ таянган ҳолда ривожланади, янгиликларни қабул қиласди. Бу жараён жуда зиддиятли, қарама-қаршиликларга бой. Шу сабабдан маънавият ривожланиши, ундаги муайян ҳодисалар, унсурларнинг пайдо бўлиши ёки унутилиши тўғрисида юзаки мулоҳаза юритиш, узил-кесил қатъий хуласа қилиш мумкин эмас.

Маънавият ривожланиши, унинг тенденцияси тўғрисидаги мулоҳазалар маълум даражада нисбий, шартли хуносалардан иборат эканлигини мудом ёдда тутиш лозим.

Айни пайтда маънавиятга таъсир кўрсатувчи омилларни таҳлил этмасдан, унинг ривожланиш қонуниятларини яхши тушуниш, бинобарин, бу жараёнга ижобий таъсир кўрсатиш қийин.

Энг аввало маънавиятнинг арконий тушунчалари табиий иқлим шароитлари билан узвий боғлиқ бўлган тарихан вужудга келган ишлаб чиқариш хусусиятлари таъсирида шаклланади.

Сугориладиган деҳқончилик, аввалги бобда таъкидланганидек, тамаддуннинг (цивилизациянинг) пойдеворини яратди. Йил фасллари ва экиш мавсумини тўғри ҳисоблаш учун астрономияга, экин майдонини маданийлаштириш, тўғри тақсимлаш, режалаштириш учун геометрияга асос солинди. Ерга сув чиқариш зарурияти сув иншоотларини қуришга — каналлар, ариқ ва зовурлар қазишга, тўғонлар ва кўприклар қуришга, сувни кўтариш учун чархпалакни ихтиро қилишга олиб келди. Бу ҳам механика ва геометрияни, геодезия асосларини шакллантириди. Ўз навбатида геометрия ва астрономия, геодезия ва механика ривожланиши умуман математик билимларга зарурият туғдирди.

Туркистон тамаддуннинг негизини қадим замонлардан сугориладиган деҳқончилик ва чорвачилик ташкил этган. Туркистон деҳқончилик ва чорвачилик маданиятлари чамбарчаслашган, аралаш яшайдиган минтақадир. Агар бошқа минтақаларда деҳқончилик ва чорвачилик ўртасида ҳудудий чегара мавжуд бўлса, Туркистонда бир неча деҳ-

қончилик воҳалари чорвачилик қилинадиган чўллар билан навбатма-навбат жойлашган. Минтақа ҳудуди аниқ иккига, яъни чорвачилик ва дэҳқончилик ҳудудларига бўлинмаган. Туркистонда ҳам, бошқа суғориладиган дэҳқончилик мамлакатлари каби, ерга нисбатан хусусий мулкчилик чекланган ҳолда ривожланди ва хусусий мулкдорлар ўртасида ер тўлиқ тақсимланмади. Узоқ ўтмишдан яйловлар, даштлар, лалми ерлар уруғ-жамоалар ўртасида тақсимланган эди, ё бутунлай эгасиз эди. Чунки қанча катта майдонли ерни эгаллаб олма, унга суғориш учун канал ёки ариқ қазиб келиш, ҳар йили уларни тозалаб туриш керак. Бу эса фақат кўпчиликнинг, жамоанинг қўлидан келади.

Ўрта асрларда ерга нисбатан мулкчиликнинг турли шакллари вужудга келса-да (хон ва амирларнинг давлат мулки, йирик феодаллар мулки, вақф мулки, майда хусусий мулк, жамоа мулки), ерга кўпроқ майда ва жамоа мулкчилиги ўрнатилди.

Мўғул истилоси ерга нисбатан хусусий мулкчилик ривожланишини сусайтирди. Мулкдорларнинг бир қисми янгилари билан алмаштирилди.

Янги мулкдорларнинг кўпчилиги дэҳқончиликдан узоқ чорвадор феодаллар эди. Чингизийлар ва кейин темурийлар даврида бутун вилоят ва туманларнинг суюргол қилиниши, қишлоқларнинг ниёз қилиниши (ерни тортиқ қилишнинг бошқа атамаларда ифодаланадиган шакллари ҳам) ерга нисбатан қарор топган амалдаги мулкчиликнинг негизини, бизнинг назаримизда, тубдан ўзгартирган эмас. Фақат суюргол ва ниёз қилинган ердан олинадиган солиқларнинг бир қисми давлат хазинасига эмас, хусусий шахс — суюргол эгаси чўнтағига тушган, оддий дэҳқонлар ҳаётида эса деярли ўзгаришлар содир бўлмаган.

Сулолаларнинг, хон ва амирларнинг тез-тез алманиб туриши аксарият ҳолларда иқта, ниёз, суюргол эгаларини тез-тез ўзгартириб турган. Бошқача қилиб айтганда, иқта, ниёз, суюргол Овруподаги ерга феодал ҳукуқидан, феодал мулкчиликдан бир оз фарқ қилган (Оврупода, қоида тариқасида, сулолалар алманиши мулкдорлар ўзгаришига сезиларли таъсир кўрсатмаган).

XV—XVI асрдан бошлаб ерга йирик хусусий мулкчилик анча ривожланган бўлса-да, жамоа мулкчилиги ва майда мулкчилик, вақф мулкчилигининг салмоғи ундан ус-

тун бўлган. Фақат Россия истилосидан кейин ерга хусусий мулкчилик янада кучайди, аммо ўшанда ҳам у хусусий мулкдорлар ўртасида тўлиқ тақсимланмади.

Ерга хусусий мулкчилик чегараланган ҳолда ривожлангани учун ишлаб чиқариш концентрацияси (тўпланиши) юз бермади ва алоҳида шахслар кўлида катта капитал тўпланиши чекланган ҳолда бўлди.

Аксинча, жамоага аъзо бўлганлар ва деҳқончилик билан шуғулланадиган кишилар, бирори озроқ, бирори кўпроқ, ўз улушларига, ерига ва ҳосилига эга эдилар. Деҳқонларнинг асосий оммаси ўртасида мулкий табақаланиш кучаймади. Фақат айрим ҳоллардагина деҳқонлар орасида йирик бойлар ва ёлланма ишчилар, мардикорлар ва чора-корлар вужудга келди. Деҳқонлар орасида мулкий ва ижтимоий табақаланиш Россия истилосидан кейин кескинлашди. Чунки, биринчидан, мустабид маъмурият маҳаллий аҳоли ерининг бир қисмини тортиб олиб, Россиядан кўчирилган кишиларга тарқатган эди. Иккинчидан, ерга нисбатан капиталистик мулкчилик ва муносабатларни жорий этишга қаратилган сиёsat олиб борилган эди:

Оврупода ер илк феодализм даврида ёқ мулкдорлар өрасида тўлиқ тақсимланган эди. Деҳқонларнинг аксарияти ерга бириктирилди ва нафақат иқтисодий, шунингдек, асосий юридик хуқуқларидан ҳам маҳрум этилди (айрим майда мулкдор деҳқонлар — кичик ер эгалари бундан истисно). Шундай қилиб, Оврупода ашаддий эксплуатацияга асосланган крепостной тузум вужудга келди. Мулкий муносабатларда Оврупода майорат (катталик) принципи қарор топган эди. Унга биноан ер мерос қилиб фақат бир ўғлига, қоида тариқасида, тўнғичига қолдирилар эди. Ерни бўлиб, майдалаштиришга рухсат этилмаган.

Мулкнинг бўлинмаслиги Оврупода оқибат-натижада ишлаб чиқаришнинг ва капиталнинг концентрация бўлиши учун иқтисодий пойdevor вазифасини ўтади. Ўта кучли мулкий табақаланиш, крепостной тузум, ўзаро бегоналашибиши фарб маънавиятига ҳам таъсирини ўтказди: унда индивидуализм, яшаш учун шафқатсиз курашга ўз иродасини мослаштириш, анъаналарга, обрўли шахслар ва уларнинг фикрига муҳолифли ёки танқидли муносабатда бўлиш ва ш. к. хислатларни щакллантириди ва ўткирлаштириди.

Туркистонда эса майорат принципи қоида тарзида ўрнатилган эмас. Шу-сабабдан нисбатан йирикроқ мулк ҳам уч-

тўрт авлод ўтгач майдалашиб кетган, чунки меросхўрлар орасида бўлинган. Жамиятдаги мавжуд ҳуқуқий ва ахлоқий меъёрлар биринчи навбатда майда ва жамоа мулкчилигини ҳимоя қилишга қаратилган. Муҳаммад Пайғамбарнинг уч нарса — яйлов (ер), сув ва ўт ҳамманини бўлиши керак деган кўрсатмаси айни шундан далолат беради. Фақат айрим феодаллар мулкларини бўлмасдан фарзандларидан бирига мерос қолдиришга ҳаракат қилганлар. Масалан, жўйбор хожалари мулкни бўлмасликка уринганлар. Академик Б. Аҳмедов эътироф этганидек: «Айтидан худди шу ниятда Хожа Муҳаммад Ислом икки ўғли: Хожа Баҳоуддин Умар ва Хожа Муҳаммад Қосимларни меросдан маҳрум қилиб, барча молмulkини катта ўғли Хожа Саъидга васият қилиб қолдирган»¹.

Аммо бундай уринишлар қоидадан истисно тариқасида юз берган. Ҳатто хон ва шоҳлар ҳам кўпинча бунинг уддасидан чиқа олмаганлар.

Давлатни бир ўғилга мерос қилиб қолдирсалар-да, унинг турли вилоятларида бошқа ўғиллари ҳокимлик қилган ва кўпинча оталари вафотидан кейин тахтга ўтирган aka ёки укаларига бўйсунмай, тахт учун, яъни мулкни қайта бўлиш учун талашганлар. Шу сабабдан Туркистонда йирик хонликларнинг барқарор ривожланиши узлуксиз бир неча авлодлар давомида чўзилмаган.

Ҳатто Амир Темур васиятига унинг меросхўрлари амал қилмаган. Тахт талашлар тинмаган. Орадан сал кам бир аср ўтгач ҳам унинг авлодлари орасида энг йирик саркарда бўлган, Шоҳруҳдан кейин чорак аср ўтгач Хурросонни гуллаб-яшнатган юксак маърифатли Ҳусайн Бойқаро дастлаб амакиваччалари, сўнгра ўз ўғли Бадиуззамон билан тез-тез уруш қилиб турган. Бобур ўғиллари Ҳумоюн ва Комрон тақдирни ҳам худди шундай. Умуман темурийлар сулоласи ички мулкий низолар, бир-бирини қириб ташлашлари орқали ҳалокатга учради, ташки ҳужумдан оқибатда ўзини ҳимоя қила олмай қолди. Улуғбек авлодлари қисматини тадқиқ этган Т. Файзиевнинг ёзишича: «Улуғбек Мирзо зурриётига мансуб бўлган авлод унинг қатлидан 15 йил ўтгач батамом тугади»². — Улуғбек Мирзо Курагоннинг авлоди.

¹ Б. Аҳмедов. Тарихдан сабоқлар. Т., 1994, 29—30-бетлар.

² «Ўзбекистонда ижтимоий фанлар» журнали, 1994, №7, 33-бет.

Бошқа сулолалар тарихи учун ҳам қисқа барқарорлик билан алмашиб турадиган худди шундай тахт талашувари, ўзаро урушлар хос.

Бу урушлар халқ бошига қанчалар кулфат солғанлиги, халқ руҳиятига аста-секин қўркув туйғусини сингдиргани, тақдири азалга ишончни, мистикага мойилликни, ижтимоий беқарорликни кучайтирганини эътироф этиш лозим.

Ўзига тўқ фуқароларнинг ислом туфайли тўрттагача хотин олганлиги, тождорларнинг эса бундан ташқари ҳарамида чиройли канизаклари бўлиши меросга даъвогарлар сонини ҳаддан ошириб юборган.

Меросхўрларнинг кўп ҳолларда онлари бошқа бўлганлиги сабабли, уларнинг тоғалари ва она томон бошқа қариндошлари ўз жиянларининг ҳокимият тепасига келиши учун турли фитна ва низоларни, тарафкашлик ва уруғаймоқчиликни рағбатлантирганлар, кўпинча ўзлари ташкилотчи сифатида фаол иштирок этганлар. Раҳбарлик ва бошқарув ишларидаги маҳаллийчилик, қариндошчилик, гуруҳбозчилик, уруғаймоқчилик каби иллатларимизнинг илдизи ўшаларга бориб тақалади.

Ерга хусусий мулкчиликнинг тўлиқ жорий этилмаганлиги умуман мулкчиликнинг бошқа соҳаларда ҳам чуқур илдиз отиб кетмаслигига сабаб бўлди. Натижада, биринчидан, энг қадим замондан бошлаб қулдорчилик Туркистонда (бутун суғорилма деҳқончилик мамлакатларида каби) кенг ривожланиб кетмади, қадимги Юнонистон ва Римдагидек, ижтимоий ишлаб чиқаришнинг барча соҳаларини, айниқса, ҳунармандчилик каби соҳаларни қамраб олмади. Шу боис косибчилик, ҳунармандчилик эркин оиласвий асосда ривожланди. Урушлар туфайли мағлуб мамлакатлардан ўрта асрларда кўчириб келинган ҳунармандлар ҳеч қаҷон қулга ёки крепостнойларга айлантирилмаган. Улар ўз касб-ҳунари билан эркин шуғулланганлар. Ҳунармандчилик, саноат соҳаларида ҳам ишлаб чиқариш ва капитал концентрацияси юз бермади.

Оқибатда Овруподагидек дастлаб цехлар, мануфактура, кейин завод ва фабрикалар — машина кучидан фойдаланиладиган саноат вужудга келиши учун етарли даражада на ташкилий, на мулкий шарт-шароит шаклланди.

Иккинчидан, қадим даврдаёқ қулдорчилик тезда барҳам топди. Унинг айрим элементлари ҳатто XIX асргача

сақланиб қолган бўлса-да, ижтимоий ишлаб чиқаришда у сезиларли роль ўйнамади. Аммо Овруподан фарқли крепостнойлик тузуми юзага келмади. Чунки буни суфориладиган дәҳқончиликда ишлаб чиқаришнинг жамоавий характеристери тақозо этар эди.

Ишлаб чиқариш муносабатлари Овруподагидан тубдан фарқ қилди. Минтақамиз қадимги тарихи бўйича олиб борилган тадқиқотлар қулчилик ривожланган классик шаклда бўлмаганидан далолат бермоқда.

Искандар Зулқарнайн истилоси қулдорликни анча ривожлантирган бўлса-да, уни сифат жиҳатдан янги поғонага кўтара олмади.

Юнон-Бақтрия давлати қуллар меҳнатидан нисбатан кенгроқ фойдаланган (қадимги Миср давлатидек), аммо бу ижтимоий ишлаб чиқаришнинг барча соҳаларига таалукли эмас.

Суфориладиган дәҳқончилик минтақаларида шаклланган ишлаб чиқариш усули эркин савдо-сотиқ, мол айирбошлиш, яъни бозор муносабатларининг илк шаклига асосланган, иккинчи томондан эса — яримпатриархал, ярим натурал хўжалик юритишга мослашган қишлоқ жамоаси негизида шаклланган. Шу сабабдан, Шарқ мамлакатлари ўз тараққиётида дастлаб ниҳоятда илгарилаб кетди. Савдо, товар-пул муносабатлари ўша давр бозори имкон берган даражада тез ривожланди.

Лекин маҳдудликка мойил жамоавийлик (қишлоқ жамоаси, оиласвий ҳунармандлик) кейинчалик уларнинг оёғига кишин бўлди, тараққиётни чегаралаб кўйди. Ишлаб чиқариш ва капиталнинг концентрация бўлмаслиги товар-пул муносабатларини янги босқичга кўтарилишига йўл кўймади, яримпатриархал хўжалик юритиш усулини сикиб чиқара олмади. Натижада, у янги тарихий давргача сақланиб қолди, аникрофи консервация бўлди.

Хусусий мулкчиликнинг чекланганлиги ва интенсив ривожланмаганлиги Шарқда, бир томондан, анъянавийликни вужудга келтирди, иккинчи томондан эса — шахс ташаббуси, интилишлари ва манфаатини кўп ҳолларда ҳисобга олмади, уларни рағбатлантиrmади. Бу ҳам ўз навбатида аста-секин жамият тараққиётига фов бўлди. Тўғри, маънавият борасида бу ўзаро ёрдам, ҳашар, бир-бирига тенг кўз билан қараш, иззат-хурмат каби умуминсоний қадриятларни шакллантириди.

Лекин шахсий ташаббуснинг иккинчи даражали деб ҳисобланиши, умумий ўртача талабларнинг устунлиги нафақат иқтисодиётда, шунингдек, маънавият соҳасида ҳам оқибат-натижада турғунликка олиб келди.

Чунки индивидуал ижодий изланишлар, фан ва бадиий ижод соҳасида туб янгиликларни кашф этишга интилишлар анча сусайди. Ижодда анъанавийлик устунлик қила бошлади. Шахс камолоти унинг ички дунёсига, кўпроқ диний мазмунда тушуниладиган ахлоқий камолотга йўналтирилди. Ҳаттоқи соғлом шахсий интилишларга беписанд қарашиб «бир ўзинг доно бўлгунча, кўп билан девона бўл», каби ахлоқий меъёрларнинг қарор топишини тақозо этди.

Ёлланма меҳнат бизда Овруподан анча илгари вужудга келса-да, мавжуд ишлаб чиқариш усули доирасида капиталнинг йирик концентрациясига барибир олиб келмади. Бизда тараққиёт ўзгача кечди. Ижтимоий зўравонлик, синфий қутбланиш Оврупога нисбатан кам эди. Бу энг аввало ишлаб чиқариш хусусиятлари билан боғлиқ.

Ишлаб чиқариш муносабатлари деҳқончиликка қулай тупроқ ва иқлим шароитида этиштириладиган маҳсулотларнинг технологик хусусиятлари қишлоқ жамоаларини барқарор ва доимий қилиб қўйди. Бу ўз навбатида ҳамда ҳунармандчиликнинг оиласи ташкиллаштириш даражасидан кўтарилмаганлиги ишлаб чиқариш воситалари, хусусан техника ривожланиши учун ўта кучли ва узлуксиз эҳтиёж туғдирмади. Омоч, бел, кетмон, ўроқ, чолғи, болта, мола ва шу каби меҳнат қуроллари деярли бир неча асрлар давомида ўзгармади. Ҳунармандчилик асбоблари ва дастгоҳлари тўғрисида ҳам шундай дейиш мумкин. Мулкчиликнинг барқарорлиги ва ўзгармаслиги, ишлаб чиқариш воситаларининг турғунлиги ишлаб чиқариш усулининг турғун бўлишини белгилади.

Ислом Шарқида вужудга келган ва кенгайтирилган ҳолда такрор тикланадиган ижтимоий эҳтиёжлар дастлаб ишлаб чиқариш усули, савдо-сотик, маданий алоқалар ривожланиши зарурияти тақозо этадиган даражада эди. Бу ўша даврда, Оврупо мамлакатларида вужудга келган эҳтиёжлар билан таққослаганда, уларга нисбатан анча юксакдир. Шу сабабдан илм-фан, тибиёт, адабиёт ва санъат, фалсафа ва илоҳиёт, хуқуқ ва давлатни идора этиш соҳалари IX—

XII асрларда ниҳоятда гуллаб-яшнади. Бугунги кунда бу даврни фанда «ислом ренессанси» деб аташ қабул қилинган. (Бу тушунчани фанга асримизнинг бошида австриялик шарқшунос А. Мец киритган эди¹. Кейинчалик олимлар, хусусан академик Н. И. Конрад Навоий даврини ҳам ислом ренессансига мансуб деб, унинг чегарасини XVI аср бошигача чўзди².)

Аммо ишлаб чиқариш усули ўзгармади, унда сифат жиҳатдан сакраш юз бермади. Ва у ижтимоий эҳтиёжларнинг кенгайтирилган ҳолда такрор тикланиш талабларидан ортда қола бошлади. Қондирилмаган, кенгайтириб такрор тикланмаган эҳтиёжлар, табиийки, ишлаб чиқариш усули, биринчи галда ишлаб чиқариш воситалари ривожланишига ижобий акс таъсир кўрсатмади.

Ишлаб чиқариш усули жамият моддий ҳаёти, меҳнат ва ижод манбаларининг ёпиқ доирада ҳаракат қилишини белгилади ва иқтисодий ҳаётга, у орқали бутун ижтимоий муносабатларга анъанавийлик бахш этди. Туркистон ҳам Шарқнинг бошқа мамлакатлари (Миср, Хитой, Ҳиндистон, Эрон ва шу кабилар) сингари анъанавий — турғун муносабатлар қайта тикланадиган ва янгиланишдан устунлик қиласидиган жамиятга айланди. Маънавиятда эса мавжуд ютуқларни дормалаштиришга, уларга тақлид қилишга, ўтмиш нуфузи олдида қуллук қилишга жамият юз тутди, одатланди.

Анъанавий жамият — бу шундай жамиятки, унда ишлаб чиқариш шакллари, иқтисодий муносабатлар — тақсимот, алмашув, истеъмол меъёрлари аллақачон барқарорлашган, қатъий белгиланган ва адолатли ҳисоблангани учун деярли ўзгармасдир, турғундир. Ахлоқ, ҳукуқ, эътиқод ва дин масалалари, бадиий ижод (адабиёт ва санъат), таълим-тарбия, оиласий ва бошқа ижтимоий муносабатлар анъанага айланган, урф бўлиб қолган меъёрлар, таъмийлар, «боқий» қадриятлар асосида фаолият кўрсатади, сезиларли ўзгаришларни, туб янгиланишни рад этади. Анъанавий жамиятда умуман ҳаёт турғун бўлади ва бир маромда оқаверади. Жамият ўзининг мавжудлик ҳолати-

¹ Қаранг: *Мец А. Мусулманский ренессанс. М., 1980 г.*

² *Н. И. Конрад. Средне-Восточное Возрождение и Алишер Навои. — Избранные труды. Литература и искусство. М., 1978 г., с. 90—104.*

дан мудом қониқиши ҳосил қиласи, янгиликлар учун ёпиқ тизимга айланади.

«Анъанавийлик» атамаси, ҳатто унинг негизи «анъаналар» — жуда кенг тушунча. Анъаналарни фақат урф-одатлар ва маросимлар мажмуаси, деб ўйлаш нотўғри. Чунки анъаналар ижтимоий ҳаётнинг ва инсон фаолиятининг исталган соҳасида — адабиёт ва санъатда, илм-фанда, ишлаб чиқариш ва ҳарбий хизматда, меҳнат жамоасида, алоҳида бир оиласинг ҳаётида ва ҳ. к.да вужудга келади. Анъаналарни бир томонлама баҳолаш ярамайди. Улар ҳаётда ижобий ёки салбий аҳамият касб этишлари мумкин. Масалан, анъаналар меҳнат ва ижоднинг ҳамма соҳаларида авлодлар ўртасида ворисийликни, яъни қўлга киритилган ютуқларнинг мустаҳкамланишини, авлоддан авлодга ўтишини таъминлайди. Анъаналарсиз ижтимоий ҳаётнинг бирор жабҳасида, айниқса, мураккаб ақлий меҳнат, ижодда, илм-фанда (малакали мутахассис, тадқиқодчи олим, конструктор тайёрлашнинг ўзи 20—25 йил ўқитишни талаб қиласи) эришилган ютуқларнинг тўпланиши, бойиши, бинобарин, ҳеч қандай олга ривожланишнинг ўзи бўлмас эди.

Аммо анъаналар ҳаётга мослашиши, мудом замонавийлашиб бориши, тарихий заруратга зид бўлмаслиги лозим. Агар анъаналар ўтмиш ютуқларини мутлақлаштиrsa, уларни замонавий янгиликларга, ёш авлоднинг ижтимоий ва ижодий изланишларига қарши қўя бошласа, шубҳасиз, ўзи ҳам салбий мазмун касб этади. Жамиятнинг ҳар ишда, ҳар қандай фаолиятда асосан ёки қўпроқ анъаналарга таяниб, уларга мувофиқ ҳаёт кечириши анъанавийлик (традиционализм)ни қарор топтиради. Анъанавийлик устун келган жамият дастлаб турғунликка, сўнгра эса инқирозга маҳкум бўлади.

Шу боис анъаналарни авайлаб-асраш билан бир қаторда уларга кўр-кўrona сажда қилиш ярамайди. Анъаналарни замон талаблари даражасида ривожлантириб бориш керак. Афсуски, Шарқ халқларида анъаналарни мутлақлаштириш, уларни ҳаётнинг янги эпкинларига қарши қўйиш ҳоллари рўй берди.

Турғун, ривожланмай қотиб қолган жамиятнинг асосий тамойилини ташкил этадиган анъанавийлик (традиционизм) — оламга, ҳаётга догматик муносабат бўлиб,

аслида ижодий, танқидий руҳнинг, ташаббуснинг ижтимоий онгда, амалий фаолиятда, давлат идоралари, ижтимоий институтлар, шахслараро муносабатларда жамият миқёсида (айрим шахслар онги фаолияти бундан мустасно) сўниб боришидир.

Анъанавий жамиятда иқтисодиёт ва давлат сиёсати мафкурага бўйсуниб қолади, объектив зарурат, мақсадга мувофиқлик инкор қилинади. Мафкуранинг ўзи ҳам анъаналарга айланиб, қотиб қолган тамойиллар, меъёрлар, қоидалардан, диний ва сиёсий дормалардан иборат бўлади, замон талабларига мослашиб ривожланиш ўрнига, ижтимоий ҳаётни ўзига мослаштиради. Натижада асрлар давомида на давлат бошқаруви, тузуми, на иқтисодиёт, на ижтимоий ҳаёт ўзгаради.

Шарқнинг маънавий ва умуман ижтимоий ҳаётида анъанавийликнинг тантана қилиши биринчи навбатда диний-фалсафий омилларга эмас, энг аввало ишлаб чиқариш усулига, унинг негизини ташкил этувчи сугориладиган дехқончиликка ва қишлоқ жамоаларига бориб боғланади. Чунки Осиё халқлари бир неча динга эътиқод қиладилар: исломга, буддизмга, индуизмга, даосизмга, синтоизмга, конфуцийчиликка.

Бу динлар ўртасидаги мавжуд фарқларга қарамасдан, Ўрта асрларда Осиё мамлакатларининг барчасида анъанавий жамият аста-секин қарор топди.

Буюк олим ва мустақил Ҳиндистоннинг биринчи Бош вазири Жавоҳирлаъл Неру шундай деб ёзган: «Янги ғоялар ва янги нарсалар яратиш ўрнига Ҳиндистонда аввал яратилганларни қайтариш ва уларга тақлид қилиш бошланди... Бу цивилизация сўниши яқинлашаётганинг белгиларидир. У рўй берса, цивилизация ҳаётининг сўнишига амин бўлмоқ керак, чунки ҳаётнинг белгиси ижодлир, такрорлаш ва тақлид эмас»¹.

ХХ асрга келиб дастлаб Япония, сўнгра Гонконг, Жанубий Корея, Сингапур, Тайван, Малайзия каби мамлакатларда тараққиётнинг тезлашиши янги ишлаб чиқариш усулига ўтганлиги, шунга мос тарзда кенг миқёсда ижтимоий муносабатлар ўзгартирилганлиги туфайли юз берди.

¹ Дж Неру. Взгляд на всемирную историю. т. 1, М., 1989 г., с. 249.

Бу мамлакатларда ислом (Малайзия) ҳам, буддизм, синтоизм, даосизм, конфуцийчилик ҳам ўз ўрнида турибди. Лекин ижтимоий ҳаёт бу мамлакатларда анъанавийлик негизидан эркин рақобат негизига кўчирилиб дунёвийлик тамойилларига мос қайта қурилган.

Бу энг муҳим ҳал қилювчи моддий-иқтисодий ва ижтимоий шарт бўлди. Анъанавий жамият вужудга келишида диннинг таъсири асосий бўлмаса-да, уни ҳисобга олмаслик ҳам нотўғридир. Бу борада дастлаб белгиловчи ролни табиий шароит сугориладиган дехқончиликка мос ишлаб чиқариш усули йўнаган бўлса-да, дин ҳам шакланган муносабатларни мустаҳкамлашга, анъаналарни кучайтиришга катта хизмат қилди. Динга хос доктрина, муқаддас китоблардаги қоидалар ўзгармас, абадий деб ҳисобланиши ижтимоий ҳаётнинг анъанавий ва турғун бўлишига мос келади. Шу боис ижтимоий-иқтисодий, сиёсий ва маънавий муносабатларни дунёвийлаштирумасдан, анъанавийлик қобиғини ёриб чиқиш амри маҳол эди.

Шарқ маданияти, маънавиятининг депсиниб, ривожланишнинг ниҳоятда секинлашиб қолиши нафақат анъанавийликнинг қарор топиши билан, шунингдек, ёв бостириб келиши, айниқса, мўғул истилоси ҳамда тўхтовсиз тож-тахт талашиш урушлари билан ҳам маълум даражада боғлиқдир.

Урушлар, талон-торожлар, ижтимоий-иқтисодий ва сиёсий алғов-далғовлар, улар туфайли қисқа муддатли сиёсий барқарорлик вужудга келганда сал-пал тўқ яшай бошлаган халқнинг бирданига қашшоқ, ноchor ҳолга келиб қолиши ҳурфиксирликка пурт етказиб, хурофотга, мистикага мойилликни кучайтириди. Диний мутаассибларга қуладай шароит яратди.

Оlamга муносабат, онг, дунёқарааш, маънавий муҳит ўзгара бошлади, илм-фанга, адабиёт ва санъатга рағбат сусайди. Бу дунёвий адабиётнинг, нафис санъатнинг, табиий фанларнинг аста-секин XVI аср иккинчи ярмидан бошлаб, Туркистон уч давлатга бўлиниб кетганидан кейин (XVIII аср) эса чуқур таназзулга юз тутишига олиб келди. Адабиётда диний-мистик мотивлар кучайди.

Бизнинг маданиятимиз жаҳоннинг етакчи маданиятлари қаторидан (IX—XV аср) унинг провинциал қолоқ ма-

даниятлари қаторига ўта бошлади. Тафаккуримиз аста-секин провинциаллик, маҳдуллик касб этди.

Шундай қилиб, маънавиятимизнинг гуркираб ўсиши, сўнгра турғунык ҳолатига тушиб қолиши анъанавий жамиятнинг вужудга келганлигига бориб тақалади. Анъанавий жамиятнинг асосий белгиларидан бири бутун ижтимоий ҳаётнинг доктриналигига бориб тақалади. Аммо ҳаётнинг қотиб қолган мафкурага бўйсундирилиши йилдан йилга мафкуравий мутаассибликни кучайтириб, хурфикрикни, ижодий ва танқидий тафаккурни бўғади. Бизда айнан шундай бўлди. Ижтимоий ҳаётимиз анъанавийликка кўчиши жараённида хурфикрикни путур ета бошлади. Исломда мутаассиблик ғолиб келгандан кейин аждодларимизнинг ижтимоий-маданий тафаккури ва интилишлари туб янгиликларга, туб ўзгаришларга, ижтимоий ривожланишга қаратилган ғояларни аста-секин қабул қилмай кўйди.

Жамият маҳдулликка бурилди, янгиликлардан юз ўғирган ёпиқ жамиятга айланди, маънавий мўлжалларимиз ўзгармас анъаналар бўлиб қолди. XVI асрдан бошлаб табиатшунослик муттасил ортга кета бошлади ва оқибатда чуқур инқирозга дуч келди.

Адабиёт ва санъат эса анъанавийлик негизида ривожланди. Бадиий изланишлар, бадиий тажрибалар қўпроқ анъанавий мавзулар, сюжетлар, ҳатто анъанавий композицион қурилмалар замерида олиб борилди. Мисол тарифасида хамсачилик анъаналарини эслашнинг ўзи кифоядир. Хамсачиликда асар мазмунига ва шаклига оид анъанавий элементларни кўплаб учратамиз. Янгилик ва замонавийлик хамсачиликда муаллифнинг ўз даврининг конкрет муаммоларини мажозий ва рамзий усулда акс эттира олишида, анъанавий ғояларни, мавзуларни ўзига хос тарзда замон руҳига мос талқин қила билишда намоён бўлди. Шундай қилиб, бадиий ижодда замонавийлик анъанавийлик қобигида, унга бўйсунган ҳолда ўзига йўл очди.

Жамият онги, дунёқарashi, адабиёти ва санъати, маънавий муҳити учун кескин сифат ўзгаришлар, янгиланиш, ўзининг тарихан эскирган жиҳатларидан очиқласига возкечиш хос бўлмади. Натижада, миллий характеримизда

муросагўйлик, катталар ва бошлиқлар сўзига қулоқ тутиш, уларнинг таклифлари ва буйруқларини рад этмаслик, айниқса, маънавий ҳаётни ташкил этиш ва бошқариш соҳасида хизмат қиласиган расмий ва норасмий шахсларга тўла бўйсуниш қарор топди.

(Мана шундай мўмин-қобиллик психологиясидан ке-йинги йилларда айрим диний анъаначи-мутаассиблар ҳам, диний радикаллар (кескин, туб ўзгариш тарафдорлари) ҳам фойдаланишга ҳаракат қилди. Ҳизбут-тахрирчилар ва ваҳҳобийлар диний анъаналарни радикал ва экстремистик усуллар билан тиклашга ҳаракат қилувчи гурухлар-дир).

Турмуш тарзи таъсирида миллий иромда шаклланади. Ундаги кучли фазилатлар ва айрим нуқсонлар юқорида зикр этилган омилларга бориб тақалади. Анъанавийлик, муросагўйлик, индивидуал манфаатлар ва интилишларнинг иккинчи даражали деб ҳисобланиши, устунликнинг жамоавийликка берилиши ва ш. к.лар, бир томондан, кишида интизомни ва жамоа учун фидойиликка тайёр бўлишни шакллантириди, иккинчи томондан — уруғ-аймоқчиликка, маҳаллийчиликка мойилликни озиқлантириди, ҳамда ўзи ва оиласи, ўз эътиқоди ва ғоялари учун кураша олиш қобилиятини сусайтириди.

Ҳаётий энг зарур ва қимматли ғоялар, кашфиётлар, янгиликларни олға сурган буюк мутафаккирнинг, ёш олимнинг ишини, агар у мавжуд анъаналарга зид келса, қолоқ фикрли амалдорлар, оқсоқоллар ўтмишда икки оғиз сўз билан жамоа назаридан обрўсизлантиришга қодир бўлган, жамоа иродасини ўзлари истаган тарзда бошқаргандар.

Исломда мазҳаблар ўртасидаги ўзаро кураш ва унинг натижасида кучая бошлаган диний ва сиёсий мутаассиблик туфайли ижтимоий сафарбарлик сусайиб борди. Сунний Мовароуннаҳр ва шиавий Эрон ўртасидаги Хурросон учун кураш қандай оқибатларга олиб келгани тўғрисида чех олими Ян Рипка қўйидаги фикрни баён қиласди: «Сафовийлар бутун Хурросонни, жумладан, Балх минтақасини босиб олдилар ва аҳолини шиа мазҳабига ўтказа бошладилар. Тус, Машҳад ва айниқса Ҳирот Тахмасп I пайтида ўзбек хонларининг доимий хужумларидан зарар кўрди. Оқибатда Ўрта Осиё ва Эроннинг бир-биридан тўлиқ маҳдудланиши, иқтисодий ва маданий алоқаларнинг узили-

ши ҳамда Хуросоннинг таназзулга учраши юз берди. Бу са-
фовийларнинг тарихий айбидир¹.

Нафақат Туркистон ва Эрон ўртасида иқтисодий ва
маданий алоқалар узилди, шунингдек шиавий Эроннинг
сунний Афғонистон ва Ҳиндистон ҳамда сунний Яқин
Шарқ араб мамлакатлари билан ҳам алоқалари заифлашиб
кетди. Мухолиф Эрон ўртада ажратиб тургани учун Туркистон,
Афғонистон ва Ҳиндистоннинг Яқин Шарқ мамла-
катлари билан алоқаси сусайиб қолди. Буюк Ипак йўли-
нинг Вакко да Гама кашфиётларидан кейин пасая бошла-
ган аҳамиятига янада қаттиқ путур етказилди. У ўз иқтисодий
ва маданий мавқеини қайта тиклай олмади.

Масаланинг яна бир томони ҳақида фикр юритиш ло-
зим, деб ҳисоблаймиз.

Ислом ўзининг шаклланиш ва дастлабки ривожланиш
асрларида (VII—XI) оламга янгича муносабат, янгича
дунёқараш сифатида, аввалги тарихий ғояларга таққосла-
ганда, баъзи соҳаларда нисбатан илфорроқ ғояларни олға
сурди ва илфорроқ ижтимоий амалиётни рағбатлантири-
ди, жамиятни ягона ғоявий ва диний негизда жиғіллаш-
тириди.

Шу сабабли у кўп ҳалқларни ўзига жалб қилди. Ўша
асрларда исломга эътиқод қилиш, ишонч рационал моҳият
касб этган эдикি, у ислом тамаддунининг энг буюк ютуқ-
ларга эришишига олиб келди. Бу рационал ишонч маълум
даражада XVI асргача сақланиб қолди. Лекин XI аср ик-
кинчи ярмидан бошлаб ислом оламиининг шарқида, шу
жумладан Туркистонда, XII аср охирдан Фарбда (ал-Ан-
далуз, Кордова халифалигига) унинг самарадорлиги су-
сая бошлади.

Фарбнинг машҳур олими Эрих Фромм: «рационал
ишонч... самарали ақлий ва ҳиссий фаолликка асосланган
қаттий эътиқоддир» — деб, ҳисоблайди. Фикрини давом
эттириб: «рационал ишончнинг асосини самарадорлик
ташкил этади; ишонч билан яшаш самарага эришиб яшаш-
ни ва шу нарсага амин бўлишни билдирадики — ўсиш ва

¹ Ян Ринка. История персидской и таджикской литературы. М., 1970,
с. 275.

ривожланиш фақат самарали фаолият асосида рўй беради...»¹, — дейди.

Исломга эътиқод дастлаб рационал бўлган, яъни самарали фаолиятга таянган. Тақдирни азалга ишонч ижтимоий фаолликка ҳалақит бермаган. Аксинча, жамиятда «Аллоҳ ҳам «сендан ҳаракат — мендан баракат» дейди» каби мақоллар ахлоқий ва иқтисодий меъёр, ижтимоий мўлжал бўлган. Шу сабабдан ислом Туркистонда, бутун мусулмон оламидаги-дек, бу даврда юксак тараққиётни таъминлай оладиган маънавиятнинг негизи — дунёқараши ва мафкураси эди.

Лекин дормалаштирилган ҳар қандай таълимот ва мафкура эртами-кечми ҳаётдан ортда қолади. Уларга нисбатан аҳолининг ишончи аста-секин ишонмасликка, ёхуд рационал ишончдан иррационал ишончга айланди. Ижтимоий фаоллик ўрнини ижтимоий пассивлик, «мўъжиза» кутиш эгаллайди. Халқнинг ижодкорлик гайрати, кашфиётга интилиши сусаяди. Ижтимоий инерция кучаяди. Жамият олға ривожланиш ўрнига ўз-ўзини такрорлай бошлайди — анъанавий жамиятта айланади.

Шарқ динлари маънавий ривожланишни унинг моддий асосларидан, моддий ишилаб чиқаришдан ажратдилар. XVI асрдан бошлаб Шарқнинг Farbdan ортда қолишининг маънавий сабабларидан бири Шарқ ижтимоий-маданий мўлжалларини инсоннинг ички камолотига, камсукумликка, сабр-қаноатга қаратилганидир. Янги ютуқларни қўлга киритишга, янги эҳтиёжларни шакллантиришга кишини буддизм, конфуцийчилик, даосизм, ислом ва бошқа шарқ таълимотлари — на динийлари, на дунёвийлари — рафбатлантирмаганлар. (Христиан дини доирасида ҳам нисбатан эскироқ, ортодоксал оқимларнинг тараққиётга таъсири ҳақида шундай дейиш мумкин. Масалан, православие оқимиға мансуб ҳалқлар (юнонлар, руминлар, болгарлар, серблар, руслар, украинлар, белоруслар ва ш. к.) католикларга нисбатан анча ортда қолдилар. Ўз навбатида католицизмда анъанавийликка мойиллик кучайиб кетган бир пайтда, протестантизм оқими пайдо бўлди. Farb millatlarinining deyari akasariyati ikki oqimga — katoliklarga va protestantlarga bўlinadi. Bir millat ichida ham ularning protestantlarga oид қисми ижтимоий ва madaniy jihatdan kuchliroq rivожланган. Katoliçizm hukmron bўlgan Is-

¹Эрих Фромм. Психоанализ и этика. М., 1993 г., с. 158; 160.

пания, Португалия, Жанубий Америкада биз яна нисбатан қолоқликнинг гувоҳи бўламиз. Булар ҳақида китобнинг «Маънавиятимиз ва иқтисодиёт» бобида сўз юритилади.)

Маънавиятимиз онгнинг, дунёқарашнинг борлиққа нисбатан амалий муносабати сифатида XV асрнинг охиридан то XX аср бошигача жамиятни янгилашни, умуман янгилашибни мўлжал қилиб олмаган, унга интилмаган.. Натижада, XVI асрнинг иккинчи ярмида Туркистонда узил-кеシリл анъанавий жамият шаклланди. Шайбонийхонлардан бўлмиш анча тараққийпарвар Абдуллахон II ҳам, кўп ободончилик ишларини амалга оширган бўлса-да, жамиятни ижтимоий тараққиёт томон буриб юбора олмади. Жамиятимиз қолоқликка маҳкум бўлди ва XIX асрнинг иккинчи ярмида мутсамлакачилик исканжасига, мұytеликка тушиб қолдики, бу 130 йил давом этди. IX асрдан XVI асргача дунёning энг тараққий этган халқлари қаторига кирган, инсониятнинг ўша даврда энг кўп даҳоларини етиштириб берган халқимизнинг XX аср бошларидаги энг пешқадамлари, илғорлари — жадидлар қrimlik И smoil Гаспиралининг мусулмон мадрасаларида 20 фоиз (бор-йўғи 20 фоиз!) дунёвий фанлар ўқитилсин, деган гоясини маънавиятдаги буюк инқилоб деб қабул қилди ва амалга ошира олмай кўп қийналди. Улуғбекдан кейинги беш асрда қайдаражала маънавий қашшоқланганимиз, инқирозимиз ту banligi шу мисолда ҳам кўриниб турибди.

Афсуски, ҳозиргача жамият аъзоларининг бир қисмida анъанавийликка мойиллик қисман сақланиб қолган ва у мустақиллигимизнинг мустаҳкамлашга, шубҳасиз, халақит беради.

«Ўзга юртда хон бўлгандан, ўз юрtingда гадо бўл» деган мақолни икки хил тушуниш мумкин. Бир томондан, унда она тупроққа, ватанга муҳаббат акс этган бўлса, иккинчи томондан, турғунликка ва маҳаллийчиликка мойиллик ифодаланган, шахсий ташаббус бўғилиши ахлоқий меъёр даражасига кўтарилган. Ахир ўзга юрт деганда кўпинча узоқ мамлакат эмас, 5—6 чақирим нарида жойлашган қўшни қишлоқдан кейинги қишлоқ тушунилган. «Дарахт бир жойда вояга етади», «Узоқдаги қўйруқдан яқиндаги ўпка яхши» мақоллари ҳам худди шундай. «Камтарга камол, мағрурга завол» — фақат яхши хулқни, одобни тарғиб этмайди, шунингдек. ижтимоий пассивликни, бечо-

раю мўминликни ҳам шакллантиради, кишида ижобий маънодаги танқидий руҳни сўндиради.

Халқ мақолларини чуқур таҳлил этсак, улар орқали ота-боболаримизнинг энг кучли ва энг заиф томонлари-ни билиб оламиз. Чунки мақоллар маънавиятнинг воқелаши-ган шакллари, ахлоқий меъёрлари, ижтимоий мўлжалла-ридир.

Тарихий жараённинг мазмуни, кўздан яширин саба-биятини маънавият билан боғламасдан тўла тушуниш қийин.

Мустақиллик шароитида энди биз маҳаллийчилик, иж-тимоий турғунликка мойиллик психологиясини енгиши-миз зарур. Акс ҳолда кўп қийинчиликларга дуч келишимиз тайин.

Юқоридагилардан шундай хulosага келиш мумкин: анъанавий жамиятнинг моддий асосларини иқтисодий турғунлик, ишлаб чиқариш усулининг ўзгармаслиги ташкил этса, маънавий асосларни эса назарий ва мафкуравий дого-матизм, танқидий руҳнинг, ижодий ташаббуснинг сўни-ши, мавжудлик ҳолатидан мудом қаноат ҳосил қилиш туй-гуси ташкил этади.

III қисм

МАЊНАВИЯТ ВА ДЕМОКРАТИК ҲУҚУҚИЙ ДАВЛАТ

Мањнавият ижтимоий турмушнинг барча соҳаларига таъсир кўрсатади. Жамиятнинг сиёсий ҳаёти ҳам бундан истисно эмас. Ҳокимият ва сиёсий партияларнинг фуқароларга, фуқароларнинг ҳокимиятга, сиёсий партияларга муносабатлари, жамоат ташкилотларининг ўзаро ва давлат билан муносабатлари, фуқаролар эркинликлари маълум ҳуқуқий маконда кечади. Лекин уларнинг қандай таъмилларга асосланishi, фуқаролик ҳуқуқларининг қай даражада таъминланиши нафақат Конституцияга, ҳуқуқий меъёрларнинг демократик характеристига асосланади, шунингдек, жамиятнинг сиёсий маданиятига, ундаги мањнавий муҳитга ҳам боғлиқ. Ҳаттоди ҳуқуқий меъёрларнинг ўзлари жамият аъзолари томонидан (Олий Мажлис, парламент депутатлари орқали) онгли равишда шакллантирилади. Қонунга риоя этиш-ку, бевосита жамият аъзоларининг ижтимоий ва машиий хулқ-атворига, онги ва иродасига боғлиқ. Агар энг яхши, тараққийпарвар қонунга ҳам жамият аъзоларининг аксарияти риоя қилмаса, ундан фойда кам бўлади.

Фуқароларнинг қонунга итоатгўйлиги, турли давлат ва жамоат ташкилотлари ишида, жамиятда содир бўлаётган жараёнларда фаол иштирок этиши, бу жараёнларга ҳамда ҳокимият ва партиялар сиёсатига, ижтимоий институтлар ишига ўз муносабатларини билдириши орқали таъсир этиши «сиёсий маданият» деган тушунчани ташкил этади. Сиёсий маданият, шунингдек, қонун чиқарувчининг (парламентнинг), қонун лойиҳаларини таклиф этувчи ташаббускорларнинг, ижтимоий институтларнинг савияси, профессионаллик даражасини ҳам ўз ичига олади. Кўриниб турибдики, сиёсий маданият биринчи галда онгга, дунёқарашга, фуқароларнинг ўз манфаатларини ва бурчларини, ҳақ-ҳуқуқларини тўғри англаб, жамият манфаатлари билан уйғунлаштира олишига, ватанпарварлигига, қай

даражада эркин ва ижодий фикр юритишига ва айни пайтда ижтимоий масъулликни ҳис қилишига, хуллас. фуқаролик ва маънавий етуклигига боғлиқ.

Сиёсий маданият, фақат фуқароларгагина оид ҳодиса эмас. У бир томондан, турли ижтимоий гуруҳларга, табакаларга, синфларга, бутун жамият аъзоларига, иккинчи томондан эса — энг майда жамоат ташкилотлари, оммавий ахборот воситалари фаолиятидан тортиб, йирик сиёсий партиялар ва давлат идоралари фаолиятигача тааллуқли ҳодиса. Турли ижтимоий гуруҳларнинг, сиёсий партияларнинг, улар тузган ташкилотларнинг, оммавий ахборот воситаларининг фаолияти инсонпарварлик, халқчиллик, тараққийпарварлик тамойилларига мос бўлиши ёки, аксинча, мутаассибликка мойил, реакцион, шовинистик бўлиши ёхуд инсонпарварликка, эзгуликка зид бўлиши мумкин. Шу боис маънавият кенг маънодаги сиёсий маданиятга бевосита белгиловчи таъсир кўрсатади. Сиёсий маданият маънавиятнинг мавжудлик шаклларидан биридир. (Баъзи олимлар сиёсий маданиятни маънавий маданиятга киритмасдан уни алоҳида ижтимоий маданият, деб атайдилар. Бизнингча, маданиятни анъанавий иккига — моддий ва маънавий маданиятга бўлиш тўғри. Шунда сиёсий маданиятнинг маънавий маданиятга таркибий қисм бўлиб кириши ўз-ўзидан яққол кўриниб қолади). Ушбу маънода маънавият жамият ижтимоий ва сиёсий ҳаётининг кўп хусусиятларини, қиёфасини ҳамда миллий ва умуминсоний мазмунини, ижтимоий омоллари ва мўлжалларини аниқлашга хизмат қиласди.

Маънавият кенг маънода сиёсий фаолликда, сиёсий ва ижтимоий ҳаётнинг ташкиллашишида намоён бўлади. Ижтимоий ва сиёсий ҳаёт, ўз навбатида, маънавиятнинг хусусиятларини белгилайди. Анъанавий ва тоталитар жамиятларда ижтимоий ва сиёсий ҳаёт қаттиқ меъёрлашади, ҳеч бир соҳага эркинлик етишмайди. Агар анъанавий жамиятда ўтмишдан келаётган, ўзгармас қадриятлар, урфодатлар эркинликни чекласа, тоталитар жамиятда бу ишни давлат идоралари, ҳуқуқий меъёрлар, ялпи назорат, давлат билан қўшилиб кетган жамоат институтлари, ҳатто «думалоқ ҳат» ёзишни одат қилиб олган фуқароларнинг бир қисми бажаради. Ҳар икки жамиятда ҳам расмий-сиёсий мафкура маънавий ҳаётни қаттиқ назорат қиласди.

Шу сабабдан маънавият эркин ривожланиши учун сиёсий тузум демократик бўлиши, жамиятда қонун устуворлиги ва ҳаммага бирдай мажбурийлиги таъминланиши лозим. Маънавиятнинг эркин ривожланиши эса сиёсий тузумни янада демократиялашувига, ҳукуқий жамият шаклланишига, юксалишига таъсир кўрсатади.

Демократик, ҳукуқий давлатда бирорта синфнинг, сиёсий партияниңг, диний конфессияниңг, оқимнинг ёки мазҳабнинг мағкураси расмий давлат мағкураси сифатида ўрнатилиши мумкин эмас. Чунки расмий мағкура бошқа мағкураларни сиқиб чиқаришга ҳаракат қиласи ва ҳурфикарлиликка, гоялар рақобатига, баҳсига путур етказади. Бу эса оқибат натижада дорматизмга ва мутаассибликка йўл очади, маънавий турғунликни, инқизорзни келтириб чиқаради. Бошқача фикр юритадиганларнинг ижтимоий мавқеиларидан, эгаллаган лавозимларидан қатъи назар, фаолияти чекланади, улар турли тақиқларга, тазиқларга учрайди. Бу ҳам камлик қылса, улар таъқиб қилинади, озодликдан ҳатто ҳаётидан маҳрум этилади. Ўтмишда Улуғбек ва Нодирабегим тақдири, совет даврида Сталин қатағонларига маҳкум бўлган минглаб адибларимиз, зиёлиларимиз, давлат арбобларимизнинг қисматлари бунга мисоллариди.

Умуман расмий мағкура бор жойда аста-секин маънавий ривожланиш тўхтайди. Маънавий ривожланиш тўхтаган жойда, ижтимоий янгиланиш, ижтимоий тараққиёт юз бермайди. Ҳатто, жамият ўзининг илгари эришган тараққиёт даражасини ҳам сақлаб қололмайди. Инқизорзга учраб, кескин орқага кетади. Масалан, мамлакатимизда тибиёт, риёзиёт (математика) XIX асрнинг ўрталарида Хоразмий, Беруний, Ибн Сино, кейинчалик Улуғбек, Али Кушчи давридан анча ортда қолган эди.

Эркинлик йўқ жойда на моддий, на маънавий тараққиёт юз беради. Ҳалқимизнинг аччиқ тажрибаси буни узоқ ўтмишда ҳам, мустабидлик даврида ҳам кўп исботлаган.

Шу боис Узбекистон Республикаси Конституциясининг 12-моддаси ҳеч қайси мағкура давлат мағкураси сифатида ўрнатилиши мумкин эмаслигини, ижтимоий ҳаёт сиёсий институтлар, мағкуралар ва фикрларнинг хилма-хиллиги асосида ривожланишини мустаҳкамлаб кўйибди.

Қадимги антик даврдан келаётган «ҳақиқат баҳсларда туғилади» деган нақадар тўғрилиги сабабли, бугун у

ҳаққоний равишда энг эъзозли умуминсоний қадриятлардан, демократияни юзага келтирувчи ва ривожлантирувчи тамойиллардан бири ҳисобланади. Бошқача айтганда, ҳур-фирлик, маънавий эркинлик демократиянинг ақлий ва ҳиссий асосидир. Бу ерла, албатта, фақат маънавиятнинг сиёсий мағкура ва ҳуқуқ билан, сиёсий маданият билан боғлиқ жиҳатларигина назарда тутилаётгани йўқ. Ахлоқ, адабиёт ва санъат, майший турмушнинг ахлоқий, маънавий жиҳатлари жамиятда шаклланган кенг маънодаги маънавий ва сиёсий мұхит ҳам демократия ривожланиши учун асос бўлиб хизмат қиласи. Дунёқараши тор, ахлоқий, эстетик, турмуш маданияти, диди паст кишилар қандай қилиб демократияни ривожлантирысин? Илм-фан, адабиёт ва санъат, ҳалқ таълими, ахлоқ, хуллас маънавият қанчалик юксалса, жамиятнинг ақлий ва ҳиссий салоҳияти, ижодкорлик имкониятлари, иқтисодий ва маданий эҳтиёжлари шунчалик ўсади. Юксак маънавият жамиятнинг ўз мавжудлик ҳолатидан қониқмаслик ҳиссини, уни мудом та-комиллаштиришга интилишни рағбатлантиради. Маънавият на қадар юксалса, ижтимоий муносабатлар шу қадар инсонийлашади, эзгулик ва инсонпарварлик, демократик та-мойиллар, инсон ҳуқуқлари ва эркинликлари шу қадар мустаҳкам қарор топади.

Ўзбекистон мустақиллукка эришгандан кейин жамиятнинг барча соҳаларини — давлат қурилишини, иқтисодиётни, ижтимоий соҳани, маданиятни, ҳалқ таълимини, соғлиқни сақлашни ва ҳ. к. тубдан ислоҳ қилишни бошлади. Маънавиятни юксалтириш иқтисодиёт билан бир қаторда ислоҳотларнинг устувор йўналиши, деб эълон қилинди.

Мустақилликнинг ўтган йиллари ислоҳотларни амалга оширишда жуда улкан ташқилий ишлар қилинди. Мулк-чиликнинг турли шаклларига таянган кўпукладли иқтисодиётнинг, бозор муносабатларининг асоси яратилади. Зарур ҳуқуқий пойдевор, қонунлар мажмуи вужудга келтирилди. Миллий давлатчилик тикланди. Миллий маънавият ва она тили ривожлантирилди, маданий мероснинг унут бўлган ва ҳалқдан мустамлакачилик даврида яширилган қисми юзага чиқарилди ва ўрганила бошланди. Ўзбекистоннинг кўлга киритган ютуқлари ҳалқаро миқёсда эътироф этилди.

Аммо ҳаёт бир жойда тўхтаб туриши мумкин эмас. Жамият доимо олға ҳаракат қилиши лозим. Шу боис I чакни-

риқ Олий Мажлис 14-сессиясида Президент И. Каримов «Ўзбекистон XXI аср сари» маъruzасида ислоҳотлар янги босқичининг асосий устувор йўналишларини белгилаб берди. Уларнинг биринчиси — сиёсий, иқтисодий ҳаётни, давлат ва жамият қурилишини эркинлаштириш бўлса, иккинчиси жамият маънавиятини юксалтиришdir. Бу икки йўналиш ўзаро ва бошқа кейинги йўналишлар билан чамбарчас боғлиқ. Ижтимоий тараққиётта интилаётган, тубдан янгиланаётган, сиёсий, иқтисодий ҳаётини эркинлаштиришга жазм қилган ҳар қандай жамият маънавияти юксак, озод, эркин шахсни шакллантирмоғи лозим.

Демократиянинг ҳам, иқтисодий тараққиётнинг ҳам ижодкори, амалга оширувчisi, ривожлантирувchisi — бу инсон. Демократия — наинки ҳалқ ҳокимияти, у, шунингдек, ҳалқнинг мамлакат келажаги, ўз тақдирни олдидағи масъулияти ҳамдир. Демократияни охлократиядан (охлос — тўда, оломон), оломон ҳокимиятидан, яъни турли гурухларнинг ўзбошимчалигидан, бошбошдоқлигидан, тартиб-қоидаларни, қонунни писанд қилмасдан ҳокимият идораларига ноўрин талаблар қўйишидан, тазиик ўтказишидан фарқ қилиш лозим. Демократиянинг охлократияга ҳеч қандай алоқаси йўқ.

Ҳар бир фуқаро демократиянинг моҳиятини тўғри англаб, уни нафақат охлократиядан ва анархиядан, шунингдек, автократиядан (раҳбарнинг ўзгалар фикри билан ҳисоблашмасдан, ёлғиз бошқариши, бошқаларнинг унга қуллуқ-қилиши) ва волюнтаризмдан (шарт-шароит ва объектив ижтимоий қонунларни менсимасдан, фақат хоҳиш-иродага таяниб жамиятни ривожлантиришга қаратилган бошқарув усули) ажратади.

Шундай қилиб, демократия фуқаролардан нафақат юксак ҳуқуқий маданиятни ва ижтимоий фаолликни, шунингдек, ўз манфаатларини давлат, жамият манфаати билан уйғунлаштира билишни ҳам талаб қиласи.

Демократия ривожланиши ҳуқуқий давлат вужудга келишининг муҳим шарти ва воситасидир. Биринчидан, аристократия (аслзодалар, зодагонлар) ёки олигархия (ўта катта сармоя эгалари) ёки ҳарбийлар ҳокимияти ўрнатилса, табиийки, у тор доирадаги кишилар манфаатини ифодалайди. Шаклан у диктатура қўринишини олмаслиги мумкин. Бироқ, барибир, кенг омма хоҳиш-иродасига қулоқ солмайди, ўз билганича сиёсат юритади, яъни ҳақиқий де-

мократия қарор топмайди. Иккинчидан, сўз эркинлиги, сиёсий партияларга бирлашиш, сайлаш ва сайланиш ҳуқуқи, умуман инсон ҳуқуқларининг хурмат қилиниши ва ш. к. демократик тамойиллар ҳуқуқий давлат шаклланиши ва ривожланиши учун зарурый асосдир.

Ҳуқуқий давлат — жамиятнинг шундай сиёсий ташкилотидирки, унда демократик меъёрлар, инсон ҳуқуқлари, қонуннинг барчага бирдайлиги ва барча учун (ҳам жисмоний шахслар — фуқаролар, ҳам юридик шахслар — корхоналар, муассасалар, идоралар ва ҳ. к. учун) мажбурийлиги арконий тамойилга, давлат тузумининг асл моҳиятига айланади. Ҳуқуқий давлатда ҳокимиятнинг уч бўғини — қонун чиқарувчи, ижроия ва суд ҳокимиятлари бир-бирларидан ажратиласди ва бир-биридан мустақил бўлади, фақат Конституция ва қонунларга таяниб иш тутадилар. Уларнинг ўзаро муносабатлари ва ҳамкорлик механизми ҳам Конституция ва қонунлар орқали белгилаб қўйилади.

Ҳуқуқий давлатда фуқаролар (жисмоний шахслар) ва корхона, муассаса, ташкилотлар (юридик шахслар) манфаатларини қонун кафолатлайди ва қаттиқ ҳимоя қиласди. Ҳеч ким, ҳатто давлат ҳокимияти ҳам уларнинг ички ишларига ноқонуний араласишига ҳақли эмас. Улар ўз муаммоларини қонун доирасида ечадилар. Шу боис уларнинг турли амалдорлар, назорат идораларининг ҳимматига ёки инжиқлигига, тамагирлиги ва пораҳўрлигига қарам бўлмасликларини давлат таъминлаши керак. Жисмоний ва юридик шахслар ўзларига нисбатан содир этилган ноқонуний ҳатти-ҳаракат, тазиик учун истаган мансабдорни ёки ташкилотни, шу жумладан, давлат идорасини ҳам судга беришлари мумкин.

Ҳуқуқий давлатнинг муҳим арконий тамойилларидан яна бири — бу инсон ҳуқуқларининг давлат ҳуқуқидан, ҳалқаро ҳуқуқнинг миллий ҳуқуқдан устуворлигидир. Давлат чиқарган қонунлар ҳалқаро ҳуқуқ меъёрларига, умуминсоний, умумбашарий қадриятларга мос бўлиши лозим. (Бу ерда гап қайси қонунларга бўйсуниш устида кетаётгани йўқ. Ҳар бир давлатнинг ўзга қонунлар эмас, ўз қонунлари асосида фаолият кўрсатиши зарурлиги шубҳа уйғотмайди. Гап қонун яратиш тамойиллари, талаблари устида кетяпти, яъни шундай қонунлар қабул қилиш лозимки, улар умум тан олинган ҳалқаро меъёрларга зид келмасин.)

Фақат маънавияти юксак, умуминсоний қадриятлар билан бойиган мамлакатларда бундай ҳуқуқий амалиёт қарор топади. Миллий маҳдулликка мойил, миллий манманликка берилган, мутаассиб ва тажовузкор мафкурани қурол қилиб олган мамлакат ҳалқаро ҳуқук меъёрларини ҳам, инсон ҳуқуқларини ҳам инкор этади, миллатчилик домига тушиб қолади. Бундай давлатда демократия ривожланмайди. Ҳуқуқ меъёрлари ва меҳнат интизоми зўравонлик ёрдамида таъминланади. Ҳуқуқий давлатда қонунга итоатгўйлик, меҳнат интизоми шахс маданиятининг ажралмас бир қисмига, эътиқодга, ахлоқий мўлжалга айларнади.

Демократия ҳуқуқий давлат вужудга келишининг асосий шарти ва воситаси бўлса, ўз навбатида, ҳуқуқий давлат демократия янада юксалиши, ўсиши ва мустаҳкамланининг кафолатидир. Ҳуқуқий давлат қарор топган жойда демократик институтлар мустақил фаолият кўрсатиши учун, алоҳида шахснинг ва бутун жамиятнинг яратувчилик, ижодкорлик салоҳияти, иқтисодий ва сиёсий ташаббускорлиги юзага чиқиши учун барча зарур имкониятлар вужудга келади ва улар объектив равишда юксалиб бора-веради. Бу юксалиш йўлида ҳеч қандай сунъий тўсиқ пайдо бўлмайди, мавжудлари тезгина қонун доирасида бартараф қилинади. Демократия, шахс ва жамият ривожланиши учун зарур имконият яратиш ҳуқуқий давлатнинг муҳим хусусиятларидан, моҳиятли белгиларидан биридир. Айнан ҳуқуқий давлатда қарашлар, мафкуралар плюрализми кафолатланади.

Президент И. Каримов таъкидлаганидек: «Бу ерда гап мамлакатимизда демократия тамойилларига асосланган, аввало, амалдаги Конституция ва қонунларга мувофиқ фаолият юритадиган, ҳеч қандай мансабдорлар, ҳатто энг кўзга кўринган вазифада ўтирган шахсларнинг ҳам субъектив ҳоҳиш-иродасига қарам бўлмасдан, ишни барқарор ва фаол ташкил қиласидиган, ўз моҳиятига кўра жамиятимизнинг олга силжишига халақит берётган барча иллаҳ ва эски асоратларни бартараф этишга курби етадиган самарали тизимни вужудга келтириш ҳақида бормоқда»¹.

¹ Президент Ислом Каримовнинг иккинчи чақириқ Ўзбекистон Республикаси Олий Мажлисининг биринчи сессиясидаги маърузаси. — «Халқ сўзи», 2000 йил, 23 январь.

Бу тизим — демократик ҳуқуқий давлат ва фуқаролик жамиятидир. Айнан шундай тизимда ижтимоий гуруҳлар, табақалар, қатламлар, синфларнинг манфаатлари, жамиятда эгаллайдиган мавқелари, ижтимоий жараёнга таъсир кўрсата олиш имкониятлари динамик (ҳаракатчан) мувозанатга келади, ўзини ўзи тартибга солади. Бунинг учун унга ташки тазиик, таъсир кўрсатиш ёки куч ишлатиб ички инқилобий ўзгариш қилиш шарт эмас. Бундай тизимнинг янги сифат касб этиши тадрижий, табиий-тарихий ривожланиш негизида кечади. Бинобарин, у тараққиёт модели самарадорлиги ва доимий такомиллашувини белгилайди.

Ҳуқуқий давлатда, қонун устуворлиги туфайли, сиёсий тизим ўзини ўзи тартибга солади, мувозанатга эришади. Давлат чиқараётган қонунлар, ҳукумат ва маҳаллий ҳокимият қарорлари, судлар фаолияти мансабдор шахсларнинг, хоҳиш-иродасига ёки бир қисм гуруҳбозларнинг тазиикига, талабига, ёхуд бирор нуфузли кишининг илтимосига боғлиқ бўлмайди. Албатта, юқорида айтилганлардан ҳуқуқий давлатда ҳамма нарса кўнгилдагидек бўлар экан, зиддиятлар бартараф этилар, одамлар фариштадек соғдил, ҳалол ҳаёт кечирар экан, деган ҳулоса келиб чиқмайди. Фарbdаги ҳуқуқий давлатларда ҳам порахўрлик, қаллоблик, жиноятичилик ва бошқа салбий ҳолатлар кам эмас. Маънавий ҳаётда ҳатто аксилмаданият ҳодисалари — фаҳш, зўравонлик, даҳшатни тараннум этувчи кинофильмлар, видеофильмлар, турли нашрлар, агар улар мавжуд конституциявий тузумни куч ишлатиш орқали афдариб ташлашга даъват этмаса ҳамда инсон саломатлигига, табиатга бевосита зарар етказмайди, деб топилса, бемалол рухсат этилади. Бу, афсуски, инсоннинг ижод қилиш, информация олиш, тадбиркорлик ҳуқуқи ҳисобланади.

Ҳеч бир жамиятда мутлақ мукаммал ижтимоий муносабатлар қарор топиб, фуқаролар 100 фоиз мукаммал бўлмайди. Аммо демократик, ҳуқуқий давлат одамларга энг кўп ва қулай шароит яратадиган, ўзи ҳам узлуксиз ривожланиб, ижтимоий тараққиётни таъминлай оладиган сиёсий институтдир.

Фарб ҳуқуқий давлатлари турмуш тарзида биз учунномаъкул яна бир жиҳат бор: бу одамларнинг, жумладан, яқин қариндошларнинг ҳам ўзаро бегоналашуви, улар ўртасида меҳр-оқибатнинг пастлиги. Биз фарбдан демократик,

ҳуқуқий давлат тамойилларини умумбашарий қадрият сифатида қабул қилиб, уни ўзимизнинг энг яхши миллий қадрияtlаримизга пайванд этишимиz, жамият аъзолари ўртасидаги илиқ муносабатларни, хайриҳоҳлик, ўзаро ёрдам ва ҳ. к.ларни сақлаб қолишимиз керак.

Ҳуқуқий давлатда ҳамма нарса қонун ва қонунга онгли равишда итоат доирасида кечиши керак. Шахснинг роли эса тарихий заруратни, ўз соҳасидаги ижобий тенденцияларни, янги эпкинларни бошқалардан олдинроқ пайқаб олишда, жамоатчиликни улардан хабардор қилишда, қонун доирасида ўзининг яратувчилик, ижодкорлик, ташкилотчилик имкониятларини amatga оширишда намоён бўлади. Ҳуқуқий давлатда шоҳ ҳам, гадо ҳам қонун олдида тенг. Ижтимоий келиб чиқиши ва аҳволи ҳеч кимга имтиёз бермайди (бундан қонунда кўзда тутилган ижтимоий ҳимояга муҳтоj кишилар — ногиронлар, ёш болалик оналар, қариялар, балофат ёшига етмаганлар ва ҳ. к. истисно). Шу боис ҳақиқий демократик тафаккур, ҳуқуқий давлат шахсга сифинишининг ҳар қандай шаклини инкор қиласди. Жамият бир кишининг, ҳатто у даҳолар даҳоси бўлса-да, дидига, фаҳм-фаросати ва дунёқарашига мослашиб яшashi мумкин эмас. Бу жамият учун ўта хавфли ва истиқболсиз, чунки оқибатда инсонпарварлик унтутилишига, адолатсизликка, якка ҳокимликка ва тоталитаризмга йўл очади. Жамиятни боши берк кўчага олиб киради. Шахсга сифиниши халқни, давлатни қандай балоларга гирифттор қилиши мумкинлигини Сталин ва Гитлер даврларида собиқ СССР ва Германия халқларининг чеқкан азоб-уқубатлари, берган қурбонлари, тарихнинг аччиқ сабоқлари кўрсатди.

Шахсга сифинишининг оқибатлари барча тарихий даврларда бир хил бўлган. Шу боис ислом ҳам Аллоҳдан ўзгага сифинманг дейди. Лекин айни пайтда у қонунга итоат этишга чорлайди. Афсуски, исломнинг бундай оқилона талабларининг биринчисини ўрта асрларда турли фаразли, шахсий манфаати ва шухратини кўзловчи арбоблар буздилар. Бу миллатимиз, давлатимиз муштараклигига, бирлигига, ижтимоий тараққиётимизга жуда катта путур етказди. Оқибатда, буюк мамлакатимизнинг кичик хонликларга, амирликларга бўлинишига хизмат қилди.

Халқнинг буюк шахсларга муносабати ва қонунга итоат-гўйлиги жамиятда узоқ йиллардан бўён хукм суреб келаётган муайян тарбия тизимига, эътиқодга, дунёқараашга боғ-

лик. Оврупода протестантизмнинг пуританий мазҳаблари тарқалган жойларда капитализм бошқа жойларга нисбатан анча илгари шаклланган ва нисбатан тезроқ, самара-лироқ ривожланган. Шахсга сифиниш эса вужудга келмаган (Англия, Голландия, Швейцария, АҚШ, Канада ва ш. к.). Инглизлар ўз қиролини (қироличасини) жуда севадилар. Унга Ватаннинг, миллатнинг рамзи, жипслаштирувчи кучи деб қарайдилар, лекин сифинмайдилар, қироллари учун ўлимга тик боришга тайёр, буни улар Ватанга хизмат, деб биладилар.

Америкаликлар ҳам президентларини миллатнинг етакчиси ва ҳ. к. деб ҳисобладилар, уни чукур ҳурмат қиласидар, кўрсатмаларини (қонун доирасида бўлса) сўёзсиз баҳарадилар. Аммо ҳуқуқий жиҳатдан, фуқаро сифатида, ўзларига teng, деб биладилар.

Уларда атоқли шахсларга, миллат раҳбарларига бундай демократик муносабат бир авлод умри давомида шакллангани йўқ. У Оврупода XVI аср Реформацияси ва XVII—XVIII асрлар Маърифатпарварлиги даврида қарор топган тамойиллар ва меъёрларнинг тарбияда қўлланилиши, кенг омманинг эътиқодига айланиши натижасидир.

Ҳуқуқий давлат шакланиши учун ҳеч бир инсон бошқа инсоннинг, ҳеч бир шахс бошқа шахсларнинг ва жамиятнинг устидан ноқонуний ҳукмронлик қилиши мумкин эмас. У фактат қонун доирасидагина бошқаларни, жамоани бошқариши мумкин. Ҳуқуқий давлат шахснинг шахсга ёки жамоанинг шахсга қарамлигини тўла инкор этади, лекин бошлиқнинг амрига қонун ва қонуний хизмат бурчи доирасида бўйсунишини тақозо қиласи.

Ҳар бир тарихий давр, ҳар бир жамият шахснинг муайян типини тарбиялайди. Унга ўз тараққиёти даражасидан ва заруратидан келиб чиқиб маълум бир талаблар қўяди. Бу талаблар жамият маънавиятида — ахлоқий, ҳуқуқий, эстетик баҳолари, омоллари, меъёрлари тизимида, маънавий муҳитида, ижтимоий мўлжалларида ўз аксини топади. Таълим ва тарбия тизими уларга мослашади, улар асосида ёш авлодни шакллантира бошлайди. Одамларнинг дунёқараши, интилишлари, жамиятга ва оламга, ўз-ўзига муносабати, давлат тузумининг қандайлиги, ривожланиш тенденциялари кўп жиҳатдан маънавиятга боғлиқ. Маънавият қандай бўлса, инсон ва давлат тузуми шундайдир, дейиш жоиздир.

Демократик, хуқуқий давлат қарор топиши миллий жипсликни, миллий консолидацияни тақозо этади. Маҳаллийчилик, уруғ-аймоқчилик, гурухбозлик авж олган, сиёсий партиялар кураши муросагўйликни, келишувчиликни билмай, салбий хусусият касб этган мамлакатда ҳақиқий демократия вужудга келмайди. Демак, миллий муштараклик, жипслик мустаҳкамланиши, ҳақиқий демократия ривожланиши учун маҳаллийчилик, уруғ-аймоқчилик ва шулар каби бошқа иллатлардан қутулиш, умуммиллий манфаатларни тор синфий, табақавий, минтақавий, партиявий манфаатлардан устун қўя билиш, уларни ўзаро мослаштира олиш зарур.

Бу жамиятда муайян маънавий-маърифий, тарбиявий ишлар олиб боришни, умуммиллий қадриятларни, умуммиллий foяни шакллантиришни тақозо этади.

Сиёсий партияларнинг, синфлар ва йирик ижтимоий гуруҳлар, табақаларнинг мафкураси бир-биридан фарқ қиласди. Жамият миқёсида уларнинг ҳар бирини хусусийлик деб, миллий истиқдол мафкурасини эса улардаги умумийлик, муштараклик деб баҳолаш мумкин. Кенг мазмунда миллий истиқдол мафкураси умуммиллий foяни турли партиялар, гуруҳлар, ижтимоий қатламлар, синфлар томонидан ўзига хос талқин қилинишининг, жамиятдаги плюралистик (ранг-баранг) қарашларнинг, назарияларнинг йифиндисидир. Миллий истиқдол мафкураси барча мафкураларнинг тўлиқ ҳолда олинган механик йифиндиси эмас, балки улардаги умумий мақсадга эришиш йўллари, усуслари ва ҳ. к. тўғрисидаги қарашлар, хуносалар, концепциялар йифиндисидир.

Жамиятдаги мафкуравий ранг-баранглик, турли мафкуралар, улар ўртасидаги баҳс, сиёсий партияларнинг ҳокимиёт учун ўзаро кураши, агар қонун доирасида кечса, миллий муштаракликка раҳна солмаса, нафақат жамиятда демократия ривожланишига, шунингдек, маънавият юксалишига хизмат қиласди. Чунки мафкуранинг ўзи маънавиятнинг намоён бўлиш шаклларидан, тарикибий қисмларидан биридир. Бундан ташқари мафкура маънавиятнинг бошқа шакллари ва таркибий қисмларига таъсир кўрсатади. Мафкуравий ранг-баранглик жамият ва фуқаролар дунё-қарашини кенгайтиради ва турли нуқтаи назарлар, foялар, омоллар билан бойитади. «Оламга турли нигоҳ билан қаранганд, уни теранроқ англаш мумкин», деган нақл ниҳоят-

да ўринлидир. Аммо миллий истиқдол мафкурасига зид партиявий мафкура аксилмиллий, экстремистик, бузгунчилик мазмунига эга бўлади. У моҳият-мазмуни билан миллий мустақилликка ва миллий муштаракликка қарши қаратилгандир.

Миллий истиқдолғояси ва мафкурасига зид бўлмаган, ҳуқуқий доирадан чиқмайдиган мафкуравий ва сиёсий муҳолифлик ижобий, яратувчилик салоҳиятига эга. Бундай муҳолифлик миллий манфаатларни чуқурроқ англашга, унинг турли жиҳатларини эсда тутишга, ҳисобга олишга, озчиликнинг манфаатларини кўпчилик манфаатлари билан уйгуналаштиришга ёрдам беради.

Ҳақиқий демократиянинг хусусиятларидан яна бири давлатнинг (парламент ва ҳукуматнинг) озчилик манфаатларини, ҳоҳиш-иродасини инобатга олиши ва қондиришидир. Бундай демократия сиёсий маданият ва умуман маънавият анча юксалган; ҳуқуқий давлат қарор топган шароитдагина мумкин.

Ҳуқуқ, ҳуқуқий онг, қонунларга итоатгўйлик, миллий истиқдолғояси ва мафкураси, турли сиёсий партиялар мафкураси, ижтимоий гуруҳлар, қатламлар, фуқаролар интизоми, дунёқараши, психологияси, сиёсий фаоллиги, маданияти маънавиятнинг таркибий қисмлари эканлигини ҳисобга олсан, унинг демократик, ҳуқуқий давлат қуришдаги роли ва аҳамияти анча ойдинлашиб қолади.

МАЪНАВИЯТ ВА ИҚТИСОДИЁТ

Инсоннинг ҳар қандай фаолияти, ҳар қандай хатти-ҳаракати ё табиат билан, ё жамият билан, оила аъзолари, бошқа кишилар билан муайян муносабатни юзага келтиришdir, муайян алоқани, ўзаро таъсирни амалга оширишdir. Шу боис инсоннинг онгли фаолияти аввало ахлоқ ва ҳуқуқ қолаверса, умуман маънавият нуқтai назаридан баҳоланади. Инсоннинг ишлаб чиқариш фаолияти ҳам нафакат иқтисодий, шунингдек ўзининг маънавий жиҳатларига эга. Иқтисодиёт билан маънавиятга бир хил катта аҳамият берган жамият ўзининг йирик ижтимоий зиддиятларсиз ва қарама-қаршиликларсиз барқарор тараққий этиши учун замин яратади. Гап иқтисодиётнинг моддий бойликлар, маънавиятнинг эса ақлий ва ҳиссий-руҳоний бойликлар яратиши, жамиятга бу бойликларнинг ҳар иккаласи ҳам кераклиги устида кетаётгани йўқ. Балки гап маънавият ва

иқтисодиётнинг ўзаро таъсири устида кетаяпти.

Иқтисодиётнинг маънавият билан алоқалари жуда ранг-баранг ва мураккабдир. Иқтисодиёт маънавият ривожланиши учун моддий шарт-шароитлар яратади. Иқтисодиёт эҳтиёжлари, талаблари маънавиятга нисбатан «буюртмачи» вазифасини ўтайди. Масалан, янги технологиялар яратиш, меҳнат қуролларини такомиллаштириш ва шу кабилар илм-фанны, техник ижодкорликни ривожлантиришга хизмат қиласи. Ишлаб чиқариш жараёнининг мураккаблашуви, илм талаблигининг ошиши ишчи ва мутахассисларда янги меҳнат кўнкимлари ҳосил бўлишини, уларнинг малякаси муттасил ўсиб боришини тақозо этади. Бу эса жамиятда кадрлар тайёрлаш, қайта тайёрлаш, умуман тарбия ва таълим тизими ривожланишига, маънавий-психологик мұхит ўзгаришига, ишлаб чиқаришда ва турмушда рационализаторлик, ихтирочилик, техник ижодкорликка мойиллик кучайишига таъсир кўрсатади. Бундан ташқари, турли товарларни, маҳсулотларни ва хизмат турларини харидорлар маълумотига етказиш эҳтиёжи ҳар хил кўргазмалар, шоу томошалар, конкурслар, лотереялар ва ниҳоят реклама-ахборот индустрисини вужудга келтиради.

Ўз навбатида маънавиятнинг ўсиши, илмий-техника кашфиётлари, аҳоли билимларининг ва малакасининг ошиши, иқтисодий тафаккурнинг ўзгариши, юксак омоллар ва ижтимоий марраларни кўзлаш, янгиликларга интилиш иқтисодиётни ривожлантиради. Аммо иқтисодиёт ва маънавият ўртасида доимий равишда мавжуд бўлган зиддиятлар ҳам бор. Улар тараққиёт моделида ҳисобга олиниши лозим, акс ҳолда модель кутилган самарани бермайди.

Иқтисодиёт ва маънавият реал инсон эҳтиёжларидан, жамиятнинг аниқ вазифаларидан ажralиб қолсалар, ўз мақсадларини белгилашда адашиб кетадилар. Бундай ҳолларда икки хил вазият вужудга келиши мумкин. Масалан, маънавият масалаларига етарли эътибор берилмаса, иқтисод иқтисод учун, капитални айлантириб, фақат фойда олиш учун бўлиб қолади. Ушбу мақсаддага, гёёки бутун жамият ҳам, алоҳида инсон ҳам бўйсуниши, маънавият эса иқтисодиётнинг мағкуравий хизматкорига, чўрисига айланиши лозим бўлиб қолади. Бошқача айтганда, инсон камолотидан, жамият ривожланишининг аниқ вазифаларидан, мақсадларидан ажralган иқтисодиёт маънавиятни инкор қиласи.

Ва, аксинча, конкрет инсонни ўйламайдиган маънавият ҳам ҳавои, сароб, мавхум омолларга интилади, нафса ҳирсни инкор этиш баҳонасида аслида иқтисодий ривожланишни инкор этади, ҳатто ўзининг энг кескин кўришиларида зоҳидлик ва таркидунёчиликни оқлади. Ушбу муносабат билан Эрих Фромм билдирган қуйидаги фикрдиқатга сазовордир: «...бизнинг ҳаётимизнинг — хоҳ моддий бўлсин, хоҳ маънавий — фақат битта томонинигина ўзгартиришга интилиш муқаррар тарзда муваффақиятсизликка учрайди. Дарҳақиқат, фақат бир соҳадагина тараққиёт юз берса, бу бошқа соҳалардаги тараққиётни хароб этади. Одамларни маънавий жиҳатдангина асрар қолишни ўйлагани учун Инжил рим-католик черкови хукмронлигининг ўрнатилишига сабаб бўлди. Фақатгина сиёсий ислоҳотлар ташвишинигина чеккан француз инқилоби Робеспьер билан Наполеонга олиб келди, социализм эса фақат иқтисодий ривожланиш тўғрисидагина ўйлагани учун стalinizmни майдонга келтирди»¹.

Эрих Фромм замонавий турмуш вужудга келтирган, инсоннинг ўзи яратган маҳсулотларидан, меҳнатидан, бошқа кишилардан, умуман жамиятдан бегоналашувини енгиб ўтиш учун ҳаётнинг ҳамма соҳаларида баравар ўзгариш қилиш тамойилини олға суради. Унинг фикрича, нафақат иқтисодиётни ташкил этиш ва сиёсий бошқарувга оид меъёрлар, тамойиллар, шунингдек, шахслараро, турили табақалар, гуруҳлараро, мамлакатлараро барча шаклдаги муносабатлар — иқтисодий, ахлоқий, ҳуқуқий, эстетик, майший муносабатлар ҳам авторитар мазмун эмас, балки гуманистик (инсонпарварлик) мазмун касб этмоғи лозим.

Ўз-ўзидан маълумки, жамият тараққиётида иқтисодиёт ва маънавият муносабатлари, уларнинг ўзаро алоқадорлиги ва бир-бирига таъсири масаласи тўғри ҳал қилинмоғи лозим. Фойда олиш иқтисодиётнинг тор хусусий мақсадидир, аммо унинг асосий ижтимоий мақсади одамларнинг моддий эҳтиёжларини, маънавий эҳтиёжининг қондирилиши учун шароит яратишдир. Иқтисодиётнинг ижтимоий вазифаси инсон учун хизмат қилиш эканлигини эса жамиятга маънавият эслатиб туради. Тараққиёт моделида

¹ Эрих Фромм. Инсоннинг ҳозирги ҳолати.— «Жаҳон адабиёти» журнали. 2000 й., март, 108—109-б.

фақат иқтисодиётга эътибор берилса, жамиятни уйғун ривожлантириш, айниқса, маънавий маданиятни юксалтириш, одамлар ўргасидаги муносабатларни инсонпарварлик ва ахлоқийлик асосида куриш қийин бўлади. Тараққиётда маънавиятга устунлик берилса, унда иқтисодий қонуларга беписанд қарапаш, волюнтаризмга ён бериш, иқтисодиётнинг мафкурага бўйсуниб қолиши хавфи тугилади. Собиқ социалистик мамлакатлар бундай сиёsatни ўз вақтида бошидан кечирган эдилар. Бугунги кунда у Корея Халқ Демократик Республикасида «чучхе» назариясида давом этмоқда.

Маънавият ва иқтисодиёт муносабати, ўзаро таъсири масаласида фарб илм-фанида икки хил қарама-қарши қарапашлар қарор топган. Биринчиси — яқин ўтмишдан бизга яхши маълум бўлган марксистик қарапашлар. Тарихни материалистик тушунишга биноан, ижтимоий ҳаётда иқтисодиёт ҳал қилувчи роль ўйнайди. Ахлоқий, хукуқий, эстетик меъёрлар, омоллар, эътиқод, дунёқарапаш, дин, урфодатлар иқтисодий пойдевор (базис) устида вужудга кела-диган курилмадир, яъни устқурмадир. Пойдевор ўзгариши билан устқурма ҳам ўзгаради. Демак, марксизмга биноан, иқтисодиёт маънавиятга нисбатан белгиловчи омилдир. Тўғри, марксизм маънавий маданият иқтисодиётга акс таъсир, айрим ҳолларда жиддий акс таъсир кўрсатади, дебтан олади. Лекин, барибир, маънавиятга иккиламчи ҳодиса — иқтисодиётнинг ҳосиласи, деб қарайди.

Иккинчиси кўпроқ атоқли немис мутафаккири Макс Вебер, қисман машҳур француз социологи Э. Диоркгейм қарапашларидир. Бу қарапашлар ўқувчиларга яхши маълум бўлмагани учун, у ҳақда батафсилроқ тўхташни лозим топдик.

М. Вебер қарапашларига мувофиқ, маънавият жамият ҳаётида, жумладан, меҳнатга муайян муносабатлар шаклланишида ҳал қилувчи роль ўйнаган. Янада аникроқ айтилса, эътиқод, ахлоқий меъёрлар ва омоллар иқтисодиёт ривожланишини белгилаган. Вебер ўз хulosаларини протестант ахлоқининг замонавий фарбий европача тамаддуннинг вужудга келиши ва ривожланишига таъсири орқали исботлашга уринади. У ўзининг муайян зиддиятлардан холи бўлмаган «Протестант этикаси ва капитализм руҳи» асарида капиталистик ишлаб чиқариш муносабатлари, қадриятлари шаклланишига протестантизмнинг, айниқса унинг пуританий мазҳабларининг ахлоқий меъёрлари,

биринчи навбатда, ҳалол ва тиришқоқ меҳнат қилиш орқали ўз аҳволини, турмушини яхшилашга интилиш лозим, деган талаби ҳамда ижтимоий ҳаётни ва турмуш тарзини, шу жумладан, ишлаб чиқаришни муттасил рационаллаштиришга қаратилган мўлжали белгиловчи таъсир кўрсатганини эътироф этади.

Протестантизмдан аввалги христианчиликдаги диний оқимлар, бошқа динлар (ислом, буддизм) одамларга кам-суқумлик, қаноат, нафс ва ҳирсни жиловлаш, камтарона турмуш кечиришни тез-тез эслатиб келган. Протестантизм ахлоқи ҳам бу қадриятларни тарғиб этди, аммо шу билан бир қаторда шахс манфаатини ва индивидуализмни чегараламади, балки тиришқоқ меҳнат қилиш талаби билан уларни бирлаштириб, рағбатлантириди.

Ўзидан аввалги диний эътиқодлардан -- католицизм ва православиедан фарқли, протестантизм оламни, турмуш тарзини оқилона -- амалий ўзгартириш мумкинлигини, бунда инсон четдан, черковдан, азиз авлиёлардан мўъжи-за кутмасдан, фақат худога сидқидилдан эътиқод қилиб, ўз кучига, меҳнатига таяниши лозимлигини ахлоқий меъёр, ижтимоий омол даражасига кўтарди. Мартин Лютер таълимотига бориб тақаладиган (XVI аср) бу меъернинг, омолнинг диний жиҳатларини, протестантизмнинг турли мазҳаблари ўртасидаги ушбу масала бўйича умумийликни ва баъзи бир нозик ўзига хосликни таҳдил қилишни биз мақсад қилиб қўйганимиз йўқ. Фақат шуни эътироф этмоқчимизки, Мартин Лютер ва протестантизмнинг бошқа мазҳаблари асосчилари томонидан мазкур ғоя христиан динининг арконий ақидаларидан бири -- туғилишидан гуноҳкор банда сифатида оламга келадиган инсон боласининг руҳини халос этиш масаласи доирасида олға сурилган ва асосланган. (Протестантизм асосчилари М. Лютер, И. Цвингли ва Ж. Кальвин капитализмнинг илк назариячиларидан бўлган экан-да, деган хулоса келиб чиқмаслиги керак. Улар руҳонийлар сифатида иқтисодиётни ислоҳ қилишни хаёлларига ҳам келтирмаганлар. Тадбиркорликка шахсий муносабатлари эса салбий бўлган. Лекин улар яратган диний оқимнинг асосий тамойиллари капитализм ри-вожланиши учун маънавий негизлардан бири бўлгани шубҳасиз.)

М. Вебер ҳалол, тиришқоқ меҳнат протестантизмда диний жасорат, «дунёвий зуҳудлик» мақоми касб этади, деб

ҳисоблайди. (Вебер протестантизмнинг замонавий капиталистик хўжалик фаолияти шаклланишига эмас, балки «капитализм руҳи» шаклланишига таъсири ҳақида сўз юритади. У замонавий капиталистик хўжалик ҳеч қандай диний таълимотнинг ёрдамига муҳтоҷ эмаслигини, аксинча, капиталистик хўжалик фаолияти иқтисодиётга черков аралашувининг ҳар қандай кўриниши ҳам ҳалал беради, деб ҳисоблашини алоҳида таъкидлайди. Ушбу муносабат билан Мустақил Ўзбекистонда қабул қилингган «иқтисодиёт мафкурадан холи бўлиши лозимлиги» тамоилини эсланг.)

Капитализм руҳига, иқтисодий рақобатга, товар-пул ва меҳнат рақобатига католицизм ва православиега нисбатан протестантизм мосроқ эди. Шу боис протестантизм кўпроқ тарқалган жойларда капитализм нисбатан тезроқ ривожланди. Фарб мамлакатларининг тараққиёт даражасини ўзаро таққосласак, католик дини ҳукмронлик қилган Испания, Португалия, Лотин Америкаси, Польша ёки православие ҳукмронлик қилган Юнонистон, Югославия, Руминия, Россия, Болгария, Белоруссия, Украина, Молдавия каби мамлакатлар протестантизм кўпроқ тарқалган Шимолий Америка (АҚШ, Канада), Англия, Германия, Франция, Швейцария, Дания, Голландия, Бельгия, Швеция каби мамлакатлардан ижтимоий тараққиётда ҳозир ҳам анча орқада эканлигининг гувоҳи бўламиз.

Юқоридаги мулоҳазадан христианликнинг бошқа оқимлари (католицизм, православие) ёки бошқа динлар (ислом, буддизм) меҳнатни протестантизмга нисбатан паст қадрлаган эканлар, деган хulosса келиб чиқмаслиги керак. Барча динлар ҳалол меҳнатни улуғлаганлар. Ислом ҳам пешона тери билан топилган ҳалол луқма билан кун кўришни, бола-чақа боқишини ахлоқий меъёр даражасига кўтарган.

Лекин улардан фарқли, протестантизм инсон ўз руҳини ибодат орқали эмас, худога сидқидилдан эътиқод қилиш орқали ҳалос этади, деб ҳисоблайди. Эътиқодни эса ақлнинг амалий ишига; яъни меҳнатга айлантиради (ҳалол меҳнат — «дунёвий зухудликдир»). Кишининг ўз касби доирасида эришган мувафақиятига худо томонидан унинг ҳалос этилганлар қаторига киритилганлиги белгиси, деб қарайди. Шу боис протестант учун меҳнат муваффақияти, натижаси бирдан-бир мақсадга айланади.

(Мартин Лютердан 1,5 аср муқаддам шунга ўшаш ғояни буюк валий Нақшбанд ҳазратлари олға сурган эди — «Дил

ба ёр, даст ба кор». Минг афсуски, бу даъват ислом оламида янги ахлоқни ва меҳнатга янги муносабатни вужудга келтира олмади. Чунки, биринчидан, унинг ўзи бир мистик тариқат доирасида олға сурилган эди. Иккинчидан, мистик қарашлар ҳали ўз имкониятларини тўла сарфлаб ултурмаган эди. Учинчидан, балки энг асосийси, капитал концентрацияси юз бермаётган, шу боис мазкур даъватта ижтимоий-иқтисодий зарурат, шарт-шароит пишиб етилмаган эди. Қолаверса, тўртингидан, Лютердан кейин протестантизмни кенг ёйиш ва амалиётга жорий қилишга улкан ҳисса қўшган Кальвин сингари ҳам назариётчи, ҳам ташкилотчи черков ислоҳотчилари, Томас Мюнцер, Ян Жижка каби халқ доҳийлари тарих саҳнасига чиқди. Протестантизмни қарор топтирган Реформация Европада юз йил давом этган турли тўқнашувлар, галаёнлар воситасида амалга оширилди. Нидерландия ва Англия инқилоблари протестантизмни янада мустаҳкамлади.

Нақшбанддан кейин биз унинг издошлари орасида кўпроқ гоявий-мафкуравий давомчиларни кўрамиз, амалий ислоҳотчиларни эмас. Нақшбанд даъвати меҳнатда, бунёдкорликда моддийлашган амалий эътиқодга айланмади.)

Христианликнинг янги оқими сифатида тарих саҳнасига чиққан протестантизмда сўз умуман меҳнат қадри эмас, балки муайян шахснинг меҳнати қадри ҳақида, унинг манфаати (бу ерда: муваффақиятга эришиб, худо ярлақаганлар қаторига кирганилиги тўғрисида ишора олиш) жамоа манфаати соясида қолиб кетмаслиги лозимлиги ҳақида ҳам юритилди. Протестантизм инсоннинг мавжуд ижтимоий ҳолатини меҳнат орқали ўзгартиришга монелик қилмади, балки рағбатлантириди. Бошқа динлар, диний оқимлар мавжуд ижтимоий муносабатларни тубдан ўзгартирмасдан, фақат такомиллаштиришга инсонни ундалган бўлса, протестантизм уларни жиддий ислоҳ қилишга, янги иқтисодий, ижтимоий, сиёсий, янги диний-ахлоқий муносабатларни қарор топтиришга ундалган эди. (Энг қадимги динлардан бўлмиш индуизм ҳатто жамиятда қайси табака (каста) меҳнатнинг қайси турлари билан шуғуланиши мумкинligини қатъий қоидалар билан мустаҳкамлаб қўйган. Унга биноан, юқори каста вакиллари қуи каста вакиллари бажарадиган ишлар билан шуғуланишлари мумкин эмас ва аксинча).

Европада юқори табақа вакиллари қуйи табақа вакиллари шуғулланадиган ишлардан ҳазар қиласы, қуйи табақа вакилларига баъзи бир зодагонларга тегишили касблар эшиги ёпилган эди. Протестантизм касбларнинг нотенглигини ва бу билан боғлиқ касбий имтиёзларни мафкуравий жиҳатдан бекор қилди. Лютер тоясини Вебер қўйидагича ифодалайди: «Дунёвий мажбуриятларни (яъни бу дунёниг мажбуриятларни — А. Э.) бажариш ҳар қандай шароитда ҳам Худога маъқул бўлишнинг бирдан бир воситасидир, мана шу — фақат шугина илоҳий ироданинг кўрсатмасидир ва шу боис барча рухсат этилган касблар Худо олдида тенгдирлар»¹. Меҳнатга бундай муносабат билан протестантизм Европада феодализм бағрида ўсиб, кундан кун ривожланиб бораётган капиталистик муносабатларга, янги тузумга йўл очганди. Шу сабабли протестантизмни қарор топтирган Реформация нафақат диний ислоҳлар ҳаракати эди. У, шунингдек, янги иқтисодий тузум, янгича ишлаб чиқариш муносабатлари учун кураш ҳаракати ҳам эди.

Адолат юзасидан айтиш лозимки, Вебернинг ўзи Реформацияни диний ислоҳотлар учун кураш доирасидан чиқадиган ҳодиса, айниқса, капиталистик муносабатлар учун кураш, деб қарамайди.

Вебер, капитализм хўжалик системаси сифатида Реформация маҳсулни эмас, деб ҳисоблайди. Бу тўғри фикр. Хўжалик системаси, одатда, қарор топган иқтисодий муносабатлар (алмашув, тақсимот, хўжалик ҳуқуқи) ва ишлаб чиқариш технологиясининг эришилган даражасидан ташкил топади.

Лекин Реформация ўз олдига черковни ислоҳ қилиш, протестантизмни қарор топтиришни мақсад қилиб қўйган экан, унинг доҳийларининг субъектив ҳоҳишидан қатъий назар, у янги ижтимоий муносабатларга, янги тарихий заруратга ҳам объектив равишда йўл очган эди. Протестант этикаси — ахлоқий меъёрларнинг «капитализм руҳи»ни вужудга келишидаги аҳамиятини Вебернинг ўзи ажойиб тарзда кўрсатиб беради.

Реформация Европанинг қатор мамлакатларида ғалаба қозонмаса, капитализм ҳам вужудга келмас эди, деб дадил айтиш мумкин. Аслини олганда, Европа мамлакатлари орасида XIV—XV асрда илк капитализм куртаклари

¹ Вебер М. Избранные произведения. М., «Прогресс», 1990 г., ст. 98.

яққол кўзга ташланиб қолган жой Италия эди. Айниқса, Флоренция, Венеция, Неаполь, Генуя каби князликларда ички товар алмашуви ва чет мамлакатлар билан савдо-сотиқ яхши йўлга қўйилгани сабабли товар ва пул айланмаси тезлашуви, банкларнинг вужудга келиши, ёлланма меҳнатнинг кенг қўлланилиши илк капиталистик муносабатларни юзага келтирган эди. Фарб Ренессанси (Ўйғониш даври) ҳам айнан Италияда бошлангани бежиз эмас. Аммо Италияда Реформация ҳаракати ривожланмади. Католик чerkov ўз мавқенини сақлаб қолди. Шу боис Италия князликлари XVII асрга келиб XIV—XVI аср биринчи ярмида ги тараққиёт даражаларини ҳам сақлаб қололмадилар. XVI аср иккинчи ярмида Венециядан бошқалари ҳатто ўз мустақиллигидан айрилди. Бу бизнинг халқимиз бошидан кечирган темурийлар давридаги иқтисодий ва маданий ўсишнинг кейинги асрларда таназзулга юз тутиши, орқага кетиши билан алмашганига анча ўхшаб кетади.

XVI—XVII асрнинг биринчи ярмида дунёни «иккига бўлиб олган», кўплаб мамлакатларни мустамлакага айлантирган католик Испания ва Португалия ҳам XVII асрнинг иккинчи ярмида ортга кетди, капиталистик муносабатларга кенг йўл очолмади. Ваҳоланки, XVI асрда уларда бундай объектив имконият Англия ва Францияга нисбатан анча кўпроқ эди.

Бошқа бир мисол: Испания ва Португалиянинг собиқ мустамлакалари — Лотин Америкаси давлатлари XIX асрда мустақилликларини қўлга киритдилар. Лекин ҳалигача тараққиётда илгарилаб кетгани йўқ. Уларни Англиянинг собиқ мустамлакалари АҚШ, Канада ёки Гонконг билан мутлақо таққослаш мумкин эмас.

Ушбу мисоллар ҳам католицизм ва протестантизм ахлоқий мөъёрларнинг меҳнатга, иқтисодий заруратнинг юзага чиқишига таъсир кўрсатишига жонли мисолдир.

Протестантизм бошқа динлардан мистикани тўла инкор этиши билан ажralиб туради. Протестантизмнинг турли йўналишлари, биринчи навбатда, пуританий мазҳаблари, айниқса, кальвинизм қатъий интизомга риоя қилади. Улар нафақат ҳар қандай дабдабабозлик, ортиқча қуликларни, ҳаёт лаззатларини кишини Худодан чалғитади деб, инкор қилиш билан, шунингдек, умуман ортиқча ҳиссиётни (диний ҳиссиётни ҳам, жазавани, мутаассибликни ҳам) тан олмаслиги билан ажralиб туради. Шу боис

протестантизм шахс ва жамият ҳаётини, ишлаб чиқариши, ижтимоий муносабатларни рационализм — оқилоналлик асосида қуришга ундейди. Кези келганда айтиб кетиш лозимки, ҳиссиётни инкор қилишни пуританий мазҳаблар фақат ёлғиз Худога сажда қилиш лозим, ундан ўзгага ва қўлдан яратилган нарсаларга сифиниш гуноҳи азим, деган ақида билан бирлаштириб, ҳар қандай шахсга сифинишни, авторитаризмни инкор этди. Ушбу маънода бугунги гарб сиёсий маданияти асослари шаклланишига ҳам протестантизм маълум ҳисса қўшган.

Ф. Энгельс пуританий талабларни «буржуя тежамкорлиги», деб баҳолайди. Марксизмга мувофиқ, мафкуравий, жумладан, диний меъёрлар ва тамойиллар иқтисодий заруратнинг ўзига хос реал ёки фантастик тарзда ижтимоий онгда акс этишидан бошқа нарса эмас. Шу боис К. Маркс ва Ф. Энгельс протестантизмнинг ўзини ҳам, унинг асосий меъёрлари ва ахлоқий талабларини ҳам диалектик «нозик» мушоҳадалар ёрдамида бевосита ёки билвосита шаклланётган капитализм заруратидан келтириб чиқардилар.

Лекин «тежамкорлик» талаблари христианликнинг ўзида илк ўрта асрларда, ҳатто антик ва ундан кейинги даврларда (V асргача) бошқа динларда ҳам мудом мавжуд бўлганини ҳисобга олсан, улар XVI—XVII асрдаги ижтимоий борлиқнинг, яъни шаклланётган капиталистик муносабатларнинг маҳсули эмаслигига ишонч ҳосил қиласиз. Айни пайтда протестантизм (пуританий мазҳаблари) талаблари ва илк капитализм түғдирган зарурат ўзаро мос келиб қолганлигини эътироф этиш лозим. Илк капитализм протестантизмда ўзи учун ғоявий-мафкуравий таянч топди. Протестантизм эса илк капитализм орқали ўзининг моддий-ижтимоий асосларини кенгайтирди ва оқибатда жамиятда барқарор мустаҳкам мавқе эгаллади.

Маънавият ва иқтисодиётнинг ўзаро таъсири тўғрисида Маркс ва Вебер хulosаларини онтологик нуқтаи назардан ўзаро қарама-қарши материалистик (Маркс) ва идеалистик (Вебер) хulosалардир, дейиш мумкин. Айниқса Маркс хulosалари масалага асосан онтологик ёндашувнинг натижасидир.

Лекин, назаримизда, масалага онтологик эмас, балки кўпроқ функционал нуқтаи назардан (яъни ижтимоий ҳодисаларнинг фаолият кўрсатиши ва муайян вазифаларни ба-

жаришдан келиб чиқиб) ёндашиш самаралироқقا ўхшайди. (Вебер мулоҳазаларида бу ёндашув кўпроқ ўз аксини топган). Агар шундай қилинса, иқтисодий омиллар белгиловчи роль ўйнайдими ёки маънавият? деган маълум даражадаги схоластик баҳоларга ўрин қолмайди. Чунки функционал ёндашув учун онтология олдидағи бош масала сифатида турган моддийлик бирламчими ёки маънавийлик, қайсиси белгиловчи, деган саволлар иккинчи даражалидир.

Вебер мазкур асарини қуйидаги фикр билан тугатгани диққатга сазовордир: «Бу бизнинг маданият ва тарих соҳасидаги сабабий алоқаларнинг бир томонлама материалистик талқинини худди шундай бир томонлама руҳоний сабабият талқини билан алмаштириш ниятида эканлигимизни билдирамайди. Униси ҳам, буниси ҳам тенг даражада қўлланилиши мумкин, бироқ агар улар тадқиқотнинг дастлабки шарти бўлиб эмас, балки хулоса босқичи бўлиб хизмат қиласа, иккаласининг ҳам тарихий ҳақиқатни аниқлашга ёрдами кам тегади»¹.

Демак, иқтисодий ва маънавий омилларга тенг кўз билан қараш, уларнинг бирортасини камситиш, паст баҳолаш мумкин эмас.

Агар маънавият ва иқтисодиётнинг ўзаро таъсирини функционал ёндашувдан келиб чиқиб таҳлил этсак, улар анча мураккаб ва ранг-баранг, ҳар бир муайян ҳолатда ҳар хил эканлигининг, умуман олганда, уларнинг ўзаро таъсири бир-бириницидан кам эмаслигининг гувоҳи бўламиз. Меҳнат билан ахлоқ туташмаса иқтисодий муносабатларда маънавият масалалари, хусусан инсонпарварлик талаблари ва меъёрлари етарлича ҳисобга олинмаса, технократик қарашлар устунлик қиласа, ишлаб чиқариш ўсган билан, инсоний муносабатлар таназзулга учрайди, бегоналашиш кучаяди. Бу оқибат натижада ижтимоий-иктисодий таназзулга олиб келиши мумкин.

Иқтисодий ўсиш бўлмаса, ҳалқ турмуш фаровонлиги юксалмаса, маънавиятнинг кўп соҳалари ҳам ривожланмайди: ҳалқ таълими, санъат, оммавий-ахборот воситаляри, матбаачилик, илм-фаннынг моддий базаси начор аҳволга тушиб қолади, жамиятнинг ижодий изланишлари сусаяди. Аксинча, турли шакллардаги мафкуравий муросасизлик, мутаассиблик тарқалиши учун имкониятлар пай-

¹ Вебер М. Ўша асар, 208-6.

до бўлади. Бу, ўз навбатида, иқтисодиёт ривожланиши учун қўшимча қийинчиликлар туғдиради, чунки иқтисодиётнинг янги технологияларга, янги ғояларга бўлган эҳтиёжлари етарлича қондирилмайди. Иқтисодий тафаккур давр талабидан орта қола бошлайди. Инсонпарварлик, ҳалоллик етарлича ҳисобга олинмаган жойда иш берувчи билан ишга ёлланувчи ўртасида ижтимоий ҳамкорлик эмас, қара-ма-қаршилик вужудга келади.

Шу боис тараққиётнинг янги босқичи устувор йўналиш сифатида иқтисодиёт билан тенг равишда маънавиятни ҳам тан олади, уларни уйғуллаштиришга уринади.

Маънавиятнинг иқтисодиётга таъсири, юқорида таъкидланганидек, биринчи галда жамиятда меҳнатга муносабат қандайлигига намоён бўлади. Меҳнат қадриятлар тизимида қандай ўрин тутади, у қай даражада эркин? Жамиятнинг турли қатламлари орасида меҳнат қилишга, унинг муайян турларига (касларга) интилиш қандай? Меҳнатнинг рағбатлантирилиши (меҳнатга ҳақ тўлашнинг) меъёрлари қай даражадаadolatли? Меҳнатнинг, ишлаб чиқаришнинг ўзи рационал ташкил этилганми, доимий, мутасил такомиллашиб боришга, янги технологияларни қабул қилишга унда ички рағбат, интилиш борми? Шу каби ва бошқа саволларга бериладиган жавоб жамиятда муайян тарзда шаклланган қадриятлар мезонидан, меҳнатга муносабатдан, умуман дунёқараашдан келиб чиқади. Иккинчидан, маънавиятнинг иқтисодиётга таъсири ҳалқ хўжалигининг қандай фаолият кўрсатишида намоён бўлади. Масалан, товар-пул муносабатларининг, кредит ва солиқ тизимларининг, бозор инфратузилмаларининг ривожланиши кўп жиҳатдан мазкур соҳалардаги эҳтиёжларнинг англаб олинишига ва уларни қондириш учун шарт-шароит яратишга, яъни жамиятда шаклланган иқтисодий тафаккурга, ахлоқий ва ҳукуқий меъёрларга боғлиқ. Хўжалик юритувчи субъектлар ўртасидаги муносабатларнинг ўзаро ишонч, хайриҳоҳлик, қатъий ҳукуқий ва ахлоқий меъёрларга асосланиши ҳам маънавиятга боғлиқ. Меҳнат ва ишлаб чиқариш муносабатлари, совет давридагидек, иррационал ташкил этилса, ишлаб чиқариш ва умуман иқтисодиёт илмий-техника ютуқларига, янгиланишга очик бўлмайди, тургунликка юз тутади. Унга ҳар қандай янгиллик мажбурий, зўравонлик асосида жорий этилади, аммо бари бир кутилган самара бермайди.

Бошқача айтганда, маънавият иқтисодиётнинг ривожланишига, унинг қайишқоқлик ёки инертлик даражасига, янгиликларга ва янгиланишга очиқлик даражасига таъсир кўрсатади. Маънавиятнинг меъёрий баҳолаш хусусияти жамиятни иқтисодиёт кун тартибига қўйган талабларни бажаришга ёки уларга нисбатан бепарво бўлишга ундаиди. Биринчи ҳолатда яхши суръатларда иқтисодиёт ва маданият ривожланади. Иккинчи ҳолатда эса жамият турғунликка юз тутади, бу маънавиятнинг меъёрлаш — баҳолаш тизими ўзгармагунча асрлар бўйлаб давом этиши мумкин. Шарқ мамлакатлари мисоли буни кўрсатиб турибди. Шарқда бир неча асрлар давомида мафкура иқтисодий заруратни инкор қилган, айниқса бу Хитой ва Ҳиндистонда узоқ давом этган. Ислом мамлакатларида ҳам IX — XII асрларда товар-пул муносабатлари, савдосотик ривожланиши, жамиятда ижтимоий сафарбарлик ва янгиликларга интилиш юқори даражада бўлгани, жамиятда ўта кескин ижтимоий-синфий зўравонлик ва қарамликнинг йўқлиги (крепостной қарамлик каби), ёлланма меҳнатнинг анча ривожланганлиги илк капиталистик муносабатлар вужудга келиши ва ривожланиши учун объектив иқтисодий шарт-шароит ва зарурат яратган эди. Лекин турли сабабларга кўра (улар орасида иқтисодий, сиёсий, диний-мафкуравий сабаблар бор), оиласий ташкиллашиш доирасини ёриб чиққан, мустақил, «объективлашган», рационал асосга қурилган ишлаб чиқариш корхонаси ва капиталнинг илк жамғарилиши, илк капиталистик бозор инфратузилмаси (молия-кредит, банк тизими ва ш. к) вужудга келмади. Жамиятнинг мафкураси, маънавияти объектив иқтисодий заруратни инкор этди, уни юзага чиқармаслик учун очиқчасига курашди (рибоъ, тавдилия каби тамойилларни эсланг).

Совет даврида ҳам меҳнатга муносабат анча салбий мазмун касб этди, ҳалол ва сифатли меҳнатнинг қадри тушиб кетди. Чунки у етарлича рағбатлантирилмади, одамлар меҳнатига яраша ҳақ ололмади. Иқтисодий ва сиёсий зўравонликка асосланган «совет модели», қатағонлар барҳам топиб, нисбатан зўравонлик камайган сайин самарасини пасайтира бошлади, оқибатда инқирозга юз тутди. Иқтисодиётни интенсивлаштириш рўй бермади.

Мустақиллик шароитида биз меҳнатга бутунлай янгича муносабатни шакллантиришимиз лозим. Инсон асосий иш-

лаб чиқарувчи куч, ҳар қандай ижтимоий фаолиятнинг субъекти сифатида тараққиёт моделининг асосий ижодкори, ҳаракатлантирувчи кучидир. Биз дунёқарашимиизда, баҳолар, қадриятлар мезонида ижодга, меҳнатга янги муносабатни шакллантирсак, яъни боқимандаликни ва текисчиликни инкор қилсак, шахснинг ижодий интилишлари ва тадбиркорлигини рағбатлантиришни, шахс билан ҳисоблашишни ўргансак, жамиятнинг ҳар бир аъзоси фақат меҳнат орқалигина ўзлигини, ўз имкониятларини воқе қила олишига амин бўлса, жамиятнинг иқтисодий салоҳияти янада ортади. Шахснинг моддий манфаати жамоа ва жамият манфаати билан уйғунлаштирилмас экан, ислоҳотлар кутилган самарани бермайди. Иқтисодий ривожланиш модели қанчалик ички тузилиши жиҳатдан мутаносиб бўлмасин, қанчалик фан-техника ютуқларига, янгиликларга очиқ, илфор тамойилларга таянмасин, шахс манфаатларини етарлича ҳисобга олмаса, модельнинг имкониятлари реал эмас, балки формал хусусият касб этади ва амалда воқе бўлмайди.

Ўтиш даврининг қийинчиликлари шахс манфаатларини тўла таъминлашда ҳар хил тўсиқлар ҳосил этмоқда. Бу борада ҳалқ хўжалиги турли бўғинларидаги раҳбар ва мутахассисларда янгича иқтисодий тафаккур етишмаслиги ва амалий тажриба камлиги панд бермоқда. Натижада ўзидағи мавжуд салоҳиятни яхши юзага чиқара олмайпти.

Шу боис шахснинг реал даромадларини йилдан-йил ошириб бориш лозим. Инвестициялар учун маблағ топиш, капитални жамғариш баҳонасида шахс манфаатлари етарлича таъминланмас экан, эртанги кунда меҳнатга тўғри муносабат шаклланмайди. «Яширин иқтисодиёт» улуши ҳалқ хўжалигига ўсиб бораверади. Ҳалол ва очиқ ишлаш орқали ўз аҳволларини яхшилашлари мумкинлигига ишонмайдиган одамлар сони ҳам кўпаяди ва улар «яширин иқтисодиётга» кўшилиб кетадилар. Энди биз шахс манфаатини, интилишларини жамоа ва жамият манфаатига қарши қўймасдан, уни юксак баҳолашни ўрганишимиз, одамларнинг меҳнатдан, унинг оқибат натижаларидан манфаатдорлигини муттасил ошириб боришимииз лозим.

Бозор иқтисодиётининг таркибий қисми сифатида меҳнат бозори вужудга келяпти. Меҳнат бозори ишчи мутахассисларнинг ўртасида рақобат пайдо бўлишини, ишчи ва мутахассисларга, уларнинг малакасига нисбатан эҳтиёж бо-

зорнинг таклиф ва талаб қонуниятига бўйсунишини билдиради. Меҳнаткашлар, жамият аъзолари шунга тайёр бўлишлари керак. Меҳнат бозори иқтисодиётдаги ўзгаришлар туфайли нисбатан тезроқ шаклланади, аммо аҳолининг психологияси, меҳнат бозорига, рақобатга муносабати, касб малакаси анча секин ўзгаради, объектив ўзгаришлардан бир оз ортда қолади.

Демак, бозор иқтисодиёти имкониятларини тўлароқ рўёбга чиқариш, иқтисодий ўсишнинг барқарор суръатларини таъминлаш учун таълим-тарбия ва маънавий-маърифий ишларда меҳнатга ижобий муносабатни шакллантириш, ёшлар орасида касб танлашга эътиборни кучайтириш билан бир қаторда меҳнат бозори талабларига мосла-нувчанликни ҳам тарбиялаш лозим.

Халқ таълими соҳасида амалга оширилаётган ислоҳотлар, ўрта-маҳсус ва касб-хунар таълимининг тўлиқ қамраб олиниши, ёшларнинг касб ўрганишлари учун давлат бош ислоҳотчи ва асосий инвестор сифатида кафолатланган имконият яратиши — бу, бир томондан, шакланаётган меҳнат бозори талабларини ҳисобга олиш бўлса, иккинчи томондан, меҳнат бозорига давлат сиёсатининг таъсир кўрсатишидир.

Кадрлар тайёрлашнинг бундай кенг қамровли миллий дастури жаҳоннинг ҳеч бир мамлакатида йўқ. Бу ҳам мустақил тараққиётимизнинг миллий хусусиятларидан ва таркибий унсурларидан биридир.

Ўз иқтидори, қобилияти ва қизиқишини рўёбга чиқариш учун тўғри касб танлаш муаммосини, қайси коллежга бориб ўқиши ёш йигит ва қизнинг ўзи эркин ҳал қиласи. Айниқса, қиз болалар қишлоғидаги ёки унга яқин жойдаги коллежга кириб, ўзларига ёқмаган касбни эгаллашлари, кейин лоқайд, ижтимоий пассивлик ҳолатига тушиб, меҳнат бозорида четга сурилиб қолишлари ҳеч гап эмас. Шу боис ёшлар ўртасида касбга йўналтириш ишларини тубдан яхшилаш керак. Жамият малакали ва ташабbusкор ишчи ва мутахассисларга ҳар бир касб бўйича қанча эҳтиёж тушса, шунча қондириш имкониятига эга бўлиши, бунинг учун меҳнат бозорида рақобат, талаб ва таклиф етарлича ва холисона ўрганилиши лозим. Ижтимоий муҳофазалаш тамойилини нотўғри талқин қилиб, меҳнат бозори, рақобат йўлига сунъий тўсиқ қўйиш мумкин эмас. Бу давлатга ҳам, жамиятга ҳам жуда қимматга тушади. Энг

аввало, катта моддий ресурсларнинг носамарали сарфланишига, боқимандаликнинг узокроқ сақланишига олиб келади, салбий характердаги қўшимча иқтисодий ва ижтимоий муаммоларни келтириб чиқаради. Меҳнат бозори бевосита ишлаб чиқариш технологияси ва касб малакаси ўсишига таъсир кўрсатишини ҳам унутмаслик керак.

Ишлаб чиқариш ва хизмат кўрсатиш маданиятининг юксалиши, сифатининг ошиши фақат иқтисодий рақобаттагина боғлиқ эмас, гарчи иқтисодий рақобат мазкур борада фоят катта роль йўнаса-да. У ишчи ва хизматчининг ўз касбни севиши, ундан фахрланиши, касб этикасига қанчалик амал қилишига ҳам боғлиқ. Қолаверса, жамиятда одамлар ўртасидаги умумий муносабатларнинг қай дараҷада маданийлиги, ўзаро хайриҳоҳлиkkка асосланиши, умумий маънавий-маданий муҳит ишлаб чиқариш ва хизмат кўрсатиш маданиятига бевосита таъсир қилади.

Мустақил Ўзбекистон тараққиётида маънавиятга кенг ўрин ажратилишини тақозо этувчи заруратлардан бири жамиятнинг иқтисодий тафаккурини ислоҳотлар талабига мослаштириш орқали бозор муносабатлари, бозор инфраструктуруни ривожланишини тезлаштиришdir.

Сир эмас, молия-кредит ва банк тизими фаолияти замон талабларидан ҳали бир оз ортда, консалтинг ва лизинг, суғурта ва траст компаниялари, турли-туман шартномалар институтлари тармоғи ҳам энди кенгаймоқда, борларида эса тажриба етишмай турибди. Бунинг сабаблари кўп, шулардан бири жамият иқтисодий тафаккурининг яхши ривожланмагани, иқтисодий зарурат тўла англаб олинмаганлиги, англаб олинганда ҳам ўзибўларчилик муносабатларнинг ижтимоий онгда кучлилиги, бирор ишқал чиқиб қолмасин қабилидаги ҳадиссирашнинг ташаббусни бўғишидир. Бинобарин, янгича дунёқараш, эркин иқтисодий тафаккур ва эркин иқтисодий муносабатлар бизга сув билан ҳаводек зарур. Хўжалик юритиш фаолияти, ишлаб чиқариш, хизмат кўрсатиш, тижорат ва ҳ. к. ҳаммаси фойда олишга қаратилган. Фойда иқтисодиётнинг асосий мақсади, бинобарин, асосий тушунчаси ҳамдир. Унга пировардида рентабеллик, таннарх, даромад каби тушунчалар бўйсунади. Лекин фойда кетидан қувиш азалий ахлоқий муаммони кўндаланг қилиб қўяди: мақсад воситани оқладими? Фойда олишга интилиб, мулкдор ишчи ва хизматчилар меҳнатига ҳақ тўлашида адолат мезонига қандай ва қанчалик риоя қилиши лозим?

Давлат қонун йўли билан меҳнатга ҳақ тўлашнинг умумий ўртача меъёрини белгилайди. Аммо ҳар бир муайян корхонада меҳнат қилиш ва технологик шароит, ишчи ва хизматчиларга яратилган қулайликлар, ички тартиб-интизом, ундаги меҳнатнинг интенсивлиги ҳар хил. Демак, ҳар бир корхонада олинаётган даромадларни, сарфланаётган харажатларни, шу жумладан, ишчи ва хизматчиларнинг жисмонан ва психологик, касбий ва малакавий куч-ғайратининг сарфланишини, иш ўрнидаги мавжуд қулайликларни, ижтимоий суғурталаниш ва ҳимояланишни алоҳида ҳисобга олиб, иш ҳақи тўлаш лозим. Илгари текисчилик шароитида меҳнат қилиб, ҳақ олишга ўрганиб қолган жамият учун бу осон эмас. Бунга на ишга ёлловчи, на ёлланувчи, на ишчи-хизматчиларни ҳимоя қилувчи турли жамоат ташкилотлари, айтайлик, касаба уюшмалари тайёр.

Меҳнатни муносиб баҳолаб, моддий рағбатлантириш ва бу орқали умуман иқтисодиётнинг ривожланишига таъсир кўрсатиш бевосита иқтисодий тафаккурга боғлиқ. Аҳолининг товар ва хизматларни харид эта олиш қобилияти қанчалик юксак бўлса (бу унинг ойлик маоши ва бошқа даромадидан келиб чиқади), жамиятда ишлаб чиқариш ва хизмат кўрсатиш соҳалари шунчалик яхши ривожланади, иқтисодий юксалиш рўй беради. Аксинча, аҳолининг асосий даромади кунини ўтказишга зўрға етса, у ортиқча истеъмол буюмлари харид қилмайди, турли хизматлардан минимал даражада фойдаланади. Бу эса бозорда талаб пасайиб кетишига, ишлаб чиқариш ва хизмат кўрсатиш кенгайиш ўрнига, торайиб қолишига олиб келади. Ишчи ва хизматчиларга кам маош тўлаш дастлаб мулкдор учун (давлат, хусусий шахс, жамоавий мулкдор) фойдали бўлса-да, оқибат натижада зарарлидир. Чунки ишлаб чиқариш, умуман иқтисодиёт ўсмай, ривожланмай қолади. Турғунлик эса эртами-кечми инқирозни келтириб чиқарди. Мана шуни раҳбарлар ҳам, тадбиркорлар ҳам унумасликлари керак. Шу боис ислоҳотлар ўз имкониятларини тўлароқ юзага чиқариши учун меҳнатни муносиб тақдирлашга биринчи даражали эътибор қаратиши шарт. Меҳнатни оптималь рағбатлантириш нафақат иқтисодий ва ҳуқуқий, шунингдек, ахлоқий меъёрлар даражасига кўтарилиши, виждон амрига, адолат ва инсофнинг одатий талабига айланиши лозим.

Лекин меҳнатни моддий рағбатлантириш ўз-ўзидан меҳнат унумдорлиги ўсишини, меҳнатга муносабат ўзгаришини белгиламаслигини юқорида айтган эдик. Моддий рағбат иқтисодий анъанавийлик доирасида ўзининг турмушидан мудом қаноат ҳосил қилиб, эҳтиёжлари юксалмайдиган, камсукумликка ўрганиб қолган кишида ҳатто иш унуми пасайишига олиб келиши мумкин.

Макс Вебер қўйидаги мисолни келтиради: ўрилган 1 морген ($0,25-0,33$ гектарга тенг майдон) учун 1 марка ҳақ оладиган ўроқчи кунига 2,5 морген ўради ва 2,5 марка ҳақ олади. Хўжайнин ҳосилни нобуд қилмай тезроқ йиғиб олиш мақсадида 1 моргенга 1 марка эмас, 1,25 марка ҳақ белгилайди ва унумдорлик 3 моргенгача ўсишига умид қиласди. Лекин анъанавийлик доирасида тарбия топган ўроқчи кўпроқ пул ишлаб қолиш имкониятидан фойдаланиш ўрнига, доимий 2,5 маркалик иш қиласверади: энди 2,5 морген ўрнига 2 морген ўра бошлайди. Анъанавийликка мойил тарбия таъсирида шаклланган меҳнатга муносабат ва турмуш тарзида моддий рағбат биринчи ўринда турмайди. Чунки инсон эҳтиёжлари турғунлик касб этади. Ўроқчи ва унинг рўзгори бир маромда турмуш кеширишга, ўз эҳтиёжларини ўртача топадиган даромадига мослаштиришга ўрганиб қолган. «Келтирилган мисол биз «анъанавийчилик» (традиционализм) деб атайдиган тафаккур тарзининг ифодаси бўлиб хизмат қилиши мумкин»¹ — дейди Вебер.

Юқоридагидан, мантиқан, ўроқчи меҳнат унумдорлигини ошириш учун иш ҳақини бир оз камайтириш керак экан-да, деган холоса келиб чиқадигандек туюлади. Капитализм ўз ривожланиш жараёнида меҳнатни интенсивлаштириш учун кўп усусларни, жумладан, ҳақ тўлашни бир оз пасайтиришни ҳам синааб кўрган. Лекин бундай усул оқибатда самара бермаган, норозиликни келтириб чиқарган.

Вебер фикрича, инсонда ривожланган масъулият туйғуси билан бир қаторда шундай тафаккур тарзи қарор топиши зарурки, унинг учун меҳнат бирдан-бир мутлақ мақсадга, «даъватга» айлансан. «Меҳнатга бундай муносабат эса инсон табиатининг хоссаси эмас, — эътироф этади Вебер. — У бажарилган ишга кўп ёки оз ҳақ тўлашнинг

¹ Вебер М. Избранные произведения. М., «Прогресс», 1990 г., с. 81.

бевосита натижаси сифатида вужудга келмайди; бундай интилиш узоқ давом этган тарбия жараёнининг натижасида вужудга келади¹. Протестант оиласида тарбия топган кишига гўдаклигиданоқ, меҳнат Яратган томонидан сенга ато қилинган иқтидор ва олдингга қўйилган бирдан-бир мақсад, қанча яхши ва ҳалол ишласанг, Яратганга шунча маъкул бўласан, қабилидаги foялар сингдирилган. Католик оиласида меҳнат «даъват» ва «бирдан-бир мақсад», руҳни халос этишда ибодат ўрнини боса оладиган омил мақомига кўтарилимаган. (Немисчада Вегиф сўзи ишлатилган. Рус тилига у «призвание» деб ўгирилган. Аслида Вегиф икки маънони англатади: касб (иқтидор) ва чақириқ (чорлаш, даъват). Дастрраб — сенга Худо томонидан берилган топшириқ, мажбурият ва унинг сенга даъвати — деган мазмунни ҳам англатган. Вебер таъкидлашича, протестантизмдан ташқари диний оқимларда ва динларда бу тушунчага айнан мос тушунча йўқ. Ҳатто шаклан бир хил сўз бўлганда ҳам сал бошқачароқ тушунилади). Протестантизм шароитида тарбия топган, меҳнатга худо томонидан юклатилган мажбурият ва халос бўлиш омили, танлаган касбга эса Худо унга ато этган иқтидор ва қўнгилга солган даъват деб қарайдиган кишида иш унумдорлигини оширишга доимий ички маънавий рағбат бўлган. У моддий рағбат билан қўшилса, жуда катта амалий натижаларга олиб келган.

Демак, бизда ҳам меҳнатга янгича муносабатни шакллантириш учун уни фақат муносиб тақдирлашнинг ўзи етарли эмас, шунингдек, янгича дунёқарашни қарор топтириш лозим. Аммо меҳнатни муносиб тақдирламаслик ҳам хавфли. Ҳалол меҳнат туфайли яхши турмуш кечириш, жамоада иззат-эътиборли бўлиш мумкинлиги тўғрисидаги тарбия жараёнида ҳосил қилган тасаввурлари, умидлари ҳаётда оқланмаган кишининг ишдан кўли совийди, унда аста-секин меҳнатга лоқайдлик, дангасалик шаклланади.

Шу боис тараққиётга интилиш маънавиятга, хусусан, меҳнат тарбиясига жуда катта эътибор беришни ва айни пайтда тарбия ишларини моддий рағбатлантириш билан мустаҳкамланишни тақозо этади.

Тараққиёт модели учун яна бир масала жуда муҳимдир — бу корхона эгасининг (у давлат бўладими, жамоа ёки хусусий шахс бўладими, қатъи назар) ишчи ва хизматчи-

¹ Ўша жойда, 82-6.

лар билан муносабатиadolatга, ижтимоий ҳамкорликка ёки эксплуатацияга, адватга асосланишидир. Айнанadolat масаласи тижоратчи ва харидор, ишлаб чиқарувчи (хизмат кўрсатувчи) ва истеъмолчи муносабатларига ҳам бевосита таалуқли. Корхона эгаси фойда олиш учун инсон-парварлик талабларига унчалик мос келмайдиган, ҳатто очиқчасига зид бўлган воситаларни танлаши, табиатга ҳам зарар етказиши мумкин. Бунга жамиятнинг қай даражада бефарқ қараши ёки унинг фаолиятини чеклаши, тақиқлаши нафақат мавжуд қонунларга, шунингдек, ахлоқ меъёрларига, қарор топган маънавий муҳитга, фуқароларнинг онглилик даражасига, ўз хуқуқини ҳимоя қила олишларига, ижтимоий фаоллигига ҳам боғлиқ. Ўз навбатида ушбу масалаларнинг қандай ечилиши тараққиёт моделининг санарадорлигига таъсир кўрсатади.

Фойда олишга қаратилган умумиқтисодий фаолият, ишлаб чиқариш ва маҳсулотни сотиш билан боғлиқ муайян хатти-ҳаракатлар табиатга, жамиятга, ўзгаларнинг манфатларига, ишига, онгига, қизиқишиларига, умуман турмуш тарзига у ёки бу даражада таъсир қиласи. Масаланинг экологик ва иқтисодий жиҳатлари устида тўхталиб ўтирамайлик. Ҳатто дам олиш, кўча-кўйда сайр қилаётган пайтингизда, газета, журналлар ўқиёттанингизда ёки телекўрсатувларни томоша қилаётган пайтингизда турли товарлар ва хизмат турларининг рекламасига дуч келасиз. Сиз ёқтирган, истаган ахборот билан бир қаторда сизга «қўшимча» тиқишириладиган ахборотдан ҳам «баҳраманд» бўлишга мажбурсиз. Рекламанинг маданий савияси, ахлоқ талабларига мазмунан қанчалик мослиги, уни тарқатиш воситаларининг маъқул ёки номаъқуллиги нафақат юридик, шунингдек, ахлоқий ва эстетик меъёрлар билан ҳам тартибга солинади. Яъни реклама қонунларни бузмасдан, жамиятнинг дидига, ахлоқий талабларига мослашиши шарт. Лекин амалда ахлоқий ва эстетик талаблар доим ҳам ҳисобга олинавермайди.

Фарб мамлакатлари тажрибасидан маълумки, бозор муносабатлари, хўжалик юритувчи субъектларнинг фойда кетидан қувиши аҳолининг кенг қатламларида истеъмолчилик психологиясини ривожлантирумокда. Бунинг учун ҳатто «тажовузкор» реклама орқали одамларнинг онгига таъсир кўрсатилмоқда, дунёқараши қисман бошқарилмоқда. Ҳамма нарса, ҳатто одамларнинг ўзаро таниш-билишчилиги

ҳам истеъмол товарига, маълум бир ҳожатларини чиқариш воситасига айланмоқда. Бу, табиийки, жамият маънавиятига салбий таъсир кўрсатмоқда. Турли-туман реклама ахбороти одамларнинг фаол онгидан мумтоз адабиёт, санъат ва илм-фан берган билимларни онгнинг нофаол қатламига сиқиб чиқармоқда. Француз социологи А. Моль қўйидагиларни эътироф этганди: «Бугун оддий ишчи ақлини «тўлдиришда» унинг метро афишасида ўқигани, радиодан эшитгани, кино ёки телевизорда кўргани, ишга боришида йўлда газетада ўқиб олгани ёки ҳамкаслари ва қўни-кўшниларидан эшитгани кўпроқ роль ўйнайди; мактабдан эса фақат яrimунут бўлган тушунчалар тутуни қолади, холос»¹.

Далил ва мулоҳазаларни жамлаб, Моль шундай хуло-сага келади: «Бизнинг давримизда билимлар асосан таълим тизими орқали эмас, балки оммавий ахборот воситалари орқали шаклланади»². Моль фикрлари бир оз кескин, анча бўрттирилган бўлишига қарамасдан, маълум даражада тўғри, ҳаётдаги мавжуд муайян тенденцияни акс эттиради.

Реклама усулларининг ва истеъмолчилик психологиясининг гарбда «контркультура» — аксилмаданият деб аталмиш ҳодисаларнинг вужудга келишида маълум роли бор. («Аксилмаданият» — инсонга қарши турли зўравонликларни, фаҳшни, қотилликни, кўркув ва даҳшатни, инсоннинг ҳайвоний ҳирсларини, тубанлашишини тараннум этиш, жамиятдаги ахлоқий ва эстетик меъёrlарни инкор қилиш ва ҳ. к.

Аксилмаданият нафақат гарб санъатида, шунингдек, ижтимоий ҳаётнинг бошқа соҳаларида ҳам бальзан кўриниб қолади. Масалан, инсонга ва жамиятга қарши қаратилган «қора жодугарлик», «шайтоний мазҳаблар» каби яширин уюшмалар фаолияти бунга мисолдир. Қисман гарб ёшлирининг жамиятдаги меъёrlарга қарши эътиrozларини ифодаловчи айрим ҳаракатларида XX асрнинг 60-йилларида хиппи, 70—80-йилларида панклар — аксилмаданият унсурлари талайгина.

Аксилмаданият билан ҳақиқий бадиий асар савиясида юксак ишланган ва эзгулик тушунчаларига зид бўлмаган

¹ Моль Абрам. Социодинамика культуры. М., «Прогресс», 1973 й., с. 39.

² Там же, с. 45.

баъзи триллерларни — даҳшатли, қўрқинчли фильмларни чалкаштираслик керак).

Аксилмаданиятни туғдирган асосий сабаб, албатта, реклама ва истеъмолчилик психологияси эмас, балки маънавиятнинг инқирозидир. Аммо рекламанинг баъзи бир «ностандарт қилиқларидан», хусусан, истеъмолчининг эҳтиросини жунбушга келтириб, унга ҳар қандай усул билан, ҳатто мавжуд меъёрларни атайлаб инкор этиб бўлса-да, ташвиқ этаётган ғояни (товарни, хизматни) эслатиб қолиш кабилардан аксилмаданият намуна олган дейиш мумкин.

Аксилмаданият ҳар ҳолда, муайян муаммоларни туғдирса-да, гарб ижтимоий ҳаётида кучли аҳамият касб этгани йўқ, этиши мумкин ҳам эмас. Лекин, аксилмаданиятдан фарқли, оммавий маданиятнинг роли ва ҳозирги замон жамиятидаги ўрни жуда катта, шу жумладан бизда ҳам. Оммавий ахборот воситалари, аудио, видеотехника-нинг ривожланиши оммавий маданиятнинг ривожланишига катта ҳисса қўшмоқда. Узоққа бориб ўтирасдан, қўшиқчилик санъатини мисол келтириш мумкин. Оммавий маданият бир қаноти билан мумтоз маданиятга умумий профессионал савияси ва мазмуни билан яқинлашса, иккичи қаноти билан кўпинча авом дидаға мослашганлиги, саёзлиги ва бадиий савиясининг баъзан унча баланд эмаслиги туфайли аксилмаданиятга жуда яқин бориб қолади. Масалан, гарб рок эстрадасида «қабристон куйлари» жанри бор. Унда саҳнада «мурдаларни» бурдалаш ва шу каби шизофреник қилиқлар намойиш этилади. Ушбу «жанрга» XX асрнинг 70-йилларида бутун жаҳонга машҳур эстрада юлдузларидан бири Элис Купер асос солган эди. .

Оммавий маданиятга оид санъат умуман мазмунан саёз, маҳорат жиҳатидан паст экан, деган хулоса келиб чиқмаслиги керак. Ҳозирги замон оммавий санъатида шундай ижрочилар ўтган ва борки, улар ўз соҳаларининг классикларига айланган (масалаң, Ботир Зокиров). Лекин айнан оммавий маданият ҳодисалари кўп жиҳатлари билан хизмат ва товарнинг ўзига хос турига айланмоқда. Ушбу маънода reklamанинг ўзи ҳам оммавий маданиятнинг бир туридир. Оммавий маданиятнинг кенг кўламда тарқалиши ҳозирги замон ишлаб чиқариши ва истеъмолчилик психологияси ривожланиши билан боғлиқ. Бу ҳозирги замон иқтисодиётининг маънавиятга таъсиридир.

Умуман ҳозирги замоннинг илмий-техника-тараққиёти, ишлаб чиқариши ва иқтисодиёти, ижтимоий ҳаётни ва турмуш тарзини «стандартлаштироқда». Биринчи навбатда урбанизация (шаҳарлар ва уларда яшовчи аҳоли сонининг кўпайиши ва шаҳар турмуш тарзи аҳолининг йилдан-йил кўпроқ қисмини қамраб олиши) жараёни орқали «стандартлаштириш» кучаймоқда. Уй-рўзгор буюмлари ва жиҳозларидан (музлатгич, радио, телевизор, кир ювиш машинаси ва ошхона жиҳозлари, мебель ва ҳ. к.) тортиб, то одамларнинг кийим-кечагигача, эрталаб ишга бориб, кеч ишдан қайтиб, дам олишни кўпроқ телевизор олдида ўтказишгacha дунё миқёсида бирхиллик касб этмоқда. Ишлаб чиқариш жараёни ва технологияси ҳам худди шундай дунё миқёсида бир хиллик касб этмоқда.

Ишлаб чиқариш ва турмушдаги бирхиллик жинсидан, тилидан, динидан, миллатидан қатъи назар одамлар психологиясида ва нарсаларга, ҳодисаларга муносабатида ўхшашликни кўпайтироқда. Бу қисман уларнинг дидига, маънавий эҳтиёжларига ҳам тааллуқли. Шу сабабли замонавий оммавий маданиятнинг баъзи кўринишлари космополитик характерга эга. Уларда миллий ёки минтақавий хусусиятлар, тўла йўқолмаган бўлса-да, кучли аҳамиятга эга эмас.

Шундай қилиб, иқтисодиёт ва маънавиятнинг ўзаро тъсири бевосита ёки билвосита жамият ҳаётининг барча соҳаларида намоён бўлаёттир.

Замонавий ишлаб чиқариш ва бозор муносабатлари умуман мумтоз қадриятларни қайта баҳолаш, уларни технократик қарашлар, меъёрлар, омоллар билан алмаштиришга уринишларни туғдирмоқда.

Фарбда таълим-тарбияни гуманитарлаштириш, инсонпарварлик фояларини жамият онгига қайта сингдириш зарурлиги тўғрисида гапирилаётгани ҳам бежиз эмас.

Шундай қилиб, иқтисодий муносабатларнинг, иқтисодий ҳаётнинг ички инсонпарварлик моҳияти ҳам, ташки ташкилланиш ва намоён бўлиш маданияти ҳам билвосита ва бевосита жамиятда қарор топган маънавиятга боғлиқ.

Ўзбекистон кўпмулкчиликка асосланган иқтисодиётни, бозор муносабатларини ривожлантирап экан, фарб мамлакатлари ижтимоий-иктисодий ва маънавий ҳаётидаги ютуқларни ўрганиш билан бир қаторда кўплаб камчиликларни четлаб ўтиши мақсадга мувофиқ. Шу боис ислоҳотлар жа-

миятни иқтисодий, моддий жиҳатдан ривожлантириш билан бирга инсонни юксалтириш, маънан бой, билимли, дунёқараш кенг, «боқимандаликни ор деб биладиган», ижтимоий мастьул баркамол авлодни тарбиялашни ўз олдига мақсад қилиб қўйган.

Ўзбек маънавий меросига мос меҳнат ва тижоратда ҳалоллик, истеъмолда нафс ва ҳирсни тийиш, ишлаб чиқаришда ижтимоий ҳамкорлик ва адолат тамойиллари таълим-тарбия ишларида ҳисобга олиниши лозим. Аммо нафс ва ҳирсни тийиш инсоннинг соғлом эҳтиёжлари ўсишининг олдини олишга қаратилмаслиги лозим. Соғлом эҳтиёжлар инсон табиатини бойитади, уни жисмонан ва руҳан, маънан такомиллашувига хизмат қиласди. Носоғлом эҳтиёж инсон шахсиятини емиради. Уни буюмнинг, бойликнинг, жигилдоннинг, яъни нафснинг қулига, лаззат ва шаҳват — ҳирснинг тутқунига айлантиради. У машшатпараст, исрофгар киши ёки зиқна, ҳасис, очофат, таъмагир киши бўлиб вояга етиши мумкин. Икки ҳолда ҳам у, иложи топилса, қаллобликдан қайтмайди.

Иқтисодиёт инсон эҳтиёжларидан, инсоннинг ўзидан ташқаридаги ҳодиса эмас. Иқтисодиёт инсон учун, зинҳор инсон иқтисодиёт учун эмас. Шундай экан иқтисодиёт билан боғлиқ ҳар қандай масала бевосита ёки билвосита инсонга бориб тақалади.

Фойда олиш иқтисодиётнинг асосий мақсади, дедик. Фойда ахлоқ нуқтаи назаридан турлича баҳоланиши мумкин: масалан, ҳалол ёки ҳаром топилган фойда қабилида. Ҳалол ёки ҳаром усул билан фойда олишнинг мезонлари нималардан иборат? Улар ўртасида чегара борми? Бу жуда қийин ва оғир масала. Аниқ ва қатъий мезон ҳеч қачон бўлмаган. Маълум бир шароитда маъқул ҳисобланган усул, бошқа шароитда номаъқул ҳисобланниши мумкин. Лекин бир нарса аниқ — сизнинг иқтисодий фаолиятингиздан табиат, жамият, одамлар жисмонан ва руҳан (экологик муаммолар, кишилар соғлигини йўқотиш, қаттиқ эксплуатация сабабли ўзаро бегоналашиш ва худбинлик кучайиши, меҳр-оқибат пасайиши туфайли) зарар кўрмаслиги лозим.

Бу фойда олишни қўл остидаги ишчи ва хизматчиларни эксплуатация қилиш асосида эмас, балки ижтимоий ҳамкорлик асосида қуриш лозимлигини билдиради.

Самарали тараққиётни таъминлаш турли ижтимоий қатламлар, энг аввало, ишга ёлловчилар (мулкдорлар) ва ёл-

ланувчилар ўртасида ижтимоий ҳамкорлик муносабатлари ўрнатилишини тақозо этади.

Ижтимоий ҳамкорлик эса фақат тарғибот-ташвиқот, даъват, насиҳат воситасида вужудга келмайди. У, биринчи галда, иқтисодий манфаатларнинг мос келиши, мулкка шерикчилик қилиш негизида шаклланади. Лекин жамиятдаги ижтимоий мўлжаллар, ахлоқий ва юридик месьёрлар, маънавий муҳит ва одамлар ўртасида шаклланган умумий муносабатлар бу жараёнга таъсир кўрсатмай қолмайди.

Ўзбекистонда ишлаб чиқариш субъектлари (ёлловчилар ва ёлланувчилар) ўртасида ижтимоий ҳамкорликни қарор топтириш мақсадида мулкчиликнинг жамоавий турлари — концернлар, ҳиссадорлик жамиятлари, компаниялар, жамоа корхоналари, ширкатлар ва ш. к. ривожланишига эътибор қаратилмоқда. Корхона акцияларининг тегишли қисми унда ишлайдиган кишиларга сотилмоқда ёки жамоа корхоналари, ширкатларда уларнинг пай улушлари белгиланиб, тегишли юридик тартибда расмийлаштирилмоқда. Бу ислоҳотларнинг ҳақиқатан ижтимоий ҳамкорликка таяниши учун шарт-шароит яратмоқда.

Реал мулкий шериклик билан бирга олиб бориладиган тарбиявий-тарғибий тадбирлар ижтимоий ҳамкорликни шакллантириш ва ривожлантиришда юксак самара беради. Оддий ишчи ва мутахассис ҳам, раҳбар ҳам ўз корхонасининг ихлосманди, содиқ фидокорига айланиши учун обьектив ва субъектив шарт-шароитлар вужудга келади.

Ижтимоий ҳамкорлик нафақат ёлловчи ва ёлланувчи ўртасида, шунингдек мулкнинг турли шакллари, катта ва кичик бизнес ўртасида ҳам у ёки бу кўринишда қарор топиши мумкин ва лозим. Бозор муносабатлари ривожланган мамлакатлар тажрибасидан маълумки, ишлаб чиқарувчилар, тадбиркорлар ўртасидаги ҳамкорлик ўзаро қатъий ишончга, шеригини ҳар қандай шароитда ҳам доғда қолдирмасликка асосланади. Тадбиркорларнинг бир-бирига ёки қўл остида ишлайдиган ходимига, ишчисига берган оғзаки ваъдалари ҳам юридик тасдиқланган шартномадан кам кучга эга эмас. Тадбиркор маҳсулот етказиб берувчи шеригидан белгилаган вақтда келишилган миқдорда хомашё ёки бутловчи қисмларни ёки бошқа зарур маҳсулотларни олишига имони комил. Ўзаро тўловларнинг кечикиши тўғрисида гап бўлиши мумкин эмас. У қўл остидаги хизматчиси

ёки ишчиси берилган топшириқни ўз вақтида ва сифатли бажарилишига ҳам шубҳа қилмайди.

Биз ҳали бунга ўрганишимиз лозим. Биз шартномаларни вақтида бажаришни, ўзаро тўловларни вақтида амалга оширишни ҳали улдалай олмаяпмиз. Баъзан эса шеригини ва ишчисини жиндек алдашни эп кўрадиганларга бармоқ ортидан қараймиз. Чунки мазкур борага оид ҳукуқий ва ахлоқий онгимиз, умуман иқтисодий тафаккуримиз паст. Корхонанинг ва ишбилармоннинг обрўси, ҳалоллиги, ишончли шерик бўла олиши ва ш. к. иқтисодий этика меъёрлари ҳозирча бизда корхона фаолиятига, аҳволига, даромадига таъсир кўрсатувчи омил даражасига кўтарилиган эмас. Чет элларда ишончсиз шерик деган баҳонинг ўзиёқ корхонани синишга олиб келади. Ноҳалол шерик деган баҳо иқтисодий ўлимга ҳукм қилиниш билан баравар. Ҳар ҳолда бундай баҳо олган киши очиқча бизнесда ишлай олмайди. Ҳамкорликнинг турли шаклларини, энг аввало, корхонадаги ички муносабатларни — умумкорхона манфаати йўлида ҳамжиҳатлик билан тиришқоқ меҳнат қилишни, ташқи шериклар билан ҳалол иш юритишни қанчалик тез ўргансак, бозор иқтисодиётининг оёққа туриб, кучга тўлиши шунчалик тезлашади.

Вебер тўғри таъкидлаганидек, ҳар қандай йўл билан бойиш ҳирси, молпарастлик, *auri sacra fames* — олтинга малъун эҳтирос (Вергелий) — барча даврларда ҳам айrim кишиларга хос бўлган. Капитализм, эркин бозор ва эркин рақобат шаклланаётган шароитда уларнинг сони тез кўпайган (бизда ҳам ҳозир шунга ўхшаш жараён кузатилмоқда). Аммо фойда олишга интиладиган капитализм руҳи «мақсад воситани оқлайди» тамойилини қатъян инкор этади, фақат қонуний воситаларни тан олади. Капиталистик корхона шу тамойил асосида курилган.

Вебер фикрича, ҳозирги замон капитализми руҳи шундай тафаккур тарзини англатадики, «унга ўз қасби доирасида қонуний фойда олишга систематик ва оқилона интилиш хос..., бундай тафаккур тарзи капиталистик корхонада ўзининг энг айниятли шаклини топди, капиталистик корхона эса ўз навбатида унда ўзининг энг айниятли маънавий ҳаракатлантирувчи кучини топди»¹.

¹ Вебер М. Ўша асар, 85-б.

Биз янги жамиятни барпо этишда миллий қадриятларимизни умуминсоний қадриятлар билан бойитмоқчи эканмиз, капитализмнинг оқилона жиҳатларини, илгор тамоилиларини ўзлаштиришимиз керак. Бинобарин, биз ҳам ҳар бир ишчи ва тадбиркорда ўз касби, ҳалол меҳнати орқали қонуний фойда олишга интилишни тарбияламоғимиз зарур. Корхоналар фаолияти шундай йўлга қўйилмоғи керакки, у юқорида қайд этилган интилишларнинг тўла рўёбга чиқиши учун етарли шароит яратсин. Бу жамиятда иқтисодий муносабатлар янгича меҳнат этикаси ва маънавий муҳит шаклланиши зарурлигини билдиради.

Ижтимоий ҳамкорлик, иқтисодий шерикчилик ўзаро рақобатни истисно этмайди. Мулк шакллари ўртасида, турли сармоядорлар ва уларнинг корхоналари ўртасида рақобат бўлиши кўпуклади иқтисодиёт шароитида табиий ҳолдир. Бу кўпмулкчиликка асосланган жамиятнинг табиатидан, моҳиятидан келиб чиқади.

Аммо рақобат фақат стихияли чегараланмаган иқтисодий курашни, ишлаб чиқариш анархиясини билдирамайди. Мазкур ҳолат асосан энди шакланаётган, ҳали ноетук капитализм учун хос.

Ижтимоий йўналтирилган, маълум даражада билвосита турли ҳукуқий рафбатлар, солиқ имтиёзлари ёки чеклашлар (прогрессив солик) орқали бошқариладиган бозор шароитида ҳар ҳолда рақобат бошқача кўринишларда юз беради. Ишлаб чиқариш тақсимоти, кооперация ва ихтисослашиш, ўзаро шартномалар ва келишувлар, ички ва ташқи бозорга чиқаётган маҳсулот ҳажми ва баҳосига ишлаб чиқарувчиларнинг ўзаро келишуви асосида таъсир қилишга уринишлар, айрим турдаги маҳсулотларга ҳатто давлатлар ўртасида квота белгиланиши рақобатга анча-мунча янги тус бермоқда. Рақобат қилувчилар муросасиз рақиблардан баъзи бир жиддий масалаларда ҳамкорларга айланмоқдалар. Аммо таъкидлаш жоизки, ҳамкорлик мустақил хўжалик юритувчи корхоналар, тадбиркорлар ўртасида нисбий характерга, рақобат эса узлуксиз, доимий характерга эга. Фақат рақобатнинг қўпол, вульгар шакллардан нозик маданийлашган шаклларига ўтилмоқда.

Ижтимоий ҳамкорликнинг қай даражада самарали бўлиши, рақобатнинг қанчалик цивилизациялашган шаклда кечиши жамиятнинг маънавий маданиятига, унда қарор топ-

ган ахлоқий ва ҳуқуқий меъёларга, иқтисодий муносабатларнинг қай даражада инсонпарварлик қадриятларига мос курилишига боғлиқ.

Бозор иқтисодиёти шароитида рақобат ижтимоий ҳаётнинг барча жабҳаларини қамраб олади. У бир хил касбга эга бўлган оддий ишчилар ва мутахассислар ўртасида ҳам (меҳнат бозорининг талаби ва таклифига мувофиқ), турли касб эгалари орасида ҳам (тармоқлар ўртасидаги рақобатнинг ўзига хос кўриниши), мулкчиликнинг турли шаклларига ва бир хил шаклига эга корхоналар (демак, бевосита уларнинг ишчи ва хизматчилари) ўртасида ҳам мавжуд.

Рақобат иқтисодиёт ривожланишининг муҳим омили манбаи ҳисобланади. У инсоннинг ўзини ҳам ишлаб чиқарувчи куч сифатида такомиллаштиради, билим ва малакасини муттасил оширишга мажбур қиласди. Рақобат иқтисодиётнинг кўп хусусиятларини, шу жумладан баъзи салбий тенденцияларни белгилайди. Баъзан эса йирик ижтимоий муаммоларни ва зиддиятларни туғдириши мумкин.

Булардан асосийлари қуйидагилардан иборат:

— айнан рақобат туфайли иқтисодий муносабатлар гўё-ки инсоний муносабатлардан ажралиб, ўзининг мустақил мақсадларига эга бўлиши кучаяди; бунда гўё инсон иқтисодиётнинг фойда олиш воситасига айланиб қолади, чунки у оддий меҳнат қуроли даражасига туширилади, иқтисодиёт субъекти сифатида ўз шахсий фазилатларининг аксариятидан жудо бўлади, фақат унинг малакаси ва иш унумдорлигигина ўз қимматини тўла йўқотмайди;

— рақобат одамлар ўртасида бегоналашишни доимо озиқлантириб туради, ҳатто ижтимоий ҳамкорлик ахлоқий, маънавий эҳтиёжлар негизида эмас, балки кўпроқ иқтисодий манфаатлар, ўзаро фойдалилик негизида қурилади;

— ишга ёлловчи ва ёлланувчилар ўртасидаги муносабатларда, уларнинг иқтисодий манфаатлари фарқ қилиши туфайли, потенциал тарзда зиддият кучайиши, ижтимоий ихтилофлар келиб чиқиши эҳтимоли доимо мавжуд бўлади.

Шу боис жамиятда рақобатнинг салбий таъсирининг олдини олиш ёки мумкин қадар пасайтириш механизми ишлаб чиқилиши зарур.

Мазкур механизм қуйидагилардан таркиб топади: би-

ринчидан, меҳнатни муҳофаза қилиш ва иқтисодий муносабатларни тартибга солувчи қонунлар, меъёрлар ҳамда давлат томондан белгиланган ижтимоий кафолатлардан; иккинчидан, ишчиларнинг касаба уюшмалари маъмурият билан, кенгроқ миқёсда маҳаллий ҳокимият билан икки томонлама шартномалар тузиши, турли бошқа жамоат ташкилотлари, жамғармалар, инсон ҳуқуқларини, табиятни муҳофаза қилувчи ташкилотлар фаолиятидан; учинчидан, синфлар ва табақалар ўртасидаги юқоридаги икки гурӯҳ омиллар таъсирида ва уларнинг бевосита давоми сифатида ижтимоий ҳамкорлик муносабатларининг қарор топишидан; тўртинчидан, жамиятда хайриҳоҳлик, инсонпарварлик, ҳуқуқий ва ахлоқий меъёрларга ҳурмат муҳитининг вужудга келиши, жамият маданий савиасининг юксалишидан.

Мана шу тўрт гурӯҳ омиллар бозор иқтисодиётида ракобатда потенционал мавжуд зиддиятларга қарши посонги вазифасини ўтовчи механизмни вужудга келтиради. Бу механизм қанчалик тўғри, ички таркибий тузилмаси мутаносиб шаклланса, тараққиёт модели шунчалик самарали ҳаракат қиласи ва жамиятда ижтимоий адолат таъминланади. Бозор рақобатининг ижобий таъсири кучайиб, салбий таъсири камаяди.

Меҳнатни муҳофаза қилувчи қонунлар (меҳнат кодекси) ишга ёлланувчининг манфаатлари ва ҳуқуқларини рўёбга чиқаради. Белгиланган стандарт даражасида меҳнат шароити бўлишини, яъни унинг техник ва санитария-гигиена талабларига тўғри келишини, техника хавфсизлигини, иш ўрнининг квадрат метри, тозалиги, ҳарорати, ёритилиши ва ҳ. к.ни таъминлашга хизмат қиласи. Ишга ёлланиш ва бўшаш тартибларини, иш вақтининг меъёрларини, кафолатларини белгилайди. Бу билан ишга ёлловчининг ёлланувчи устидан ўзбошимчалиги йўлида тўсиқ қўйилади.

Турли даражадаги жамоавий шартномалар тузилиши ҳам меҳнат бозори таклиф ва талаблари шаклланишида стихияликнинг анча олдини олади. Касаба уюшмаларининг ижтимоий муҳофазалаш, тарбиявий фаолияти, ҳар хил жамоат ташкилотларининг айнан шундай фаолиятлари ҳам ёлланувчиларнинг ҳар томонлама ижтимоий муҳофазаланишини кучайтиради, онгини ўстиради, ўз ҳақ-ҳуқуқларини юзага чиқаришига кўмаклашади. Жамоат ташкилот-

лари фаолияти, шунингдек, табиатга ишлаб чиқариш томонидан етказилган зарарни камайтиради (бу муаммо давлат қонунлари орқали ҳам қаттиқ тартибга солинади).

Ёлловчилар ва ёлланувчилар муносабатларининг ижтимоий ҳамкорлик асосида қурилиши жамиятда барқарорлик таъминланишининг, иш ташлашлар, забастовкалар, синфий тўқнашувлар, алғов-далғовларнинг олдини олишнинг, ҳар хил зиддиятларни музокаралар, келишувлар орқали ҳал қилишнинг асосий шартларидан биридир.

Ва, ниҳоят, жамиятда қарор топган маънавий муҳит ҳам бу борада ниҳоятда катта аҳамиятга эга. Агар жамиятда «одам одамга бўридир» деган нақлга ўхшаш меъёрлар кенг тарқалган бўлса, қўшни қўшнини, ҳамкаслар бир-бирини пойласа, одамлар худбин манфаатлари йўлида фақат бир-бирини алдаса, меҳр-оқибат совиб, ўзаро бефарқлик, ҳатто нафрат кучайиб бораверса, ижтимоий табақалар ва синфлар ўртасидаги муносабатлар ҳам ўзаро шубҳа, ички адovатга асосланади. Бундай муҳит шароитида кичкина, арзимас зиддиятлар ҳам бўргиб кетади, жиддий муаммолар туғдиради. У жамиятда вужудга келган таназзул, инқизор пайтлари адovатни юзага чиқариб, амалда барқарорликни бузиб юбориши мумкин.

Аксинча, соғлом ижтимоий муҳит майдада-чуйда зиддиятларнинг авж олишига йўл қўймайди, жиддийроқ зиддиятларни келишувчилик орқали ҳал қилишга жамиятни ундаиди. Синфлар ва табақалар ўртасида ҳамкорлик қарор топиши ва янада мустаҳкамланиши учун қулай ижтимоий-психологик шарт-шароит яратади.

Жамиятда ижтимоий ҳамкорлик ўрнини ижтимоий қарама-қаршилик ва адovат эгалласа, маънавий муҳит но-соғлом бўлса, миллий фоя шаклланмайди ёки унутилади, тараққиёт модели ҳам очиқасига ёки яримяширин иқтисодий ва ижтимоий зўравонликка асосланади.

Маънавий муҳит кенг маънодаги маънавиятнинг таркибий қисмидир. Буни назарда тутсак, маънавиятнинг иқтисодиётга кўрсатадиган таъсирини теранроқ англаб оламиз.

Хулоса қиладиган бўлсак, Ўзбекистондә жамиятни ривожлантиришда маънавиятга катта аҳамият берилиши меҳнат қадрини кўтаришга, унга янгича муносабатни, умумян янгича иқтисодий тафаккурни шакллантиришга, турли табақалар, биринчи навбатда ишга ёлловчилар ва ёлланувчилар ўртасида ижтимоий ҳамкорликни қарор топти-

ришга, инсон эҳтиёжларига йўналтирилган маданий бозорни, янгиликларга очик, қайишқоқ ва динамик, ўзини ўзи тартибга соладиган иқтисодиётни вужудга келтиришга қаратилгандир.

Юқорида билдирилган мулоҳазалардан қуидаги хуласа ва тавсиялар келиб чиқади:

1. Мустақил тараққиёт анъанавий меҳнат тарбиясининг мазмунини замонавий технологияга асосланган, рационал ташкил этилган ишлаб чиқаришга, бозор иқтисодиётига, энг аввало меҳнат бозорига мослаштириб бойитишни тақозо қилмоқда. Оиласа, боғчада, мактабда меҳнат тарбиясининг асослари ўзлаштирилади. Анъанавий тарбиямиз меҳнатсеварлик, ишдаги тартиб-интизом, иш жойини ва асбоб-ускуналарни авайлаб-асраш, озода сақлаш, шеригини кўллаб-кувватлаш каби хислатларни шакллантиришга хизмат қиласи. Эндиликда фақат буларнинг ўзигина етарли эмас. Меҳнатда эришган муваффақиятларга шахс сифатида ўз имкониятларини, иқтидорини юзага чиқарадиган, жамиятдаги моддий ва маънавий мавқеини белгилайдиган омил, деб қарап болага ёшлигиданоқ сингдирилиши мақсадга мувофиқ. Худди шунингдек, меҳнатда энг катта муваффақиятга фақат тўғри танланган ва яхши ўзлаштирилган касб орқали эришиш мумкинлигини, инсон бутун умри давомида касб маҳоратини ўстириши, такомиллаштириб бориш лозимлиги оила, боғча ва мактабдаги меҳнат тарбиясининг марказида турмоги лозим.

Бола касб-хунар колледжига келгунча, унда меҳнат асосий ижтимоий қадрият деган эътиқод ва муайян касбни эгаллашга интилиш аллақачон шаклланган бўлиши лозим. Шунда унинг колледжа ўқиб, касб эгаллаши самаралироқ бўлади.

2. Педагоглар, психологлар, маънавият ва маърифат билан шуғулланувчи бошқа олимлар ва мутахассислар юқоридаги талабларни ҳисобга олиб меҳнат тарбиясининг янги, содда ва теран концепциясини яратишлари, уни оила, боғча, умумтаълим ва касб таълими мактабларига, олий ўқув юртларига етказишлари лозим.

Ҳозирча Кадрлар тайёрлаш миллий дастури бўйича кўпроқ ташкилий-бунёдкорлик ишлари амалга оширилмоқда: академик лицейлар, касб-хунар колледжлари қурилмоқда, уларнинг моддий ўқув базаси мустаҳкамланмоқда, таълим стандартлари ва янги дарсликлар яратилмоқда. Таъ-

лим стандартлари ишлаб чиқарилиши жараёнида ўқишига янги ёндашувлар, услугублар, ўқитишининг илфор технологияси ўз аксини топмоқда. Аммо тарбия борасидаги ишлар миллий дастур талаблари даражасида эмас. Энг аввало **тарбиянинг янги концепцияси ҳали яратилгани йўқ**. Тарбиянинг янги концепциясида миллий ва умуминсоний қадриятлар қандай уйғулаштирилиши, тарбияга оид меросимизнинг қайси жиҳатларини танқидий қайта кўриб чиқишимизни, уларни хорижнинг қайси қадриятлари ҳисобига бойитишимиш ва бизнинг шароитимизга қандай мослаштиришимиз мумкинлиги конкрет акс этиши керак. Тарбия таълимдан ортда қолмаслиги лозим.

Меҳнат жамоаларидаги иқтисодий ва касб ўқувларида бозор иқтисодиёти масалалари билан бир қаторда меҳнатга янгича муносабатни шакллантиришга эътиборни кучайтириш керак. Бундай тарбия ҳар бир корхона ва касбнинг хусусиятини ҳисобга олиб пухта ўйланган, доимий ва систематик равишда амалга ошириладиган услубларни ишлаб чиқиши талаб қиласди.

3. Тараққиёт модели объективиравишда ҳар бир жамоада ҳам, бутун жамиятда ҳам шахс манфаати кўпчилик манфаатига қурбон қилинмаслигидан ютади. Ишчи ва хизматчиларнинг меҳнатини тақдирлашда уларнинг индивидуал қўшган ҳиссаси аниқ ҳисобга олиниши керак. Бу мақсадда барча корхоналар ва ташкилотларда дифференциал ҳақ тўлаш услуги, турли коэффициентларни кўллаш тартиби жорий этилса, ўтмишдан қолгаи текисчилик асоратлари тўла бартараф қилинса, мақсадга мувофиқ бўлади.

Жамиятда шундай объектив шарт-шароит вужудга келиши лозимки, ҳар бир киши ўз касби доирасида қанча ҳалол ва унумли меҳнат қиласа, шунча кўп фойда олиш имкониятига амалда эга бўлиши ва бунга у қаттиқ ишониши зарур. Умуман тарбия, ахлоқ ва ҳуқуқ меъёрлари, ижтимоий амалиёт, турмуш тарзи, иқтисодий муносабатлар — меҳнатни тақдирлаш ва рафбатлантириш, тақсимот, ишлаб чиқаришни ташкил этиш, алмашув ва истеъмол, ижтимоий кафолатлар ва имтиёзлар ҳаммаси шу мақсадга қаратилиши керак. Бу алоҳида индивидни тақдирлашда ҳам ҳисобга олиниши лозим.

Ҳалол меҳнат орқали шахс ўз турмушини яхшилаши, эҳтиёжларини қондириши, табиат берган иқтидорини,

ижодий имкониятларини рўёбга чиқариш мумкинлигини кенг омма онгига етказиш маънавият ва маърифат, тарғибот ва тарбия ишларининг марказида турмоғи лозим. Бу ишга барча ижтимоий институтлар, давлат, нодавлат ташкилотларининг тарбиявий, маърифий-маънавий имкониятларини йўналтириш керак.

4. Бозор иқтисодиёти ишлаб чиқаришни ташкил этишини ва моддий рағбатлантиришни муттасил рационаллаштириб боришни тақозо этади. Совет даврида бу борада иррационал усууллар кўп учар эди. Масалан, давлат томонидан харид нархларини белгилашдаги ўзбошимчалик, баҳоларнинг иқтисодий жиҳатдан асосланмагани (бунинг ўзиёқ иррационализм) натижасида кўпчилик корхоналар, айниқса, қишлоқ хўжалик корхоналари давлатдан қарзга ботиб қолар эди. Давлат вақти-вақти билан уларнинг қарзидан воз кечар эди. Бундай шароитда кўпчилик корхоналарда талон-торожликлар, суистеъмолчилик, маблагни нотўғри сарфлаш вужудга келди. Умуман ишлаб чиқариш тежамкорлик, фойда олишга интилиш ўрнига, кўпроқ сарф-харажат қилишга мойиллик кўрсатди. Шундай қилиб, социалистик иқтисодиёт рентабеллик, фойда олиш каби тушунчаларни, кўпчилик объектив иқтисодий қонунларни инкор этди.

Оқибатда ёмон ишлаётган, талон-торожликка, молиявий ва ишлаб чиқариш ресурсларини нооқилона сарфлашга йўл қўйган корхона ютар, ишни тўғри ташкил қилиб, ўз аравасини ўзи қийинчилик билан тортиб келган, қарздор бўлмаган корхона ютқазар эди. Алоҳида ишлаб чиқариш ҳам, бутун халқ хўжалиги, иқтисодиёт ҳам иррационаллик касб эта бошлади. Фақат рационализмга асосланган ишлаб чиқариш, халқ хўжалиги ва иқтисодий муносабатларгина фан-техника ютуқларига ва ҳар томонлама такомиллашишга ички эҳтиёж сезади.

Корхоналарда иш барча бўғинларда, мамлакатда иқтисодий муносабатлар барча йўналишларда оқилона ташкил қилиниши, умуман рационализмга асосланиши жамият тараққиёти самарали бўлишининг ҳал қилувчи шартларидан биридир. Норентабел технологиясини такомиллаштира олмайдиган, иш унумдорлигини ва маҳсулот сифатини, муттасил ошириш қўлидан келмайдиган корхона касодга учраши тайин. Ишчи ва хизматчилари ноаҳил, корхона-парварликдан йироқ, ўз жамоаси учун қайғурмайдиган кор-

хона ҳам касодга маҳкум. Шу боис рационализм билан бир вақтда корхонапарварлик хислатини шакллантиришга эътибор кучайтирилиши зарур.

5. Мустақил тараққиёт туғдирган яна бир зарурат қуйидагидан иборат: маънавий-маърифий ишлар шундай мақсадга йўналтирилиши керакки, иқтисодий муносабатларда, иқтисодий баҳолар мезонида ахлоқий меъёрлар, меҳнат этикаси корхона ва тадбиркорларнинг ҳам, алоҳида олингган ишчи ва мутахассисларнинг ҳам иқтисодий фаолиятига, иқтисодий тақдирига юридик меъёрларидан кам таъсир кўрсатмайдиган омилга айлансин. Масъулиятсиз, сўзининг устидан чиқмайдиган, шартномани тўлиқ бажармайдиган корхона, тадбиркор ва ишчи келажакда бўлмаслиги лозим. Бунинг учун жамиятда шунга мос дунёқараш, шунга мос маънавий мұхит ва иқтисодий амалиёт қарор топиши зарур. Рақобатнинг иқтисодиётга ижобий таъсирини кучайтириб, салбий таъсирини пасайтирадиган механизм такомиллаштирилиши, ёлловчи ва ёлланувчи ўртасида муносабатлар ижтимоий ҳамкорлик асосида қурилишига жамият мўлжали қаратилиши лозим.

6. Замонавий ишлаб чиқаришнинг муттасил рационаллашиб бориши, илмий-техника тараққиётининг; замонавий технологияларнинг нафақат ишлаб чиқаришни, шунингдек, ижтимоий ва майний турмушни ҳам стандартлаштириши, технократик қарашларнинг кучайиши, оммавий маданият бағрида «аксилмаданият» унсурлари кўпайишининг олдини олиш каби долзарб муаммолар маънавий-маърифий ишларни фаоллаштиришни талаб қилибгина қолмай, таълим жараёнини, айниқса, касбхунар таълими жараёнини инсонпарварлаштиришни тақозо этади.

**МАЊНАВИЙ ЎОКСАЛИШ: МУСТАҚИЛЛИҚДАН
ЭРКИНЛИК САРИ
(Сўнг сўз ўрнида)**

Мустақилликка эришилгандан бўён ўтган ўн бир йилда халқимиз ўзининг олий мақсадини тобора чуқурроқ ва оидинроқ англаб олаётир. Бу миллий истиқол гоясини шакллантириш ва ифодалашнинг такомиллашиб, аниқлашиб бораётганида ҳам ўз аксини топмоқда.

Дастлаб миллий истиқол гоясини Ислом Каримов «Ўзбекистон — келажаги буюк давлат» деган иборада ифодалади. Миллий гоянинг мазкур шаклда ифодаланиши зинҳор Ўзбекистоннинг буюк давлатчиликка, кимлар устидандир ҳукмронликка даъво қилаётганини билдиrmайди. Балки халқимизнинг руҳиятини кўтаришга, унга ўтмишда ота-боболаримиз жаҳон илм-фани ва маданиятига, умуман инсоният тамаддунига муносиб ҳисса қўшганлигини кўрсатиб (мањнавий меросни ва тарихимизнинг яхши ёритилмаган саҳифалари ни тиклаш орқали), унинг онгига ўтмишда буюк ютуқларни кўлга киритган халқ келажакда ҳам бунга қодир деган фикрни сингдиришга ва фаровон, эркин турмушни яратишга сафарбар қилишга қаратилган. Бу гоя халқимизни жипслаштиришга, бирлаштиришга, ўз кучига ишончни мустаҳкамлашга хизмат қилди ва қилмоқда.

Мустақилликни мустаҳкамлаш, яратувчилик ишларини муваффақиятли амалга ошириш учун миллий жипслик, ички осоёйишталик нечоғли зарурлигини ҳисобга олиб, миллий гоя ифодаси янада конкретлаштирилди, янада соддароқ шаклда ифодаланди — «Биздан озод ва обод Ватан қолсин». Миллий истиқол гоясининг мазкур ифода шаклига Ислом Каримов куйидагича мазмун жойлаган: шу азиз Ватан барчамизники, унинг мустақиллигини кўз қорачигидай авайлаб-асраш, ҳар томонлама ривожлантириш, жаҳон ҳамжамиятига тенг ҳуқуқли аъзо бўлиш, келажак авлодга обод Ватан қолдириш лозим.

«Биздан озод ва обод Ватан қолсин» гояси жамият куч-ғайратини олий мақсад сари йўналтириш билан бир қаторда, мустақилликка таҳдид солувчи ички ва ташқи хавфхатарларга қарши фаол курашиш, миллий жипсдикни янада қучайтириш лозимлигига эътиборни қаратди.

Мустақил тараққиётнинг, мамлакатимизда ўtkазилаётган туб ислоҳотларнинг пировард мақсади инсон эканли-

ги аввал бошданоқ эътироф этилди. «Ислоҳотлар ислоҳотлар учун эмас, балки инсон учун» тамойили янги жамият барпо этишнинг, кенг кўламдаги янгиланиш жараёнининг тамал тошига, пойdevорига, айни пайтда асосий мўлжалига айланди.

Инсон тараққиёти, тафаккур эркинлиги, баркамол авлодни тарбиялаш, фарзандларимиз бизга нисбатан ақллироқ, билимдонроқ, кучлироқ, эркинроқ ва баҳтироқ бўлсин, деган фоялар, уларни амалга ошириш юзасидан қилинаётган улкан бунёдкорлик ва ташкилотчилик ишлари Ўзбекистонда барпо этилаётган янги жамиятнинг инсонпарварлик мақсадини яққол кўрсатиб турибди. Тафаккур эркинлиги, уни эски мағкура асоратидан холи қилиш, энг илғор миллий ва умуминсоний қадриятларни ривожлантириш ҳисобига унга ижодкорлик руҳи бағишилаш маънавий-маърифий тарбиянинг энг долзарб муаммоларидан, устувор йўналишларидан бири сифатида белгиланди.

Таълимни ислоҳ қилиш, унинг янги давлат стандартларини яратиш, тарбиянинг асосларини қайта кўриб чиқиши ҳам, жамиятни демократиялаштириш жараёнлари ҳам оқибатда инсон камолоти учун зарур асосларни яратишга қаратилгандир. Ўз навбатида, эркин фикрлайдиган, ижтимоий масъулликни тўғри тушунадиган шахс иқтисодиётни ривожлантиришнинг, жамиятни демократиялаштиришнинг, эркин ва фаровон турмушни қарор топтиришнинг муҳим шарти ва асосий субъектидир. Чунки «ўз мустақил фикрига эга бўлган, ўз кучига, ўзи ташлаган йўлнинг тўғрилигига ишонгай инсон доимо келажакка ишонч билан қарайди», фаолияти самарали бўлади.

Барпо этилаётган янги жамиятнинг инсонпарварлик моҳияти, амалга оширилаётган иқтисодий, ижтимоий, сиёсий ислоҳотларнинг пировард мақсади — инсон эҳтиёжларини қондириш миллий гояда акс этмаслиги мумкин эмас эди. Шу боис Президент Ислом Каримов миллий истиқлол гоясини мужассам ва тўлиқ шаклда **«Озод ва обод Ватанда — эркин ва фаровон яшаш»**, деб ойдинлаштириди ва бойитди. Мазкур иборада энди нафақат мамлакат, жамият манфаатлари, шунингдек, алоҳида инсон манфаат-

¹ Ислом Каримов. Миллий истиқлол мафкураси ҳалқ эътиқоди ва буюк келажакка ишончdir. Т., «Ўзбекистон», 2000 йил. 28—29-б.

лари ҳам акс этган. Бошқача айтганда жамият ва инсон манфаатлари уйғун ҳолда ифодаланған

Шундай қилиб, инсон эркинлиги, тафаккур эркинлиги Ўзбекистоннинг миллий истиқболғоясидан, янги қураёттан жамиятимиз бош мақсадининг моҳиятидан келиб чиқади.

Үтиш даврини қисқача таърифлайдиган бўлсак, уни миллий мустақилликни ҳар томонлама мустаҳкамлаб, том маънодаги эркинликка айлантиришга қаратилган кўп қирорали тараққиёт амалиёти дейиш мумкин.

Мустақиллик — мураккаб, жуда кўп таркибий қисмлар, турли қирралардан иборат тушунча. Умумий тарзда мустақиллик миллат ўз тақдирини ўзи белгилашини, яъни мулкий, иқтисодий, сиёсий, ҳуқуқий ва бошқа ижтимоий муносабатларнинг ўзига маъқул шаклларини ўрнатишни, она тили, маданияти, эътиқоди масалаларини ўз хоҳиширодасига қараб ҳал қилиш имкониятини кўлга киритишни билдиради. «Биз учун мустақиллик ўз эркинлигимизни англашгина эмас, балки аввало ўз ҳаётимизни ўз иродамиз билан ва миллий манфаатларни кўзлаган ҳолда ташкил этиш, ўз келажагимизни ўз кўлимиз билан қуриш ҳуқуқидир»¹, — деганида Ислом Каримов шуларни назарда тутган. Давлатимиз раҳбарининг фикри мустақилликнинг ниҳоятда муҳим жиҳатини, арконий, негизий ва пировард ижтимоий мўлжалини очиб беради. Чунки ҳалқ баъзан фақат қоғозда, расман мустақил бўлиб, ўз тақдирини ўзи белгиламаслиги, маълум бир партиявий гурӯҳ, ҳукумат тепасига келиб, маҳкам ўрнашиб олган бюрократия қўлида тарихий тажриба, ижтимоий эксперимент обьектига айланиши мумкин. Собиқ СССРда сиёсий ва мулкий жиҳатдан расман ҳеч кимга қарам бўлмаган ҳалқ мулкий, иқтисодий, сиёсий, маданий-маънавий, эътиқод масалаларида кўпчилик ҳуқуқлардан маҳрум эди. Унинг ҳаёти максимал даражада давлатлаштирилган ва қаттиқ назоратда кечарди. Тоталитаризмнинг асл маъни-мазмуни ижтимоий ҳаётнинг тўла давлатлашуви ва давлат назоратида кечишидир.

Бошқа бир мисол — хорижий ривожланаётган мамлакатлар. Улар 50-йиллар охири, 60-йиллар бошидаёқ мил-

¹ Ислом Каримов. Ўзбекистон XXI аср бўсағасида: хавфсизликка таҳдид, барқарорлик шартлари ва тараққиёт кафолатлари. Т., «Ўзбекистон», 1997 йил, 299-бет.

лий мустақилликка эришган эдилар. Лекин бу мамлакатларнинг аксариятида ички иқтисодий-ижтимоий ривожланиш, демократия ва инсон ҳуқуқларини таъминлаш кутилгандек бўлмади. ~~Ҳатто уларнинг баъзи бирларида~~ реакцион төвратик тўнтаринлар ёки шунга ўхшаш диний экстремистик урининлар содир этилди, авторитар ва тоталитар режимлар урнатилди. Давлат мустақиллиги бу мамлакатларнинг деярли барчасида ички сиёсий-ижтимоий ва маънавий-маърифий эркинлик даражасига кўтарилилмади. Бу шахс эркинлигига, тафаккур эркинлигига ҳам тааллуқли:

Холбуки, ушбу мамлакатларда қонунчилик меъёрлари асосан гарб мамлакатларини кига ўхшаш. Уларнинг кўпчилик ҳаракатдаги қонунларида инсон ҳуқуқлари ва эркинликларининг анчси эълон қилинган. Қонунчиликда халқаро ҳуқуқ меъёрлари ҳисобга олинган. Аммо жамиятда вужудга келган сиёсий ва маънавий муҳит, бошқарув усуллари, ш.к. бошқа омиллар, аввало кенг аҳолининг чаласаводлиги, қолоқлиги, психологияси, бир томондан ва диний ташкилотлар, диний мағкура кучлилиги, иккинчи томондан, ҳалигача инсон тафаккурига тазиик ўтказиб, унга қаддини ростлаб, эркин ривожланишга имкон бермаётир. Биз янгиланаётган Ўзбекистонда бундай ёки шунга ўхшаш аҳвол вужудга келишига йўл қўя олмаймиз. Шу боис давлатимиз раҳбари такрор ва такрор «тафаккур тазиқдан ҳолос бўлиши», тафаккур эркинлигига эришиш лозимлиги тўғрисида уқтиради.

Юқоридагидан хулоса қилиш мумкинки, миллий мустақиллик ўз-ўзидан демократияни, шахс эркинлигини, амалда инсон ҳуқуқларининг тўла юзага чиқишини таъминламайди. Мустақилликнинг том маънода эркинликка айланиши ижтимоий ҳаётнинг барча соҳаларида — иқтисодиётда, молия-кредит тизимида, давлат ва жамият қурилишида, ҳуқуқ тизимида, маданият, халқ таълими, соғлиқни сақлашда ва шу кабиларда ўтказилаётган ислоҳотларни янада чуқурлаштиришни, кенг институционал ўзгаришларни амалга оширишни, миллатнинг эркин маънавий юксалиши учун ҳамма шарт-шароитларни яратишни тақозо этади.

Ислом Каримовнинг қуйидаги фикри масаланинг қанчалик нозик эканлигини кўрсатади: «Сиёсий эркинликни анча тез ва низоларсиз қўлга киритиш мумкин. Бунга собиқ совет республикаларининг сиёсий суверенитетни қўлга ки-

ритиши мисол бўла олади. Нисбатан тез иқтисодий эркинликка эришиш мумкин. Буни ҳам биз Шарқий Осиёнинг саноати ривожланган мамлакатлари мисолида кўриб турибмиз. Лекин давлатнинг ичидаги сиёсий эркинликларни таъминлаш — пухта ўйлаб, ҳар томонни ҳисобга олиб ёндашишни, одамлар онгида узоқ муддат мослашишини талаб қиласидиган жараёндир»¹.

Қандай шароитда мустақиллик эркинликка айлана бошлиди? Унинг мезонлари нималардан иборат?

Энг аввало жамият ҳар томонлама мутаносиб ривожланиши, ижтимоий ҳаётнинг барча йўналишлари, соҳалари ўртасида мувозанат вужудга келиши лозим. Иқтисодий қолоқ мамлакатда ҳақиқий эркинлик вужудга келмайди. Худди шунингдек, ижтимоий ва маънавий ҳаёти ўта меъёрлаштирилган, ҳукмрон мафкурага бўйсундирилган мамлакатда эркинлик тўғрисида гапириш ортиқча. Ҳуқуқ ва қонунчилик асослари, суд ҳокимияти ва ҳуқуқ идоралари яхши ривожланмаган жамиятларда ҳам замонавий тушунчадаги эркинликни таъминлаш мумкин эмас.

Эркинлик, шунингдек, ирода билан бевосита боғлиқ. Чунки у онгли танлашда ва онгли фаолиятда воқелашибади, юзага чиқади. Шу боис маълум истиснолар билан эркинлик — бу ирода, ирода эса — эркинлик, дейиш мумкин. Ирода етишмайдиган киши мақсадига эришиш учун зарур восита ва усусларни тўплаб, бутун кучи ва ақл-заковатини сафарбар этишга қийналиб қолади. Иродали киши иқтисодий боқиманда; бирорга ижтимоий ва ахлоқий қарам бўлмайди. Иқтисодий-ижтимоий, маънавий боқиманда эса эркин бўлолмайди.

Ижтимоий-иқтисодий тараққиёт, сиёсий ва маънавий-маданий шарт-шароит шундай даражага етиши керакки, инсон учун реал эркин танлаш имкониятлари пайдо бўлсин ва у муттасил ўсиб борсин. Бу нафақат иқтисодий юксалишни, жамият ижтимоий-табақавий таркиби бойиб, ўрта синф кучайишини, ҳақиқий кўп partiya вийлик қарор топишини, шунингдек, ҳақиқий иқтисодий ва сиёсий рақобат юзага келиб, одамларнинг иродаси шунга мослашишини, жамият аъзоларининг маънавий юксалишини, сиёсий маданияти ва ижтимоий масъуллиги ўсишини ҳам тақозо этади. Зоро, ижтимоий масъуллик йўқ жойда ирода

¹ Ислом Каримов. Ўзбекистон XXI аср бўсағасида... 148-бет.

деструктив, стихиялик хусусиятлар ~~касб~~ этади, сиёсий ва маънавий эркинлик пайдо бўлмайди.

Маънавий юксалишни, маънавий эркинликни кўрсатувчи мезонлардан бири — бу фикрлар, қарашлар, таклифлар ранг-баранглиги (плурализм) истисно ёки фавқулодда ҳолат бўлиши эмас, балки жамият ривожланиш йўлларини белгилашда энг мақбул усул ва воситаларни таъминлашнинг одатий амалиётига айланишидир. Шунда фуқароларнинг жамият бошқарувида самарали иштирок этиши (у ёки бу номзодга овоз бериш, сиёсий партиялар, жамоат ташкилотлари, фуқароларнинг ўзини ўзи бошқариш органлари ишида қатнашиш, матбуот орқали фикрини ифодалаш ва ҳ.к. орқали) ҳамда эркин танлаши учун реал имкониятлар вужудга келади.

Эркинлик, сиёсий ҳаёт билан чекланиб қолмасдан, истиқболда кенг маънодаги турмуш тарзининг хусусиятига айланмоғи керак. Бу ахлоқ ва одоб меъёрлари бойишига, эстетик дид ранг-баранг, сержило бўлишига, жамиядда маънавий бағрикенглик ривожланишига, энг асосийси — одамларнинг психологияси, онги ўзгаришига, эркин фикрлаш, ўзгаларнинг сенинг қарашларингдан фарқ қиласидиган қарашларини ҳурмат қилиш қарор топишига хизмат қиласиди.

Нисбатан иқтисодий қолоқ ёки ҳукмрон мафкураси мавжуд мамлакатларда ижтимоий ишлаб чиқариш, майший ҳаёт, ҳатто кийиниш маданияти ва дид ҳам анча-мунча бир хиллик ~~касб~~ этган. Шаклан ва мазмұнан анча қашшоқ. Авторитарлик унсурларига бой (бу ерда кўпроқ анъана ва мафкура авторитаризми намоён бўлади).

Ислом Каримовдан юқорида келтирилган иқтибосда сиёсий эркинликка эришмоқ учун одамлар онги узоқ муддат мослашиши зарурлиги таъкидланган. Бу ниҳоятда тўғри хulosса. Чунки шарқ мамлакатлари халқлари психологияси асрлар давомида ҳокимият тушунчасини амалдор шахсидан ажратиб, холислаштирган, унга тўла мустақил омил сифатида қарамаган.

Ҳокимиятни персонификациялаш (амалдор шахси билан бир бутунликда қараш ва унга амалдорнинг хислатларини кўчириш) қаерда тарқалган бўлса, ўша ерда жамият ва ҳокимият муносабатларининг ўзига ҳослигини, кучли ва занф, ижобий ва салбий томонларини, унда субъективизм ва волюнтаризм, авторитаризм унсурлари кўпроқ

бўлишини билдиради. Асрлар давомида шаклланган анъа-наларга, ижтимоий психологияга ва мафкурага кўра, амалдорнинг объектив хизмат бурчи субъектив — волонтеристик хусусият касб этган. Бу амалдорнинг «истасам — сий-лайман, истасам — жазолайман», «билганим — билган, деганим — деган» қабилида ўзини тутишга, фуқароларнинг бунга кўнишиига мойиллик ҳосил этган. Бундай ҳолат аста-секин амалдорнинг хатти-харакатлари, фаолияти қонун ва турли қоидалар, йўриқнома, низомлардан нисбатан мустақил, муҳторий кечишини белгилаган.

Амалдор баъзан одамгарчилик юзасидан кимларгадир бегараз ёрдам кўрсатган, хайрли ва савоб ишлар қилган (шахсий эътиқоди ва инсонпарварлигидан келиб чиқиб), баъзан эса маълум рағбат эвазига ёрдам кўрсатган. Натижада унинг фаолиятида, хизмат вазифасини ўташида икки хил стандарт шаклланган. Бу жамиятда порахўрлик, коррупция ва амалдорларнинг ахлоқ ва қонунни назар-писанд қилмаслигини ва ўзбошимчалигини туғдирган, ҳокимият идораларининг, бошқарув усусларининг ўта бюрократлашувига сабаб бўлган.

Ҳокимиятини персонификация қилиш ижтимоий психология даражасида фуқароларда амалдорларга нисбатан номукаммаллик туйфуси мажмуи шаклланишига олиб келади. Кимлардадир бу ўзини омадсиз, бахти қаро, шўрпешона, деб ҳисоблаш туйфусини туғдиради. У ўзини ақли, билими, қобилияти, касбий тайёргарлиги жиҳатидан муайян амалдордан кам эмас, ҳатто устун сезиши мумкин. Аммо «Хизир назар солмаса, эшак бозорда даллол ҳам бўла олмайсан» каби мақолларни (амалда ҳалқнинг асрлар давомида тўплаган тажрибасидан келиб чиқиб, қилган хуласасини) эслаб ўзини омадсиз, бахтсиз, яъни маънан номукаммал сезади. Унга аждодларининг бу борада тўплаган тажрибаси ҳам шундан далолат беради.

Кимлардадир номукаммаллик туйфуси ўз кучига ишонмаслик, амалдорни ҳақиқатдан ўзидан устун ҳисоблаш, унга лаганбардорлик, сифиниш, умуман ялтоқилик ва қуллик психологияси кўриннишида намоён бўлиши мумкин.

Ижтимоий идеология даражасида ҳокимиятни персонификация қилиш ҳозирги замон шароитида, биринчидан, демократик институтлар фаолияти такомиллашувига ва фаоллашувига нисбатан аҳолида ижтимоий эҳтиёж ва талаб ўсишини чеклайди. Бу билан демократия ва эркин-

лик юксалишига салбий таъсир кўрсатади. Иккйнчидан, ҳокимиятга нисбатан оммавий онгда мухолиф фикрлар пайдо бўлмаслигини, танқидий руҳ сўнишини, энг даҳшатлиси ихтиёрий цензура — сиёсий қўрқув, ички тақиқ пайдо бўлиб, эркин фикрлайдиган кишиларга, ижодкорларга ишончсизлик жонланишини тақозо этади.

Нафақат ҳокимият, ҳатто ўзини «хушёр ватанпарвар», содик фуқаро деб биладиган баъзи оддий кишилар ҳам эркин фикрловчи шахсларга жамиятнинг ва ўзининг муҳолифи деб қарай бошлайди. Мамлакат ичida сиёсий чақимчилик, имзосиз хатлар ва ҳ.к. авж олади. Биз буни яқин совет ўтмишидан яхши биламиз.

Учинчидан, мадҳиябозликка асосланган шундай сиёсий-маънавий муҳит вужудга келадики, унда доҳийпарастлик, доҳий шахсига сифиниш мафкураси ва амалиёти астасекин қарор топади. Бу ҳақда ҳам совет даври бизга кўп сабоқлар берган. Улардан тўғри хулоса чиқаришимиз керак.

Янги жамиятни барпо этиш, демократик, ҳуқуқий давлатни қарор топтириш, маънавий юксалиш жараёнида биз бундай иллатлардан, уларни озиқлантириб турадиган ижтимоий психологияда сақланиб қолган унсурлардан қутулмоғимиз зарур. Энг аввало ҳокимиятни персонификация қилмасликка кенг оммани ўргатиш лозим. Бунинг учун ҳақиқий демократия қарор топмоғи, ҳуқуқий давлат қурилмоғи керак. Чунки, гарб ва демократия ривожланган бошқа давлатлар тажрибаси кўрсатмоқдаки, фақат қонун устуворлиги, демократия таъминланган инсон қадр-қиммати ўсган жамиятда ҳокимиятни персонификациялашдан аста-секин кутулиш мумкин.

Ўзбекистон Конституциясига биноан, «халқ давлат ҳокимиятининг бирдан-бир манбаидир» (7-модда), айни пайтда «давлат органлари ва мансабдор шахслар жамият ва фуқаролар олдида масъулдирлар» (2-модда). Таълим-тарбия тизимида ҳуқуқий онгни, сиёсий маданиятни ўстириш, қонунларни ўрганиш катта аҳамият касб этади.

Қонун устуворлиги, унинг барчага бирдайлиги ва мажбурийлиги Ўзбекистонда янги жамият барпо этишнинг, янгича дунёқараш ва ижтимоий онгни шакллантиришнинг, инсон Эркинлигини таъминлашнинг асосий арконий таомийларидан бири деб тан олинган. Демократияга, эркинликка интилаётган жамиятда ҳокимиятнинг турли

бўғинлари ўртасидаги муносабатлар ҳам, давлат идоралари ва жамоат ташкилотлари ўртасидаги муносабатлар ҳам, жамият ва шахс ўртасидаги муносабатлар ҳам Конституция ва қонун меъёрлари асосида қурилади. Мана шу таомойилга қатъий амал қилиш, ўз-ўзимизни мазкур тамоийил талабларига мос қайта тарбиялаш орқалигина мустақилликдан эркинлик сари одим ташлаймиз.

Халқимиз ва турли бўғин раҳбарларимиз бирдек қонунга мувофиқ яшашни, ишлашни, фаолият кўрсатишни ўрганишлари лозим. Бу ҳар бир кишидан юксак фуқаровий ва маънавий етукликни, ўз манфаатларини жамият манфаатлари билан муштаракликда кўра олишни ва уйғунлаштира билишни, ўзидағи лоқайдликни енгиб, жамиятдаги ҳар бир ҳодисага фаол ва масъул муносабатда бўлишни талаб қилади.

Миллий истиқбол гоясини ҳар томонлама асослаб, мазмунини очиб берадиган, уни туб ислоҳотларни амалга оширишнинг, янги жамият қуришнинг жорий ва истиқлолдаги вазифалари билан боғлаб ойдинлаштирадиган яхлит илмий-назарий концепцияда Ватан истиқтоли шахс эркинлиги билан мутаносиб, бир-бирини тўлдириб ривожлантирилиши лозимлиги кўзда тутилиши ва бунга таълим-тарбия, тарғибот-ташвиқот жараёни йўналтирилиши керак.

Халқ онгига ҳокимиятни персонификация қилиш астасекин уни объектив идрок этишга, амалдордан ажратишга, аксинча, ўни амалдорга халқ томонидан вақтинчалик бериб қўйилган, деб тушунишга қараб ўзгариши керак.

Ислом Каримов таъбири билан айтганда, вояга етаётган янги авлод иродали, боқимандаликнинг ҳар қандай шаклини ор деб биладиган, мағрур ва билимли, дунёқарashi кенг, ижодий-танқидий руҳга эга бўлиб ўсиши лозим. Шунда ҳақиқий фуқаровий жамият юзага келади, халқ давлат идоралари ва амалдорлар фаолиятини етарлича назорат қила бошлайди ва жамият мустақилликдан том маънодаги эркинлик сари, маънавийлик сари юксалади.

МУНДАРИЖА

I қисм

Ўзликни англаш: миллий ғоя ва маънавият (<i>Сўз боши ўрнида</i>)	3
«Маънавият асослари» фани, унинг предмети, ижтимоий-гуманитар фанлар тизимидағи ўрни	20
«Маънавият» тушунчаси: моҳияти, тузилмаси, ижтимоий вазифалари...	33

II қисм

Маънавиятнинг вужудга келиши	82
Ўзбек халқи маънавияти ривожланишининг тарихий босқичлари ва хусусиятлари	97
Ислом тамаддунининг вужудга келиши ва унинг равнақида аждодларимиз ҳиссаси	135
Амир Темур ва темурийлар даврида маънавий-маданий уйғониш ...	150
Анъанавий жамиятнинг узил-кесил қарор топиши ва маънавий турғунлик	166

III қисм

Маънавият ва демократик ҳуқуқий давлат	184
Маънавият ва иқтисодиёт	195
Маънавий юксалиш: мустақилликдан эркинлик сари (<i>Сўнг сўз ўрнида</i>)	229

Илмий-публицистик нашр

АБДУРАҲИМ ЭРКАЕВ

МИЛЛИЙ ФОЯ ВА МАҶНАВИЯТ

Toшкент «Маънавият» 2002

Муҳаррир *P. Кўчкоров*

Рассом *C. Соин*

Техн. муҳаррир *T. Золотилова*

Мусахҳиҳ *Ш. Илҳомбекова*

Теришга 02.05.2002 й.да берилди. Босишига 10.07.2002 й.да рухсат этилди. Бичими
84×108/32. Таймс гарнитураси. Офсет босма усулида босилди. Шартли б.т. 12,60.
Шартли кр.-отт. 13,02. Нашр т. 13,37. 5000 нусха. Буюртма № К—9214. Нархи шарт-
нома асосида.

«Маънавият» нашриёти. Тошкент, Буюк Турон, 41-үй. Шартнома 05-02.

Ўзбекистон Республикаси Давлат матбуот қўмитасининг ижарадаги Тошкент по-
лиграфия комбинатида чоп этилди. Тошкент, Навоий кўчаси, 30-үй. 2002 й.

Э78

Эркаев, Абдураҳим.

Миллий ғоя ва маънавият. — Т.: «Маънавият»,
2002. — 240 б.

ББК 71.04я7+71.4(5У)я7